

近代中國史料叢刊第五十五輯

沈雲龍主編

山東軍興紀略

張曜編

文海出版社印行

山東軍興紀略凡五十篇總二十二卷

卷之一

羣逆擾亂天下流毒山東而
起於兩廣故以粵匪名篇

粵匪一

粵匪二

粵匪三

卷之二

羣匪毒亂江豫秦楚北犯畿輔山東
時號南捻而起於安徽故以皖匪名篇

皖匪一

皖匪二

東坡全集卷之三

卷之三

皖匪三

皖匪四

卷之四

皖匪五

皖匪六

皖匪七

卷之五

皖匪八

皖匪九

11 / 8079-M

卷之六

皖匪十

皖匪十一

皖匪十二

卷之七

皖匪十三

皖匪十四

卷之八

皖匪十五

皖匪十六

卷之九

皖匪十七

皖匪十八

卷之十

起滅靡定眾無常數而皆土著故以土匪名篇

土匪一

土匪二 長鎗會匪附

卷之十一

土匪三 長鎗會匪 水南匪附

土匪四 長鎗會匪 水套匪附

卷之十二

習教諷經謬相師授起於
兩縣故以邱莘教匪名篇

邱莘教匪一

邱莘教匪二

卷之十三

邱莘教匪三

邱莘教匪四

卷之十四

教匪已降復叛與上事
相屬故以降眾名篇

降眾一

上頁宜... 目錄

降眾二

降眾三

卷之十五

降眾四

降眾五

卷之十六

降眾六

降眾七

卷之十七

結黨煽掠雖與土匪無異而章疏
文牘沿此稱謂故以幅匪名篇

幅匪一

幅匪二

卷之十八

幅匪三

幅匪四

幅匪五

卷之十九

與邱莘教匪同義
故以鄒教名篇

鄒教一

鄒教二

鄒教三

卷之二十

據城叛亂就戮其地故以淄匪名篇

淄川匪一

淄川匪二

卷之二十一

保聚山砦重勞王師故以黃崖名篇

黃崖匪一

卷之二十二

團鍊良法流而為匪故以團匪名篇

團匪一

團匪二

團匪三

山東軍興紀畧

卷一之上

山東自乾隆三十九年兗州奸民王倫以清水教
作亂陷臨清堂邑陽穀前大學士舒文襄赫德侍

衛音濟圖不一月平之至嘉慶十八年有天里教

匪李文成林清之變直犯京邑而山東曹縣定

陶皆破騷動四省前直隸總督那文毅彥成陝甘

總督楊忠武遇春湖南提督楊勤勇芳山東運使

劉清討平之首尾五閱月朝野紀載均已粲然

厥後東省民安耕鑿枹鼓罕聞者幾四十年泊粵
逆倣擾江表淪陷燹火北來又爲山東軍興之始

故此次紀畧始此云

粵匪一

粵匪洪秀全楊秀清之肇亂也。萌孽於道光季年。秀全籍花縣。秀清籍嘉應州。均粵東產。遷粵西潯州府桂平縣。有年三十年。夏六月。合謀起事金田村。著名數巨。愍爲秀全同縣馮雲山。武宣蕭朝貴。桂平韋正。和平石達開。揭陽羅大綱。湖南衡山洪大全等。而貴縣林鳳祥。陸川縣李開芳。皆與焉。秀全等羣賊。由廣西蹂兩楚。下皖吳。陷數百郡縣。汔於龕定。近時粵匪紀畧詳言之。不具述。述其匪酋之擾亂山東者。曰林鳳祥。曰李開芳。曰吉

文元曰黃生才曰會立昌曰陳世保曰許宗揚我

文宗顯皇帝御宇之三年正月秀全秀清等率賊陷九江安慶二月陷江甯遣僞天官正丞相林鳳祥等陷鎮江揚州勢駸駸北犯文宗詔山東巡撫李德曰河

南安徽江蘇接壤山東應早防範德奏言邊賊北竄莫如扼守黃河東省惟曹單兩縣瀕河其餘渡口均隸江豫要使上下游無船可掠必不能越河登陸奉旨

所奏均合機宜已飭陸建瀛楊文定楊以增福濟陸應

穀照辦矣

時建瀛督兩江文定撫江蘇以增督南河福濟督東河應穀撫河南

德由東昌

詣曹州履勘河隄將官私船棧歸併曹縣劉家口單縣

董家口令道員劉慶凱曹中營遊擊劉玉豹分駐曹單
禁私渡捕土匪令前兗州鎮三星保兗州鎮百勝各選
千兵聽調德先駐曹縣時 詔令京員毛鴻賓等回
籍辦團德遂奏請 欽派山東在籍曾任京外官者

上自督撫下至州縣皆責令分督民團均得 旨允

行詳另卷並 詔李德察看在籍辦團之前漕運總督

李湘棻前臺灣鎮總兵呂恆安應否調令幫辦河防德
旋移駐兗州奏言臣周歷三府詳度形勢自南而北應
分扼三路東南爲郟城縣南紅花埠接壤宿遷派遊擊
王鳳祥知縣盧朝安督民團謝慶昇等防守其中路一

爲嶧縣之韓莊閘。一爲嶧縣湖路之陰平。查韓莊瀕臨
運河。一片平疇。漕河以南十餘里。卽江南銅山縣利國
驛。又南七十里。卽黃河。安徽入東。必由此渡河。現在豐
工漫水未消。難以徑涉。派百勝厲憲官防此兩路。檄滕
縣知縣黃良楷帶兵分駐韓莊陰平。其西南路爲曹縣
劉口單縣董口。接壤河南歸德江南豐沛。派三星保劉
慶凱督壽張營遊擊張遇祥駐守。疏入。奉有布置扼要。
辦理甚好之。諭。朝議增兵剿賊。續調山西兵三
千。陝甘兵四千。交山東巡撫調遣。德奏請調回前赴河
南兵三千。請停止續調吉江官兵。再奏言向榮琦善陳

金綬等所帶之兵不為不厚怡良慧成楊殿邦楊以增

又帶兵數千臣現防究沂一帶又有山西陝甘兵七千

固已師徒廣集時向榮佩 欽差大臣關防攻江甯 琦善佩 欽差大臣關防與提督陳

金綬攻揚州怡良督兩江慧成以四臣以為斷不可再

川總督帶兵援揚州殿邦督漕運

有續調勞苦遠方且江南卑溼西北之兵易致疾疫兼

以近來兵騎將儒騷擾特甚困官病民莫不驚駭是戰

守未見有益各處已受累無窮以臣愚見利小害大疏

入溫旨嘉獎而在省之布政司劉源灝按察司英

桂鹽運司司徒照濟東泰道花詠春聯銜拜疏請派京

兵一萬來東防鞫與德奏刺謬有詔申飭四月賊

留偽指揮曾立昌

此當時偽職

踞揚州鳳祥與偽地官正丞

相李開芳率二十一軍由揚北犯軍千人分擾安徽滁

州踞臨淮關陷鳳陽府

欽差帶兵之內閣學士勝

保引軍追之德移軍進駐江南徐州境先勒兵捕勦土

匪民賴以安

詳平定土匪卷

奏言賊在揚州東省祇防一路以

王家營爲急徐州次之今分擾鳳陽東省須防兩路又

以徐州爲急

以上奏詞

既而賊黨僞丞相吉文元等率眾由

江北浦口入安徽滁鳳蒙亳合股鳳祥五月德回軍東

境十七日至滕縣二十六日至曹縣奏言臣前議以清

江浦爲第一路將軍托明阿扼之王家營爲第二路侍

郎奕經扼之。三路之重興集。四路之順河集。五路之宿遷。臣督鎮將分紮。今賊竄懷蒙。則曹單當衝。與前說迥異。已改派三星保及留東之左江道達鏞。引兵防堵。劉口河岸。遊擊王鳳祥引兵四百餘。留宿遷。臣十三日回軍東境。先是。廷議因揚賊逼淮徐。命理藩院尙

書恩華。侍衛托雲保。照引吉林黑龍江勁旅南發。至是恩華督後隊行抵東阿。德因奏留防剿。恩華遂由汶上東平趨兗州。分盛京及直隸官兵赴防。劉口有詔山東防剿事務。著恩華瑞昌李德專辦。而賊已深入豫疆。德因請。敕下帶兵之署四川總督慧成。

侍讀學士晉康由清江浦泇黃南赴汴奏留甘肅遊擊
王定堃引兵防西路曹考交界請將奕經山西兵回扼
王家營杭州將軍瑞昌盛京兵移扼宿遷賊已由
毫入豫之商邱境潛出宋家集僞道馳陷夏邑永城及
歸德府分股由睢州犯開封圍之八日江甯將軍托明
阿貴州提督善祿察哈爾都統西凌阿追賊至汴賊竄
由朱仙鎮中牟鄭州汜水泇河而西德奏言逆匪竄入
汴梁以西中鄭等處撫提諸臣自必合力截擊惟因獸
猶鬪若從中牟上下游盜決河隄逞其水淹之毒謀不
特汴梁成澤國且使南北岸地勢河形同時變易天險

化爲康莊兵民均遭淪沒其患更不可言臣路出濟甯時與東河督臣長臻計慮及此並咨會撫臣陸應穀督臣訥爾經額嚴飭廳營逐段嚴防勿使得遂奸計疏入

上趨之先是四月有 詔命詹事府少詹事王

履謙刑部員外郎邵懿辰馳赴河南與東河總督長臻防黃岸查禁官私船筏故賊不得渡迺繞汜水竄鞏縣之東黃河上流奪煤糧舩渡河北陷溫縣逼懷慶衛輝懷衛北卽彰德東北卽直隸大名可由東明開州入山東濮州境德再請 敕下瑞昌回軍濮州恩華軍由東明進懷衛迭奉 又宗嘉獎有所籌甚妥所見與

朕適合之。諭六月。詔授大學士直隸總督訥

爾經額爲。欽差大臣恩華托明阿幫辦軍務。統領

大河南北官兵。旋並。命勝保幫辦河北軍務。德又

奏請。敕下豫撫查參汜鞏被賊搶渡之地方文武。

檄調兗沂道厲恩官護曹州鎮慶德。接防曹縣。於是調

軍食。遴將弁定策赴援。懷慶專檄蘭山縣青駝寺巡檢

程繩武爲前敵領兵官。率張遇祥勇隊五百先發。知縣

盧朝安與王定莖等率二隊繼之。親督知縣童埏曹中

營遊擊武殿奎遊擊束得鳳等千兵未入姚垺練勇二

百續進。二十二日會師清化。進營懷慶城外原莊。賊分

竄溫密所鄭。狡猖飄忽。奉有李德不分畛域。出境會勦。甚合宜之。

諭會刑科給事中張煒奏言。河南溫縣。陝與山西澤潞等府。祇隔太行一山。太行西連王屋。迤東則山西河南交界。由東而北。則山西直隸交界。今據報圍賊司馬集。惟有聚而殲旃。方保無患。臣愚以爲用兵之道。必先能戰而後能守。乃近年辦軍務者。率以防堵爲言。夫防堵之說。可用之於鄉邑。不可用之於都會。可備之於平時。不可恃之於臨敵。今之不圖會勦。迎勦者。率自分疆界。欲偷安幸免耳。獨不思敢戰尙難。於必勝。徒守豈足以自完。不能往而攻之。乃俟其來而

堵之氣衰智餒不待見賊而知其無能爲矣請 敕

下燕秦晉豫齊五省督撫各率將弁五路圍攻之庶幾

迅掃煙氛勿致滋蔓疏入 詔錄原疏下訥爾經額

舒興阿哈芬陸應穀李德時舒興阿督陝甘哈芬撫山西等四面截擊

勿使竄入大行致成負嵎之勢德乃分兵交河督長臻

扼木蘭店奏言武陟縣木蘭店爲東南要道苦於無兵

可撥故商之長臻並帶原部兵勇扼之疏入報 可於

是德合恩華兩軍營丹河北府城迤北數里爲沁河沁河迤北爲丹河托明

阿勝保善祿西凌阿董占元都統雙祿署河北鎮花里

雅遜布諸軍營沁南賊圍懷益密知府余炳燾知縣裘

山東通志卷一百一十一 粵匪一 經北直隸

寶鏞守禦甚力。而外兵隔不能通。德奏言臣營原莊離清化鎮二十五里。南至丹河口四五里。離賊營六里。花里雅遜布董占元雙祿等在臣營後。分布三營。勢亦聯絡。賊營圍繞懷城。四面林立。大股在城東北。北關臨沁。兩岸均賊壘。沁北至丹河三里許。我兵渡丹攻擊。勢成背水。賊營東西林木縉翳。高粱蘆葦高聳過人。恐有埋伏。故在丹北迎截者。杜賊由清化趨衛輝也。惟臣祇干八百兵勇。欲當七八千逆賊。眾寡既殊。強弱亦異。未便輕舉失機。連日整隊渡河。賊堅匿不出。清化爲糧食聚集之所。若爲賊掠。勢更披猖。仰懇天恩俯准飭諸

軍來豫夾攻。滅賊較易。不宜使有用之兵。置之間散。遂檄調駐守廟工之直隸藩司張集馨。駐守輝縣之長蘆運司楊霈。澤州防堵之總兵郝光甲。引兵來會。初有

旨命向榮由江甯遣鄭陽鎮總兵瞿騰龍將兵赴東。豫勦賊。至是德檄催騰龍趨懷衛。毋庸入東。七月初九日。德與勝保約。勝軍扼府東關之南。德軍扼水北關。爲夾攻計。恩軍扼丹河口。備北竄。德軍分三道進。右路從東北逼賊營。賊槍礮猛密。堅壁不出。我軍燬其木城一隅。斃衣紅賊目二。賊黨六七十。中右兩路同逼木城。殺傷賊數相等。賊氣奪。德自正月出省視師。至今馳二千

餘里患洞洩。晝夜百數十行。不能督戰。十五日。令知府張樸引軍過丹河。合恩華所遣托雲保蘊秀等步騎進西南。林落伏賊百餘。旂矛隱見。騎兵馳下。擊斬數十。步軍亦進。日中逼木城。火器焚賊望樓。摧其大黃旂二。小黃旂十數。守賊勢卻。諸軍乘勢踰溝。毀賊礮臺一。光甲軍由東進。抵水北關。繞向西北。山東軍由北進。太原鎮總兵烏勒欣泰軍由中進。賊深溝三重。兵勇負藁囊土填塹。賊悉力拒。相持三時久。再縱威遠礮轟之。斃衣紅賊十餘。刀矛所殺百數。次日。又分道猛攻。兵勇躍而墮者數十。均負刀矛傷。官軍礮賊營幕。烟焰翻翁守賊不

亂又斃百數。斬女賊一。諸軍悉有斬獲。德病殆。勺水不能治軍。十八日。拜疏回東。所部悉隸勝保。八月初三日。抵濟南。越二日。薨於位。布政司覺羅崇恩奏聞。

文宗震悼。贈總督。加太子少保銜。

賜諡恭毅。

按公名德

字吉人。陝西華陰人。剛稜廉正。敢於任事。由即用知縣。游升順天府尹。旋任藩司。先擢豫撫。薨年六十三。中外歎惜。

崇恩署巡撫事。

旨調兩湖總督張亮基撫山東。

詔崇恩曰。金陵揚州攻圍日久。賊勢窮蹙。難保不奔竄北來。山東交界江豫。並黃河渡口。均關緊要。不得因署任推諉。九月。崇恩奏由東昌詣曹兗周巡交界。江豫邊隘。順道濟甯撫卹。被水災黎。初三日。次莘縣。先

是七月二十八日鳳祥開芳文元諸賊爲托明阿勝保軍所敗懷慶解圍賊引眾欲走而南阻黃流北限太行東懾重兵惟西路黃河太行間有仄徑賊乃潛趨山西連陷垣曲絳曲沃諸縣再陷平陽府入臨汾洪洞勝保軍先至收平陽詔逮問欽差大臣訥爾經額奪關防授勝保督諸軍固山貝子德勒克色楞幫辦軍務八月二十四日詔曰軍律首貴嚴明將士方能用命近覽軍營奏報鎮將備弁畏葸成風縱賊殃民朕實痛恨勝保勇敢有爲朕所深悉著頒給康熙間安親王所進神雀刀如有遷延退縮貽誤軍情者副將

以下先斬以聞賊東竄屯留長子連陷潞城黎城再陷河南涉縣武安犯直隸境屯邯鄲縣北臨洛關連陷沙河任栢鄉隆平諸縣深入廣平順德二府畿疆大震

上命和碩惠親王綿愉爲奉命大將軍科爾沁郡王滿多巴圖魯僧格林沁爲參贊大臣督北路諸軍辦賊而廣順二府壤接山東臨清東昌臨清迤北德州爲入直大道迤南曹州壤接大名於是崇恩折詣臨清防堵飭糧道姚錫華德州城守尉豐紳額募勇合官兵扼德州鳳祥等率眾自初二日始陷趙州欒城藁城晉州深州距德益近僅百數十里十六日崇恩至德奏言烽

火逼近。調到兵勇僅千名。除留臨清外。到者八百餘。合之滿綠各營。祇千二三百。請 敕下勝保分兵南來。勝保方令都統西凌阿。副都統魁福。引騎兵出饒陽河間。分道追賊。咨參贊大臣僧郡王。引兵出趙北口。任邱逆擊。檄河間副將邱聯恩。引兵由劉智廟折回武強。協勦。檄天津鎮道嚴戒備。賊由深州向東南。陷獻縣。入交河。由泊頭渡河而東。旋陷滄州。趨天津。攻不能下。十月。旁陷靜海縣。分踞楊柳青。獨流鎮。相犄角。崇恩奏言。賊勢趨東北。德防稍緩。武定北接天津。二十九日。由省移軍武定。並令文登營都司武殿奎。引兵三百駐陽信。

詔責崇恩將防兵撤向武定。儻匪乘虛竄德，恐難抵禦。卽臨清亦宜分兵防守，以爲聲援。當總籌全局，不可帶兵轉輾紆塗，致有疎虞。是月，亮基履任視事，奏言全省額兵已調出六千餘名，存營之兵不敷分布。臣入東境，見曹南最要之區，祇防兵數百，戰守皆不足恃。賊氛甚近，惟有飭各州縣募壯丁四十，送省由臣訓練，以補兵力之不足，約可得二千餘人。事平遣散，亦易疏入。

允行。亮基遂飭前湖北棗陽縣典史陳韜爲教練官。其灤不合綠營步伐論者頗譁。時賊萬餘擾天津靜海，直軍扼西北，其南則鹽山慶雲二縣，昆連武屬陽信。

海豐樂陵十一月亮基督練軍趨武定再檄州縣催民
勇調營訓練備勦飭歷城之候選知縣金寶符募回勇
四百聊城之何運富荷澤武生何世恩各募勇三百赴
軍前崇恩自請引兵扼鹽慶障賊東竄武定之路亮基
趨之撥官兵千五百臨惠練勇五百有奇參遊以下悉
聽調遣十四日崇恩至鹽營城西北二十里辛店合兩
省民團眾踰四萬聲威甚壯亮基調臬司厲恩官移軍
德州請 敕下瑞昌駐濮州之 盛京兵來德與
恩官連營柘園鎮自請回省料量地方公事有 旨
申飭二十日仍赴德州時勝保奏言賊勢窮思竄請

飭山東巡撫分兵二千搯堵四檔口有 詔山東

兵力不敷已飭都統瑞麟領前鋒營千兵赴汝營聽調
會 上允亮基言令瑞昌引 盛京兵來德勝保

乃累檄調令赴靜海會勦並專疏請之十二月江南揚
州東路營勇潰散賊勢浸盛北路邵伯灣頭防兵單有

詔山東壤接淮徐當嚴密設防張亮基現赴德州
恐未能兼顧南路應如何選將撥兵於山東江南交界
嚴防著迅速籌辦亮基改令恩官引兵趨宿遷扼山湖
要隘令護兗州鎮雙齡引兵扼利國驛其曹單渡口令
護曹州鎮武隆額署濟東泰道李天錫率千兵憑河駐

守奏言臬司駐兵宿遷祇能防揚賊北竄若由安徽北竄則徐州爲重可否調回赴援廬州之江南提督和春駐守疏入不允勝保復檄調崇恩赴靜崇恩奉檄拜疏卽發留千兵飭登中營遊擊雙慶將之始白亮基亮基奏言臣因陽信樂陵海豐距靜海近無險可扼分兵交藩司扼鹽山附近民團聞風興起兩省邊防嚴整武定爲省東大道南至穆陵關東至登萊二府原野曠垠若此處兵分力單人心一搖民團漸散所關匪細勝保靜海環寇之師已逾二萬添此千人攻勦未必遽有大益疏入乃詔亮基曰業已趕到豈能再令折回

詔令亮基派員接統崇恩留鹽兵勇遂令辦團之

藩司王簡赴之次年正月初八夜初九日黎明靜海獨

流踞賊林鳳祥等全股五六千突圍向西由大城縣

府南屬二百九十里白楊橋辛莊分踞東城鎮舒成村小里文莊

管德村諸處距新滄州西北九十里河間府北六十里

冰雪塞塗賊盜多死能行者手足膠冰委棄兵仗僧郡

王軍追擊之斬級千數百營舒城之北善祿營正東崇

恩初十日由靜海唐官屯引軍追至營東南徐村十三

日勝保軍由靜道任邱進至則連營西南旋移北臥佛

堂均甲騎待賊竄動兜擊因賊在東城築木柵踞大小

廣東通志卷一百一十二粵匪一

村落數十。未能深入也。詔下山東巡撫張亮基。河

南巡撫恆春。山西巡撫英桂。防賊闖入。亮基引練軍二千餘。扼景德交界劉智廟。調王簡武定防兵。分赴德平。扼接壤甯津處。至則營劉家集。二十六日。崇營帶勇官朱某率勇擣賊巢。殺百餘賊。而出亡勇二。賊夜襲杜九村。西安副都統雙某營。崇恩出軍救之。賊乘勢奄攻徐村。遊擊王用安。都司武殿奎。奮擊始退。斃黃帽賊目一。餘賊二十。賊日夕出犯。諸軍皆擊勝之。二月。鳳祥等率眾由辛莊出戰。官軍四面蹙之。斬千餘。敗退死守。諸軍乃環束城辛莊五六里外。穿長濠困之。獲諜言。賊圖竄。

臨清而初十日賊偵濠未成果由小里文東南西南出

十一日陷阜城縣河間府南百四十里分踞田水莊塔兒頭三處

相犄角復連築木城諸軍追及之至則先立營壘防爲

所乘於是僧軍營西北勝軍營三里莊之東善軍營東

北雙軍營正東崇軍營三里舖之北皆縱火焚林自十

一至十五無日不戰十七日克塔兒頭城賊出小北門

奔田家莊諸軍蹙之復入賊焰日衰遣黨求救南中初

給符驗內衣裨褊幘及帶屙中說文屨也屙胡瓦切多爲官軍邏

斬繼則授口號摩膏剪髮以相識音別偽爲難民負販

之屬緣道營縣鄉團搜索益嚴操南音者悉不得前繼

口身軍與系全

卷一之十一

十四

乃遣婦穉行乞及瞽譎紉索官軍皆偵知遮留之顧不能無一二達者

山東軍興紀畧

卷一之中

粵匪二

四年二月南賊遣僞夏官正丞相黃生才僞夏官又正丞相曾立昌僞夏官副丞相陳世保僞冬官副丞相許宗揚僞將軍黃益芸僞軍長朱希崐等率十五軍糾皖營潰勇李三關等眾爲前導由鳳懷舒桐蒙亳陷河南永夏北趨江南焚掠蕭碭豐境

欽差帶兵之給事

中袁甲三冒雪追之不及賊屯三縣交界唐李集包家樓規渡豐境張家口黃河北岸銳意援阜距東省單縣治所裁百里餘單令盧朝安飛書告急先與千總解魁

元率勇扼豐單交界而賊千餘十四日至蕭縣西北分屯豐縣下游撤屋材編垣雜竿亂流北渡復築壘關莊。豐縣轄境紅巾帕頭旗幟五色難民自南奔北者百里相屬。朝安回縣城守請兵益急另股匪眾二千餘十五日由豐境蟠龍集北渡又有在豐工二壩渡河至大壩順隄西竄勢趨濟甯知州黃良楷先奉檄督勇防河至是飛書報賊北渡卽應乘城拒守十八日單縣營參將富新令外委葛太平等朝安督民團蕭金鐸等出精勇二千由邊境龍王廟分道逆擊未刻戰賊劉莊斬數十禽六十九日賊陷豐縣繞道北趨朝安督勇目李祥等邀之

豐單交界留駕集。礮斃百餘。禽八十有奇。獲其偽印銅
礮三勝之。曹馬集。賊知單有備。竄金魚兼轄之。馬良集。
虜脅近萬。與捻匪合股深入。分捻抗單縣兵。粵賊大隊
趨金鄉。知縣楊鄭白。江西德興縣拔貢把總何秉綸率民勇擊
之。李家園賊卻。繼則大至。鄭白度不敵。退而城守。二十
一日。賊燔門。嘯譟。四面鑿坎上。城固久壞。遂陷。秉綸與
訓導公載東。典史葉國霖死。城闕。鄭白斫賊負傷。投巖。
宮井死。妻女殉。賊焚掠而出。分股北竄嘉祥。良楷伏勇
獨山擊勝之。禽斬衣黃賊目張春恩等數十。曹令童挺
率勇援單。城武令陳應元率勇扼賊孫孝寺。賊皆未犯。

境遂竄鉅野二十四日陷之知縣朱運昌典史孫駿把
總張永隆教諭辛本棟外委傅君平皆死亮基練軍二
千餘由山路趨濟甯迎勦兵單又新募未敢進戰善祿
引步騎二千五百餘由湖路趨東昌曹州賊由鉅折趨
西北攻鄆城次日陷二十六日賊由鄆分股一出北門
趨梁山壽張縣一路一出東門沿運趨東平之安山而
北二十七日由黑虎廟小白口至壽張南境胡臺廟管
裡村縱火燒燬百餘里漫延東平南境合股趨張秋鎮
管河主簿史榮會壽東主簿韓怡均被執罵賊遇害商
民死踰千人運河東西彌望皆賊漫延聊城之周家店

七級諸處亮檄前陽穀令高振洛率千勇扼豐北禦
後股續渡自引練軍折甯陽山路間道趨湖路東平終
不及賊分練軍千名令遊擊玉山知縣姚景崇未入李
人龍等將之出朝城一路咨會善軍兜擊檄東阿縣飭
武童劉文統東昌練勇馳軍前助剿善祿頓兵東昌陽
穀令文穎漢軍旂人道奉檄視事甫三日土城年久窳
敗不及脩守飛書請救一日五發不報二十八日賊趨
阿城鎮烽火日逼文穎知援兵不至有死而已二十九
日平明賊萬餘由東北來城民四百餘戶無固志翻城
走頃刻成路文穎曰吾責守土死分也胡爲禁民不行

以同死。脫半臂授從者韓隆。持見吾翁作遺念。吾不偷生。羞父母也。賊騎至。文穎縱馬衝陣死之。典史徐鳳階死獄門。教官李文綬死大成殿。三十日。賊趨莘縣。虛無

居人。縱火而出。遂趨冠縣。知縣傅士珍。

雲南昆明人由舉人選武城縣

請冠

典史瞿濬。把總崔福貴。教官顏懷蘭。邢庚。虞等。聞

警。議城守。士珍曰。當先擊之。不勝。始嬰壑守。若援兵來。外內夾擊。賊可盡也。濬掀髯奮曰。如公命。一時勇役吏胥。僮奴皆奮。方部勒給兵仗。三月朔。天未明。賊大至。聲塵合沓。拂埽際天。吏民洶懼。士珍率敢死百數十。出南門。扼市隘擊之。駭斃。旂賊二。賊益猛。回望東城。烟焰起。

從卒傷亡過半。復馳入。被執。擁至廨前。見濬倚獄門。怒目張髯。手刀不釋。心異之。逼眈則血。及自背洞胸。不仆。士珍嘆曰。烈哉瞿君。先我得死所矣。憤嚼舌血。噴賊罵之。賊刳其腹腸以死。妻妾姊女全家被害。幕友王錫藩等。錫藩順天人。潘遵誥濟甯附生。王汝庚紹興人。鄒學鈞劉家驥江西人。王樹人順天人。王壽昌安徽人。秦豐城江蘇人。八人家丁董齡等三十八人皆死。吏民死數千。福貴懷蘭庚虞亦死。賊燔屠竟日。勢趨東昌。府城縮轂。水陸錢帛殷賑。賊所心豔。知府某選輒貪恠。吏民詬詈。幸賊至甘心焉。賴聊城令李肇春賢能得民。辦團脩守。甚力。賊知不可犯。遂趨朝城之張魯集。北竄直隸元城。

大名朝城爲土匪冒賊襲陷

詳土匪卷中

全股粵匪聚大名

之小灘分竄冠縣清水狼窩犯館陶城東唐家隄知縣

陳顯葵把總唐玉輝率勇扼東南嚴陣以待賊不敢逼

趨邊境里官莊犯臨清顯葵等追之斬級數百禽長髮

偽十三軍指揮劉尙山等三百餘賊避兵旋繞行亮基

率練軍追至東阿改道由博平清平出賊前終不及有

旨切責崇恩先由阜城移軍連鎖鄭家口障阜賊

南竄武臨亮基檄崇恩馳臨迎扼檄新選四川石砬同

知高振洛千勇赴臨助剿知州張積功飛書乞援崇恩

軍在靜海東城傷亡塵九百餘馳營城南門外時初二

日未刻也。詰旦，賊眾五六千分東西兩路撲城。參將吉興阿署高唐營遊擊王用安守備，劉奉祥引守城兵二百奮噓夾擊，賊如潮而前，兵單不能敵，死傷枕藉。斂隊登陴憑守，積功與臨清協副將慶順、臨清州同邵連訓、導王化醇、都司希奎、知縣張槃、鹽經歷文熙、縣丞黃汝楫。晨夜儆守，再飛書乞援。亮基練軍初三日至東昌，善祿遇賊距州三十里，焦莊失利，退軍堂邑柳林。奏言：「派魁福騎兵勝賊臨清迤南，賊奔閘口，結棧渡河，又爲官軍所勝。」詔責善祿、魁福不能遏賊北竄，奪職留任。賊於州南里許樹懸濬洫，勝保聞報，由阜統軍自北而

南道劉智廟故城迎勦防北犯惟郡王僧格林沁全軍
留辦阜賊初三四等日賊悉入附城東西南民居穴垣
縱火器宵旦急攻隱南月城外穿隧爲雷初五日卯刻
陷子城外墻及城樓賊蟻附上殿奎麾兵確鬪城得勿
陷先是賊分股在三里莊築木城沿隄密排槍礮阻官
軍渡河之路善祿繞至二十里鋪始架浮梁渡出東北
馳援營五里廟崇恩望其旗引兵出北門聲言接應兵
民遮留幾不得出是日勝保令總兵桂齡等引兵至臨
營西南油坊鎮初七日亮基練軍至臨擊賊王家集互
有殺傷夜令遊擊張遇祥都司王殿元千總韓英奎把

總王元泰外委黑錦城典史陳韜等襲賊黑家莊燔殺大勝初八日進營城東南八里莊調厲恩官由充移軍北來助剿勝保劾亮基黑家莊之戰冒功妄上奉

旨亮基遣戍軍臺於是崇恩卽眞爲巡撫善崇兩軍營城東北石槽鎮賊眾逾四萬分半外向抗諸軍分半攻城益急兵民守者日夜不得番休勢幾陷積功殿奎吉與阿用安希奎等多方守禦礮石鉤撞斃賊無算環城穿內濠多爲坵坎注水灌之崇恩商之勝保增兵入城令遊擊阿克敦布千總馬誥引古北口遵化官兵四百初九日合隊擊賊乘間馳入北門十一日撥川勇四百

續入。兵民傷病。量予更替。勝善兩軍連日戰賊城外。互有負勝。十四日殺賊甚多。焚西北隅賊柵。慮賊敗而北竄也。勝軍抽隊遏西北。善軍崇軍遏東北。勝保崇恩引小隊乘間入城。巡城堞。撫慰吏兵。語積功殿奎等曰。若攻亟。懸燈爲號。啟北門入。援軍十五日。諸軍分道自北向南兜擊賊壘。而南風如狂。揚沙蔽日。夜漏三鼓。風益狂。月色黯慘。竟夕戒備。漏五下。蓋十六日丑刻矣。西南有聲甚厲。熿然燉發。急趨南馳救。阻賊營不得。傅城改趨北門。惟聞巷戰。喊殺聲。號哭聲。大嘯。啟門無應者。蓋賊用地雷陷西南城。擁而上。守者死傷顛墜。吉興阿由

西城馳救。斫殺數十賊。賊不敢逼。先擲火蛋。復長矛攢刺之。以死。殿奎見賊從西來。迎戰。斬百餘。刀折。身被十餘傷。回至南城。遇積功。商派勇役。焚賊粟。火藥曰。毋留以資賊。慶順與本任臨清協副將慶德。臨清營都司徐廣勇。千總馬誥。均負傷至。指心相語同死。遂登城樓。坐火藥籠上。燔之。骸骨胥燼。兵民哭失聲。舉城聞賊入。向城北奔。門塞不能啟。賊大至。希奎墮內壕。骨折。引刀自刎。外軍連噓啟門。賊反登堞。縱火器擊官軍。遂卻。用安苦戰東城。浴血不辨眉目。傷重而殞。阿克東阿被斫墮外城而殞。知縣呂升蕃。學正單爲憲。府經歷文增。縣丞

史積潤巡檢戴應魁吏目戴葆光恩騎尉英德寬帶兵

入城之守備王萬林王國泰及千總把總外委等二十

二人蕭安興哲爾縉田玉王錦堂郝世恩姚信徐源楊

一趙青山鞏廷棟劉廷齡梁松山協同守城之幕友戚

魏明崔秀廷武舉王飛鳳劉雲漢屬吳志本等十七人

舉人次子三郎閻賊圍城志本除室繫繩作五纒埋所

積館金及簪珥論老僕曰爾速去賊退之日以簪珥攜

南給吾女以金購三棺合殮我夫婦兒夫婦獨殮三郎

城破以次就縲僕死於亂兵史積潤字耘泉餘姚人縣

丞以不得除始就幕張刺史延辨軍事日夕督勇往來

市廛三月十五夜月色慘淒登城望之見賊營之近而

圍城也環繞如帶官軍之遠而圍賊也錯落如碁喟然

而歎曰死無日矣是夜聞城崩聲返厲解佩刀授妾曰

我年老氣易絕引繩可也視妾自刎整衣投纒孫仲湘

字竹樵大興人誠樸勤幹賊至旦宵巡城守禦所需先

事辦城陷死楊寶興字韞山直隸人賊至日以監照納靴中曰我死使人知吾大清監生也沈哲字竹亭山陰人習刑法家言城陷與父元吉伯貢材弟鶴亭妻女凡六人自焚門下士董錫桂同死史與善字同甫山陰人與妻嵇妾劉罵賊死宋玉珩字小雲祥符人石鼃字海峯如皋人均死城堞曹廷璋字伴棣安徽人閩門自經任備安字松溪儀徵人借妻女死程鰲字南卿儀徵文生闔門御藥其僕滕九屢遣不去行止依焉死於主側又崔福應字幼雲張刺史女夫與妻弟家丁張喜等十藉生同死張刺史蓋閩門殉難別有傳

五人皆死軍民累萬無姓氏可記勝保崇恩以城陷

聞與善祿皆褫職戴罪自効嚴旨飭勝保崇恩迅

圖收復贖前愆時省城震動崇恩部軍在州城傷亡存

廬百數十續調青州協領久祿騎兵二百德平防兵二百五十統計不足六百不能分兵檄代辦藩司劉源灝

臬司花詠春。運司景霖。濟南府知府陳寬。歷城縣知縣章文津。加意巡守。令同知譚伯筠率勇八百。營省西門市隘。參將張爾均率勇三百。營南門外。辦團之毛鴻賓。李慶翽率勇五百。扼齊河境大清河南岸。令厲恩官所部守東昌。臨賊因糧糗火藥先焚。無所繫戀。官軍又四面促戰。十八日。官軍戰賊。撓賊十九。至二十四日。連戰乃連勝之。賊閉壁不戰。而增壘。旅拒二十五夜。勝保會提督桂明總兵桂齡等。引兵進西北。善祿及侍衛雙禧。引健銳火器營進東南。已革藩司張集馨率練勇。合侍衛恭鈺。遊擊薩爾善。范維清。守備劉承翼等。率通永鎮

兵憑河堵擊。潛令敢死數十。泗水渡河縱火。自督步騎。陳城北漏下四鼓。賊壘伏勇同時擲火。大嘯。諸軍三面。嘯應。風火烈烈。軍聲四合。賊譴。賊分奔波。倫如沸。劇賊觸火惡鬪。諸軍有進無退。奮斫而前。燔斬不可勝算。城賊縱礮助勢。崇恩令久祿雙慶王殿元劉奉祥千總龔龢等分道薄城。黃生才盡出城。賊助戰而羣。捻飽金帛。久懷分竄。甫啟關度濠。鬪然散者千數百。官軍乘勢掩斫。奪門而入。遂克臨清。時二十六日也。生才立昌等分率死黨。追遮潰賊。賊眾反戈。官軍夾擊之。賊大潰。南奔里官莊。德勒克色楞善祿魁福綵洵侍衛克興阿引步

騎追及之蠶姑廟斬級二三千散竄者稱是奏入

詔曰臨清西南緊接大廣東南而北直抵德州距阜甚近僧格林沁應派明慶馬隊防賊北竄勝保等當乘勝窮追崇恩著留辦善後時長髮老賊分保附近民寨諸軍逼圍之分股三百餘趨館陶境蕭城迤東爲陳顯葵率勇奪擊盡殲之二十七日大股走清水鎮眾心益渙日夕逃亡不止賊復立木城勝保後軍追及之老賊劫眾戰官軍輒敗死傷緣道留三日乏食田塍林樾自經自刎投水者在處皆是生才立昌度官軍疲乏又屢勝而驕挑死黨千人攜火毬名曰先鋒礮二十八夜乘風

燔官軍頃刻烟燄塞空官軍不戒而潰立昌謂生才宗
揚世保曰乘勢趨阜城僧營不虞後路之變此轉敗爲
勝事也生才然之宗揚等言眾心欲南趨北行恐多逃
亡我則深入不如南行明旦迅發官軍未能追也爭執
不決二十九日眾拔隊而南立昌生才無如何行近冠
縣鄉團萬餘鉦鼓蹙之勝軍尾至賊惶駭不成列斫殺
千餘立昌責眾違教致敗欲行誅眾譁噪剗又立昌生
才救之立昌自經伏誅賊薙髮四散日夥老賊前截後
殿逼脅狂奔數尙萬餘放兵徒手者十之四四月初二
日平明前隊至冠南三里莊代理令茅篋率勇役邀擊

於十里埠。斬百數十。獲礮。燧槍。械百餘。後股近萬。踵至。勝保督諸軍追之。斬散二千以上。賊酋陳世保。殲焉。漫延觀城迤北。王奉大場。蘇館諸莊。知縣彭垣禦之。李志莊。申刻。竄莘縣境。夕至陽穀境。零股數百。旁逸東南。壽張令彭嘉寅。遊擊馬錫侯。率勇邀之。十五里園。殪其十之四。禽僞檢點僞總制司馬等四十人。初五日。丑刻。至張秋鎮。東阿令何傳興。率民團周光碧。劉鳴勳等。擊賊勝。斬二百有奇。禽百四十有五。斬江廣髮長老賊餘皆。縱遣回籍。日中大股。至東平之義和集。壽章集。知州吳煒。率練勇。展士清等。合民團三戰三勝之。殺獲二百餘。

勝軍又追擊之。土山迤西，斬散千人以上。初六日黎明，由西南向鄆城。勝保諸軍乘夜縱火燔，斬又千賊。饑疲無人形。官軍亦兩日不得食。鄆令王煊率團邀賊，戴老人莊，斬數十。民團斬馘零賊亦數十。賊由距城十八里馳驟而過，分股南奔。馬步賊不及萬。另股三百餘騎擁肩輿，偏東南向東平。吳煒督勇追近汶上，不及而返。賊勢日蹙，惟竄由靳家口南行五六百人爲大股。外此多則百餘，少僅一二十。有匿廢寺廬屋，有伏麥隴林麓。東平民團前後格斃三百餘。禽斬兩廣兩湖安徽老賊百有二十。遣釋江揚淮徐被虜者四十一。汶上令徐順昌

率團截擊前賊於皇甫集。斬偽殿左十五。檢點蔣茂廣等四十餘。禽偽監軍田有富等八。再擊之齊家岡。斬八十餘。禽十有二。是日己刻。前隊大股竄鉅野。代理令郭獻率團搜斬零賊百餘。民團彭兆魁率團圍斫三百餘級。禽偽丞相劉姓等五十有奇。及偽印偽示。方慶關間。勝軍又及之。卽日南竄獨山羊山。夕入金鄉境。代理令胡春華偵賊七八百踞李家莊。部勒勇役。媿隊而前。逆眾致死旅拒。火器斃其數十。賊卻入莊。調附近民團圍之數重。會黃良楷率勇由嘉祥來。合春華奮擊。勇團長驅入。殺傷蔽地。禽百數。餘匪登危樓飛礮擲火。火及春

華裾仰攻兩時久不克積薪燔之焦瘃顛墮與樓並圮
全股盡殪春華又督民團胡從龍李錫瑾等邀賊葛村
集化雨集菜園莊李家樓石佛坊諸處往來縱擊斬馘
三百餘禽偽檢點司馬旅帥師帥總制指揮等七十一
凡授職悍賊悉訊斬之刀仗旂纛偽印無算魚臺縣壤
接金鄉知縣李琛率兵圍禦賊陳家集殲百餘禽偽秋
官副丞相及拯危虎使左陸典油鹽右陸後營師帥金
正金玖庚五監軍天朝正典入聖糧等偽官三百有奇
初七日前股千餘入江南豐縣境後隊分裂數股擾單
之北邊盧朝安先率勇扼之城東南安駕莊分千人逆

擊於三十里堡。分千人禦之。曹馬集各鄉民團斬級數百。禽僞將軍旅帥先鋒等二百十四。僞印旂燾衣裙盜甲馬贏分解勝德軍充賞。初八日北境民團李方秀等擊賊金鄉宗家營。徐廟殲僞金參正將軍左玳軍師帥等四百有奇。徐廟一敗。踞莊死關。良楷復率勇從金鄉來合隊圍剿。火攻盡殲之。朝安春華功並最。皆荷奏獎。另股黃旂紅巾五六百賊。爲徐順昌率團三擊之。孟關集禽僞土官將軍程士保等。遂竄嘉祥。距城十八里楊家樓。知縣蔡德沛率團邀擊之。煙火山斬十數。禽僞司馬總制等五十餘。餘向羊山南去。是夕疾馳再陷豐縣。

閉關拒官軍。勝保率步騎晝夜窮追，斬散踰萬。至城下，攻其東北。檄朝安率勇二千餘赴豐，攻其西。緣牆突梯，百道俱上。賊守具未備，又聞德勒克色楞後軍抵單，至將合圍。初九夜，全股三千餘啟關分竄，先向西南，折而東南。徒手者十而五，跪道乞命者纍纍。准悍酋死黨挾兵狂進，勝軍德軍善軍三路躡擊。初十日，追之豐北，決口化山河干。及蟠龍集一帶，全數殄之。徐州鎮百勝自九堡引兵馳豐南堵擊。前漕運總督李湘棻自郝家集引軍來會。凡鳧水南渡之賊，擊溺畧盡。匪酋許宗揚、黃益芸、朱希琨等皆沈誅，奏入。勝保賞太子少保銜。

善祿崇恩等有差黃生才隻身行乞觀城境彭垣率民團獲之孔家集解崇營馬斬

山東軍興紀畧

卷一之下

粵匪三

北路阜賊始聞援賊，勦敗南奔。先於四月初六夜半向東南填濠，乘風縱火，犯營總培成汛段。風火庵烈，勢將潰圍。官軍奮擊之，退屯壕外。逸出騎賊三百餘，向西南棗強一路。將軍瑞昌都統慶，騎兵追之。又分股向東南鄭家口、武城一路。僧營再分兵追之。城賊知圍，師追賊竄益力。初十夜五鼓，全股數千，致死奔吳橋境。僧軍遮擊血戰，多所殺獲。而前隊竄東西連鎮，分踞竈戶陳莊等八處。凶燄再張，跨運河爲浮梁。晝夜濬壕樹懸，僧

郡王全軍爲後賊所綴。戰之阜南七里。自晨迄夕。未斂。隊先撥培成等步騎四千追之。於是山東邊備益亟。東南可由鹽慶趨武定。正南則德平當賊衝。其西可由故城鄭家口入武臨。西南則德州爲尤近。距連鎮不足百里。十一日。崇恩留久祿玉秀恭鈺臨清協副將雙慶臨清營都司王殿元代理知州董步雲率步騎兵勇千二百餘守臨。自督玉山引步騎五百扼德州駙馬營。令署登萊青道張鳳池參將定順率兵千一百有奇扼吳德。亥界柘園鎮。檄厲恩官引原部千兵回扼德平。檄分防鄭家口縣丞閔松燾鄭家口遊擊袁敬督民團扞禦西。

路十三日。僧郡王軍追賊至連鎮河東。連營東北。賊日出數百騎。冒官軍旗幟。掠糧連鎮東南。掘鎮北運河。引水爲濠。德勒克色楞等諸軍先後至。瑞昌軍擊賊運西。小勝。諸軍未能合圍。賊眾百十爲羣。奔軼東北。東南分軍追之。則勢單。全軍追之。則踞賊未盡發。而東有僂道。可犯。恩縣高唐。匪騎往復窺伺。兩州縣告急。僧郡王日督兵勇穿蚰蜒壕。因賊周遭三四十里。工費甚難。而賊踞之竈戶陳莊。斜長曳尾壕外。賊出入自由。恆夜襲官軍。軍中晝則胼胝畚揭。夜復戒備站隊。億甚。王令嚴。且躬自巡徼。莫敢違者。十九夜。出賊多且猛。火及王帳。諸

軍力擊始卻。二十二日勝保南行。諸軍回至連鎮。撥川勇二千扼舊恩縣。自引全軍營鎮東南。諸營進壓賊壘。近者五六里。濠工竟。僧郡王撥勁旅專扼竈戶陳莊。餘軍環濠守之。賊屢由陳莊擁出。皆傷斬而卻。諸營分築礮臺。緝置五六千觔巨礮轟之。賊巢火光煜煜。輒落輒起。礮聲連宵旦。百里緞縠。賊圖竄甚亟。夜輒負糞塞濠。四面出。分官軍力。自二十三日始。至三十。靡日不然。傷斬累千。五月初二日。五鼓。全隊吶喊踰濠。分兩股行。步賊五六千沿河而西。李開芳率馬賊二三千沿河而東。向大吳莊以北。折向東南去。林鳳祥擁眾未發。勝軍德

軍追河之東。僧郡王分軍追河之西。辰刻。勢趨甯津。至許旺村。折而南。趨吳橋西南。僧郡王全軍仍留。辨連鎮。踞賊薄暮。竄德州。距城十二里。崇恩駢馬營柘園鎮。兩軍合。民團列陳不動。備後股。先令久祿騎兵遮其西南。定順文英引單勇伏恩縣。賊折奔東南。是日辰刻。由平原曲陸店渡河。復向西南。午刻。陷恩縣。焚殺疾馳。兼理令朱瑞果在夏津。未及於難。有

詔責問定順文英

何以未見要擊。崇恩疏解得免。初。高唐州知州魏文翰。河南鄭州人。道授兵籌守禦。城久圯。民無固志。徙者旁。光乙未。進上。午。文翰風號威嚴。不之禁。或問之。文翰泣曰。予初聞北

方有警。上言臺司修城。不得請。諭勸百姓修城。不應。方謂大軍數萬。圍賊數重。可苟全也。今賊逼。我不能先事謀。罪當死。忍刑迫勢。禁令數十萬生靈。成吾一日名。終歸屠滅乎。金鄉陽穀冠縣。壞城無援。弗論已。不見臨清。堅城死守。援兵數萬。壁城外。矐目側耳。望烽煙。而聽號哭乎。吾甯獨死以謝。國家勿求生以害百姓也。聞者感泣。始猶閉關。繼而四垂。城缺成路。舉州襁負。橐駝以行。不存尺布斗粟。文翰曰。賊卽入。亦難久踞也。發廩粟。貸貧民。斬獄囚。臯當殊死者。餘悉縱遣。日朝服洞開。四門待賊。是日申刻。賊前隊距城一里而止。城闕寂廡。不

敢入遣騎覘虛實。往反數十輩。翼日日中。大股馳入。文翰聞人聲。礮火聲。從容朝服赴井死。民無一人遇害者。明年三月。州城復。居民數萬。哀號井側。累月不絕。水澄澈。見底。爭入。舉文翰屍。尚端坐。出之。面如生。以闌楯飾井。立廟祀之。曰魏公井。噫。視不設備而違其難者遠矣。節錄澹菴文存。子嘗至鄆城。君舊治也。士民述君治盜狀。可謂勇矣。高唐賊至。則縱民避寇。何其仁也。議者或非之。噫。城亡而君死矣。君死而民生矣。可輕議哉。可輕議賊無所得食。忿甚。火官民屋廬。勝軍卽夕馳至。崇恩聞報。留玉山率德州兵五百扼駙馬營。次日移軍高唐。會勦賊酋李開芳。見官軍四合。撲火撤屋材繕城。爲守禦。於是正南之荏平。西南之德平。日夕告急。獲諜亦言賊乏糧。將南奔。勝保令台祿引吉林騎兵四百赴荏平。

崇恩令侍衛郝明衢率步勇三百會之。檄清平令崔燦率勇四百，扼城東北隘。檄兗州守岳齡率勇三百，設伏南路東阿之銅城驛夾溝。檄東昌營參將飭把總孔廣苞率練勇四百，扼博平之韓官屯。檄定順分單勇三百，交守備趙鵬飛扼長清之潘店。調黃良楷率所部練勇分布陽穀壽張沿運之張秋戴廟，遮賊南行。而高唐間道入省，塵百六十里。孔道必出齊河。於是王簡毛鴻賓與知縣李金聲把總李英分率團練扼城西五里鋪，爲三壘。譚伯筠率勇五百移扼大清河渡口。勝保回軍壁城下，追賊往反三千里，不無疲勞。先築壘自固，賊輒夜

出襲官軍。潛隊赴近鄉掠食。如是旬日夜。勝保檄德勒克色楞善祿等後軍由南而北者。戒備高唐。賊出夾擊。南軍行則列隊。止則結營立柵。日迤邐行三數十里。踞賊終不南奔。勝保崇恩商伺賊夜出。潛師襲城。邏賊輒覺。不得薄。崇軍攻賊屢挫。壽張營馬家汛外委葛太平。青州營外委張起盛。臨朐汛把總劉興武。先後戰歿。六月初旬。後軍先後至。環城列營。議穿長濠。日集民夫近萬。畚插如雲。賊乘間衝突。民夫多傷亡。會暑雨。上淋下潦。濠牆輒壞。三十日有。詔以僧格林沁奏言。環阜築隄困賊。運河水漲。隄決。恐賊南奔。官軍限於泥淖。追

逐難請 敕山東巡撫嚴防武定德平 詔下崇

恩籌度應否親往武定抑派勇防守勝保崇恩合詞奏
言武定東北切近連鎮臣崇恩必須親往布置兼之省
垣防務自李德張亮基出省督勦年餘崇恩授任離省
亦將一載擬便道由省赴武定於是崇恩挑留兵勇千
一百有奇飭留營之兗州守葉圭書及定順玉山將之
隨軍攻勦自督遊擊哲克敦都司緒綸引標兵滿兵三
百有奇七月初三日赴省 詔責崇恩避難就易不
准逗留省城遂於十一日至武定察樂陵最近連鎮令
典史葉壽海整勅團練所帶弁勇留守府城慮賊合股

高唐。必道曲陸店。檄姚錫華抽勇二百。扼德州平原連界曹莊。檄恩官撥勇數十。在曲陸沿黃巡邏。馳報奏入。殊拂。文宗意有。詔不得僕僕道路。空有履勘之名。於督勦籌防。兩無裨益。崇恩奏以霖雨兼旬。泥潦載道。不能卽赴高唐爲解。二旬餘始反。高唐賊出掠如故。二十七日。勝保督軍攻城西北。火箭焚賊帳。礮摧其望樓。德勒克色楞攻南城。抵城下。縱火燒城樓。良久不得入。始罷。勝保奏請增兵合圍。奉旨嚴責玩寇。仍發天津直隸兵。及東三省騎兵益之。移營渡內濠環守。再於附城益穿重濠。賊始不得出。諸軍多築礮臺。曉夜

轟擊時已八月下旬獲謀言城賊惶急圖竄城居爲礮

火燔摧無一完屋賊會蟄處盜戶

盜眉
永切

食垂盡日宰羸

馬雜豆藟食之官軍度賊刻期可盡勝保奏言急攻多傷士卒城賊不足千人重圍飛走不通可無他慮乃賊致死衝突濟勇勝勇吉江騎兵殺傷數十百朝右頗聞之十月十五夜賊潛隊突入玉秀營傷亡兵勇三百餘失礮械無算奏聞褫玉秀職詔責勝保辦賊無功勝保方獲謀言南賊續來北援乃製檄牌衝鞠急攻之爲書射城中有翻城降者先後數百編爲知方營報恩營令降賊陶天韋韓文奎等執招降旂爲前隊誅守賊

斬獻李開芳頭者賞二千金。開芳防衛益密，排刀擁駐，遮迺出入。夜輒窺處，而勝保自前此追賊山西，滅賊豐縣，功高無右之者，故在軍意氣甚逸。擊牛醞酒，絲竹徹旦。賊陽爲奔突，日出銳賊，黜官軍。官軍火器擊之，輒走。潛由城東南穿隧達重濠外。夜隧出數十人，邏者覺之，狂嗥而鬪。大軍撥隊馳救，盡殪之。後者塞隧，莫知其處。復出賊燔官軍芻糧，環營數十里外。夜火輒起，鈔盜軍中繫畜，截殺轉餉軍士，多方警備不可止。訊降賊言，穿隧甚多，遠出六七里外。勝保大驚，商崇恩檄地方官督團環營五里內外巡守。官軍曉夜恐動，城賊夜復啟關。

鼓譟。隧賊背出相呼。答勢如夾攻。官軍憑濠內外向縱。槍礮以自守。勝保乃於內濠每數十武穿井導河水入濠。絕賊隧。檄州縣進煤工。伏營穿隧過濠。抵城根為地雷。賊穴居服聽。多得其處。殺傷數四。雷不成。而勝保自夏徂冬。奏報擊賊斬獲之數。倍蓰初奏。詔問外無

援賊。何以城賊寢多。勝保不能答。褫職。拔孔雀翎。無何天時漸寒。濠井冰合。賊復由隧出。官軍備遠賊。時由內濠出。官軍備近賊。時由外濠之外出。勝保忿類多。怒曉夜督攻。多所朕戮。唐闌切以矢貫耳曰朕迨五年正月。高唐孤城卒不拔。會正月十九日。僧郡王督都統西凌阿瑞麟總

兵經文岱。伊勒東阿。珠勒亨。達崇阿。慶祺。綿洵。穆隆阿。
巴揚阿。瑞昌。玉明。雙成。蔭炳阿等。克東西連鎮。禽斬鳳。
祥。畿輔。肅清。僧格林沁。進爵博多勒噶台。亦作博托親
王育。旨令移師赴高唐。密詔曰。勝保勦辦高

唐。蹻匪。遷延觀望。日久無功。數百餘匪。稽誅已久。糜餉
勞師。厥罪甚重。著僧格林沁傳旨拿問。解京治罪。德勒
克色楞在勝保軍營。未能迅速。歲功亦難辭咎。姑念勝
保總統全軍。從寬免議。仍著幫辦僧格林沁軍務。僧親
王軍至高唐。蹻匪知連鎮已平。勢孤援絕。二十九夜。開
芳率死黨三百數十。出南門。填塹奪路狂奔。官軍不能

禦西凌阿等追之五十里至荏平距城十八里馮官屯賊見糧糗充牣堡砦完牢追軍將及遂踞守之崇恩令玉山文英都司信長慶緒綸率奮勇五百隨王軍追勦自引全軍入高唐城搜斬餘孽賊先在州廨及附城爲三地雷至是轟發公私廬舍一望靡曠崇恩勒兵撲餘火招徠流亡三日而畢引軍馳詣馮官屯會勦於是僧王德勒克色楞西凌阿分督步騎四面築壘穿濠困之各營高築礮台宵旦轟擊賊會仍如高唐壞居以避礮火自二月至四月擊斃無算賊困守益力僧王商之崇恩大清河黃水漸漲飭各州縣派民夫環馮官屯爲渠

場數十引水。地壅充溢而城之。賊巢水深三四尺。糧糗火藥皆沒。賊酋登樓待斃。十三日。僞先鋒黃大漢率眾三百數十。梟水出降。訊釋荏高難民二百有奇。斬兩廣江楚劇賊大漢等百四十有二。十四十五等日。官軍梟水泅渡者。四路並進。開芳與僞總制僞將軍黃懿端謝金聲李添佑譚有桂韋應傳曹得相劉志濬等。逆黨百餘。皆禽斬。惟開芳檻獻京師磔之。僧格林沁以親王世襲罔替。兄二品頂戴。台吉朗布林沁爲輔國公。弟四等台吉崇格林沁。賞二品頂戴孔雀翎。德勒克色楞貝勒銜。西凌阿三等男爵。崇恩前得處分。悉予寬免。詔

僧格林沁入 覲旋 命西凌阿爲 欽差大

臣統全軍赴湖北北路粵匪全股蕩平

山東軍興紀畧

卷二之上

皖匪一

嗟乎生民之受旤烈矣盜賊之變態奇矣間嘗博觀載籍考之往古盜賊之發或困於飢寒或迫於征歛畏死幸生鋌險嘯聚少者數百多者累千負固山梁谿壑之間標掠數十里而已其甚者如前明流寇眾常數萬非一鄉一邑之人處無定巢畢歲狂奔無所留戀加以天災歲歉千里蒿蓬擇地焚屠苟延喘息并無室廬孳賄之樂也今之皖匪不然起於皖北潁壽蒙亳之間有廬旅有妻孥不飢寒而抗征稅國家因用兵粵匪撻伐

稍稽遂乃子弟父兄相率爲盜。私立名號曰堂主。曰先鋒。或數百人爲一捻。數千人爲一捻。故當時號曰捻匪。恆於春秋二時。援旗麾眾。焚掠自近及遠。負載而歸。飽食歌嘯。糧盡再出。有如貿易者。噫。盜賊之變態奇矣。生民之受旤烈矣。考其輿地。壽州居淮河之南。潁上在淮汝之北。潁河之南。其東北爲蒙城。去潁上不足二百里。其西北爲亳州。距潁幾四百里。渦河在蒙亳東北。澮河又在渦河東北。蓋亳州則皖境西北極邊。過此卽豫境。宿州爲東北極邊。過此卽江境也。咸豐初元。亳民越疆劫奪商承。互怨交殺。牧令不能彈治。已歷年所。泊三年。

春粵匪擾皖疆。蒙城擒首蘇添福。張樂刑者乘亂聚眾。從之者室家相保。不從者立見焚殺。蒙亳潁壽之郊。除一城外。幾無完戶。亦罕良民。四年二月。擒冒粵匪陷蒙潁兩城。而粵匪則又冒擒由亳陷豫之永夏。入江南蕭。碭渡黃河之北。入豐沛。北竄山東。連陷州縣。事詳粵匪紀實。則擒匪未出皖疆。樂刑方窟穴蒙城之雉。河集尹家溝。亳州之白龍廟。高家集諸處。自白龍廟以南至潁州及高家集以東。匪巢不下三四百處。日防商永居民報復也。五年三月。添福樂刑與王貫三龔得等。合眾萬餘。大掠豫之商虞。永夏鹿柘諸縣間。數百里。烽煙頽赤。而山東南邊諸縣。曹單金魚。

以汜鄒滕嶧時皆在黃河之北兵民晏如逍遙河上恃
以爲固卽蘇張王龔諸巨捻每千乘萬騎臨流而返信
乎黃河天險不能飛渡山東雖百年無捻禍可也其年
夏六月甚雨兼旬黃流瀉瀉風濤鬪號遂潰蘭儀之銅
瓦廂大隄河決而北山東鄆鉅濮范諸縣成澤國全黃
入大清河以達於海於是不特沿邊曹單金魚鄒滕嶧
變居黃南凡大清河東北數十州縣皆在黃南矣然猶
以黃流初改其故道長隄千里屹然爭言增兵布守八
月添福樂刑率眾出巢分屯虞之會亭集永之鄆集碭
之鼎新集大楊集時涉乾河窺山東之魚臺金鄉同時

宿州藍旂擒首陸連科丁大
蕭縣北趨焚掠嶧縣臺莊之
擒尋回竄東南九月 欽
謙奏言黃河自蘭陽漫口之
曹單舊河數百里間無涓滴
馳驅今皖擒北來長隄防不
以臣愚見與其設防於無用
駐豫皖交界扼防於切要之
疆以保完善疏入 詔下
東黃北大名鎮史榮椿官丘

督李鈞調遣卽著李鈞飭史榮椿由豫入皖以勦爲防
鈞奏言史榮椿方赴衛輝勦辦聯莊會匪事竣遵

旨令其由豫入皖以勦爲防較之王履謙移駐豫皖交
界之議尤爲得力惟下游乾河防軍如曹縣之劉口地
屬扼要山東所遣武隆額曹單勇丁五百濟南府知府
李天錫練勇五百似不可再爲更調其劉口以上蘭儀
口以下百餘里俱已斷流前此桂良原派防河副將姜
殿鼇官兵五百應令仍駐蘭儀與劉口之軍相策應疏
入報 聞時豫中歸德危急豫軍甚敗會皖撫福濟
提督和春請派大員督勦捻匪冬十月 上乃授山

東曹州鎮總兵武隆額爲湖南提督引山東軍擣亳州
擒巢江皖豫三省防兵悉歸調遣 詔下東撫覺羅

崇恩遴員接防曹河因檄中軍參將郝上庠護鎮篆將
兵合道員黃良楷前單令盧朝安等練勇布守十一月
朔武隆額行次永城調徐州兵來會擒圍永城豫軍臬
司余炳燾等赴援擒解圍走再陷夏邑復踞會亭集麻

莊距單縣百四十里竄虞城距曹縣百里深入豐縣單令范鵬程參

將文英集團扼東南馬良集孔家集姜馬口董家口其
曹縣之劉口距虞城三十餘里上庠防軍因城武士匪
蠕動引去知縣郭逢春飛書告急擒尋引回十二月樂

刑等眾四五萬圍永城不克。犯夏邑。武隆額退守虞城。賊至旋陷。武隆額退守歸德。越四日。賊南奔柘城。武隆額奏言：近年捻勢益眾，非曩時可比。請派京營馬隊，催調揚州軍營吉林騎兵，請敕下壽春鎮總兵鄭魁士率官兵千五百，及廬州軍營甘肅官兵來會。方足制賊疏入。允之。並詔豫撫英桂飭崇安邱聯恩兩軍迎擊，以勦爲防。不可株守省垣。任賊奔突。六年春正月，捻眾再由蒙城出巢，樂刑等向西北亳州入鹿柘。宋喜元、張中元、李烏嘴等向東北入永城。復踞會亭集。游騎入曹縣乾河劉口南岸。單縣乾河之南黃岡集諸

處此爲皖匪入東疆之始。兵團憑隄扼禦，岌岌可危。大股尋向東南，飽掠虞永，由宿州回雒河去。時奉詔曰：英桂奏歸德擒匪分股，由劉口奔碭山等處。王履謙奏劉口擒匪回竄情形，自係意圖北犯，難保不去而復來。崇恩著卽帶兵出省，赴曹單督飭護鎮郝上庠布守要隘。崇恩乃於二十八日引標兵六百，武定營兵四百，青州滿營騎兵二百五十，道濟甯而前。三月，擒黨張順、崔貫、久李華、先等，眾千餘，聚豐之盤龍集。四月，擒黨陳元翠、陳亂子、陳秀子、王洪、史萬春、閻洪、李玉良、李百林、陳隆等九股，眾合五千餘，焚掠宿境，勢北趨。黑旂擒首

李月余河趙才糾眾三千屯碭山東北逼徐州山東邊
 備始自五年八月至今九閱月汜未解嚴會高唐粵逆
 竄入馮官屯為科爾沁博多勒噶台親王僧格林沁所
 滅全省救定詳粵匪卷益集兵團專備南圍捻亦聞風不敢
 深入八月 詔令山東移防河兵數千入豫會勦崇

恩專疏力陳兵單無可分撥得 旨而罷九月福濟
 復奏調山東防兵亦得 旨不行會樂刑等大股再
 陷虞夏由天然間趨徐州圍攻累月豐縣幾陷十月捻
 黨李約傳繼周等率大股兩犯單南兵團有備而退崇
 恩度所駐韓莊利國驛之兵以障嶧滕二縣者勢綦單

檄兗州鎮選兵數百益之。擒尋還。七年夏閏五月初旬，樂刑與李月、趙浩然、韓浪子、邛正功、黃義祥等大股數萬，掠食永碭。曹單大警，侍衛伊興額擊敗之，追斬正功、義祥於宿州。九月，滑南擒首劉狗。卽劉二老淵與傅繼周、邴三楊姓等股爲欽差勦擒七僕卿、袁甲三敗之。亳

南敗擒潰入豐碭，馬牧集旋竄商邛之東，逼劉口。曹州守童正詩檄曹令茅篋督勇六百與守禦所千總趙炆軍功王景烜率荷曹民團千二百有奇禦之。范鵬程亦調團扼守黃岡集隄岸。蘇添福之弟添祥卽立楞眼引眾擾商曹連界之崔家樓。豫軍逆擊之上庠，率都司胥聯芳

引兵涉河夾擊禽斬頗夥。擒甚敗。追抵虞之李家集。會伊興額擊斬李月於永城。繼周等驚走。樂刑回竄正陽。關崇恩奏言。擒匪遠竄。酌減曹單防兵。請錄歷年在事員弁功。得旨。陞叙文英。范鵬程等文武百餘。冬十

二月。伊興額連勝擒於渦河南北。旬日間。破其七砦。擒繞道北奔。出伊軍後。於是漕運總督邵燦。南河總督庚長。奏言。渦北擒氛。復熾。必須江東皖三省會剿。以遏北竄。詔令崇恩選精兵出境。遂檄高唐德州等兵五百赴徐州。八年春。正月。下旬。擒首劉天祥。卜黑。小竄灘口之西。築壘閻家橋。黑旂擒首劉大老淵。卽劉學淵劉二老

淵卽劉狗張桂林等竄濰口西南築壘周家樓伊興額

連戰皆勝斬天祥桂林而擒黨趙浩然李春富桑才光
竄屯永宿交界出渦澮之北二月劉二老淵股眾六千
餘突入徐南史榮椿擊勝之初二日白旂擒首孫葵心
股眾由順口集西奔商虞循潘口越河窺曹縣上庠督
兵團扼隄守賊繞商邳東南回巢防軍戒嚴者又幾一
月三月浩然等入永城東南襲得葛大牛等率黑白旂
大股合商邳降匪張全忠叛眾屯鹿邑城南及永城東
南駐單兵團蹙之興隆集始退走是月下旬另股擒首
任乾張隆率馬步三千餘由銅山之時村雙溝渡黃北

皖匪一
望北草堂編撰

岸兩半子莊幅匪陳玉標糾黨應之。晚至業家集距嶧縣數十里。運南大震。知縣蔣慶第調團扼邊境澗頭村。

鄒令林士琦率勇五百赴嶧。滕令彭斗山赴防邊境大

泉汛。

城南二百二十里。距雙溝八十里。

未至。賊回奔宿州。四月。劉二老

淵率藍旗股眾與宿州武舉胡浩善等眾數千。復由雉

河入豐碭。逼東疆。金鄉令王朝翼率勇團出境扼之。曹

馬集十六日。馬步捻千餘入單之馬良集。文英聯芳鵬

程督民團朱聖桂等迎擊之。小黃莊互有殺傷。十七日。

曹州鎮多隆武沂州協副將郝上庠馳至會擊。又商虞

永夏之民被捻禍者。子孫皆白衣冠。旗旛如雪。名曰牛

頭會集眾累萬以禦擒賊全股南奔徐州俄而分屯虞
碭又逼單南鵬程令千總丁佩珩賈清臣等千勇扼東
南孔家集劉榮基率勇五百扼黃岡集上庠文英聖桂
等率兵團扼辛羊店民團朱世祿等千勇扼龍王廟十
七日擒前隊由單之滕家灣北趨文英等敗之張行集
還奔虞城由夏永回蒙城去五月藍黑二旂又由宿州
黑古堆出數千人入屯夏邑蕭碭東北單金復警十一
日趙浩然一股圍永城樂刑添福得等股屯碭山瓦子
口爲伊興額所敗奔回五馬溝六月旣望另股騎擒于
麻和等千餘入夏邑越日宋喜元等股又入虞城二十

五日豐縣人邱鬧兒引眾千數百屯碭山元帝廟前驅入馬良軍令程繩武以說降之撫其眾以禦賊七月劉大老淵大股屯永城東北十五日白旂賊四五百自銅山之雙溝犯臺莊參將閃福戰不利餘兵王以信民團殷高實等數十人皆歿賊趨西北掠多義溝福合沙溝營追擊之沛縣安家渡賊由夏鎮西南遁八月朔伊興額軍挫濰溪口賊由徐州之西入豐東南劉天福股眾人單東南高家樓唐莊初八日豐縣陷分股捻眾二千餘復合屯高家樓迤東繩武督邱鬧兒尊謙更名張茂榮等分引兵團出擊午未兩時久陣斬百餘另股繞由東莊

趨城下。繩武飭外委賈清臣等與民團朱聖桂朱世德分兩道禦擊，斬其百餘。與前股合隊鏖鬪，勇目周建勳、劉順衝陣馳突。繩武躍馬繼進，奮噀力斫賊卻。禽葛玉春等數十，追之十里。會雨而罷。次日，大股復至，沿隄列仗攻城甚急。繩武率尊謙等再擊之，眾寡不敵，爲賊所敗。登陣固守，民團謂尊謙新撫不足恃，日夕譁。白繩武繩武力爭之，尊謙感奮。初十日，賊縱火焚西門，潛隊攻東南隅。城上守禦猛密，殪賊頗夥。一日夜始退外隄。虞城令李瀛追賊單縣孟莊，戰力次日分股。賊擾入城，武孫孝寺諸處漫延數十里，侵及曹縣。彌望連遶，眾幾三

萬定陶令樊文達率勇兩勝之曹定交界折桂集城定
交界文昌集又設伏誘擊勝之普連集其單縣外隄之
賊復逼城隍十二夜半尊謙引原部五百翻城襲之轟
斬尤夥賊驚潰狂趨全股皆亂會守備楊西林等引勇
繞冉堦集疾馳而前勝賊城西郭家樓多隆武引防軍
合童正詩由侯家集轉戰以進內軍闔門夾擊袁甲三
亦由徐州遣吉林騎兵援單圍遂解十三日賊繞豐東
北薄城武知縣彭鳳翽自南境馳回嬰壑守禦日中城
陷鳳翽被七傷以死典史徐泰死獄前教諭杜宗銓率
城團巷戰膳夫魏景與鳳翽家丁張萬泰孟福儒等皆

歿。西林尊謙等引兵馳襲之。內外呼聲相答。賊啓南門遁。申刻復縣城。賊趨曹縣圍之。十五日。單賊亦來圍密。以陷。教諭趙介福罵賊死。武舉樊咨岳巷戰歿。知縣茅箎詣省未及於難。多隆武軍至。賊啓西門奔考城。豫軍營總蘇克金總兵朱連泰夾擊之。賊敗而黑旂後股。眾六七千屯城單交界天女廟潘家窪二十餘村。十六日。朝翼率勇團扼孟家鋪。把總朱邦憲率勇團扼雞黍集。商虞永碭間民團十餘萬人。扼乾河隄岸。賊不敢南。狂奔睢甯而西。督辦三省勦匪事太僕卿袁甲三奏言。臣恭膺 寵命。督辦三省會勦。自應緊扼北邊。力籌南

勦爲一鼓聚殲之計。無如現在賊勢句結之眾數倍。臣軍兼之飄忽往來。邊馬四出百數十里。乘虛搗隙。兵至卽奔竊。計江皖兩省毘連之所。西隣豫境。北接東疆。東西互二千餘里。平原四達。萬馬馳驅。臣一面之兵。卽日夜窮追。若前無堵擊之師。北竄西馳。何所底止。若面面設防。又苦兵力無多。裹糧莫及。卽如此次。臣軍道經豐縣。不得不先復縣城。而賊則已分擾曹單。又有西撲周口之謠。賊鋒愈趨愈遠。臣軍追逐而來。已距底營四五百里。兵疲糧盡。勢處萬難。惟有籲懇。天恩。敕下東豫撫臣督軍嚴扼西北。以便與臣軍兩面夾擊。則分防

專勦庶有責成。疏入。有詔。山東曹充二鎮官兵。著袁甲三酌調。祇可於山東江南交界地方兜圍合勦。不可遠調。致令本省空虛。又詔崇恩親自出省。並

諭瑛榮加意防範云。初賊之圍單也。崇恩選兵七百自將赴之。行次濟甯而賊已遁。乃周巡兗曹屬邑。察邊防。九月十四日。奏言。自河流改道以來。曹屬已無險可搯。卽集數萬兵勇。亦安能處處設防。青堦集舊有防兵。原爲扼守劉口而設。今乾河已成平陸。應將防兵悉歸曹鎮統帶。歸併駐郡。爲各路策應之師。其曹單兩縣。本有飭募壯勇。民團人數頗眾。步伐齊整。再留官兵二百。

以扶助勇團。膽氣當可得力。再令濟東道黃良楷募千人駐曹充適中。以便聞警赴勦。則捻逆縱欲北犯。恐我兵截其歸路。斷不能驀越輕進。惟江浦粵賊逼清淮而兗沂以南黃河同一斷流。與曹屬無異。如嶧之韓莊。郊之紅花埠。地當赤緊。應添撥勇隊三百。官兵一百五十。令臺莊營參將閃福合原駐防兵嚴扼韓莊。疏入報可。同時邵燦庚長奏言。粵賊猖獗。江南浦營失利。天長儀徵繼陷。北路淮安清江須重兵設守。山東捻氛已遠。請救下崇恩調兵撥餉。迅赴清江。崇恩再奏言。清淮固南北咽喉。又與山東切近。豈容膜視。然東省西

北邊境距亳州捻巢不足二百里。捻股尙有冬月復來之耗。防軍安敢抽調。卽三鎮額兵久已征調空伍。一時亦難集一二千人。且近日粵匪再陷揚州。北犯可慮。臣統籌南北。左支右絀。寢饋難安。惟有暫於黃良楷練勇中挑精壯六百。令參將定順將之先發。再抽調青萊膠卽官兵四百。令遊擊桂林將之。由安邱莒州間道繼進。餉項亦速爲籌撥。以慰宸廑。拜疏十日。聞傅振邦

勦捻軍敗。由濰口退壁徐州雲龍山。黃旂捻酋李大喜

股眾深入蕭縣。燔殺甚熾。大股由胡新店奔桃山驛。距

州二十里。十四日伊興額追擊勝之。瓦子口劉大老淵等由

蕭北擾銅山復陷豐縣邊馬入魚臺牛家莊良楷令未
入許有源率勇五百扼魚境而擒賊分股屯蕭豐之蟠
龍集有由黃家口渡河北者又有數千賊在龐家口渡
運入嶧之周家營利國驛六里閘陰平馬蘭屯出韓莊
之北閃福與守備龔銖戰賊大挫退軍蘭陵鎮奪福職
擒銖頂二十八日分股擒賊圍攻徐城良楷慮賊逼嶧
分所部爲三一由齊村南進一由黃峯口東進一由陰
平逆擊所部楊忠渡運擊賊嶧境高皇廟獲勝魚臺擒
股復移犯金鄉良楷令知縣吳邦治率河標兵六百民
團千人赴援賊奔東南沛縣漆山十月初二日嶧賊擾

入左莊七里店。逼城東。繞至城北。亶山後諸處。知縣沈善濟引勇力擊卻之。會崇恩所調赴淮協勦之參將桂林軍至。良楷自滕率勇會之。初七八日。良楷兩敗賊周家營迤西。賊築柵自固。良楷潛夜燔攻之。斬級數百。又設伏截擊之。斬益夥。餘賊遁回運南汴塘梁王城曹壩集。先是善濟聞分股賊逼縣城。由臺莊馳回設守。號召民團。集閃福敗兵。約丁廟汛千總姚鴻烈。合軍復趨臺莊南。伏擊賊。驚亂。善濟躬發巨礮。賊馬步自相躡藉死。傷蔽地。餘賊亦渡泇口。退屯蕭縣。時大喜。二老淵與樂刑失和。分股合孫葵心。捻眾自出。焚掠商鹿間。十九日。

屯甯陵孔家集距曹境十餘里旋退屯商邱十字河包
公廟築砦爲持久計曹令茅篋單令程繩武定陶令樊
文達鉅野令趙惟崑與民團季錫魯趙康侯魏篤等合
謀集四縣民團五萬以二萬人扼乾河隄岸以三萬人
隨防軍由劉口進擊揚旂秉燧百里不絕二十三日賊
棄砦南奔甯睢時民團設防幾累月城武令武燮上言
兩月之中賊來三次團練裹糧防堵聲勢雖壯然可暫
而不可久也賊巢距曹濟邊境不足二百里賊馬如飛
一日百數十里一聞出巢先期戒備迫賊回遁非三兩
月不敢解嚴赴防撤防動以旬日一月三次幾乎無日

不防農失其時商廢其業卽如蒙亳去歲猶有良民今則悉變爲賊竊恐明年歸徐之民變如蒙亳單曹之民又變如歸徐屢變則賊愈多無可底止爲今之計與其賊來而迎勦不如乘其未出而先勦擬以曹單城鉅及江南豐沛蕭碭河南甯睢虞夏永各州縣縣團數千則十萬人可集畫疆分段定期進發一勞永逸賊可滅也崇恩趨之而不果行冬十月劉狗杜廣臣等眾數百潛入曹南焚掠十一月初旬蘇添福劉天祥張藍黑二旂出巢分股一奔東北至瓦子口一奔西北至唐家寨由豐碭逼魚臺前令陳烈代理令尙芝蘭以湖勇千人禦

之郝家集初九日大股深入蕭豐境濟甯金單大震良楷率所部與鉅野令黃鍾岳民團魏篤等扼羊山楊道垆朝安與知州舒孔安知縣吳邦治王準縣丞姚延壽及許有源等分引河標步騎八百練勇二千爲後繼鄆城令蔡德沛扼洙水河樊文達武燮分扼城武南路集孫孝寺王朝翼出防霄雲寺乃豐縣民團戰賊大敗潰入單縣高樓寨初十日賊入單之黃岡集繩武與都司蘇泰民團朱元凱黃箎等逆戰之曹馬集小有斬獲而後股大隊狂奔而來繩武回縣城守

先是單城周遭僅四里鄉民避兵入

城累萬幾不能容且患井泉不繼繩武蒞任日度距城里許舊有護城隄高丈有咫圍城周十二里商之紳民

因隄爲城立埤堦樓櫓闕門穿井數
十外濬重濠至是民歸者全活無算
泰率撫濟三營官

兵三百久山汛外委李長華健勇三百爲賊所鈔而潰
守兵管玉升等十餘戰歿泰突圍夜走羊山賊勢甚黃
勇故多籍鄆鉅咸有歸志良楷見軍心動搖偕朝安退
軍濟甯次日民團敗賊城武大小雙堦集黨家集奔遁
東南溝村集越二日入金鉅交界紙坊狼山又折向東
南田家海分騎四擾朝安與副將崔雙貴三戰三勝賊
於孔家樓董家樓黃德集十三日賊數十騎由僂道突
入金鄉城朝翼自防所馳回合良楷援軍擊之賊退走
城遂復賊屯鉅野之薛扶集柳樹集號稱二萬逼城南

民團姚體休等戰死者數十人。鄆團趙康侯王乃常等要擊之，斬馘數百，鉅圍解。團營火藥忽燔，賊乘之，乃常戰死。團丁死傷益眾。十四日，賊北奔獨山，分犯嘉祥。知縣丁兆基告急，朝安令邦治引軍救之。次日，分股竄孫孝寺，其一爲知縣武燮督民團黃廣坦并景夔等擊之，苟村兩勝之。由白浮圖于家橋充于集郛城集奔西南，出單縣郭村集南去。其一爲謝炳茅、狙擊向南奔單縣，謝寨浮岡。繩武與候補令李均、程國棠把總丁佩珩、民團陳灝、秦增培等設伏夾擊，勝斬七百餘級。賊奔西南，繩武麾軍追之，虞城二壩，又斬級二百餘，救回難民。

八十車有奇。婦穉老羸隨軍而歸者三千人以上。賊漫延虞城。李新集、寓賢、集大陽、集者累數日。出碭山西南回巢。再分股由魚臺、南陽湖迤西而遁。烈芝、蘭瀕湖截殺甚多。朝翼追至豐境。郭家集而罷。另股仍屯豐沛華山。是役也。賊出入馳驟。朝東夕西。未敢屯踞。良楷繩武朝翼燮功多。會協領關保引吉江察哈爾騎兵赴甲三軍。上命崇恩酌留會勦。崇恩因賊出境。留騎兵五百。令營總巴彥珠爾克將之。扼防韓莊。餘令南下。於是大脩邊備。令守備胡運鴻騎兵二百。參將桂林步軍二百。協領明霖青州滿營騎兵二百。朝翼湖勇五百。分扼

金鄉。繩武募勇千人。合駐單防軍高唐營官兵五百與外委賈清臣練勇五百。扼東北黃堎堆曹馬集。典史於廷璋練勇八百。扼東南馬良集。烈原部湖勇千人。加募五百。分扼魚臺。良楷部勇二千五百。分飭泰安營把總袁大武外委李牧紅以千人扼單西南黃岡集。以五百令典史陳恩溥扼單東終興集。以五百扼嶧之萬年關。令德州營守備龔鈺外委楊忠會率兵勇扼守韓莊云。

山東軍興紀畧

卷二之下

皖匪二

先是八年冬十一月袁甲三駐軍徐宿奏言自古用兵之道氣勝爲先故兵家貴合不貴分誠以合則勢盛氣強分則勢孤氣弱此一定之理也以今日賊情兵力而論更有不可不合之勢彼捻首張樂刑龔瞎子等盤牙懷鳳控扼長淮自南而北汜於蒙亳橫互千有餘里中跨三城以爲藏身之固周遭數百里匪巢難以數計翕關相關有擊首尾應擊尾首應之勢附近州縣已成焦土匪眾不耕而食勢非東擾淮徐北入曹濟西掠歸陳

難以苟活。無論句連粵匪爲患滋大。然卽此數十萬人。加以所在不逞之徒。乘機附和。被害流離之輩。畏死相從。故賊旗朝張。萬眾雲集。三省皆平原曠野。萬馬可以並馳。此賊勢之可慮也。臣追思咸豐六年四月。臣由歸德引軍擊賊。撫臣英桂隨營步騎兩萬有餘。江皖會剿之軍。數亦踰萬。臣總統師。千兵強氣盛。故累戰輒勝。盡拔匪巢。今臣所部步騎八百。合之不及曩時三分之一。尙有留防各處。故愈分則愈弱。守壘者不得番休。追勦者動至力竭。此次西竄之匪。甫經馳擊。濟南之賊。復又北趨。臨鳳巨股。亦將東下。兵力止此。奔命不遑。應敵且

慮後時安能制賊死命此兵力之可慮也臣思維至再
現蒙 皇上洞悉賊眾兵單派協領關保統吉江察
哈爾騎兵交臣調遣北方騎士夙負勁名軍氣且爲一
振賊中自必聞知則圖竄益急俾官軍墮兵分力單之
計河南撫臣恆福雖已調派防兵六千餘交南陽鎮邛
聯恩將之山東撫臣崇恩亦募勇三千交濟東道黃良
楷將之分守要隘然數年以來未嘗不防未嘗不堵何
嘗能遏賊鋒不特堡砦淪亡甚且城邑破陷非防勦之
不力調度之乖方也良由千里平曠無山川陵谷之限
平時商旅經行之路恐傷禾稼紆軫田塍者非真有所

阻隔也。今捻賊萬眾騰踏千騎馳驅，尙何顧忌之有。則設防之處，所謂要者非要，隘者非隘。者地勢然也。徒有防堵之名，終歸無用之地。不如乘此騎兵新到，兩省防軍與臣軍聯絡一氣，同搗賊巢，則勢如破竹，成功較速。先發制人，策之上者也。疏入。

詔敕恆福、崇恩各就

本境防軍，遴員統率，併力進剿，搗捻巢穴，以保北路完善之區。崇恩奏言：俟遴派大員，湊集兵勇，再行奏報。恆福奏言：已令邱聯恩整飭防兵，候調均以官軍深入賊或鋌險旁趨爲慮。十二月甲三，再奏言：諜報羣捻會議各圩，不許再葺室廬，定於來年正月裝旂出掠，是賊處

心積慮勢將他往。若待傾巢而出，邊堵更難。臣已函訂恆福崇恩，擬令豫軍由亳東進，東軍由永南進。臣與幫辦勦匪徐州鎮臣傅振邦諸軍，由宿州西南進，請

旨飭催兩撫臣會勦，不可坐失事機。有 詔袁甲三

所奏雖通籌大局，力遏逆氛，然兩省兵勇進勦太深，更應防其繞越，致落賊後。崇恩恆福將要隘嚴爲布置，卽行發兵會勦，毋再遲延。並 諭崇恩將截留黑龍江

騎兵供進征之用，未便令駐韓莊。九年春正月，崇恩令良楷統勇三千，兗州鎮富新統兵一千，暫營永城境。因奏言會勦之舉，外間建議已久，臣所以遲遲未發者，以

征兵調餉須合全局以通籌度事審機宜操勝算於得
半查山東額兵在防者已踰三分之二日前因邊防宜
密增兵千有九百募勇六千月增餉銀四五萬立見竭
蹶今驟增此出勦之軍所費更難爲繼且也遠征出境
其不可勝者有三而餉匱特其顯焉者耳彼眾我寡地
廣數百里豈能合圍不可勝者一彼逸我勞進攻則閉
壁不出回隊則伺隙來窺不可勝者二若日久不克或
轉戰而前入之愈深餉缺兵譁爲賊所乘前功盡敗不
可勝者三蓋臣以爲主客異形險易異備委軍一試不
如計出萬全可否 敕下袁甲三俟明春二三月梠

度機宜再籌合勦奏入 上意以宿毫捻氛甚熾急

應會集夾擊崇恩乃飭良楷等於二月初八日引軍南
行而鑲黃旗蒙古都統霍鑾巴圖魯勝保方佩 欽差
大臣關防專辦皖賊奏請以邛聯恩之軍駐鹿邑太和
間備西北黃良楷之軍扼徐州後路合蕭碭曹單鄉團
備東北以勦捻事專責徐州鎮臣傅振邦等奉 詔

兩省邊防固屬緊要而傅振邦兵力無多若東豫官兵
各守一隅恐地遠軍單難資策應應卽定期出境會勦
於是崇恩令郝上庠引兵駐 令龔鈺率勇駐嶧縣

合民團扼禦邊境是月孫葵心李大喜等率紅白黑三

聯、國、中、國、山、東、省、政、府、

Blank lined area for writing.

之眾互五六里圍豐城逼單金單令程繩武參將玉山引兵勇出營馬良集金鄉令王朝翼民團趙康侯魏篤等分扼霄雲寺趙家口繩武玉山朝翼合軍擊賊平岡及新集豐縣境賊見有備回奔豐西向東南漆山去分股二千餘焚掠豐之守賢集距單境二十五里署曹州鎮郝上庠軍由單馳出擊之朝翼率魏篤與魚臺湖團王尙友等會戰大勝斬級五百有奇禽賊二十三獲馬三十七追之十里斂軍化雨集偵賊一股擁賄方行由碭之唐家寨回巢一股屯豐沛東北十三日分股數千由沛之淺棚茶村犯滕之利國驛安家口龔鉢防軍與嶧令鄒崇

孟禦之黃猛山賊退由韓莊迤東龐家渡渡運擾周家營杏邑村拖泥溝向東北犯嶧環城焚殺攻圍甚急崇孟與典史吳學庭把總劉振元固守三晝夜十七日署兗州鎮忠順遣胥聯芳引標兵二百林士琦亦遣李牧紅部勇五百赴救不得前勢幾陷會西北侯孟等社民團近萬蔽鼓揚旂而前馬賊先卻步賊隨之而奔崇孟闖城夾擊圍始解禽賊十四斬級七十餘獲雲梯攻具二百有奇賊奔滕士琦率勇截擊之傅振邦令協領常望引軍來援爲賊所挫亡騎兵五六十吉林營總奇成額等負傷者二十餘官軍卻回利國驛續遣副將傅崇

武軍來。賊始奪路走。零騎數百分趨蘭山之柳樹王村。南橋尚巖諸處。沂州守成善合營縣兵團敗賊蔣溝。追至費之青山嶺米家寨。斬級而還。十九日。另股賊由蘭陵紅山竄邳之馬頭鎮。窺縣城。知縣胡鳴泰外委周廷標率勇三百調民團五百扼之。大葦溝戰之。白馬橋。鳴泰指麾疾擊。斬級五十餘。馬頭汛外委仙兆岐民團李克孝親兵呂定等歿於陣。家丁馬榮等血戰負傷。賊奔西南。鳴泰追之。賊墮溺沂河甚眾。會邳州牧畢培貞逆擊之。重坊集賊狂馳邳宿邊境回巢。其賊之由嶧解圍南走也。聞博崇武軍將至。二十日回奔嶧。東南士琦崇

孟干總姚鴻烈與侯孟民團韓培厚等禦之七里莊轟
斬三百餘級奪馬五十有奇火器兵仗倍是賊奔西北
縣丞張振榮等又率團躡擊之黑旗步賊千餘由東南
擁出陰平汛外委王宗禮勇丁陳三洛等戰歿全軍力
鬪之斬級二百許禽十餘胥聯芳與沙溝營官軍馳至
合擊復斬級七十餘賊大奔而南乃白旗孫葵心姜玉
泰紅旗侯樹槐田獻等股於是月望後出巢由夏邑銅
山竄碭南邊防又警旬餘奔虞城去東防解嚴二十六
日良楷軍守備翁吉順府經歷易朝棟等富新軍都司
孫大用守備姜長清等追擊勝賊示東苗村橋此後捻

蹤雖出沒於蕭碭銅豐數縣間以富新良楷澮北之軍與耶聯恩傅振邦諸軍日夕遮擊故自五月迄七月上旬賊未入東疆至七月十九日趙浩然喉卜小黑羅和尚等眾乘早霧渡澮河良楷聞馬嘶率騎兵冒霧進賊方半渡掩擊之顧對面不見波倫三盪三落礮火從之諸營開壁譟應賊遂退沮二十一二等日連擊賊永西南柘樹集雙橋裴家橋皆勝二十五日藍旂賊繞永東築壘胡家莊爲持久計官軍乘風縱火庖庖際空毀其五壘殲賊三百餘賊南走良楷等欲乘銳進取東河總督黃贊湯奏言請派重臣移師督勦

文宗以天津

海疆防務急難議撤。慮諸軍深入皖中，難以折回。若山東有警，尚可撥津兵策應。崇恩知朝廷注重北路，飭良楷毋得輕進。九月，孫葵、心雷、彥股眾復自宿州分擾蕭永。良楷合豫軍、涼州鎮總兵朱連泰等擊之，輒走。初八九日，繞虞窺單，而蕭賊亦繞銅窺嶧。欽差帶兵之甯古塔副都統德楞額與郝上庠力禦之。二十七日，趙浩然、劉如正、江鳳臺、李大喜、魏希坤等眾五旂復聚永境。一晝夜分掠睢、虞、夏、蘭考數百里間，皆警。二十八日，入曹縣之張灣大寨。曹團與舊考城民團兜擊之，白茅集匪棄資賄而奔。二十九日，抵安陵桃源集。桃源營守

備丁玉昇戰不利。大股屯蘭杞間。分股入荷澤之金隄。定陶之馬家集。民團孔繼聖戰歿。分股竄直隸東明縣。新任東撫文煜檄上庠合大名鎮道逼賊。南趨三十日。曹令王光綬守備謝炳督兵團禦賊劉家岡。民團袁熿戰歿。定陶民團敗賊於張店馬集。十月朔。賊逼曹縣城。大股屯城南劉園集。光綬乘城固守。上庠回軍援之。光綬等闖關夾攻。賊走土山集。張灣青山集。由西南流通。集向蘭儀南奔。屯蘭杞間旬餘。豫撫瑛榮奏請飭東軍德楞額郝上庠赴救。文煜以邊備未便空虛。僅檄良楷自永馳援。二十九日。良楷率遊擊李其昌。永城守備朱

大有等合傅振邦所遣騎將遊擊陳保元等擊敗北犯藍黑旂捻眾於陳家集旱道口蔣家莊追奔至巴溝河干而返十一月捻復分股出巢紅綠黑三旂擾蕭楊藍白二旂趨宿之濰溪口三面築壘富新所將山東會剿軍被圍十日振邦遣上江協副將博崇武臺莊營參將胡元昌等救之賊圍密不得入

詔諭

欽差大

臣漕運總督袁甲三速分兵援剿方遣營總郭興阿遊擊尹嘉賓將步騎而前二十八雨夜富新與振邦援軍外內喧擊全軍突圍出而馬賊分股五六千四路繞竄先於十九日趨邳之景山德楞額騎軍聯轡潰歸沙溝

諸處民團驚走。臨城驛縣丞章兆塏。沙溝營都司孔繼武。整團再進。賊入嶧之柳泉毛村周家山頭。陳烈湖勇被圍於利國驛南李家山中。一日突圍出。德軍連戰不利。吉江騎兵再奔德楞額。單騎入嶧城。魚臺令趙溶。金鄉令錢廷煦。滕令林士琦。鄒令許寶名。嶧令鄒崇孟。分率勇團逆擊賊。趨韓莊對岸架浮梁。附近民團決駱馬諸湖灌運河水。陡漲浮梁。隨流去。賊始不得渡。分股回奔東南正南。德楞額分軍五百扼萬年閘。參將崔萬盛引兵團千人扼侯遷閘。河標守備濮楓引兵團扼臺莊閘。邳州牧張富年調民團六千餘。憑運布守。士琦崇孟

引兵團分布韓莊夏鎮署兗州鎮雙齡率兵四百來援。賊知有備奔回邳州。雙齡合徐州軍追至利國驛而分股近萬屯碭山之回龍集。前隊數千由豐沛犯魚臺之。大劉莊穀亭集。逼城南。趙溶與典史錢叙澄登陣而守。會上庠步軍金鄉令錢廷煦縣丞陳愈元各引湖勇及湖團魏邦燮等先後至。賊解圍走西南。斬馘八十餘。奪馬三十二。拔民車百五十有奇。此二十九日事也。次日。上庠擊賊豐縣歡口勝之。十二月朔。濟甯牧盧朝安率陳愈元。河標遊擊孫延略副將崔雙貴率把總孫進哲等。擊賊蔡家樓。亦有斬獲。賊縱橫六七十里。分合無定。

曹單同時告警。知縣王光綬張贊勦戰賊甚力。乃卻鉅野令李均引兵圍會擊賊。奔西南。朝安軍王桂屯上庠軍李九集。金單賊國旋游弋。上庠與單團朱聖桂等再勝之官莊壩。初六日全股走豐碭回巢。初賊犯韓莊時。德楞額奏言兵單力弱。請添撥重兵。詔下豫撫瑛

榮並幫辦三省剿匪督辦河南軍務黑龍江副都統年昌阿巴圖魯關保飭黃良楷駐永勇丁分二千回東文煜奏言此時嶧縣之賊已被堵回竄而金魚曹單等沿邊六七州縣迤長二百餘里。德楞額原帶黑龍江千騎前撫臣崇恩因其屢言兵力不足又撥李牧紅壯勇五

百陳烈湖勇五百歸令調遣兵力不爲不厚而德楞額現向臣言前已奏明專防嶧縣以致沿邊有警僅郝上庠一軍來往奔救臣不得已再令曹州府知府童正詩濟甯州知州盧朝安率役勇民團邊禦又令署兗州鎮雙齡將標兵與郝上庠犄角而出尙覺地廣兵單今蒙聖恩令黃良楷分所部誠勇東歸臣維誠勇本從前投誠之賊原部三千良楷統帶年久上下相孚故臨陳得力今分一千留永城兵分力弱兩地防勦均恐無益且帶勇官或不能駕馭轉致潰散滋事可否飭將誠勇全數調回得旨允行於是良楷全軍回扼

南邊蘭郊要隘。惟富新軍千人。仍隨振邦。留徐宿辦賊。是月瑛檄奏言。敬陳管見。請旨簡派督師。畫地分防。聯兵合剿。以保豫疆。而維東直。竊查皖捻出巢。分擾永東宿西。跬步卽蹈豫境。近則漫及江南豐碭。山東單魚。愈擾愈廣。蓄意北趨。已久。雖山東有德楞額黃良楷兩軍扼邊防。江豫有關保傅振邦兩軍籌會剿。然而豫之歸陳光固。千里平原。錯壤皖北。無處不可乘間深入。歸德之北。卽直隸之東。明長垣山東之曹縣單縣。是豫中與直東安危相共。唇齒相依。欲固直東。必先固豫。斷斷然也。爲今之計。臣愚所謂分防合剿者。似宜分兵爲

三路徐宿爲一路以山東之滕嶧等縣軍事責之皖中爲一路以

軍事責之豫中爲一路以

山東之曹單直隸之東長等縣軍事責之每路統帥所部多則二萬人少則萬五千人聽其調派畫分防之責則三路各任之聯兵合剿之謀則三路共圖之庶幾事有專責調遣自如休戚相關互爲策應不至若今日軍事一路有警則統帥孤軍不能自救卑詞急檄乞助他軍他軍亦孤子單微不敢分救勢待呼籲 朝廷臨以 君命事機已失久矣惟三路之中豫中爲皖捻必爭之路又爲直東保障之藩故豫帥較徐皖二帥

爲尤重。現在督辦豫軍關保臨陣勇敢。爲騎將中僅見之員。然統籌全局。非所長也。臣數年來竊見威信咸孚。運籌制勝。可以獨當一面者。江北軍中惟袁甲三勝保及傅振邦三人仰懇天恩。量材簡派。督辦三路軍事。仍以關保副豫帥。責令三帥會商。將現有之兵分防合剿。以期計出萬全。何路失機。何路集事。則睿照如神。刑賞立下。平捻之期。可翹足待也。疏入。留中。

旋授勝保爲鑲藍旗漢軍副都統。專辦豫賊。十年春正月五日。詔責德楞額一軍。專辦東賊。副以乾清門三等待衛哈勒洪阿。諭之曰。自此次分派後。

徐宿東豫賊由何路北竄卽將何路督兵大臣嚴加懲處又詔曰袁徐等圩捻匪因傳振邦督軍進攻築壘死守一面裝旂出竄圖擾東豫已有馬步賊千餘竄向西北虞陽東豫兩省自應速籌堵剿著文煜德楞額瑛榮關保迅爲調派不得株守東省如郝上庠黃良楷等兵勇爲數較多尤應不分畛域出境迎剿再飭文煜整理曹單民團修築黃河北隄限賊馬隊初七日藍白兩旂捻眾自濰溪口新巢入虞窺單知縣張贊勳方詣府參將玉山典史吳邦鏐率兵團禦之次日賊趨曹隄民團樊禧等力擊卻之王光綬率勇團馳至合擊

小有斬獲。縣丞洪炳率團截擊於韋莊。賊退入虞境。分竄單之曹叵集東李莊。民團劉凝時等夜戰陷歿。黃岡老君堂諸處民團萬餘。馳至蹙之。賊南奔滕家灣。上庠軍馳至曹城。定鉅諸縣民團。方脩築隄濠。集者累萬。阻險以守。賊不能馳突。退奔碭夏。十四日。黑藍旂擒目魏欽。合花白旂屯碭夏。上庠移軍終興集。贊勳與協領明霖扼馬良。越二日。黑藍旂趨歸德。花白紅三旂自銅窺嶧。十九日。民團復決湖水灌運。德楞額飭陳烈憑河守之。二十一日。賊犯利國驛。屯韓莊運南。次日。良楷軍至自滕。連郤闖渡之賊。熏夕。良楷渡軍侯遷聞。禽斬百三

餘復令翁吉順勇目劉志和夜選軍鋒二百襲賊運南
 馬鞍莊賊駭而奔前股已至汴塘銅嶧縱火尾隊尙屯
 萬年聞人數之眾如此其黑藍旗分趨歸德一股於二
 十三日奔回曹單之黃隄口上庠與參將桂林等撤橋
 堅壁拒之礮斃賊數十退由豐之白臘園回宿巢越二
 日汴塘前股賊繞邳之徐塘宿之阜河逼郟境知縣沈
 沅率勇團自重坊移紅花埠禦之良楷軍至自嶧二十
 七日賊回奔滕沛交界周家山頭得勝寨六里闡諸處
 德楞額鄒崇孟分引兵團扼之臺莊二十八日賊屯利
 國驛高皇廟伐木樹懸計將持久良楷與德軍進擊焚

之賊走邳之黑山。追斬殿賊百許。賊由雙溝南奔。陷桃源縣。趨宿遷清河。二月初三日。連陷王家營清江浦。南河總督庚長退守淮安。文煜檄良楷赴救。會詔下甲三振邦。分遣營總克蒙額。副將胡元昌等馳援。十三日。踞賊驚走。由垞城雙溝南行。先是初九日黎明。有百數十騎犯曹縣黃南。民團樊禧劉建掌等。憑隄禦擊。良久。禽衣黃賊目一。斬十餘。賊奔回虞城。乃二十七日。另股百數十騎。復逼嶧縣運東。民團劉永錫等。要擊之。侯孟社。永錫等。死者數十人。血戰兩時。久始退。三月初旬。藍旂劉天福天祥。黑旂趙開元劉興安等。眾四萬餘。先

後出巢自馬牧集西奔虞北。上庠自金鄉馳防。明霖方率騎兵赴沂州。勦幅匪。詳另卷因合民團下隄蹙之。賊由

土村石樓集道口鋪去。考城民團自東夾攻之。饒有新獲賊。因考城不得前。十五日南奔十堡鋪高小園。入豫之蘭儀陳留杞諸縣。勝保方駐師鹿邑。引軍自西南逆擊。賊復奔回。東趨舊考城。又爲民團所阻。二十一日復南奔。勝軍馳堵不及。勝保習知曹單民團可用。檄曹令靳昱單令多瑞。縣集千人聽調。昱瑞上言。農民各有本業。練技未必皆精。畸零湊集。心志不齊。雖有例給口糧。本境須籌津帖。兼以頻年防搶。築寨脩隄。民財已殫。力

難應調出境。事得寢。時東防解嚴。裁月餘。而良楷部勇驕縱不法。文煜檄令駐軍紅花埠。於是蘭郊蒙費。間日報焚掠。初猶假冒土匪。繼乃自稱黃勇。無復忌憚。民之赴愬於巡撫者累百。文檄責問無虛日。各勇益援旂麾。眾百十爲羣。馳逐數縣間。民團要遮禽斬如禦。捻旣一日。有三百餘趨蒙陰城。民團千餘圍之。以入知縣區士熊出慰諭。先令民團退屯城外。乃續報黃勇後隊至。纒者嘯。訶聲起。脫縛奪刃。擊傷守者。守者羣斫之。三百餘盡殫。閏三月初八日。良楷移營滕縣。上言兵食缺乏。不能枵腹荷戈。且以士熊擅殺稟辯。諮文煜劾上。

熊並奪良楷職令青州營參將梁愷統其眾五月

上命在籍戶部侍郎杜翻辦圍禦賊

詳另卷

洎乎六月毫

州霖雨兼旬龍山蛟發渦淝漲溢平地成巨浸七月蒙
毫擒首姜台凌王懷義程大偉劉狗等十餘萬眾傾巢
北徙擒首李加英李大箇子劉天福跨澮而居距永城
治所近者二十里距曹單境僅百里餘徐軍迎戰紅白
旂擒眾挫於宿北賊西趨歸德二十七日自虞城分趨
曹境劉家口李集單境朱家寨盧家廟奔北隄上庠自
沂州引軍回防率桂林玉山等合靳昱多瑞兩縣民團
分曹力禦次日賊走碭山回巢先是五月初旬詔

責勝保勦賊不力。畏葸無能。罷令來京。以三品京堂候補。令豫撫慶廉統其軍。仍以副都統關保副之。至是慶廉奏言。張樂刑龔得孫葵心。王懷義姜台凌劉狗諸搶首。各擁眾數萬。出巢則江東豫三省。被其蹂躪。臣目擊時艱。統籌全局。臣與關保所部兵練萬數千人。合之歸陳兩屬民團。足以扼防邊境。不足以進搗賊巢。袁甲三現攻定遠。若分軍環擊澮北賊圩。搗其東南要害。傅振邦現攻袁徐二圩。指日可拔。卽從東北進軍。臣兵現扼商鹿。卽移營進逼毫北賊巢。三路同時並舉。或可堵其竄越。然臣軍與傅振邦駐宿之師。相距尚遠。中間懸隔。

之處地廣防單爲賊竄西北要路惟川北道苗沛霖全軍之駐宿南者距永城及蕭碭均不足百里若令移扼永蕭合之原防諸軍當可遏賊奔突豫疆鞏固山東直隸自可安堵無虞疏入 上從其請 詔下甲三

振邦而擒股李大腕李庫之紛擾豫疆者豫軍旣不得前擒酋雷彥劉狗方大股趨鹿邑關保所遣營總依興阿遊擊羅仲保諸軍敗且死此七月初旬事下旬則諸擒雷彥劉狗宋喜元蘇立楞眼張朝甲楊興太等益深入歸德犯柘城圍太康八月初旬深入陳州屬縣慶廉所遣總兵承惠知府王榮烈都司何天祥諸軍號能戰

者又敗死慶廉救過不暇不復理前說矣其分股藍黑
白三旂亦於八月初十日由宿入銅之雙溝汴塘犯嶧
分數百騎趨蘭山之池塘口知縣程繩武沂州協副將
范正坦等引兵圍出境分扼邳州之梁王城馬莊河干
賊一再搶渡皆擊卻之賊回雙溝閉壁旬餘二十三日
犯嶧之頓莊丁廟德楞額督縣丞張振榮力扼臺莊潛
師襲之□□與滕令趙敏功引兵圍扼韓莊賊知不可
犯二十四日退竄汴塘大佛寺八義集振邦檄徐州鎮
李恆清副將胡元昌守備姜長清邳州牧周力城宿遷
令王獻等分率兵團由豐碭北行障賊歸路九月初六

夜賊犯萬年開撤運南民居屋材及牖牖以紹之屬亂

流渡運東軍兵團致死轟擊沈溺累百始卻同日臺莊

附近巨人橋河干闖渡之賊亦為防軍擊走循河東奔

恆清騎軍由韓莊出賊東逆擊步軍渡河與東軍協守

申刻賊復闖渡大泛口哈勒洪阿憑河築壘力禦賊踰

淺競渡百餘逼壘下胡元昌夾擊之焚溺各數十德營

舟師縱礮順流南下轟擊猛密始敗遁初九日回奔豐

浦乃大股由魚臺城南十五里豐境張家莊越濠牆闌

入十一日逼魚城趙溶與委員尙芝蘭趙光斗督民團

勇役防守甚力遂竄金鄉之化雨集黃堆羊山諸處分

擾鉅野田家集嘉祥滿家洞綿亘六十里兵聲火色數
百里皆震上庠駐軍金單閒雞黍集賊眾踰四萬兵單
不能進戰十三日賊犯濟甯之安居長溝知州盧朝安
河營守備馬萬春引標兵並青州騎兵扼唐家口分軍
趨安居逆擊失利萬春戰歿朝安馳回城守賊大至逼
外圩圩內市肆櫛比賈旅帶粥集資調團守備立具賊
屢薄屢卻十四日東鄉民團馳至旂矛森然參將孫延
畧都司周貞元等率河標兵翻城應之內外喧擊賊解
圍分三股走一向東行一向東北一向正北當是時也
文宗皇帝秋彌木蘭津郡海疆不靖方徵兵衛

畿甸文煜引軍北行駐交河之富莊驛俟進止賊追虛
深入振邦檄出境會勦之富新統原部回東由韓莊繞
前扼賊北犯商令幫辦徐宿勦匪太原鎮總兵田在田
督胡元昌等步騎五千於十四日由碭西入單號召鄉
團憑隄布守逼令南趨至則無及擊斬尾隊百數十而
已。

山東軍興紀畧

卷三之上

皖匪三

方賊之由濟甯解圍分竄也。署巡撫清盛於九月二十日統新募練軍千人扼泰安之辛莊。奏言待催調兵勇到齊。卽親赴汶南堵剿。刻下津防漸緩。請留道出東境北援之。建甯鎮總兵張得勝軍助剿。並請調回赴北通州山東兵二千得旨允行。二十五日。欽差大

臣候補侍郎勝保咨會津郡解嚴。文煜統援軍由富莊驛回東。而濟甯東竄捻股先於十七日至滋陽之顏村店高屋橋。入甯陽之施家店。知縣董春卿率勇出禦。賊

闖入縣城典史龔紹昌罵賊不屈死

節錄澹菴文鈔紹昌武進人本名芳

字良若少呂縣學生員給事內閣叙勞選甯陽典史歷
十稔令是邑者事必諮君常獲興除利害故民戴之十
年九月十八日賊陷甯陽遇害十八日熏夕賊北走春
年五十六事聞贈卹如制

卿復縣城賊竄泰安逼府城知府夏雲煥率兵民登陴

守禦甚力賊先後往反薄城者月餘至是知不可犯退

由大汶口折而西逼兗州府城行犯曲阜富新引軍自

峒嵒馳回逐之賊奔遁至聖林廟得毋毀衍聖公

孔繁灝奏言曲阜四鄉被擾團練渙離東行之賊兵團

遮勦勢欲奔回南路金魚又報捻至曲阜聖賢林廟所

在官軍駐此西可策應曹濟南可控制鄒滕請留富新

軍駐曲。疏入。

詔下文煜體量。果於全省有益。則允。

所請若應。調防他處。未便株守一隅。文煜奏寢其議。其由濟甯北竄一股。同日由汶上之蔡家林。走東平之戴廟。知州王錫麟督民團陸厚。堪等。憑河礮。郤之。東阿令吳樹聲。張秋通判海興。亦力御賊。李連橋挂劍臺諸處。賊遂西。二十日。由壽張之黑虎廟。趨梁山。梁山營都司馬風雲戰歿。與鄆鉅屯賊復合。逼鉅城。會田在田引軍數百人。縣城登陴布守。調胡元昌等大軍逆戰。賊引去。初。賊之圍濟甯也。有後股七八千屯鉅境。九月十三四等日。分擾鄆之呂官屯。馬家海。呂月屯。漢石橋。郭官屯。

諸處知縣何允安敗之丁官屯十六日賊擾老君堂團
長季錫魯趙康侯魏篤等引民團擊賊黃堆集禽斬數
百追之鉅境歸家廟賊眾大集步騎縱橫接戰民團殊
死鏖之傷賊五六百錫魯援旂陷陣三出三入創痕蔽
體所斫賊以百計而賊勢不撓力竭以殞奏聞優
詔照知府議卹時論深咎康侯賊益無所懼十八日薄
縣城允安登陴守禦次日陷允安死之允安湖北城回
江夏人
於三年兩爲粵匪土匪所陷官民困窮彌望靡贖賊棄
之而奔會河南團練大臣毛昶熙檄蘭考民團擊賊曹
州之王莊金雞頭勝斬二百餘級追之白茅集賊奔曹

南八里屯。又回奔西北。考城團又伏礮擊走之。劉成村。危灣團逆擊之。王洪屯。賊乃由曹州城正南西南分竄。一股趨定陶城。圍攻一晝夜。城中央火起。知縣武燮撲火登陴如故。會上庠與候補令李均遊擊哲克敦守備武殿元等軍至。賊解圍走南旺店。趨曹縣。二十五日黎明。圍之數重。知縣靳昱督民團呂金臺等縱礮猛轟。翻城。鷓擊東豫民團。又合擊之。流通集。和熙所遣歸德鎮慶文軍亦至。次日子刻。賊由普連集望魯集桑隄口踰河隄。趨夏邑西南去。其先由濟甯東北竄入山路之賊。十九至二十一日。歷泗費新泰入蒙陰。會張得勝軍至。敗。

之西北常路莊。知縣錢枚方調團出防轄境白馬九女關賊襲入縣城。焚掠竟日。二十三日得勝枚合引兵團赴之。二十四五日退由常路莊入沂水之垛莊。蘭山之湯頭青駝寺徐公店李官莊相公莊莒州之汀水集大店。知州福格集團力擊之。躬冒礮火。斬賊數十。賊駭而奔。自境內十字路坪上分竄。日照之碑廓集。大股趨江南贛榆之沙河青口諸處。十月朔回奔郟城。知縣沈沅率民團數千。合德楞額軍禦之。夏莊賊奔馬陵山泉兒頭。范正坦與蘭山令程口口逐賊李家莊。賊退高都。歷郟而邳。江南民團禦擊之。回奔臺兒莊。迤東黃林莊渡。

運餘賊千騎夾沂河屯馬頭重坊諸處兵團陸擊之初
七日走嶧緣道步賊來會者復數千夾護資糧累數百
車牲畜數萬訶噓而行由丁廟萬年閘大泛口撤屋材
門牖爲三梁而渡文煜已回東受巡撫事進軍荷澤移
沂州檄崔萬盛范正垣引兵倍道追之初十日及之河
千賊奔遁是役也賊自八月出巢入東疆由東南出西
南合股而至分股而回繞行千餘里陷兩城焚掠幾二
十縣有 詔查參防堵不力之員郝上庠明霖錢廷
煦皆獲咎春卿枚奪職十一月 詔曰天氣寒冷正
北方勁旅得力之時若能年內蕩平捻逆則粵逆之勢

自孤僧格林沁瑞麟均著毋庸馳赴行在卽帶兵勦辦
北路各匪先由河間次及山東河南權其緩急以次進
勦僧格林沁現爲欽差大臣著督各路兵勇合力兜擊
激厲將士以贖前愆於是僧王與前文淵閣大學士瑞
麟率師由直隸進東昌調山東滿綠營官兵赴曹聽用
文煜令副將文英遊擊保德統通州歸伍兵二千咨青
州副都統撥滿洲營兵數亦如之初六日僧王軍次濟
甯毫東巨捻劉玉淵合五旂賊眾近萬由豐入魚臺之
陳家集卞家集犯金鄉廷煦率團擊賊圍隄口頗有勝
斬賊退屯乾魚頭化雨集胡家莊數十處僧王飭騎兵

進擊賊退羊山滿家洞李登樓十五日僧王督步騎擊賊羊山東麓火器斃賊三百餘而陰雨泥淖鄆鉅間地多窳窳北兵不知徑路行傍羊山集東爲賊所乘傷亡騎士數百疏聞詔諭文煜卽飭富新軍助擊此外

如有可調兵勇分投堵剿毋任北竄時賊退屯獨山

境鉅

僧王親駐鄆鉅戰賊而令都統舒通額扼汶上之袁口

上下河干集團布守備北犯十八日賊奔入范縣河東

香店鄆之黑虎廟爲鄆鉅濮范土匪所引窺隙渡黃

詳土

匪卷王軍追之范令彭錫齡觀城令蘇汝鏡扼河北兗州通判海興東阿令吳樹聲扼張秋鎮李連橋賊游駛兩

日夜循河而南。二十一日，由濮州之紅川口荷澤之黃鎮集西集，避兵夜行。次日，與長鎗會匪合。

詳另卷

逼曹州

城。哲克敦邀擊之。二十四五等日，入城定之。汶上集楊樓僧王軍又及之。上庠軍自鄆至，迭敗賊八里莊王店團長武舉韓濬，陷歿。賊趨曹境東普連集，掠食近城。知縣靳昱突出擊之，屢有斬獲。賊因王軍追逐，勿釋。民寨恃以固守，無可剽掠。二十七日，全股奔豫疆，虞夏去。僧王令騎兵追之，親巡黃河舊隄，規畫浚濠，築壘起豫之考城、汜、魚、臺之南陽湖，凡四百七十餘里，以傍隄之曹、單、荷城四縣民團分段守之。鄆鉅濟金嘉魚民團聞警。

協守規制畧具十二月趙浩然復率黑藍白三旂萬餘由碭虞逼單曹州守童正詩以修隄至單合上庠軍悉力禦之賊分兩股西股馬步千餘綴上庠軍北股繞碭之龐家林由隄墾缺處入單之賈家莊團長張從辰致死塵擊其子百忍歿於陣十九日賊由曹馬集入金鄉大李家諸莊僧主軍由濟甯西南牛頭河馳出勢如風雷藍旂賊退走曹境之南黑白旂賊退屯羊山南麓二十三日僧營舒通額營總富和分引勁騎張兩翼鈔之賊奔嘉祥紙坊諸處富和選突騎三百橫穿賊陣賊愕而馳全股皆亂舒通額麾全軍犄之斬級五六百步軍

山東軍興紀略卷之三十一
繼進賊波倫四起馬步復集舒通額設伏雪山奪起要
之轟斬四百餘級賊全股分裂竄單之東北金鄉西南
城武之北八九十里間如驚禽駭獸二十四至二十八
日僧軍步騎往來縱擊上庠從之賊或鬪或否倏行倏
止職馘累千以積雪沒踝士馬飢餒始歛軍賊蜂屯蟻
聚鉅野城南單縣東北烽煙鉦鼓與官軍相錯也十一
年春正月六日偵賊方媿隊王率後軍自唐家口進金
鉅賊奔西南初九日向晨敗之鉅境史家樓日舖又敗
之太平集轟斬步賊甚眾賊奔資糧牲畜委棄滿野初
十日四鼓王潛夜由安興墓沙土集進及賊官莊悍騎

千餘回鬪。王軍戰益力。民團所在夾擊。互有殺傷。莽。買。幾。百。里。兵。團。死。者。與。賊。屍。又。相。錯。也。賊。奪。路。奔。直。隸。之。東。明。長。垣。折。東。人。考。城。王。回。軍。濟。甯。二。十。七。八。等。日。賊。復。突。入。單。縣。新。隄。擾。曹。鉅。鄆。境。二。月。朔。由。鄆。之。元。帝。廟。梁。山。入。壽。張。東。平。境。時。文。煜。調。擢。直。隸。總。督。清。盛。再。攝。巡。撫。事。

詔責會同辦團大臣杜翻整飭民團嚴防河岸。清盛檄守備李凌霄率兵二百。扼張秋河北。初四日。賊由戴廟鳧水渡運。分股自安山渡運東。屯東平之窪裏。清盛檄濟東道明新。參將玉山。率千兵馳勦。次日。賊回渡汶河。深入東平。州判吳琦率團巷戰安山以死。

僧王飭三品頂戴前副都統伊興額徐州鎮總兵滕家
勝追擊勝之。賊洩桓避兵而行。乘間圍攻民圩。初五日。
官軍襲賊東汶兼轄之臥虎山。追奔二十餘里。至楊柳
集。伊興額家勝深入伏中。挺矛馳突。不得出。斫賊數十。
身被十數傷。力竭以歿。伊興額治軍嚴整。有聲淮徐間。
家勝驍勇。王痛惜之。請優卹如制。賜諡伊興額壯烈賊分
擾甯陽曲阜泗水。初九日。及泰安之夏莊。逼城下。知府
夏雲煥候代將去任。兵民攀留有泣下者。後守錫惠上
言臺司。稱雲煥在官七閱月。日在兵間。露宿堙塊。體貌
尫瘠。兵民感之。請留任以從民望。雲煥不可。曰。是一郡

有二守也。遂解印綬授錫惠。相與嬰堞固守。無異握綬時。賊解圍走。始去。送者數萬人。賊入萊蕪東境。兔絲口。及博山之顏神鎮。章邛之黑峪口。陷長山之周村鎮。飽掠東行。人馬踰萬。清盛率兵勇八百營章邛。飭明新回防會城。僧王爲後賊所綴。不得北發。駐軍長溝。飭德楞額與道員李麟遇。引軍馳勦。十五六日。賊陷益都之金嶺鎮。分擾新城之張店。鄒平之黃山。淄川之白塔諸處。清盛慮賊回逼會城。令守備白占鼇。章邛令陳來忠。集團扼澆山埠。又因鄒長北界武定。檄鹽運使桂亮引兵勇七百赴之。二十日。賊奔淄河店。逼青州。焚城外民居。

知府王繼庭。知縣陶紹緒等。縋勇出擊。副都統恩夔引滿兵禦之。兵潰。多傷亡。次日。賊擾昌樂臨朐。涉小峪河。薄濰縣城。知縣張楷枝乘城設守。民團扼外圩。圩內闖闖。殷賑。賊心所豔。二十二日。分兩道圍攻。在籍前河南歸德府知府陳介眉。訓導陳威鳳。武舉譚占元。出圩接戰。賊數倍。不敵。陣亡。團丁死傷累數百。圩內連縱巨礮。賊退入昌邑東南。犯安邱城。知縣陳用衡把總石萬魁分守城闕。二十三日。賊壞東城入。用衡巷戰死之。賊踞城四出。焚鈔。德楞額軍尾賊濰境陵山房市。賊大股屯馬司村。夾沙河列陣。數踰二萬。營總色楞泰步軍出。

西南擊其右股。騎軍由東南衝入，斬級百餘。二十六日，甚雨，賊復入安邱城，追之李官莊。是夜，李聯彪麟遇子率勇四百合民團焚宗家莊，賊卡四。二十八日出城向東南，入高密諸城境。知縣崔瀾擊之渠河孟家店，賊奔日照莒州，入江南贛榆青口。其後股花旗賊先於月十三日由豐入單之高家樓，眾興集。十五日犯金鄉，走濟汶之新開河，幫辦軍務都統西凌阿由濟甯循河截擊。十七日賊奔屯運西鄆之張家營老君堂。二十一日疾馳出汶上戴家廟十堡，渡運東，焚掠二郎廟沙河站楊柳店諸處，游騎趨百里外，擾及肥城之五道嶺衛魚莊。長

清之翟家莊貴德鎮二十七日清盛由濟陽回軍齊河

三十日賊擾及長清之小金家莊杜家廟深入段店省距

十二里會城戒嚴杜翻率辦團之前江西廣信府知府袁

泳錫等登陴巡守調齊河濟陽民團扼省西飲馬莊省距

三十里清盛飭參將緒綸知府潘駿文引軍擊賊敗之駿

文緒綸功最皆荷陞叙遊擊王山亦擊敗西山口來犯

之賊三月朔賊犯長清城次日分股由崗山回奔泰安

東汶境初六日復回趨甯陽逼城下知縣李琛嬰城守

僧營舒通額疾馳而前鈔賊東北坦山復擊之許家橋

賊兩敗而奔入滋曲泗三縣境十三日趨滕縣屯一日

走銅嶧轄境周家山頭二十四日回攻滕城僧王自長

溝移軍鄒縣防白蓮池教匪之與合也

詳另卷

四月初二

日賊攻圍縣西白林廠民圩王軍援之復分股西擾滋

境王印村諸處王檄黃良楷引軍追之賊趨濟甯知州

周鷓率兵團連擊郤之分股由濟之趙村汶之袁路口

渡運再犯甯陽東平初十日西凌阿騎軍擊賊戴廟之

南賊馘累百副將文英步軍復及之賊奔西南十一二

兩日步騎合軍躡擊賊晝夜奔金單民圩知官軍在後

閉砦力守賊不得食趨虞夏以去僧王移軍入曹州勦

會匪

詳另卷

令西凌阿騎軍赴東昌與巡撫譚廷襄會勦

邱莘教匪

詳另卷

五月十四日。捻眾由宿蕭銅山趨段家

莊澗頭汴塘逼嶧。十七日。德楞額復令民團決湖水灌

運。擊退七里溝消口闖渡之賊。令營總某渡河邀賊得

勝。莊賊繞邳之浹口。涉水潛渡。入嶧蘭兼轄之甘石溝。

蘭之蘭陵鎮。二十九日。分犯邳城。知縣周士溥礮卻之。

擾蘭邳之泉兒莊李家莊。西抵朋旺莊。東及紅花埠。糾

幅匪周九羽黨。分道而馳。

詳另卷

其時。小黃旂。魏懷元。捻

股。於六月初三日。自銅趨豐之唐家寨。入魚臺之穀亭。

集與長槍會匪合。

詳另卷

逼縣城。知縣趙溶登陴而守。僧

王軍城西四十里羅家屯。十八日。飭營總常山保引騎

軍合擊賊遁追斬百餘仍屯穀亭集附近常山保與相持旬餘賊趨西北而後股趙浩然趙欣然股眾由碭犯單十九日陷踞洪家橋民圩另股李加英李大個子張策等率花白旗眾萬餘於七月初二日由豐之高家樓唐家寨北趨魚臺回擾豐之西趙村又北入單東之光明集黑旗宋喜元捻眾於六月出巢邊馬至虞城馬牧集大股屯大侯集另股劉二老淵楊興太眾數千續至虞城老君寨合之初四日僧營遊擊蔡某戰賊金鄉失利翁吉順後軍馳援獲勝初七日穀亭捻會賊眾奔鉅野之西分屯鄆城郭官屯王老虎莊十一二等日單令

周士銜合參將定順引兵團勦加英股眾於曹馬集黃家莊高莊戶賊由東北斜趨西北環城奔驟士銜回單城守常山保翁吉順擊懷元股眾於鉅之獲麟集鎮草坡加英一股十四日竄金鄉司馬集興隆集回奔正西馬家廟葛村集喜元一股又由豐之隨家集陳家橋北來懷元一股仍屯鄆東鉅西相犄角當是時金魚單鉅四縣間村寨數千無不見賊或攻或否盤繞無定民團呼號乞援會甚雨泥淖高禾蔽野僧王騎兵疲於奔救芻糧不繼士馬疲羸王憂形於色而謀報另股捻首趙開元任得秀陳清讓等眾萬餘游弋徐州之北徐宿軍

太原鎮總兵田在田。徐州道吳棠迎戰郤之。勢由韓莊。萬年閘渡。運德楞額飛書告急。王謂將佐曰。賊勢如此。數幾十倍。官軍不能再與野戰。惟當嚴固直北藩籬。乃檄西凌阿回軍濟甯。扼北路。自統全軍扼東平之安山。憑河而守。賊分股由鄆之梁山趨河干。相持旬日。官軍屢敗。開河袁口王壩口闖渡之賊。分兵援河西馬頭集民圩。擊退張秋鎮土匪。賊夜撲王壩口。至再至三。爲兵團所卻。乃潛由東平王仲口常仲口靳家口分起渡運。而東時八月初三夜也。副將文英由安山引兵數百尾之。賊日夜馳走。由東平之吳家漫沙劉家所涉大清河。

歷犯汶上平陰肥城初七日夾汶河而東分犯甯泰知府錫惠知縣楊寶賢引兵圍擊之邛家店初十日東奔玉皇山范家莊入萊蕪之水北寺此擒首張閔刑等大股由西南金魚深入之擒眾也另股花旗七八千眾先於七月二十四五日由邛之夾口渡河向東北入沈陽後股犯八閘被擊回奔汴塘入銅北走侯孟山而東德楞額引兵圍渡河敗之黑山追抵塔山之東賊以騎綴官軍二十九雨夜步賊於巨人橋新閘子渡運民團驚退大隊乘之益猛守兵潰賊分由三灣德勝閘同渡一股趨攻鄒城知縣周士溥率民團爲守屢卻屢圍三十

日分起北竄。一股入嶧之古邵陰平白山莊。逼城下。知縣顧鋌禦之。退屯滕之東北桑村孤山。其夾口渡河之賊分股回奔甘石溝蘭陵鎮。八月朔黎明。白山莊一股至土魯河。分二股。一由嶧城西北行。一趨城東北。屯距城三里前灣侯家橋。火光逼漢。夜半攻城。兩時久。爲火器所卻。次日德楞額軍至。賊吹角北趨。德軍尾之。至亶山口始罷。偵賊退攻齊村民寨。分股入滕東峭村。勢趨蒙泗。因叢山不能馳。回奔東北。初八九日。趨鄒之嶧山。宣村鳧村。逼城下。知縣張體健登陴轟擊。傷馬賊十餘。賊奔正北。入曲阜之大屯村。大趙村。孟林南。公府東北。

諸處犯泰新萊蒙境分擾數百村寨名不勝書與前竄萊蕪水北寺賊合股欲入青石關趨青萊先是博山令樊文達倡議緣山築牆調長鄒淄諸縣民團扼關而守初十日賊騎數百盤旋關外兔絲口芍山文達引勇圍潛出擊之萊境楊家屯轟斬衣黃馬賊五餘賊十七追踰兔絲口而回拔出難民七十有奇賊回奔東北入萊之蓮花山盤莊孝義顏莊董家園知縣及恩鑒率團逆戰奮擊卻之十一日黎明民團舉人呂傳誥等再戰陣斬八卦旂賊目賊回奔東南入蒙陰境及泰安之新莊長清之界首長城翟家莊烏洞薄縣城知縣丁兆基把

總李炳武固守兩晝夜十二夜闔門出擊頗有禽斬賊

沿大清河趨濼口

距省十二里

辦團編修徐昌緒與齊河令

李均分率民團布河西賊不得渡會城戒嚴初譚廷襄
之聞賊渡運也專疏言德楞額防河不力俾賊深入請

旨罷之遂由東昌馳回令參將柏祥縣丞徐必麒

率勇七百扼長清之開山泰安之新莊參將保德兵勇

六百扼楊家臺營總烏爾貢札布遊擊緒綸扼杜家廟

賊虜脅萬餘奔騰馳驟而至諸軍幾爲所吞不能禦全

師旁逸廷襄駐軍城西趵突泉上賊大至乃馳而入外

圩被難民庶累數萬男女登陴令曰毋縱礮以怒賊賊

旂矛如林向東北趨章邱三日始盡此擒首劉天福等大股由南路嶧郊深入之擒眾也其後股尚餘七八千眾屯東汶間皆黃幟亦由王仲口至吳家漫沙循前股舊路入人數之眾如此乃續有白旂賊先於七月二十三日自豐南張五樓逼魚臺城西趨嘉鉅鄆與黃旂合趙康侯與嘉祥令黃景晟迭擊之境北狼山屯南武山鉅野欒官屯劉家寨同時續有藍白黑三旂股眾由豐入單入曹入金鄉後股黃旂賊仍屯碭境另股由江南海州青口於八月初三日入莒州之大店鐵牛莊野泉莊分股由日照之紅嶺碑郭莊蠶諸城之許孟一股由

莒之招賢館奔諸城之只溝初六日撲城下知縣鄒崇
孟典史王恩湛守禦三晝夜初八日由諸之孟曠夾堯
等莊入安邛之景芝鎮霸山知縣稽文笏勦賊甘泉莊
賊奔昌邑高密之雙羊店前雲南提督綽克托巴圖魯
傅振邦去冬因病疏辭督辦徐宿勦匪乞假回籍是年
三月奉命督辦登萊青三府團防至是集團要擊
截賊爲三一股圍攻昌邑城知縣聶瑩思力守振邦馳
援解圍走諸城之巴山一股趨膠州之上蘭一股入高
密澤南奔膠境洩桓萊平卽濰諸縣焚屠村寨掠逐牲
畜五六百里間曉夜驚動死傷屬道此擒首李成等大

股由南路莒日深入東三府之捻眾也。其劉家寨一股亦於初十日奔王仲常仲口渡運。再循前股舊路行。泰安令楊寶賢禦之下村。肥城令蘇炳榮禦之演馬莊。張家店。萊蕪令及恩鑒禦之董家花園。賊再犯會城。十六日分股竄東北。一趨段店。晏頭中宮。入章邱之明水。知縣陳來忠把總鄭麟閣率役勇禦之。龍山鎮賊分股由南山僥道趨縣城。來忠馳回城守。賊捲地而至。民團前後受敵。團長焦肇京被圍自刎。許繼統陣亡。家丁杜升率勇團戰賊馬棚莊。勝斬累百。回援縣城。遇賊血戰而死。一股屯南樂口。閻旺新開河。循大清河圖北渡。廷襄

檄齊河長清濟陽商河諸縣集團布守河北會僧王軍
由濟甯尾賊至賊循河之南奔齊東新城亦入鄒長十
九日王軍至省二十一日先遣營總札
騎兵逐
賊入章鄒是夜前軍兩敗賊泲山埠僧王營城之東賊
分股一入鄒長山中一入齊東新城境王偵賊首趙浩
然胡四在孫家鎮令騎兵蹙之斬級百餘賊走壽光樂
安濰縣壽光令彭嘉寅以賊火箭焚城央廬舍民情洶
懼選銳士四百翻城夜襲之守陴者呼應禽偽元帥祝
鞠石萬同等三十餘斃者累百濰令
先敗另股
賊於北張柳疇出營城北集團擊賊高里寒亭二十三

日僧王移軍劉果莊逼之。盡斬王家碼頭踞賊。賊奔遁。縱擊之。長山以西。鄒平以北。賊薄鄒平城。知縣鄭錫鴻力擊卻之。復合團擊之三座坳。賊返奔。王督騎軍要其歸路。時甚雨。上淋下潦。士馬皴瘃。音皴說文引詩小雅瘃瘃駱馬王臂瘡方皴而痛。絡之頸以逐賊。將士皆感奮。賊奪路奔長山之陶唐。知縣何維莖。千總李恩臨要擊之。二十八日。又敗之高苑境。知縣林溥擊之。張莊韓莊。二十九日。王軍追賊入博興。知縣周丕禮先期調團設伏。轟擊甚力。賊不敢遁。回旋焚掠而去。僧王軍與德楞額分路馳進。賊合股屯臨朐之盤龍山。擾入益都。知縣長賡引兵圍

連勝之城東十里廟。九月初二日，賊南奔，僧王軍馳之。越二日，敗之譚家坊。樊文達勝，斬零股於野園莊。賊由臨朐之寶家窪南遁。初五日，王軍蹙之山溝，槍斃無算。賊奔安邱之高崖，知縣嵇文笏與辦團之庶吉士張莖禦之。雹泉社賊入諸城之臨渚，只溝西行，委棄牲畜資糧塞路。王軍逐賊由安邱而南。初八日黎明，及之莒州。王湖莊迤東山口及柳家店，知州福格集民團四五萬，喊聲瘡瘡，攢矛如林，賊不戰走。日中又及之新莊，賊依山列陣，富和先以吉林騎兵馳下，賊嚴陣不動。恆齡常山保分躐其首尾，德楞額舒通額擣中堅，賊陣亂奔西。

南王全軍縱擊之士馬騰躍馬賊奔突者爲連弩所中。賊馘三千餘獲牲畜軍械倍蓰王令福格運解長溝底營舉之數日始盡賊入沂蘭境圍逼沂水縣城初十日及之木頭湖虜者散竄步賊累萬畧盡斬馬賊三百餘於蘭山之大山寺餘五六百騎由蘭陵鎮奔邳嶧河干。梟渡而南德楞額軍追之王軍暫駐臺兒莊餘賊之在鄆鉅境內者鄆令趙惟崐守備姚良材格殺百餘遂合入長槍會匪別詳另記。

山東軍興紀畧

卷三之下

皖匪四

其李成張閔刑二大股之深入東府也。盤旋萊平膠卽累月。分股數十。陷村寨以數百計。八月十二日。大股由平度之劉莊。膠州之樂村。分竄卽墨。參將鳳崗知縣李淦禦之。小有殺獲。十三日。趨城下。焚西關市廛。掠質庫。得木材。潛夜攻城。千總張治平拋火彈燔之。千總王廷誥。團長江方銜等。方引兵團扼沽河。團總江恭先。紀雲瑞。血戰死。團丁殉者百餘。方銜聞城圍且陷。回軍馳援。守者諱號相答。鳳崗啓關夾擊。圍遂解。後股賊方由壽

光樂安犯青州二十九日馬賊東西馳突步賊列陳城南知府潘駿文參將馬秉阿知縣長賡等登陴守禦長賡夜選練勇六百滿兵三百投縋出南城襲賊城東十里廟斬步賊八九十馬賊奔追之玉皇閣馮家莊賊終夜有聲黎明循洱河奔東南民團夏兆樹李延和戰歿再入萊陽之黑石埠平度之豐山卽墨之刁村諸處萊令陳恩壽禦賊小沽河勝斬累百賊卻入招遠之新城諸處其分股者先於十五日至黃縣之北馬黃河營小河口聶家後營又分股南趨位莊諸高黃山館香城諸處知縣何亨九與在籍辦團編修丁培鑑屢卻之把總

趙振邦率勇敗於黃山館。賊趨南店，分股賊入蓬萊之
樂家口。登州戒嚴，知府戴肇辰居憂將去郡，代者覺羅
常筠未至，烽火日近，紳民籲肇辰蒞事，乃襄經理兵，與
登州鎮總兵曾逢年率同知圖桑阿、蓬萊令張國華、府
經章嗣曾、縣丞孫耀祖、李廣勤、典史江瑞采、教官陳官
懋、張嵐奇等脩守調團，令後營遊擊施元敏守備許連
城率水師入城助守，令鄉團徐同泰等扼茶棚，令城團
朱昌霖等扼石門，令史家溝等民團扼沿海東奔之路，
令南王緒等團姜榮森、曲守基等扼城西北峯頂，杜沿
海西奔之路，賊犯北溝，民團楊鴻漸敗之，賊遵海而西。

榮森守基等再敗之。賊退距城七十里。三家仲家後股圍攻黃縣。亨九乞援師。逢年檄遊擊舒泰。肇辰檄委員知縣戴勉。引兵援之。賊聞僧王軍追後。股東行。大勝於臨朐境。曉夜恐動。勢將西還。遂分兩股。十五日。一由原陸西行。一由朱橋奔掖縣之沙河。漫延平度之蘭隄。卽墨之南村。黃之白馬。入距城西南。賊氛互數百里。東西股各二三萬。分合不可辨。二十六日。回奔萊陽之水岔石格莊。招遠之義道村。畢郭集。招遠令春林。把總孫顯堂。禦之。午刻。奔蓬萊之諸由觀。焚掠黃河營野張家高家莊。九月朔。分三路犯府城。一由沿海備倭城北來。一

由西路入三十里鋪。一由南路入宋家店。舒泰趙明堂等兩敗賊茶棚平山河。賊焚掠徐家集北王緒高家莊北溝及平山河。民團皆敗。廩生楊鴻漸生員楊長春劉錫齡等死之。殉者累百。城內大震。分股二千餘攻水城。肇辰等力禦之。分股三千餘攻黃縣。亨九勉等固守。得勿陷。其擾府城者眾。踰萬。焚掠樂家疍沙家莊五里墩。勢攻西城。城上火器猛密。始卻。初四日。分股東奔。大股環城馳騁。舒泰國華引兵圍縋城出擊。賊由辛莊退走。分股入棲霞縣。又分股由潮水集入福山。棲霞一股至境內臧格莊。偽團于岸等率黨迎之。與子皆敗死。詳另卷

逢年檄甯福營都司孔廣苞引兵援福山賊疾趨沿海
煙臺鎮巡檢黃兆麟從九方信芳禦之信芳死賊後股
尙擾萊陽之穴坊莊諸處分股者由黃務五臺徠山解
甲莊入甯海知州王贊思倚學正王厚階辦團設防甚
密賊焚城關民團曲雲齡父子戰歿孔廣苞與千總王
萬春礮卻之分西南東南兩股走上莊龍泉湯民團兩
敗之賊犯文登知縣徐福臻副將黃承第在籍工部主
事畢瀚昭等率文榮二縣民團禦賊昆崙山賊不得入
引去回奔海陽逼城下知縣倉景長力守郤之時福山
圍解賊攻萊陽城知縣陳恩壽多方守禦賊盤旋境內

七八日十七日由萊海西奔數亦踰萬其分擾膠州之賊萬餘知州殷嘉樹副將春林城圍傅儒功高含章等自八月乘城死守屢瀕於危至九月十八日城圍始解四鄉無完戶賊走諸城入安邛之井邛莒州之招賢館循海南奔遂出東疆入江境餘賊五六千聞僧王軍追賊而南遲回不敢南下盤旋高密壽光間與萊海回賊合眾復萬五六千十月朔自高密之雙羊店安邛之景芝入昌邑之高陽防嶺傅振邦令遊擊傅振鼇千總陳南森與高密令文熙城汛把總高名揚等率團夜襲之斬級六十再擊之高陽東北迎風村鮑家屯斬級二百

三擊之東南譚家營。毀其三壘。斬級三百餘。民團傷亡者二百有奇。賊分股奔。一由安諸而南。大股奔濰縣。知縣程□□引兵圍要之。南流集。斬百餘。賊由樂臨新長走鄒平。孫家寨。章邱水寨。油牌莊而西。廷襄令武舉鄭麟閣把總楊逢春設伏山陰。突起呼嘯。卻之。知縣陳來忠引民團扼之危山。斫賊數十。副將保德追襲之黑峪口。賊越山奔萊蕪之長城嶺。初三日入泰安之徂徠山。汶河趙家壩。緣道潰散數千。衆尙踰萬。初六日南奔濰。曲二縣境。入鄒之孟林頭。初八日。偕營騎將富和常山保擊之界河。賊敗屯疙瘠灣。初九日趨滕之大廟村。知

官軍駐嶧。回奔滕。嶧交界之羊店。十二日復爲富和等
敗之。滕境高廟村。十三日入魚臺東北兩城鎮。夜奔濟
甯。潛渡王村石佛閘。越運而西。奔金鄉。十五日出高河
店隄濠。奔豐碭。回巢。當賊之奔高河也。金鄉令錢廷煦
督民團緣道截擊。禽長髮賊石爲玉等四十餘。探爲主
腰間得咸豐四年知縣楊鄭白殉粵賊之難。所失金鄉
縣印儒學印各一。事越十年。復於金鄉得之。異已。

詔令德楞額來京候部議。僧王疏請留辦蘭嶧幅匪。詳另

卷 朝廷重違王意。許之。先是廷襄於九月奏設團

營。詳另未成而捻酋楊興泰宋喜元龐光俊劉狗等眾

屯虞碭日久。單縣不能弛備。十月既望。光俊率騎二百餘。由碭入單。之辛羊集。代理令周存庚與民團朱聖桂。王敬謨等截擊。斬光俊及餘匪數十。禽袁興元等四。匪敗回。十九日。興泰引眾游弋南隄。邊騎入單。之柴隄口。鄭隄口。民團勢甚盛。復卻走虞境。而同日。劉天祥。紅旗。股眾萬餘。由碭入單。之朱家集。馬良集。梁家窪。楊家窪。擾及金鄉之石佛集。乾魚頭。二十五日。由單之新興集。入城武之天宮廟。知縣趙鳴琴引民團宋澍三逆擊之。郟城僧王方駐軍曹縣。勦會匪。詳另卷先遣富和常山保騎兵來援。十一月初三日。賊南遁。王軍由曹之袁家圍。

馳出斬數百級。富和等追之白浮圖。賊走豐。時諸軍專

辦會匪。而會匪潛引捻爲外援。詳另卷聞僧王駐軍曹馬

集。乃十二月初九日。紅旂敗賊。繞由沛縣湖團程子廟。

合會匪三四千。入魚臺洪福寺。單之芳桂集。王令富和

等合金嘉城民團陸擊之。西凌阿軍復追逐會匪餘黨

於城定間。連勝之。馬良曹馬集。賊不得逞。再奔豐。乃黑

旂趙浩然。大股合竄。豐前股入屯碭境。眾號數萬。二十

六日。僧王移軍王家樓禦之。令翁吉順率楚勇二千。輔

以騎兵。出奇突之。單縣邊境。殪百餘。賊再奔豐。二十八

九等日。殲游騎甚多。河南團練大臣內閣學士毛昶熙

奏言。捻氛之肆。一誤於專言防堵。再誤於無勝算而輕戰。惟合兵擣巢。實爲平捻要策。臣在諫垣時。卽持此議。今蒙 指示方略。諭飭僧格林沁等。移得勝之師。進擣巢穴。此誠削平捻逆之機。而江皖東豫生民之幸也。夫防賊於旣出之後。何如遏賊於未出之先。勦賊於旣聚之餘。何如蹙賊於將聚之日。且大捻困。則散捻之勢孤。散捻平。則大捻之氣索。現在統兵威望素著。爲捻所懾者。無如僧格林沁一人。今東省曹單雖未肅清。勝保方駐軍濮范。若令僧格林沁之軍。進擣毫巢。東捻自可責勝保兼辦。微臣所部雖祇五千。亦可策厲馳驅。

與僧軍會合夾擊以期收功有日。詔答曰僧格林

沁現與勝保會攻曹南若移兵進毫於事機有無妨礙直東各匪歸勝保勦辦是否足資抵禦於是僧格林沁奏言各捻老巢多在宿州西南蒙城左右及亳州東南袤延數百里豫境商虞永夏江境銅沛豐碭東境曹單魚滕鄒嶧三省邊防幾將千里爲捻匪竄突熟路若奴才徑進亳州勢須由西次第掃蕩而入卽果全軍擣毫距蒙宿之賊尙遙東路諸捻必將走豐碭趨滕鈔我後路我軍勢須回顧北路凡亳州東南之賊勢將尾我而行轉覺進退失據且東境教幅會匪時須抽兵勦辦勝

保兵單萬難獨當北面。奴才軍惟有仍駐單縣。北清會匪餘孽。南察院匪動靜。再籌進止。疏入。朝議臆之時。

文宗皇帝先於八月

賓天。今

上冲

齡踐祚。四方軍旅蒙

兩宮皇太后主持。雖南服

則粵捻交橫。東豫則烽煙徹野。國步阡危之甚。而民

心固結。師武臣力。曾未十年。卒平大亂。率土救甯。中興之治。基於此也。同治元年春正月。會匪潛引趙浩然胡四黨眾。回旋豐北。僧王遣西凌阿富和步騎分路襲之。翁吉順引選鋒千二百餘。橫出夾擊。賊驚潰紛奔。諸軍縱橫盪決。賊尸枕藉。步賊畧盡。陣禽魏東玉等三十一

馬賊分路南奔礪山東南奔銅山去。魚臺令趙溶引民團要之。胡家閣閻家莊林家莊殺獲尤夥。同時嶧境幅匪劉平。詳幅匪卷先於上年除夕糾李成黨眾北竄。於朔日由澗頭薄嶧城張振榮李其昌扼之。土河韓家樓古邨社。次日卯刻趙浩然趙開元李加英任福得捻眾馬步萬餘來援。督勦幅匪之阿勒楚喀副都統德楞額由萬年關渡運襲之。馬蘭屯令劉志和呂德勳引勇由韓莊渡運堵擊。哈勒洪阿色爾固善色楞泰出北路。富爾孫倭和參將閃鳳來出南路。德楞額自出中路。戰賊新安莊大泛口。沿隄追之而西。抵丁廟關。四十里間賊屍相

屬。擒匪自相貽籍。沈溺甚眾。分股者踞澗頭。集穆家莊。

諸軍環攻。破之。禽斬劉平及擒目趙鳳堂。浩然弟。趙狗。浩然。

姪趙克端等。獲畜繫三百餘。旂矛刀械二千餘。另股黃

黑旂賊二千餘。向西行。郟城令周士溥合團橫擊之。土

門曹村。饒有禽斬。賊入城南高峰頭。署沂州守奎芳。扼

城南李莊。接應士溥。初五日。賊回奔沭陽海州。於是諸

擒首劉大老淵。劉二老淵。蘇天福。蘇天祥。即立榜眼。王懷義。

孫繼先。李加英。趙浩然。趙開元。楊興泰。李大個子。李五

孫四瞎。龔耀等。與山東長槍會匪王廣繼等均入豫。疆

僧王亦移軍入豫。山東邊防暫可息肩。無如腹地白蓮

池教匪熾。餒鄒滕。幅匪縱橫。蘭費降眾。恣睢堂冠。徵兵

調餉。仍無甯宇。

均詳另卷

汜乎四月中旬。會匪董執信李標

等。復糾南捻。自曹考交界流通。集過隄北竄。十九日分

屯曹縣危灣。韓集曹樓諸處。另股由東路入蕭豐之北。

勢趨蘭郟滕嶧。僧軍方駐虞城馬牧集。相距百數十里。

廷襄奏言。臣前經議守隄濠。立有規約。又籌備經費。飭

充沂道盧朝安。分飭辦理。今匪踪闖入。應由臣查參扼

守隄濠之署曹縣知縣蔡德沛。並請調現駐大名督辦

直東勦匪正白旗漢軍副都統遮克敦布一軍。由東明

渡黃赴曹州。都統西凌阿理兵濟甯。亦奏請遵調進軍。

又咨僧王回軍兜擊均得

旨允行旋奉

詔曰

風聞滕縣已見逆眾邊馬已至魚臺定陶曹單告急譚廷襄意存粉飾奏報每多敷衍僧格林沁威望甚著如賊勢浩大卽統全軍間道繞出賊前以固北路譚廷襄若以僧格林沁督兵迎剿稍涉推諉不能堵遏罪無可追時西凌阿騎軍不敷分撥遮克敦布軍汜未渡河廷襄駐會城不出惟荷澤令王朝翼定陶令武燮引兵圍數千人戰賊小有斬禽二十七日朝翼等激厲民團圍賊賊縱騎衝突民團潰退傷亡數百人二十七日朝翼等再率民團與曹州守林士琦都司郭齡鼇所部進相

持良久。互有殺傷。會僧王飭翼長蘇克金騎軍至。捻奔

東南。入江豫。惟會匪屯東明境之沙果寺。

詳另卷

五月。捻

復出巢。竄徐州之南。景山之北。向山前馬鞍山撲運南。邊馬至滕之柳泉。嶧之澗頭集。德楞額由雲谷山分勦

幅軍。

詳幅匪卷

令哈勒洪阿將之。扼齊村。令色楞泰引騎兵

扼臺莊。十六七日。幅匪高颯劉兆燦等。句引馬捻千餘。

自小山子車幅山來窺。見沿河有備。反走。十八日。大股

屯庫山黑山徐楊橋。向東南入睢甯。至六月。旣望。馬步

五六千。復由銅山入澗頭集。德楞額分兵赴頓莊。聞德

勝聞韓莊禦之。賊趨韓莊之三灣搶渡。嶧令張振榮引

民團堵擊獲勝。德軍亦至。賊退茅村向東走。另股黑旗二千餘亦於月望入魚臺之夏鎮。鄉團無備警潰。署都司姚鴻烈禦之。賊由安家口渡河入沛縣。廷襄咨充鎮札隆武引兵馳堵。調駐曲阜之協領海羣騎兵會之。十七夜再入夏鎮八里屯。其前此韓莊退賊仍游弋運南車幅山。十八日德軍至泃口。賊覺水渡河。參將梁愷截之。侯遷聞大股奔回宿羊山。旋移東南碾莊。距運河六七十里。署漕運總督吳棠檄駐邳之記名總兵黃國瑞後復沿河扼禦。而同時魚臺復報捻眾結沛縣湖團圖姓陳北犯魚境。穀亭東北火光爍爍不絕者數日。廷襄咨西

凌阿軍由濟甯戒備出擊迭奉 詔諭廷襄出省督

勦七月初三日出駐泰安令謝炳引勇五百扼新莊嶺

嗣奉 詔飭廷襄進駐充沂適中以期東西兼顧始

移駐兗州勦辦教幅二匪詳另卷乃張樂刑趙浩然李成

等復於七月下旬五旂並出分竄鹿邑之西永城之北

有 詔曰僧格林沁公忠夙著威望聿隆著統轄東

豫軍務調度直隸山西及蒙亳徐宿等處防兵凡直東

豫晉督撫提鎮以下各官及正白旗副都統遮克敦布

禮部右侍郎毛昶熙署漕運總督吳棠均歸節制其欽

承朕命毋許固辭八月初九初十等日又有眾數千從

豐碭入魚臺。色爾固善敗之。羅家樓賊走金嘉之羊山。
滿家洞湯家前鋒犯濟甯。黃德集廷襄與札隆武督保
德黃良楷等軍扼長溝趙村河干。檄道員陳顯彝率勇
數千扼防鄆濮水套。詳另卷月既望。色軍敗賊金鄉十里。
鋪顯彝敗賊鄆南十八日。僧王軍至自夏邑。營鉅之大
義集阻雨不得前。二十夜半月色微茫。親引騎兵進金
山北紙坊。賊數千倚山出隊。西凌阿與杭州將軍宗室
國瑞兩軍分路鈔進。槍箭如雨。賊死鬪營總恆齡以驍
騎二百犇之。斬百四五十級。賊靡且拒。且行合入滿家
洞。大股官軍乘勝諄嘯馳之。莊西出步賊千餘。匍匐

煙進馬賊皆反鬪副將何建鰲磨健銳等營騎軍西安步軍接戰槍密火庀傷馬步賊累百洋槍無虛發擊殺旂賊二賊勢將奔恆齡常山保全軍壓之賊自相踣藉而潰奔魚山鋪是處屯賊聞敗先馳諸軍自金山李登樓滿家洞魚山英山宋家集追奔數十里屍血蔽地餘賊奪路奔東南騎兵又及之魚臺城北賊奔豐日向暮而罷一日間所斬不下二三千俘賊目李長華等百有四十拔難民數百當大軍之擊賊滿家洞也王率數十騎乘高督戰令之曰髮長者斬餘者可赦臨陣跪降者數百人賊氣奪是以甚敗二十二日王回軍夏邑捷聞

優詔褒嘉而擒首李成復糾謝家橋另股裝旂北犯又約胡四大股於是月突入金鄉僧王軍襲之羊山賊未得逞下旬令其黨李老婆劉成魏拉卜殿青等眾二千餘由邳渡運入嶧之泥臺后城民團程學智截斬數十大股夜入蘭山之青山紅山成全山車輞崗僧王飭富和與協領春壽騎兵追之入徐州軍黃國瑞亦馳援而德楞額自言擊會匪於王路圩勝棍匪於坊前寨且以承僧王檄飭合色爾固善軍備渡河擊擒爲詞廷裏累檄促之不應二十八日嶧之石城崗民團勝賊大窰村禽賊目李大生熊紅眼等維時李成大股擒眾爲

富和等軍追入皖疆。所餘竄匪數千。會捻雜糅。棍幅莫辨。十一月中旬。賊由邳過河北。奔蘭山。十二月朔。分股擾費。攻圍同石民圩。知縣王成謙。都司楊通廉。由平邑集引軍救之。賊解圍逼縣城。典史朱雲輝。千總張永慶等。登陴守一日夜。尋退。初三日。賊入蒙山中。成謙通廉軍自平邑賈莊追之。賊趨小汴河。攻上冶民圩。成謙等軍至。解圍東走。頗有斬禽。初五夜。賊屯東南薛莊。大股屯上冶。官軍與賊夾河而營。賊勢東趨。成謙所部不及二千。飛書請廷襄撥騎兵協勦。廷襄檄催德楞額軍不至。因奏言。王成謙等一旅孤軍。萬難當此劇寇。臣已飛

咨德楞額富和兩軍皆遲久不至有 詔切責德楞

額有意遷延不遵調度挾被參之嫌以縱賊爲報復居
心如此看來不能受朝廷保全之恩著譚廷襄傳旨申
飭如再不實力追剿卽奏聞候旨懲創以肅軍律毋許
姑息初六日分股擒賊撲蒙陰之對山莊知縣謝慶元
守備任全吉合團力禦賊退三官廟是日成謙與上冶
賊三戰殺傷相當賊乘夜來襲均敗之退嶺東初七日
回屯薛莊困城陽民圩成謙與千總張永慶引勇繞出
石溝夾擊賊解圍薄費城與幅匪及雲谷山教匪合股
竄突廷襄檄沂州守文彬同知奎芳蘭山令長廣等率

步騎千人調蘭費民團赴費會擊初八日賊撲沈村民
圩文彬等麾軍進戰鋒銳莫當斃賊數十調民團兜擊
之抵費城下又擊斃二百餘賊合屯蘭費境教會幅捻
益不可辨至是德富兩軍始由嶧抵蘭廷襄復調守備
郭大勝勇六百由泗入費之平邑集以扼北路黃國瑞
方引軍圍攻長城賊圩李成與會匪糾蘭郊羣匪數千
赴救德富兩軍十七日自蘭馳進會之戰之易堂追之
大楊樹斬賊數百步賊幾盡追其馬賊至成全山復斬
級百餘德楞額悻悻無鬪志回軍嶧縣去十九日捻賊
復糾眾趨長城黃國瑞分軍禦之南橋轉戰三時久槍

樊捻目趙開元禽馬賊數十獲馬三十餘賊奔西北蘭
費兩軍方分路規取幅匪圩寨文彬奎芳長賡所部方

攻磊石幅匪

詳幅匪卷中

而二十日李成復合會匪王廣繼

棍匪岳湘林劉雙印等擁眾近萬聚車輞崗梁邛逼近
州府城文彬等聞報回軍城北繞西逆擊賊勢甚盛四
路逼官軍文彬等步勇千六百有奇殊死力戰往來馳
突兵動若神火器如奔雷擊電陣斬捻賊二百餘馬勇
王克成鄧留等步勇高得盛等十七人陷陣盪決雖所
當者破而以身殉之千總姜順大諄馳入騎兵胡應起
步兵任百勝等從之文彬長賡等麾軍合擊所向皆摧

賊勢大潰。禽泗州長髮老捻馬亭九等數十。斬之陣前。另股賊抱隊西馳。文彬與副將范正坦分軍逐之。輒有斬獲。馬賊分股薄城西。城上縱礮卻之。賊退入東北。文彬等結營城外。夜將半。長賡率從九李復亨未入。陳乃昌徐銘珊等蘭勇五百合民團襲賊北曲坊劉官莊。焚殲數百。禽蘇美成等數十。二十一二等日。敗賊益趨東北。凡蘭山之半城。沂水之葛溝。莒州之朱里下莊石家屯空冲山。一二百里間。大小十數股。德楞額富和等始移軍蘭山。尾賊入莒。有詔責問黃國瑞一軍在蘭山之南。德楞額等軍在蘭山之北。賊已無可竄逸。何以

德楞額回軍嶧縣俾賊乘隙奔突逼圍郡城該革員貽誤事機深堪痛恨現雖仍赴蘭山儻再遷延不進必治以應得之罪二年正月朔莒牧林之材調團禦賊馬者山回團周百清戰尤力賊奔西南廷襄奏言沂水令孫愷元勝賊葛溝賊回奔東南由于家官莊向莒之大店沂水寨諸處有分股者遁入江南贛榆境復有馬賊數百折回贛蘭莒日交界空冲山游弋乃德楞額等軍由嶧回軍僅往蘭山之南無怪乎與賊相左臣惟有飭奎芳等勇隊追賊東路文彬長廣等分率勇團扼截北路而已疏入而德楞額等方以擊賊兩勝之紙房清水迤

西斬首三四百。報由僧親王拜疏以聞。初四日，賊沿蒙山小嶺向西南，擾蘭沂之雙山，費之方城。富和軍至，小有斬馘。賊奔東北，入沂水之梨莊。孫愷元引民團擊卻之。賊奔蒙陰之界牌。知縣謝慶元率團力扼之。賊分股奔蒙山之北，由黃草關而南。奎芳追之，陡山，斃其百餘。賊向正南，仲村去。德楞額分軍追之，榆塘嶺，斗谷山，頗有斬馘。自督全軍駐紅山坊前，其界牌未發之賊，初十日，由九女關回奔東南。王成謙、楊通廉、郭大勝移勦幅軍，橫出截之，大勝等敗之。汪家坡，成謙、通廉追至諸市莊，又敗之。賊涉溫水而南，民團乘夜襲擊，賊怒，致死。

廛戰成謙等軍馳之始走兩日夜殪賊六七百云黃國瑞一軍攻圍長城匪圩不下李成股眾盤旋仲村欲北援長城德楞額富和紅山坊前之軍皆在賊南廷襄羽檄促令移扼北路兼旬不報乃函達廷襄言十七日擊賊作子圩駱通兩處殺賊三百餘禽四五十十八日勝賊王路親見馬賊三千步賊踰萬十九日賊屯杜家堡分股赴長城圍攻黃國瑞營壘德楞額以赴嶧取運軍火方能赴救爲詞廷襄忿恚已極會黃國瑞上言李成擒眾已至長城擊之西哨踞匪出圩表裏受敵國瑞血戰卻賊迭請德富兩軍相援坐視不救廷襄復疏聞

詔曰。己革副都統德楞額。挾嫌置地方軍務於不顧。意將何居。著僧格林沁嚴行查參。如再不進兵。有心延誤。卽軍法從事。諒僧格林沁不肯爲之姑容也。是日。捻眾趨蘭之朱許岡頭諸處。文彬長賡引兵合郟境卜莊碑柱。蘭境高安永安多碧廖屯民團邵廣平等。分道要之。獲其輜賄數十車。繫畜無算。賊奔正東海州之馬陵山。幅匪不肯與合。回竄爲文彬等所敗。詳幅匪卷中李成股眾由麻灣過河。奔泉兒頭。爲莊塢掛劍橋民團所襲。二十二日。入郟之夏莊。趨蘭之蛟龍汪。文彬長賡率勇團扼之版泉崖。二十六日。有另股由莒入沂水之王莊朱

塢勢由東北趨青萊與淄匪合股詳另卷時東昌降眾勢

張甚宋景詩等乘機觀變廷襄乃於二十八日移軍東

昌事詳降匪卷仍飭奎芳任全吉引軍扼蒙陰北路檄臨蒙

諸縣調團扼禦東路行令淄川軍曾逢年等戒備惟德

富兩軍由坊前出隊過蘭山沙埠莊大埠莊不知何往

云

山東軍興紀畧

卷四上

皖匪五

先是賊之竄馬陵山者分股千餘爲措莊民團擊斬三四百奪其刀矛旂旛繫畜無算遂竄東潘黃崖民團又截之奔莒州城下林之材逆擊頗有斬馘禽擒目宋廂等十餘賊由土山折趨沂水同治二年二月朔由姚家店向西北行孫愷元禦之殲馬賊三獲馬二賊攻黃石山莊官軍火器乘之賊火藥燔發焦灰數十百人勢喧亂愷元又勝之橫嶺初八日潰入新泰之羊流店是時鄒縣教匪犯泰安另股亦入新泰

詳鄒教卷中

而德楞額軍

始於正月二十六日由馬陵山東渡河至瓦子溝函達
廷襄言兵單不便進擊迨二月賊入新蒙德軍遭迴沂
莒閒廷襄不得已抽兗州勦教軍千四百有奇令遊擊
焦其洲將之出泗水東北疾馳新泰賊前障其東竄檄
萊蕪長清調團扼北路會城戒嚴初九日德軍次新泰
戰賊小勝十二日賊由泰安西南入甯陽之東新加驛
黃茂莊米家村曲阜之北冬莊九山大峪石家集葛史
店毛莊諸處十五日德軍函告勝賊泰泗閒紅嶺口賊
漫延汶上之界牌白塔作里復奔甯陽之西蜀及滋陽
之龍王店谷家莊廷襄奏言東境外匪與內匪交訂實

屬弗遑兼顧。且教匪句聯日久，屯聚甯陽，已在兗州之北。平原四達，距省匪遙，北竄可慮。惟望德楞額與駐兗諸軍合力夾擊，庶幾保全大局。又奏言：賊邊馬已至汶甯湖路，可達東平。山路可逼省會，事機危迫。而鄒教又句結雲谷山幅匪劉雙印，占踞嶧山民寨，分股四出。兗營左右皆賊，岌岌可危。

以上奏詞

會捻賊逼曲阜，廷襄先期

調兗州守孫家鼐守備郭大勝之軍禦擊之。斬長髮老捻數十，獲馬稱是，縣丞孫家篤引兵向西北縱橫衝擊，斫斬甚眾，獲牛馬百餘，禽彭杉王建信等數十。大勝等復潛夜襲賊泗水之北，軍聲突發，賊袒裸而奔，焚溺無

算李成惶急隱壞垣之下有部向魁部貴張泰和部丙香郝明光部章者宿州人也給李成入民舍巽斬成首而聽之黎明拜軍前以獻初僧王飭清淮統軍總兵黃開榜募人入賊中開榜軍中勇日向魁自言與成舊應募入年餘未得閒家穀先在宿營亦令練總朱廷芳部慶遠等授貴等賞格印諭至是出俘囚及賊中歸者驗之果成頭廷襄疏聞向魁泰和等賞六品頂翎丙香等給功牌銀帛有差於是巨憝授首潰賊數千屯甯陽之彩山立木砮死守德楞額富和軍次泰安之西集扼賊趨省二十一日進軍洪嶺口賊分眾逼甯城知縣

余慶昌引民團擊卻之。而泗水屯教復與捻合。德富兩軍馳擊之。賊遁東南房山口山頭諸處。其洲軍夾攻之。賊入曲阜之元疇。防軍都司劉萬清伏軍湖上村。突起奮擊。斫殺百餘。賊退山北。二十二夜。薄萬清營。營勇礮卻之。其洲軍繞西鈔擊。萬清抽銳士三百。由南擣北。與其洲表裏攻之。賊登山吹角鑿戰。諸軍知首逆伏誅。人思奮衝擊甚力。賊不支。翻山東走。追至魯園。有合入嶧山教黨者。有隨入白蓮池鄒教者。教眾復拒不納。奔回費縣梁邱。至是李成之姪李帛實魁其眾。初李成之自費分竄也。餘眾二千屯梁邱邵村關陽鎮。成謙密遣

教諭朱桂丹生員趙邦興文童李庶等諭勸吳王崗

卽蟠

龍會匪張芳義効功自贖芳義感奮糾岐泉大頂諸匪

擊擒不勝復隨官軍由黑風口進隊兩戰關陽斬擒目

陳雙頂等三十餘級禽其三文彬長賡訶郡西幅匪糾

眾欲援李捻先擊之匪再敗不敢出援

詳另卷

而會匪守

義等以無功自疑復與李捻餘黨屯梁邛者合又潛合

旂山幅匪孫化青會化青爲黃國瑞長賡軍敗斬

詳幅匪卷

三月捻會匪合眾六七千竄嶧山教匪因糧乏不納初

五日捻逼鄒縣其洲騎軍與家鼓步軍分合馳之賊舍

鄒襲兗郡家鼓追之弗及賊至南土柳間德楞額方移

軍中山店。由楊家窪出軍擊賊。風霾翻翁。前軍營總永林。副都統銜富爾孫等。媿隊力戰。德楞額繼之。捻佯敗。永林等追之。伏發王家集。永林血戰歿。富爾孫負傷突圍走。亡士馬累數百。中山店東軍都司毛貴守備劉志和步軍馳救。德楞額斂隊不敢前。民兵訕笑之。復以勝賊馳白僧王。是夜賊繞郡北趨汶上。游騎擾東平沙河。踰甯陽西北臥牛山。距濟南不三百里。省城再戒嚴。廷襄駐軍東昌城。奏言降眾張錫珠方由直境回竄冠館。勢難分兵。德富兩軍自當挑隊追擒。臣已飛調平邑集。勦教郭大勝一軍。由泗水堯山口出甯陽繞擊。檄東北。

州縣調團嚴遏。勿令與淄川踞匪合。惟此次捻會匪合勢北趨。孫家穀焦其洲。毛貴劉志和遏堵不力。請將家穀其洲摘頂。貴志和奪職責後效。上從之。十三日。

詔曰。永林陣亡。軍威稍挫。賊勢愈張。著德楞額富和會軍痛勦。毋令趨省。僧格林沁已於初九日由皖回軍。道出東昌。勦降眾。甯陽捻勢猖獗。已諭知僧格林沁酌辦。一俟僧軍到昌。譚廷襄卽應回顧省城根本重地。當是時。捻賊爲淄匪所引。由泰安東南入羊流店。廷襄飭楊通廉與大勝等。由青石關徑赴博山南路遮擊。乃捻會匪由泰甯竄萊蕪。十三日。知縣艾恩鑒擊之王家

莊迤西。斬馬賊數級。步賊數十。禽二。賊由苗山竄青石關。博山令樊文達縱礮轟回。又爲恩鑿繞前截擊。斃馬賊甚多。賊繞竄常莊洪山口石馬莊諸處。文達再迎擊之。遂竄天土崖。分股。一入益都之朱崖。一由張莊黃崖趨淄川。僧王軍方抵濟甯。聞李成餘黨入泰安。遂引軍改趨甯陽。擊大股。捻會之。在洪溝峪者。追奔三十餘里。斬千三百餘級。追至狼山。餘賊二千。負創入淄城。詳淄中德富兩軍聞王且至。先王軍馳入博山。其時捻眾之分股者。入長山之張店。東可赴青。西可入省。廷襄令張大富步騎九百入守會城。二十一日。廷襄由東昌詣省。

四月新任巡撫閻敬銘履任視事進軍淄川六月淄川

平詳淄匪是月白蓮池教匪亦平詳另七月敬銘移軍

博平勦降眾九月降眾平詳降眾奏言東省依次肅清懇

恩准臣回籍終制疏入溫旨慰留有詔

下敬銘將可撤之勇委員率赴蒙城交正紅旂漢軍都

統富明阿助勦十一月詔授敬銘巡撫山東再疏

辭不允詔曰捻匪李大個攷在僧格林沁安

徽軍營投誠惟項盤等股仍前負固東省與徐宿毗連

著閻敬銘飭各軍慎密防維毋令闖入於是敬銘遣副

將陳錫周東治三營扼馬良集遊擊王心安兩營扼韓

莊聞守備郭大勝一營扼臺兒莊。月十九日旋省。奏明抽調營兵改練騎隊。爲有備無患之資。詔以陝甘

回匪鷓張令山東派兵赴山西蒲州防黃敬銘奏言。臣思陝省回亂勢趨西北。蒲防較緩。不如派兵徑赴西安。

交。欽差大臣多隆阿調度。臣已抽南境防軍劉漢秀雷顯揚千人。由單拔隊道汴入秦。二將本多隆阿舊部。將帥相習。情意相孚。較可得力。疏入。上韙之。又

奏言。東省綠營廢弛已久。又兼歷年積欠俸餉。旣無良將。遂成疲兵。若驟加整頓。撤勇用兵。先須募兵足額。籌給俸餉。而又訓練需時。不得不留勇以待。勇糧兵糧同

時並發司庫難以猝辦若先行撤勇恐充屬教匪餘黨滋多沂蘭郟費之閒受撫幅匪或懷戡動東直交界降眾雖懾威反正革面未必革心卽濟武屬縣鹽梟亦時藉兵威彈治此暫時不能撤勇之實情也臣非敢於事平之後擁兵糜餉亦非敢意存成見袒勇輕兵實因東省事變頻仍奸民多半土著譬如新病初起肌膚之疥搔甫定臟腑之癥結未除盪滌需時參苓宜備有非他省情形可比他省祇期能富卽可自強東省必先自強乃可致富何則戈鋌不動斯農畝不廢耕耘強梁盡鋤則良懦自輸賦稅近年以來窮鄉僻壤或偶有奸民嘯

聚兵符午發。士馬夕臨。兵不血刃而鄉民里甲。卽已纒
獻兇渠。不特丁漕較曩歲旺收。且匪類知官司有備。不
敢造謀發難。保全民命尤多。此一時不能撤勇之小效
也。故臣不敢爲節嗇帑項之浮詞。作粉飾太平之下策。
敢爲我

皇太后

皇上陳之。又奏言兵之能

強端恃將領。將領之材。固由性生。性生之賢。亦資汲引。
如胡林翼。曾國藩。左宗棠。倡率鄉里。樂育人材。王鑫。李
續賓。李續宜。彭玉麟。楊岳斌。蔣益澧。諸臣。誠有將材。實
賴推輓。使朝廷知其可用。日加拔擢。自然頑廉懦立。
志士奮興。故楚勇之名。遂著。卽多隆阿。亦賴胡林翼同

官日久所聞於林翼者皆忠君事上之言輕財重士之誼行車用兵之竅信賞必罰之宜多隆阿質性忠良天資高朗遂成名將學成於所習信不誣也前者僧格林沁奏稱不可盡用南勇啟輕視朝廷之漸誠爲老謀碩畫且自古名將北人爲多臣北人也恥不習兵才慚定亂因在軍多歷年所見諸軍之成敗利鈍胸中必往復求其所以然之故故深知紛冗雜湊之軍不求將而先湊兵則有兵與無兵等有將與無將同今北方雖所在募勇直是匪徒烏合不知尊君親上殺敵致果之方帶勇者功利熏心貪婪欺飾以之爲將則兵譁以之辦

團則民亂。謬種流傳。後患滋大。病在不考其技能。不察其志趣。謂弁兵即可出戰。鎮協即可領兵。無怪乎臨陣倉惶。將逃勇潰。爲賊所笑。故欲強北方之兵。必先儲北方之將。當今之時。北人智勇俱備。馬步兼長者。莫多隆阿若矣。臣曩與多隆阿及其軍中道員李宗燾講論。多隆阿自言其部下曹克忠、石清吉皆有將材。皆爲北產。李宗燾知之。臣亦聞其名久矣。安在楚將之下哉。應請密飭多隆阿多募北方將士。教之戰陣。厲以忠純。擇其忠勇樸質者。疏請補授北方及各省提鎮參遊。卽令蒞任練兵。則萬一有警。綠營均成勁旅。何必再募勇。

丁臣竊謂事莫有急於此者如其不然徒恃武科技勇之材行伍資俸遷轉終蹈所養非所用所用非所養之覆轍數十年後偶有撻伐仍慨然於用兵不如用勇也晚矣且南勇規模猶在訓練易成又致誚於北勇誠不如南勇也益屈矣臣愚慙無識惟聖明裁之疏入

報聞洎同治三年正月有詔以陝甘總督熙麟

奏回匪馬化澀熾甚調山西兵進征飭敬銘抽防兵赴晉於是敬銘調東昌防軍千總曹正榜一營臺莊防軍守備郭大勝一營先後赴之二月晉撫沈桂芬奏請改調赴陝敬銘復奏言竊惟用兵之道端在將卒志意相

乎甘苦相習。故廉頗思用趙人。卽如今之用兵者。胡林翼曾國藩多隆阿李續宜著稱知兵善於將將者也。臣昔年見其彼此調用所部。往往不如自用其軍。每此軍改隸彼部。卽先期由本管遣散原軍。彼部卽日召募。營制雖同。將弁易位。步伐則一。旂幟改觀。以之應敵。迥不侔矣。彼諸臣者。何故爲是煩費哉。情勢有然。不可苟也。臣前次撥交多隆阿之雷顯揚等軍。因本其舊部相習。有素。前疏已詳陳之。今曹正榜二營爲前撫臣譚廷襄所募。初雖楚勇。嗣因傷亡挑汰。漸多徐宿之人。若調晉作爲防軍。距東較近。臣耳目易周。若再赴多營。彼處兩

楚軍多。各立門戶。將領深明大義。卽不至歧視客軍。兵勇相形。勢孤見絀。鉏鋤扞格。細自口角。大且鬪爭。勢所必至。此不宜赴陝者一也。再雷顯揚兩軍赴陝之餉。多隆阿尙欲由東籌解。則陝省不患無兵。而患無餉明矣。若多隆阿營餉充裕。不難集楚中舊部。募百戰精勇十營。何屑用此山東五方雜處之隊。如其無餉增兵。再欲東邦籌給。臣前餉尙未有以應。再加二營。更難接濟。且二營將士在東日久。人地諳悉。積欠尙可賒貸挪移。若遠赴關中。領餉愆期。慮將譁亂。此不宜赴陝者二也。臣受恩深重。祇期不飾不欺。且陝省爲臣桑梓。如果

東勇有益陝疆。豈不願其厚集兵力。思維至再。實覺於陝無補。不若調回東省。以備緩急。得旨允行。是年

四月。始追錄三載以來文武員弁。勦擒勦教。勦降眾勦土匪團匪之勞。所保者不足二百人。曹屬勦擒者。以知府曹丙輝。李宗岱。功最。賞運使銜。淄川以知府王繼庭。邛縣知縣陳用賓。爲最。東昌以知府龔易圖。直隸州惠慶。知縣丁彥臣。聊城令鄭紀畧。爲最。兗州勦教。以費令王成謙。爲最。沂州勦幅。以蘭山令長廣。爲最。武人自副將范正坦。協領喜昌。以次。厘百餘人。各詳另紀。於是鉦鼓不聞。燹燹消熄者。幾二年。敬銘剛方清直。表率羣僚。

山東軍實系纂

卷四之上

澄敘官方吏治日上民安耕鑿賦稅輸將汜平四年三月始復有捻警民困烽鎬者再四載始大定云

山東軍興紀略

卷四之中

皖匪六

同治四年春正月。捻眾爲僧王軍及之河南新鄭。開封府屬

十六日奔尉氏。開封府屬竄扶溝。陳州府屬時王軍疲甚而追賊

不釋奉。詔曰逆匪賴汶洗張總愚等知河洛有兵

阻截率黨南竄魯山僧格林沁飭恆齡等奮力衝壓而

另股馬賊抄我後路營總富克精阿等不及時援應以

致恆齡蘇倫保等陣亡僧格林沁將富克精阿等軍前

正法著將各營整頓以圖再振直隸山東兩省在在與

豫邊毘連大廣曹單一帶更恐有宋景詩餘匪著劉長

佑閻敬銘嚴密防堵勿令渡河而北於是敬銘調魚臺王心安一營嶧縣宋延德一營觀城郭大勝一營東昌曹正榜一營均赴扼曹單德平劉時霖一營及塔克蘇堪騎兵均回省候調時布政司丁寶楨入覲有

旨無論已未起程行抵何處著劉長佑閻敬銘飭令回東帶兵嚴防寶楨二十四馳回會城調濟安營八百人並騎兵三百數十二月朔將之出省派參將韋應麒率兵巡防東昌調原駐德州參將黃兆昇移營館陶備降

匪宋景詩餘黨也詳另卷當是時捻酋偽增王賴汝洸偽

梁王張總愚綽號小閻王率眾由豫之鄆陵開封屬汝陽汝甯府

三河尖。日夜南竄。去東日遠。寶楨駐軍曹單適。中青垵。

集遺報僧玉二十四日在確山汝甯督總兵陳國瑞翼。

長全順總兵何建釐。倭和副將常星阿。郭寶昌等擊賊。

大勝。乃三月初。賊回奔鄆陵扶溝杞縣開封府屬北入睢州。

歸德屬日行幾二百里。由李八集過黃河老堤。初六日抵

交界山東之考城縣河南衛輝屬初七日。薺荷城定。鄆鉅金

濟八州縣均見賊騎。百十成羣。往來迅疾。僧王亦回軍。

入東三旬之間。回旋奔逐。不下三四千里。將士死亡者。

數百軍。中多怨言。顧王寢食俱廢。輻解鞍小憩。道左引

火酒兩巨觥。輒上馬逐賊。謂誓滅羣醜。以紓宵旰。以

小... 宛匪... 歷比...

山東軍興紀略卷之二
二
救民生聞者皆爲泣下於是敬鑄馳檄曹州鎮總兵保
德等引兵會勦寶楨亟檄護兗州鎮范正坦率兵五百
會之調王正起軍入省劉時霖軍赴東平堵擊過防遼
關擒避兵旁竄初八日入城武之大田集僧王騎軍及
之卽奔定陶入嘉祥之羊山寶楨步軍及之騎軍亦至
又奔汶上逼城下步騎軍又及之又奔甯陽之白馬廟
騎軍由汶晝夜躡擊賊不遑喘息死者屬道寶楨步軍
復繞濟甯橫出其前初九日日中賊東入曲阜擒計以
奔馳敝官軍乘閒取勝遂調時霖軍移開山扼之正坦
軍進濟甯扼之擒乘閒游弋汶河僧王督騎軍追至距

曲城三十里之沙河。馳驟交鋒，斃其二百許。王軍疲甚。寶楨語翼長內閣學士全順，蓋從容諫。王全順曰：王忠憤盛怒，莫敢諫也。於是捨奔西北。王引軍躡而西北。寶楨度鄒滕爲捨歸路，步軍尾之弗及，復繞前出兗州東。南備夾擊，王軍自曲阜東北攻之。賊反轡西趨甯陽東。平寶楨復回軍甯陽。僧王商令移扼泰安。時正坦引步軍出甯陽，猝遇捨眾折回，萬騎奔騰，兵單不能禦，守備張俊之把總尹振彪、姚廣勛、外委袁汝漢、劉慶元、沈憲珍等數十人陣歿。另股賊急奔二百餘里，由滕入蘭山之尚家巖傳家莊，南趨郟城。寶楨先飭參將莫組紳逆

日... 卷四之四

三

擊之。擒由汶南抵陳家店。官軍斬其百餘。大股益集團。攻組紳以少擊眾。斃長髮甚多。官軍傷百餘。會追兵將及。擒抱隊狂奔。僧王軍方抵東平。有詔令僧軍暫

為休息。穩慎進攻。寶楨因賊於十三四日。由東平北奔。

東阿平陰肥城南桃山一帶防趨會城。遂由泰安回軍。

張夏至。是復進甯陽。敬銘復調正起軍。扼楊家臺。時霖

軍扼杜家廟。顧長清一路。寶楨慮擒由蒙陰折而北。再

移軍兗州。乃擒勢趨江南。寶楨復回軍濟甯。擒眾遂由

蘭之卞莊渡河南駛。遁入江南。青口贛榆海州屬縣海州至

沐陽海州屬回奔邳州。有詔飭清淮一帶扼要嚴防

令張從龍等水陸諸軍分防成子河及邳宿等處。劉銘傳一軍能否赴淮東交界扼守。僧王軍復奮起。由魯家集躡賊而南。捻阻於運河。奔突邳沐海贛四州縣。勢由北而西。則爲嶧勝。由北而東。則爲蘭莒。敬銘乃檄都司韓登泰勇營赴扼莒日。檄沂州守文彬。蘭山令長賡。費令王成謙等募勇千二百。並原部勇丁分布莒蘭蒙沂要隘。心安軍仍扼韓莊。寶楨暫駐沂州。二十七日。僧王軍擊捻房山。離青口勝之。捻竄臺儀山。沐陽境又爲王軍所敗。四月朔。回奔邳之梁王城沭口。次日至陰平馬蘭諸處。初七日。奔宿遷之北硯頭壽嶽。邳城之南店。距臺兒莊

里龍泉溝附近盤旋。勢向西南。窑灣渡運。初九日。由鄒西南奔西北。初十日。竄蘭之西南。向城尙巖。卽日奔嶧之西南。楮頭林。冒官兵旂幟。至馬頭民圩。稱奉王爺令。遺賊圩練與答話。卽謾罵。何不開門。總兵陳國瑞逐賊。至賊馬環圩。趨走。圩內縱槍呼救。國瑞追之如飛。緣道殺傷甚多。呼號聲不絕。捻奔尹家林。蘇家營。馬陵諸處。兵聲火色。百里濡福。僧王駐軍張莊寺。邳州境賊方造飯休息。王潛軍自馬陵山麓繞山之東。出郟城東南鄉。壯口渡沐河。王營紅山埠之東。陳國瑞營蒼烟奮起夾擊。捻驚潰。由紅山蘭陵境。蘭山境奔嶧。勢從長溝。濟甯境渡運寶。

楨度距臺莊三十二里之大泛口。水淺灘高。捨必由此北渡。蹂躪滕縣。遂令心安營大泛口扼之。十一日日加已。賊果大至。心安憑河堵擊。斬首累百。禽十餘。捨奔正北。勢趨臨城。寶楨軍鄩隊西倉橋。遏賊衝。次日向辰。游騎趨橋。境官軍轟擊。折回已刻。馬步二萬餘。萬蹶騰蹕。煙蔽天。聲動原陸。向正北捲地而來。寶楨飭曹標都司楊酉林守備郭齡鼇。妮隊馳擊。槍礮猛密。斃賊四百餘。後股馬賊數千。撲橋口。令莫組紳阻橋。縱礮斃其百餘。捨向西趨。令宋延德守備曹正榜直前衝之。奪其馬牛旂幟無算。步賊卻走。分股馬賊千餘。潛出陣西十里。

外隱於民圩。突起馳襲。環繞周市。旋轉如風。官軍腹背受敵。西林齡。鼇被困。力鬪。短兵接。不能突圍。與把總董富經。劉登。鼇。張懷義。趙廷棟。劉懷清。外委侯廣昌等皆戰歿。延德率千總王萃。交鋒西路。大呼反轡。向東穿重圍。救之不及。賊圍開而復合。守備莫松亭。千總馬連勝。馬芳洛等再陷歿。延德左右馳突。重圍益厚。郭大勝與參將戴鴻仁等揮兵力戰。拔延德出之。寶楨見賊勢張。親督全軍陷陣。所向皆靡。兵動若神。捻喧駭震潰。狂奔正西崩山。壞隄。敗不可止。官軍追之十餘里。捻無復行列。殲二千餘。血流蔽野。牲畜燼。礮衣裝不可計數。是役。

也。先挫後勝。追奔逐北。至今臨城驛。居民猶樂道之。僧親王恆以蹈危履險。殺賊致果爲己任。他人無所許可。至是歎服。謂所親驍將曰。丁某是真躬冒矢石者。文臣大員莫與儔也。爾曹武官當益奮勉報國。時理餉委員丁彥臣度前軍裹二日糧。且乏食。籌轉餉濟軍。願捨騎縱橫道梗。先語寅僚。莫敢應。傳衛臺將校士騎語之。皆曰。是餒虎肉而齎盜糧也。彥臣曰。丁公國家柱石。躬自戰賊。吾儕安居而食。心安乎。吾行決矣。眾拜曰。言良是。願不得達而徒死。何。彥臣曰。從吾計。十可七八達。死纔二三耳。眾曰。若何。彥臣曰。速具饌餅十萬觔。吾出庫鏹。

五千露車繞之。吾爲前導。諸君十數輩歌嘯而從。疾徐視我。眾咋舌。謂不敢面從。彥臣揮眾退曰。詰朝從吾行。漏五下。傳令登城。伐鼓數百人。秉炬噓譟而出。如發千軍。然令曰。辨色則爾等悉反。畱二十人步從。時賊附城數里者。聞軍聲。皆吹角整隊。眾曰。敗矣。潛行萬一得濟。若此操券死矣。纔寅僚出。圩闕固畱。且云爲君申丁公。具白欲行狀。足解詰責否。彥臣艷然曰。吾爲詰責而作此虛憍耶。毋相混也。遲卽敗我事。騎士與送者多。雪涕道左。彥臣獨戎裝麗都。意致閒暇。掉鞅而行。行十數里。捻礮聲如連珠。仍進不已。眾執鞚泣諫。彥臣正色謂之。

曰。死則死耳。軍食事大。丁公忠國。吾輩忠於丁公。此舍
生取義也。何懼爲。眾乃奮天明。捻騎五六反。馳道左來。
窺眾曰。疾驅之。而彥臣行益徐。令步卒以饌餅遙投之。
捻俯而噉。復取白鏃巨錠五擲之。捻下馬反覆持而笑。
愕眙不解。再數十里。遇捻騎輒益從容。前賊驟馬掠車。
而過。如逆而語之。相顧咄咄者。委棄予之。如前不敢逼。
步卒手招之。反卻走。又數十里。會前軍撥騎兵來。距壘
不及二十里矣。疾馳之。頃刻而至。軍中懸釜。半日於是。
歡聲若雷。壯士距躍。怒馬齧膝。再戰再勝。寶楨目彥臣
曰。君之功也。自此奇其膽智。踰時。將校或請曰。幸得從

公至軍竊多所不喻者將潛行而反伐鼓已遇賊而反
從容慢藏示賊而賊不奪何也彥臣曰此兵法所謂出
其不意耳其時賊銳都在臨城附城不過羣賊日出數
百肆劫奪聞大軍出則不敢來必先發遣騎遣騎歸報
謂露車纜銀糧又雍容冠佩從以羸卒則不信疑有伏
兵益不敢來且遣騎得鏹謀自私遣迴不反而我已達
矣眾皆拜曰非所及也迨後倚彥臣督餉數年大軍未
嘗一日乏食亦未爲賊掠寸絲斗粟人皆服彥臣忠誠
至而智計廣也信然時擒眾盤旋滋陽距城二十五里
洪河及濟甯東南石佛趙村汶上城南康莊驛西南開

河袁口欲渡運蔓延甯陽之九里山表廣數百里十六日由袁口踰淺偷渡十八九日入范之羅家樓律家集濮之箕山集許家廟屯逼黃南蔓延鉅野定陶及城武西北荷澤西南寶楨軍扼濟甯敬銘亦督軍出駐東昌僧王軍追賊駐晁家寨鄆城縣境復奉詔曰逆蹤逼近黃南難保不勾結水套匪徒希圖北渡僧格林沁全軍業已抵鄆城著繞北路迎頭截擊逼賊南趨有詔

下兩江總督曾國藩嚴防徐宿及裏下河諸處國藩檄總兵張樹珊樹字六營扼清江浦提督劉銘傳全軍扼徐州總兵周盛波全軍扼宿州與東軍收夾擊之效二

十二日馬賊千餘竄直隸開州之白岡水套旋回奔濮州大股趨荷澤王軍及之江米寨斬步賊二千餘馬賊南奔五霸岡直隸東明轄又斬級數百敬銘咨副都統定安督韋應麒黃兆昇等軍赴扼開濮交界令遊擊周森藻礮船入濮范黃河時奉詔曰賊在濮范東南連破民寨賊馬已至荷澤之甘露集散布於荷鄆范濮之間界近開州著閻敬銘等嚴密堵截賊為僧格林沁大軍所逼又有陳國瑞分兵抄截往往避兵而行紛紛肆竄著僧格林沁仍遵前旨繞北截擊穩慎進取不可銳意輕進徒疲兵力亟宜專派知兵大臣統率諸軍兩路輪

替兜剏。楚軍素稱能戰。惟曾國藩聲威素著。可以惟所指揮。前已有旨。令曾國藩酌度出省。著卽剋期督率南軍。遠賊相機勦辦。於是曾國藩以協辦大學士兩江總督。佩欽差大臣關防。誓師北上。時捻竄曹州府西南。勢北向。自荷澤之朱家集。濮州之臨濮集。開州之焦邱。戈旂若林。人馬如蟻。不見其際。僧王親督步騎轉戰。追逐殺獲無算。王軍疲甚。士卒道踣。而王忠勇奮發。曉夜追奔不已。二十三日。及賊荷澤之解元集。次日日中。及賊荷澤西北之高樓寨。捻且戰且走。追壓十餘里。大股羣捻隱隄外。王軍逐之正酣。波倫四起。聲塵蔽雲。王

分軍爲三。鄧隊進擊。諾林丕勒陳國瑞由左常星阿由右。王督成保騎軍郭寶昌步軍擣中堅。敗賊回鬪。伏賊夾攻。左軍先卻。中路步騎方進不撓。捻幾不支。俄而右軍亦卻。捻舍兩路抄中軍之後。四面圍裹。王馳馬衝陳。不能突圍。退保小圩。捻環圩列隊。圩內井堙木刊。官軍不能舉爨。王下馬憇樹下。從容諭從騎曰。爾曹死無益。吾當在此盡忠。眾皆泣。捻槍礮已及。騎士驚散。從者環蹠請行。日色漸熏。全順等請乘夜突圍。王領之。遂行。騎屢蹶。王曰。驟之三蹶。三蹶。從騎多負傷。不能前。裹瘡再進。至吳家店。距府城西北十五里從者略盡。長矛已及。王墮馬。遂

遇害。全順何建。鰲額爾經厄同死。王所御黃馬被礮馳
回。軍士識之。方驚疑。捻隊掩至。軍民悼駭號哭。四野不
絕聲。時四月二十四日戌刻也。幫辦軍務前杭州將軍
國瑞奏聞。上爲震悼。優詔照陣亡例。以親
王飾終典禮。從優議卹。派乾清門侍衛克興阿岳林恩
全吉凌馳驛迎護。賞銀五千兩。經理喪事。入祀京師昭
忠祠。死事地方。出師省分。均立專祠。事功宣付史館。立
傳。伊子布彥諾謨。祜百日孝滿。著承襲親王。布彥諾謨
祜所遺貝勒。著賞給伊孫那爾蘇。以示篤念忠藎之至
意。國瑞未能督兵救援。主將咎無可辭。革職暫護。欽差

大臣關防帶罪勦賊內閣學士恩承一併革職郭寶昌
成保有差惟陳國瑞自言受傷蒙恩寬免後爲國藩疏
糾敬銘奏言臣伏念僧格林沁以藩位之尊與士卒同
甘苦身歷數省轉戰十餘年於山東一省保衛之功最
大以誓期滅賊血戰以殉其忠誠實爲千古所罕有草
野鄉民聞親王陣歿無不悲泣臣身膺疆寄不能率師
救援上負朝廷下無以對親王之忠烈伏求將臣重
治罪以彰臣咎疏入上以敬銘會先事陳奏有親
王忠奮勇敢兵凶戰危之言先以屢詔誠王穩慎故不
以爲敬銘罪詔促國藩赴東勦賊保衛畿疆甚亟

國藩奏言。僧格林沁猝爾捐軀。逆燄熾長。朝廷責臣討賊。至切且速。卽山東官民。亦望臣北發。臣亦何敢濡滯。惟有萬難迅速。恐誤大局者數端。請爲我皇上陳之。臣部勇營。除劉連捷等調赴江西。易開俊等分防皖南。皖北金陵未撤之隊。僅一十六營耳。湘勇從征日久。日夜思歸。聞赴山東。紛紛求訴。不願北征。勸諭三日始定議。裁撤十二營。北征者僅得四營。又新募兩營共三千人。作爲隨臣左右親兵。此外僅劉松山甯國之軍。相距較近。飛檄調之。恐部卒不願北征。臣有鑒於前此鮑超西征。兵潰金口覆轍。故不敢強之北行。惟有酌帶

楚軍將弁另募徐州之勇。約以楚軍之規模。冀開徐兗之風尚。雖李鴻章所部淮勇。稍習於北方。然尚長食稻米。亦慣麥麩。若徐兗間能另出勁旅。則北路到處相宜。其劉銘傳周盛波淮勇兩軍。現歸臣調遣。而人數尚少。分撥不敷。不得已添募徐方之士。約須三四月。乃能訓練有成。此不能迅速者一也。又捻匪積年虜掠。仗馬極多。此次蒙古騎兵潰散。又爲賊眾所得。賊馬聞已萬餘。臣軍昔年本止二千騎。後分與左宗棠李榕三百騎。外此分與曾國荃鮑超兩處。數月以來。李榕部下者已遣散。鮑超部下者在上杭飢饉。尚未安撫就緒。李鴻章甫

經派員出口買馬。臣亦派員赴古北採辦戰馬千匹。至速非三月不能往返。加以訓練。又將兩月。臣憂心如焚。而事勢至此。若不佐以騎兵。強驅步軍以當馬賊。雖育之勇。亦將不仗自靡。此不能迅速者二也。又黃河爲北方天險。防河扼賊。自是目前至計。臣上次疏陳由東豫兩撫臣趕造舳板仗船。現在事機益緊。直東豫三省。故應速備舟師。方能制賊北渡。吳棠奏以江南之船。於黃河水性不合。與臣所驗相同。所有斟酌船式。採購木料。招募水勇。應由三省督撫因地制宜。卽日興辦。礮位。臣當由金陵撥運三百尊濟用。若黃河水師就緒。畿

輔可永無捻患事緩而功大亦非四五月不為功此不能迅速者三也疏入朝意深重國藩老謀碩畫顧待援甚亟嚴旨飭劉銘傳全軍渡河赴直隸國藩再奏言劉銘傳一軍辰下不宜遽入直隸宜剿賊於黃河之南臣非故為此迂緩也果使於事有濟臣何敢稍緩須臾目下賊眾漫延濮范荷鄆等州縣數百里非節節掃蕩不能衝過北岸若繞道北行上游須至河南蘭儀等處下游須至山東長清等處紆回五六百里且銘軍在南岸尚可遇賊一擊若先北渡反置勁旅於無用之地軍情地勢均不相宜昨得劉銘傳來文已批令暫紮魚

臺滕縣近運河干。俟糧運稍足。再進濟甯。臣以理勢揆之。黃河夏秋盛漲。劉長佑親統大軍防遏河北。該逆應難飛渡。不特銘軍目下不宜渡黃而北。卽將來事機稍定。亦不宜黃南之兵兼顧黃北。查黃北僅有直隸一省。近年捻患尙少。黃南有齊豫皖蘇四省。近年捻患頗甚。臣愚以爲直隸宜另籌防禦之兵。但令分守河干。不令渡河擊賊。齊豫皖蘇四省擊賊之軍。不令馳援河北。蓋楚勇軍行。向章日僅四十里。黃河船少。萬人濟渡。動輒旬餘。若時而北渡。時而南渡。我則疲於奔命。而恆不及賊。殊爲非策。此因不能迅速。遂不能兼顧直隸者。又其

一端也。以僧格林沁之忠勇，其統兵里或百餘里，不等。然聞於三月間，軍後七日始到兗州。騎兵亦有後速，不能自攜鍋帳行，令州縣供支。具數千人之食，設兩縣交界，便彼先落後，亦多飢飽不均。其隊伍難，以此。臣軍營制，每日紮營支帳，埋取供應。李鴻章淮勇亦然。其步步鈍亦在此。僧格林沁勦辦捻賊，一豫齊五省。若臣等接辦此賊，斷不

能至楚北。卽齊豫蘇皖四省。尙不能處處兼顧。如以徐州爲老營。則山東祇能辦兗沂曹濟四郡。濟東泰臨以北。力不逮矣。河南祇能辦歸陳二郡。而開許南汝以西。力不逮矣。江蘇祇能辦淮徐海三郡。安徽祇能辦廬鳳潁泗四郡。餘屬力不逮矣。此四省十二府州。縱橫千里。從古四戰之場。歷年捻匪出沒熟路。以此責令督辦之。臣而以餘屬責成四省督撫。則汎地各有專屬。庶幾事有歸宿也。此賊已成流寇。飄忽異常。宜各練有定之兵。乃足以制無定之賊。方今賢臣新隕。劇賊方張。齊魯望援。急於星火。而臣策仗事。乃在半年以後。北路之重地。

莫如畿輔而臣策直隸乃須另籌防兵此皆駭人聽聞之言殆不免於物議沸騰交章責備矣然臣籌思累日不特軍行萬難迅速恐草率赴敵則一誤再誤雖悔何追又必須用力不分專注於捻匪最熟之十二府州方足以弭流寇日久無窮之既伏乞

皇太后

皇上聖鑒疏入

優詔褒焉而先數日已

詔命

國藩節制直東豫三省軍事飭卽兼程北上國藩力請收回成命奏言伏查注重徐州經營十二府州者將來勦捻之長策也先顧畿輔安定直東人心者目下應變之急圖也黃河當仲夏盛漲之候北岸有劉長

佑列防之軍。謂賊難以飛渡者。事理之常。可以臆度也。汎遠而防兵太單。賊多而土匪勾引。恐賊猝然過河者。軍情之變。不可逆料也。萬一賊竟北渡。則臣前疏所言。狃於常而闡於變。明於日後而昧於目前。正在籌思無策。李鴻章函告。已派常鎮道潘鼎新。鼎字淮勇十營。由輪船浮海赴津。都有此一軍。可以壯畿輔之聲威。可以慰聖主之宵旰。可以補微臣迂緩之魯尤。至劉銘傳一軍。定於五月初八起程赴直。臣查曹濟等處。一片賊氛。侍郎臣國瑞殘兵敗卒。孤子可危。故臣令銘軍先赴濟甯。與商進止。如賊竟渡河而北。則銘軍應由東

阿平陰渡黃。在東昌境內迎擊。若賊未獲。則應仍駐濟甯。分擊鄆鉅之賊。辰下有鼎軍在河北。以助劉長佑。銘軍可南可北。以助國瑞。局勢暫可無慮。臣到山東。當力擊曹濟之賊。逼之西走。俟風波大定。仍當回駐徐州。注重十二府州。屯列衝要。分塗兜勦。務使欲流之寇。東出西沒。不能越吾網羅之外。庶幾彼勞我逸。制人而不能制於人也。惟節制三省。微臣實不敢拜此。寵命自問。參司兵柄。雖江南初立寸功。皆諸將艱難百戰之勞。臣並未躬冒矢石。頻叨懋賞。抱媿方深。今且精力日衰。卽專辦十二府州。已自度能言之而不能行。更何

敢肩荷非常。罔知非分。伏請 天恩收回 成命。

再直隸一省獨居河北。此次姑集各路之兵。急援 畿輔。惟自今以後。應責成直隸總督。另籌防守之軍。必不可調南岸戰軍。往來競渡。卽河南山東兩省。除歸陳充沂曹濟。令督師大臣分軍馳逐。其餘各屬。應令兩省撫臣。另籌防守之軍。必不可使勦捻之軍。追奔千里。自蹈危機。臣前疏已略陳梗概。茲復反覆陳明。卽使有臣。其才十倍微臣。籌辦此賊。似亦不必有節制三省之名。疏入 不許。再疏辭。仍 未許。三疏辭益切。其略言。臣自度精神兵力。苟能稱此重任。何敢瀆請。惟精力實

已衰頹。楚勇已成。暮氣此外。概借李鴻章淮勇。雖情誼本同一家。而人數不滿二萬。馬隊尙無一騎。與各省會辦此寇。或可有成。若微臣總攬全綱。則力所不逮。若虛與委蛇。姑存其號。又與臣篤實之素志相乖。臣近閱世情。博覽史冊。無才而位高於眾。轉瞬必致禍災。無德而權重於人。羣情必生疑忌。寸心耿耿。如負重疚。儻不蒙俞允。更當累疏瀆陳。雖上干嚴譴。所不敢辭。

山東軍興紀略

卷四之下

皖匪七

方僧王之軍敗也。諸路軍報阻絕。寶楨時駐軍濟甯。分股捻眾萬餘環濟外城。百道圍攻。晨夜督守。得不陷。一日有吉江結東騎兵七八百從南來。前騎操蒙古音。斂圩欲入。將軍國瑞及王糧臺將校在城者請縱之入。寶楨升圩望其旂纛曰。是後隊皆賊也。揚鞭指東南孫家圩。噓而語之曰。姑駐此。眾爲請曰。殘兵冒死來歸。宜令入圩休息。設爲賊所乘。諸有未宜。寶楨不從。飭王心安。鄼隊鳴鼓。建旂闖門而出。騎兵皆散走。惟餘真吉江疲。

上東... 卷四之...
羸百餘騎始納之眾皆默服越日將軍問於寶楨曰何以知其僞也曰王師已敗騎兵應飢疲乃馬多臆健兵仗亦完以是知之又問何以蒙古兵前導也曰東三省騎士與賊語言不通性本樸魯方奔北震恐喜其不相斫殺疑敗兵隨行不知爲賊也旣而詢之果然眾乃大服捻知城不可克引去一日向暮萬騎馳回壁圩外里許時降捻劉天福八百人駐圩內濟陽臺民間藉藉言天福爲捻內應晚當陷城寶楨心患之而內度揚言且立變顧紳民進見者趾相接言之洶洶皆力折之將軍刺史將校傾城入謁顏色沮喪屏人耳語亦大聲卻之

多愠據出益露函致將軍有言天福爲變者請將軍軍法斬之羣情益懼惟知府惠慶自湘楚從寶楨來稔公非常人且老於兵事每奇計定亂必非謾然者願不能徧告也旣昏寶楨語知府龔易圖丁彥臣濟甯牧程繩武曰營務責易圖糧糗責彥臣州城責該管道盧朝安吾與惠慶繩武出內城爾等閉關塞實以待天曙誠守城士卒毋得擅發火器亂眾心遂策騎引親兵數十惠慶繩武佩刀而從巡圩撫慰密屬心安選軍鋒四百戒備以待令繩武駐濟陽臺設計而去令圩中巷陌戶懸一燈巷兩端二兵守之禁居民夜行竟夜收斬犯令者

二十七。訊皆天福謀也。是夕，捻環圩鼓譟，三反三卻。天福不敢發嚮晨，捻引去。令諸軍率天福部曲出追之，城得無恙。寶楨步行巡圩，徹旦定難於肘腋之間。州民至今感之曰：「丁公活我公餘事，伐謀決策多奇績，人莫能窺此其著者。」賊勢趨張秋鎮，以西因飭聊陽濮范朝觀六州縣募勇三百補兵力之不足。責陽穀令王亮采范令宮本昂朝城令文龍分段率六州縣民團巡徼黃岸，捻眾編棧聯車屢渡，均爲亮采等擊退。時會城聞王軍失利，人心惶駭，獲捻謀言賊首僞沃王牛烙洪與張總愚賴汶沈陳大喜等紛議，或先陷濟南，或北趨直隸。

或渡黃由豫入陝諸酋爭言不決羣賊數萬盤旋荷曹
城定鄆鉅濮范金濟間收納土匪潰勇新得官馬四五
千兇焰張甚東平壽張陽穀均見游騎有馬賊四五百
赴開州黃南人烟稀處試水深淺爲千總李殿邦礮擊
而退又馬賊二百餘攻入東明縣直隸大名府屬北關另股趨
張秋之南勢犯會城敬銘乃督王正起軍返自莘三十
日入省五月捻屯曹單境修木城盡破民寨收其孳賄
糧畜分保鄆西紅川口東至王家古堠南至安興慕水
堡集及陽穀壽張張家樓裴城寺多築堅壘以拒官軍
國瑞撫輯敗軍派諾林丕勒富森保等將之調總兵詹

啟綸宋慶陳國瑞諸軍赴荷澤以北

曹州附郭

會勦漕運總

督吳棠遣水師提督黃翼升礮船赴濟甯乃黃河自四月至今日見淺落濟甯以北水僅尺餘水師舳板不能鼓棹敬銘乃增設礮划五六十派遊擊周森藻將之令黃兆昇增勇三百竝原隊移駐張秋上下賊勢遂趨張秋以東復令齊河荏平長清東阿平陰五縣募勇三百守河隄令知府李德增督率巡徼賊攻陷濮境二十餘寨復攻范縣之大瀦潭陳家集李家圩儲家窪等處知縣宮本昂年裁二十督民團李心谿儲建中等集團轟擊斃長髮老捻二三十賊退走有奸民杜二鳴從賊

回縣糾眾暨旂本昂復捕斬之又與郭大勝捕獲羅家樓通賊之羅丙寅及長槍會匪目郭廷鈐等民大悅時曹屬耆民郝鳳高等百數十人赴兩江總督軍前乞兵其辭曰某等生長東邦籍隸曹屬十餘年捨教各匪蹂躪桑梓廢棄耕耘小民知識短淺不諳大義以致被賊攻圍之圩寨開門揖盜暫救目前從亂如歸難爲持立近年以來幸僧邸帥救民水火兵動風雷逆賊奔竄不遑民得須臾毋死今者重臣盡節萬眾痛心六軍無統帥之人一方有淪胥之厄捨賊志得意逞到處千百成羣小民喪胆亡魂難免二三其德伏莽四起在在烽烟巡撫閩大人招募新勇訓練未成布政使丁大人所統不足三千馳逐四五萬狂寇親臨前敵露宿郊原忠國愛民之心殺敵致果之概與僧王爺無異小民非不知賊無如賊眾兵單東擊西遁前遮旁逸然民間圩寨尙賴保全地廣軍孤不免東征西怨各圩寨父詔兄勉現尙無人從賊然已岌岌乎不可終日矣某等身處危邦不知死所恭聞

皇上軫念殘黎

命公北上公

山東軍興紀略 卷四十一

四

忠在抱必當投袂厲兵剋日進發與丁大人東軍夾擊
迅掃羣魔若再遲一月則此邦民鮮孑遺矣不揣冒昧

聯名遣敢死夜出賊中請速發援師其人中途遇賊被
具呈

殺書未得達賊退後鄉人於衣襟得之吳棠續遣總兵

張樹珊軍扼韓莊障賊南竄清淮初八日賊由汶上開

河袁口以北圖渡運眾六七萬自己汜西連遶川原分

擾甯陽西南北三鄉勢由泰安長清犯省亦可由東阿

長清逼大清河直隸總督劉長佑檄總兵劉祺護天津

鎮春霖率天津綠營及勇隊營在平齊河臬司李鶴年

督原駐開州八公橋副將崔福泰所部赴營景州

德州接界

迤南知府楊毓楠率武安軍由范縣赴張秋與張得祿

等軍合。長佑與三口通商大臣崇厚赴東昌。張秋履勘

河防。長佑溯流而上。由濮范入開州。崇厚循河而東。由

李連橋河流分股至此汭齊河止。令通永鎮陳濟清率

兵五百扼張秋與東省黃兆昇李連橋之軍聯絡。句守

備李德英率勇五百與副都統定安魚山騎軍聯絡。句

副將王永勝率兵五百駐魚山北三十里滑口與東省

守備余全勝之軍聯絡。句再東北七十里之官莊派直

字前營勇丁五百扼之再下六十里卽齊河縣派都司

蕭桂蔭率兵五百與東省原駐撫標兵聯絡。句時有

旨令長佑將防務辦理周妥卽馳回直境崇厚著駐

東昌所有東昌沿河營縣均歸調度。崇厚乃奏令濟東
泰道衡齡東昌府知府曹丙輝知府李德增等會辦調
洋鎗軍扼駐阿城鎮。令英國天津稅務司貝格洋人民
日斯爲正副教練官。神機營官兵爲後路聲援。調直隸
道員劉策先爲營務處。商令提督劉銘傳營濟甯城西。
時捻眾分竄單之陳蠻莊。終興寨。朱油坊。鄆之硝皮口。
鉅之大小代義集。城武東北。汶上東南。甯陽城西。許家
橋。濟甯之長溝柳林。張家山。匡山。疇里山。安居南。旺嘉
祥之閭團寨。金鄉之羊山。滿家洞。攻圍民寨數十處。旋
分二股。一由魚臺南行。一向東出汶甯。趨西南犯濟甯。

寶楨飭王心安馮義德合國瑞軍步騎二千餘分道逆

擊初九日黎明大股至安居鎮附近運河守備陳瀛章由曹

州率勇來濟道安居妮隊會戰礮船總兵趙三元縱礮

夾擊相持一時許心安等馳至賊卻走難民出竄數百

人賊遁迴不進人數漸少度其設伏誘敵馳斬數十而

回賊夜聚南旺湖頭慮其乘夜來攻先令步軍潛伏賊

從安居進陸軍與水師猛起邀之小有斬禽賊眾屯濟

甯三日分擾滋陽西境甯陽南境初十十一等日夜趨

嘉祥東北洪山距城三里王家集諸處知縣黃景晟登陴守

禦賊環陣馳騁寶楨令心安等軍救之賊奔東南同日

濟金魚同時見賊南去勢入豐沛獲諜言南去者爲張
總愚一股擾濟甯者爲賴汶泚牛烙紅及僞魯王任柱
僞王李允南竄者僅數千人大股仍屯長溝汶上十
八日卯刻銘傳軍由文正莊進心安軍由安居進合瀛
章騎兵攻之賊眾列隊長溝以東官軍分合奮擊賊退
敗追之十餘里夜三鼓銘傳軍由麥仁店進黎明抵長
溝以東賊吹螺站牆官軍吶喊猛起賊由西南寨門出
戰官軍奪門而入所殺千餘心安等軍五鼓逼寨夾擊
賊屍被野委棄孳賄盈路大潰而奔啟綸陳國瑞與黃
白旂騎軍均由曹州向東來將抵嘉祥又殺獲五六百

城圍解賊奔西南入鉅野之龍堦集章縫集分股奔定陶再由城武九女集智家樓曹縣三義集冉堦集南去遂出東疆入豫閏五月敬銘詣齊河會商崇厚製礮船派丙輝森藻就黃河大小船安礮演試嗣飭易圖三元會辨仍用長龍舳板舊式旋進駐兗州理兵奏言臣此次出省以整頓勇營爲強兵之計以相度地勢爲策應之方勇不囂襍則訓練易成地居適中則聲息不隔濟甯五方襍處爲水路要衝固應重兵守之現在有丁寶楨之軍陳國瑞之軍將軍宗室國瑞之軍合計步騎不下萬餘羣集濟甯城內外臣若復駐軍數千兵勇糾紛

勢難整暇。且臣軍皆自爲選募。欲使身耐勤苦。野宿營盤。朝夕訓練。而後可以使戰。臣酌擬地勢。請駐軍兗郡。便於紮營。其地則南由滕嶧。直達徐州。北接泰安。西近濟甯。曾國藩計日到徐。臣既可聲息相通。卽汶甯沿河一帶。皆可兼顧。臣在兗訓練新兵。使不覩繁華。不病攙雜。庶期知有紀律。卽將來移營他處。而南北適中。臣愚以駐兗爲便。擬於十一日赴兗。疏入報。可。飭知府惠慶龔易圖率兵勇赴金魚曹。單鄆荷濮。凡賊至處。部索餘匪。惠慶親駐湖團。程子廟宣示。朝廷威德。農民樂業。不妄戮一人。終亦安帖。無患易圖所至亦然。一

時推兩賢太守云。以著得人劉銘傳駐軍長溝提督唐

殿魁駐軍鉅野道員劉盛藻駐軍馬村集國藩因捻眾

圍攻安徽雉河集檄銘傳移軍徐州陳國瑞移軍南下

商令東軍王心安宋延德馮義德六營駐郭村集。單境莫

組紳曹正榜五營駐冉堦集。曹境先是蘇撫李鴻章令潘

鼎新軍浮海赴津沽防捻北犯至是移濟甯敬銘先於

三月內飭總兵楊飛熊赴湖北募新勇名爲吉勝營至

是抵東合東勇五營爲一枝扼冉堦集。濟甯西南王心安統

八營爲一枝扼荷澤皇鎮集沙土集。濟甯西北與濟甯淮軍

犄角有 詔以捻股麇聚豫疆著曾國藩喬松年迅

上野望身系身 卷四六
飭張得勝史念祖等軍赴豫合李世玉等軍將賴汶洸
等股剿除務盡並著曾國藩喬松年派騎兵赴豫會剿
國藩奏言查髮捻大股現從雒河集西竄分爲兩股其
向北路者爲張總愚任柱等會由柘太扶洧徑趨而西
將入汝洛其向南路者爲賴汶洸李允由太和至沈邱
蹂躪陳州周家口一帶臣已調劉銘傳全軍烏爾那遜
等騎兵赴救惟北竄河洛一股臣軍萬難追及臣現令
周盛波步軍進駐亳州以便爲劉銘傳接應托倫布騎
兵已屬令整頓預備赴豫矣臣因淮河盛漲大小道路
處處被淹暫不能前赴徐州有
旨令臣前進擇要

駐紮臣雖至愚未嘗不思步步進逼急圖殄賊之方惟細觀賊情已成流寇行徑若賊流而官兵與之俱流則節節尾追著著落後此時追至汝洛賊或南趨光黃又折而追至光黃賊或東入徐兗又折而追之徐兗終歲奔波終無大損於賊臣惟有堅持初議於捻所必經之塗重兵扼守如劉銘傳軍駐周口賊若回竄扶鄆卽自周口出軍迎擊之張樹珊等軍駐徐州賊若回竄永蕭卽自徐州出軍迎擊之推之賊竄蒙宿則劉松山等軍自臨淮迎擊之賊竄曹單則潘鼎新軍自濟甯迎擊之變尾追之局爲攔頭之師以有定之兵制無定之寇庶

幾漸有歸宿不致疲於奔命爲賊所乘一蹶不振近時
議者多謂捻無大志旦夕可平微臣獨憂捻匪或成流
寇禍患滋大此賊有甚似流寇者一端有不甚似流寇
者一端凡流寇所以日聚日眾非良民樂於從賊也祇
因賊騎剽忽劫掠居民不得耕穫百里廢耕則百里之
民從賊偷活千里廢耕則千里之民從賊偷活今鳳潁
徐泗歸陳等郡幾於千里廢耕而官兵又騷擾異常幾
有賊過如篋兵過如洗之慘民圩仇視官兵於賊匪反
有怨詞卽從賊亦無愧色此甚似流寇之象證之可危
者也凡流寇如無源之水聽其所之而此賊尙眷戀蒙

毫老巢旁縣皆田荒屋燬而蒙毫尙有田廬之樂斯又不甚似流寇症之差善者也臣駐軍之處仍應以徐州爲老營以臨淮濟甯周家口爲行營庶於清查民圩督飭諸將兩有裨益伏候

聖謨詳爲指飭疏未達時

復奉

嚴旨飭催責令飭銘軍循河西上馳赴洛陽

以西保固完善另撥一軍兼顧晉省有實屬疲玩因循若欲藉此獲咎冀卸節制三省仔肩何以副

朝廷

委任之

諭國藩奏言臣三次具疏固辭未蒙

俞允以臣賦性顛愚卽一省已難專任然臣受

恩

深重雖數省亦當通籌竊計捻匪可到之處約有八省

山東通志卷之六十一
分爲三路。江蘇安徽兩省及豫之歸陳齊之兗沂曹濟。臣初次疏中所指之十二府州皆東路也。直隸山西兩省及豫之彰衛懷齊之東武臨凡在黃河以北皆北路也。湖北陝西兩省及豫之南汝洛陝等郡皆西路也。論用兵緩急先後之序則東路最重西路次之北路又次之。論微臣之才識與所部之兵力則卽東路十二府州縱橫千里已嫌汎地太寬動虞疏失實不能兼顧西路更何能謀及北路。今皇上飭臣兼顧晉省已在節制三省之外而外間望治之心責臣之詞尙不止于晉省一似三路之前截後追爲防爲勦皆臣軍應辦之事。

臣何以堪此重任。又何能當此重咎。今擒匪之馬匹愈多。而時論之視賊愈輕。一似數月期年。可望肅清。臣又安能奏此速效。臣自揣殫竭愚忱。籌東路十二府州之防。加以清查民圩。訓練馬隊。一二年內。或可漸就穩固。其北路防河之法。西路堵剿之方。應請 旨敕令山

西河南速辦舟師。守禦黃河。免致賊竄晉境。倉皇貽誤。臣管見所及。常思堅持初議。又恐失之執拗。可否仰懇 天恩。敕下九卿科道八省督撫。會議剿擒事。各行所見。恭請 宸斷。定一不可改易之策。畫分汛地。各專責成。無論賊竄何處。而辦賊之方。萬變而不離其宗。

庶幾謀不分歧事有歸宿微臣幸甚大局幸甚七月間

敬銘奏言賊蹤已遠藩司軍旅之責稍輕籌餉甚於籌

兵臣又駐營在外地方公事兼顧不及應飭藩司丁寶

楨回省凡湘勇從軍日久者酌量遣歸八月初三四日

捻分兩股東股由豫入皖之潁州阜陽回奔汝蔡沈項

陳州府屬為劉銘傳逆擊敗奔東北向太康陳州府屬柘城歸德府屬

睢州歸德府屬入考城保庶寨二十日曹縣之危灣見游騎

心安飛熊等軍迎擊之西股張總愚由湖北棗陽回奔

南陽分竄唐縣新野南陽府屬勢亦東趨時黃水日落敬銘

飭濟東泰武臨道衛榮光扼河北聊壽濮范諸營悉歸

調度楊長林礮船巡徼張秋上下游公私渡船歸泊北岸又令黃兆昇數營及壽陽濮范東昌兵千交韋應麒與遊擊陳占鰲守備姚鴻烈合各州縣民團扼河干鼎字營移軍鄆鉅留老營駐濟甯國藩飭張樹珊與副都統色爾固善步騎赴東協剿二十三日馬步擒賊數萬犯曹縣環城三匝知縣湯鋌督民勇守禦連縱大礮賊退保西南之古營集偵吉勝營由冉堦集來從西北遁竄青岡寨曹縣境後股盤旋定陶西南心安軍從定陶西出夾擊賊策馬狂奔心安追至曹州城外賊奔屯荷澤東明交界金雞頭武備岡李八老寨心安等分軍陸擊

小有禽斬賊大股趨定陶知縣劉韻珂守備嚴不能逼退距城三五里環繞圍困官營隔不通飛熊軍馳援鳴鼓吹角捲旂突入賊解圍走心安聞賊圍定陶麾軍由北向南兜擊而賊已爲飛熊擊走奔荷澤之葭密寨九月初三日黎明追至張河賊騎呼嘯馳騁遂督軍大呼猛進賊紛紜遶地追至髡山大股回戰喊聲澀喜火器子落如雨千總宋國元等手斬悍賊數十心安奮力向東逼之抵寶林寨賊來愈眾把總劉太平陣亡心安下馬接戰軍士殊死衝突自辰加酉賊始敗奔肆擾曹州城南荷澤令江繼爽夜襲之禽長髮捻二十餘賊驚走

退屯曹縣之桃源集白茅集界接東明及定陶西境店
固屯火光百餘處斜長七八十里鼎新進軍菏澤賊不
敢戀戰邇迴菏定間流漫曹縣城武馬步不下三萬十
三日鼎軍自新集進東治軍自黃鎮集進吉勝軍自冉
堍集進賊分爲二以馬隊夾步約萬餘再逼定陶向西
北行韻珂率勇鈔斬殿賊七八十賊逼城武知縣邵承
照伏勇濠外吶喊猛起擊之賊怒罵卻走十四日卯刻
全股攻城東南隅城上火器環擊不退志在必克承照
多方守禦會飛熊軍至內外呼聲相應賊罷攻狂奔繞
從黃店入汶上三更圍攻縣境小青堍集飛熊造飯媿

山東軍

隊銜枚

先陷陣

所措奔

賊時行

擊之鉅

軍知賊

反東趨

疑之賊

困飢斃

魚臺四
十餘里

擊王正起四軍進營魚臺策應敬銘咨國藩徐州軍吳

棠清淮軍喬松年皖軍河南撫吳昌壽豫軍會擊度捻

或由魚浦湖濱回奔滕嶧令飛熊軍由金鄉間道趨滕

賊果入湖濱鄭家集距韓莊不遠飛熊軍進韓莊扼運

以待之以著料賊決策所以戡亂捻眾潛入湖團自銅山江南徐州府屬之

茶村浦縣之汜口徐州府城外李家瓦店連獲充斥莫

辨大股所在敬銘檄調駐充參將姚紹修進軍臨城驛

調色爾固善張樹珊潘鼎新三營由豐南進以著不分

戡亂二十九日賊奔徐州迤南十月朔向蕭縣徐州府屬西奔

初二日由豐之渠家閣北竄金鄉李家大樓距城二十里初

三日由沛東南回竄心安潛夜回軍初四日甫過豐十餘里遇馬步賊七八千馳驟而至心安媼隊接戰自朝迄昏轉戰三十餘里始出重圍斬級百數十既夕距魚臺數里聞礮聲知賊攻縣城及心安魚臺底營魚臺令帶勇合底營三成隊夾擊不退心安潛軍入林麓鳴鼓吹角賊驚顧遂乘之賊敗訊獲賊言捻酋任柱牛烙洪賴汶洸共四萬餘眾圖竄清江因有備折回又難民言汶洸已赴宿州任柱句令回竄同日賊另股由銅沛回奔豐南時潘鼎新駐濟四營未抵豐先於五更引前軍六營逆擊之距城八里陳家莊遣營哨官馳近賊營誑

之鼎新嚴陳以待。兩炊久，賊分布圓陣來犯。官軍屹如山立。大隊馬賊繞官軍陳後，步賊萬餘四面圍裏官軍。洋鎗伺近，連環擊之。突縱炸礮，捻眾紛倒卻而復進者三。官軍環斫之，傷斬甚多，獲兵仗資糧不計數。賊奔西南，熏夕罷追。是夜賊復由豐西折而北犯魚臺。次日潘鼎琛留濟四營赴豐，中途迎擊。心安從賊隊衝過，回扼魚臺。鼎新、鼎琛慮濟甯後路空虛，夜由魚臺湖濱馳回。初六日抵濟之唐堦，集心安。初四日由豐轉戰抵魚臺。聞賊分股由濟渡運，初五日未曙由魚引軍趨金鄉，繞賊前設陣以待。俄而大至，心安四營抱方陣擊之，賊卻。

入西南追十餘里禽長髮賊李八等數十其夕回軍金
卽是日心安四營先發令錫周等四營續進錫周等偵
單之大油坊曹馬集有賊引軍乘霧進至則奮擊破走
之初六日心安復由金鄉之西進金鄉令蔣慶箎率勇
隨營而前行近興隆集賊馬步不可計數心安布方陣
三層如牆衝擊斃之無算獲驢馬器械益多賊敗北獲
悍賊何大操等訊言捻股初三日在豐縣爲洋鎗官軍
擊敗回奔魚臺初四日復爲官軍追擊牛烙洪一股奔
散紛入單境任柱賴汶洸兩股欲趨濟甯爲官軍擊斃
欲回入豫中敬銘奏言此次賊匪敗奔回竄潘鼎新由

豐三日至濟王心安由魚臺衝賊而過均能繞出賊前
臣不料能如此之速且潘鼎新以前隊二千餘人擊敗
二萬餘賊王心安等連日尋賊與戰並有斬禽足以懾
賊膽而振軍威若有精勁騎兵相輔而行必能迅圖殲
滅疏入報

聞時賊游駛曹馬集東南後隊至西南

興隆集曹縣東鄉亦見馬賊延長百餘里紛向虞考而

去諸軍追之不及調心安東治軍回扼危灣

曹縣
迤西飛熊

吉勝軍回扼金隄

荷澤
縣南

相距六七十里調都司韓登泰

守備曹正榜把總劉培軍扼梁山

鄆城
北

爲危灣金隄後

路令知府王成謙新軍扼關河再奏言現擬另募一軍

檄調署費縣事王成謙統帶該員練習兵事可期得力

以上奏詞 令淮軍鼎營扼濟甯居中肆應藉以休息客兵偵

賴汶洸一股竄甯陵初九日為周盛波軍擊敗遂竄扶

溝又為劉銘傳軍擊敗西竄許州北入長葛許州屬張總

愚一股於十二三等日亦入長葛洧川尉氏二縣開時封屬

河冰凍合飭沿河水陸諸營搃冰趙三元中營礮船與

黃兆昇陸營管李家橋一段濮州東南岸都司楊長林左營

礮船與周森藻陸營管韓家莊一段濮州西南守備李宗漢

右營礮船與莫組紳陸營管駱家集一段范縣南岸責成州

縣率民夫協助十二月敬銘編設騎隊練習洋鎗再奏

言賊困於東則必趨豫窮於豫則必趨東雖有追剿之師然兵之所往賊之所避今春賊敗於確山不十日狂奔千餘里遂至曹考其剽疾可見矣臣不敢謂冬防搃冰卽爲可恃不敢謂境內無賊卽爲肅清惟有亟求治兵非特綢繆未雨之謀實爲時不可緩之計臣自閏五月駐軍兗郡講求訓練粗有條緒而寇復滋擾尙賴江南諸軍相援本省諸軍稍知紀律竭力堵剿患祇受於曹南幸不侵入完善然而不能迎頭截擊者固眾寡之勢殊亦無騎兵及利器以勝之也賊恃邊馬而我之步卒不能急追賊有洋槍而我之火器未能利捷故東軍

之戰第能結陣進退保無挫衄而已自來戰事存亡呼吸之頃本無十分把握惟恃有五六分以備之其成功皆天其敗則人事之未盡臣前請購戰馬五百匹今已到齊現調充曹官兵各配以騎分爲兩營一營歸已革總兵楊飛熊一營歸副將王心安俾其統帶與該營步軍合練蓋以五百騎自爲一軍則不足當賊馬萬眾之衝以五百騎歸於兩軍則可爲兩軍步卒之輔臣又以賊之所畏洋槍炸礮臬司潘鼎新部勇精習於此臣已令其自江南購買配齊洋火子藥挑本省之兵練之選派官弁管帶講求教習另爲一隊此臣現編騎隊與擬

練洋槍火器其效尙非朝夕能期所謂恃有以備之也
抑臣不用勇而用兵者深鑒散勇流弊不可以馬之便
捷與火器之輕利假諸召募之徒授之於兵則散歸不
離營伍授之於勇恐貽後患所以養兵禦寇之方不得
不略求粗備以立規模至於餉饋有不繼之憂臣固籌
之無全策也惟有勉力圖維隨時綜計無論費之與省
視乎當用不當用以求於事有濟以著防患未然慮患
深遠綜核名實所以
戡亂疏入 上意嘉之

--	--	--	--	--	--	--	--	--	--

山東軍興紀略

卷五之上

皖匪八

同治五年春二月張總愚一股由湖北奔回豫之葉裕

遂平向東北奔舞陽鄆城禹州新鄭鄭州中牟逼豫省

由朱仙鎮東竄陳留二十二日入蘭儀境河南境戰事不敘逼

東邊督辦直東豫三省軍事 欽差大臣曾國藩初

九日由徐移軍至鄒十九日至濟甯擬由曹赴歸德進

營陳州之周口時閻敬銘請假養疾護撫丁寶楨詣濟

商軍事遂飭楊飛熊八營駐荷澤金堤集備賊由考入

荷之路王心安八營駐曹縣危家灣備賊由蘭考入曹

之路。竇楨率知府王成謙常武十營。又泰安營兵二百。駐開河袁口。扼運河北路。飭東平州發民團五百。分布靳口至安山三十里。其間沈口黃水穿運處。沙淤水淺。令副將閻鳳山一營專守。令趙三元舟師添雇礮划二十。巡徼沈口上下。與鳳山陸營相應。東昌營參將韋應麒。范縣營守備姚鴻烈。率勇布守河干。都司楊長林。舟師與直隸舟師入濮。范壽陽河內。臬司潘鼎新。四營留濟。八營赴嘉鉅探擊。國藩調原駐湖團。湖團詳另卷提督劉松山。老湘三營來濟。替出鼎軍赴前敵。二十一日日暮。賊萬餘由考入曹之許河寨。長樂寨。次日入定陶之林。

窪喬樓二十五日。漫延荷澤西南。塢場集。濮州南鄉順城集。鄆城之王家屯。朱家灣。張家集。夜陷鉅野之太平寨。漫延范縣之李家樓。楊家集。黃河南岸。蓋飛熊心安。兩軍祇十六營。賊從兩軍相距數十里間。狂竄。迨出軍邀擊。則已繞越營外。深入腹地。飛熊偵賊繞東明。荷澤東行。卽日引軍赴鉅野。遇馬賊五六千於安興寨。分兩股來戰。槍礮連環擊之。賊致死不退。鏖鬪一日。殺傷畧相等。二十六日。率諸營壓賊壘。從北退之。甫列陣。大股馬步萬餘。四面環抄而前。官軍往來衝突。圍益密。有捻酋出陣。穿飛熊隊。矛傷飛熊左額。參將劉興旺身被重

山東通志卷之二十一
傷浴血苦戰始全軍出賊後抵鄆城計斬賊首悍捻數百陣亡把總朱啟鳳及勇丁二三百心安飭遊擊王正起四營馳入鉅自率四營由後躡之二十七日賊方攻圍沙土集軍至圍解全股趨官軍心安力鬪方酣大股賊眾復合圍官軍嚴陣轟擊輒戰輒進自未而晡約進三十餘里至觀音寨築壘相持通夕守禦二十八日平明復媞隊逼之再戰再進至龍堦集賊圍益厚心安與陳錫周皆被傷血戰甚力六十里至姚店正起縱礮進戰賊始退斃其五百餘官軍傷亡三百餘敬銘力疾至東平視師因奏言軍情緊急非臣子便安之日用兵必

須籌餉。藩司丁寶楨在行間，恐難兼顧餉事，祇得力疾銷假，俾藩司回省，專意軍儲，無誤軍食。臣於二十七日

出省赴東平接替。

以上奏詞

二十九日至軍，三月調飛熊心

安軍回扼運防，與成謙軍協守。時鼎新軍赴前敵，淮軍李昭慶十四營由豫之通許杞縣回東。前月二十九日抵曹縣，初二日營於鉅野章縫集，賊眾分屯鄆城西北磻溪渡，其地兩堡跨濰河，南北對峙。附近之孟家莊樊家樓民寨均陷賊，逃民被傷呼號聲徹宵旦。鼎新出軍至刁家河溝，分三道進：潘鼎立步軍、萬國順騎軍由南寨前抄擊，唐宏成余在榜步軍、黃齊昂騎軍由南寨後

抄擊戴春林吳從發潘國英等中央進賊兩寨並出步隊居中馬賊東西環抄鼎立排槍炸礮從後猛轟賊不能抄撤東路馬隊併右路從西兜進盡銳猛衝聲塵合沓官軍靜不稍動萬火俱出命中洞穿賊隊大卻孟家莊又出援賊二千餘官軍分隊應之一擊輒走國順齊昂騎軍追殺踰河至北寨之西兩寨踞賊閉壁不出鼎新令鼎立宏成國順等躡敗賊春林諸營環攻兩寨賊奪門出竄殺溺及自相躡藉者不可計礮溪渡附近諸莊踞賊皆棄壘而奔官軍縱橫蹙之馬賊向北步賊向西不能合隊自辰及晡殺獲千二百餘拔出難民三千

餘賊復夜陷蕭廳寨。

距礮溪十八九里。

初六日，鼎新軍攻之。至

柳條圈。

距寨八里。

賊排列步仗，東西亘四里。馬賊前馳，官軍

趨趨擊之，無虛發。斃其前隊數十。後騎受傷，大奔回。蹶步賊。黃金志等騎軍縱轡，躡之。步賊勢卻。林後馬賊三百，猝衝騎軍。官馬多負傷，迅卽斂隊。步軍接任力戰，槍礮無停聲。賊乃奔北。斃其百餘。官軍傷亡五十餘。昭慶偵賊勢趨梁山渡，運先於初五日移軍嘉祥，留數營扼長溝。自挈行隊八成，東至蕭廳寨覓戰。分兩道進，賊迎戰。兩時久，勢不支。官軍擁而上，賊啟寨走。昭慶傳令毋入寨，妮隊更替傳餐。俄而賊合隊回犯，官軍迎擊之。

賊佯敗，星騎右營猛追深入，營官陳玉章中槍，弁勇馳救，陣亂，親兵中營急起接應，馬步賊圍裹而前，哨官裴兆宏、吳坤、田皆戰歿，營勇傷亡過半，營官朱公遠與賊搏戰，危急，桂前營護衛營馳救之，洋槍如雨，擒賊輒倒，輒進，衝逼益緊，營官韓鳳昌、曹仁賢皆力戰，仁賢被多傷不退，昭慶令護軍中營松右營馳救桂前營，句令松中營忠樸左營馳救護衛營，句又令溫德勒克西、張士芳騎軍周陞而前，聲勢益烈，賊紛踏無算，漸稀，漸退，騎軍斬衣紅，擒目二，營官王芝生斬衣黃，擒目一，賊股全退，追至趙王河而返，弁勇陣亡百餘，受傷二百數十，初

七日賊奔入河套于家口温家口初八日入沙河水套逼黃南距運河沈口十餘里濟東泰道衛榮光督勇團憑黃北爲守兗沂曹道文彬督心安飛熊成謙軍憑運東布防賊奔壽張黃南宣家橋艾家垆堆殷家圩白家嶺諸處民團張扶清陳慎言等率團渡擊斬數十鴻烈與遊擊陳占鼇把總楊廷秀見賊奪舟欲渡廷秀連縱排槍賊舟覆直隸防軍總兵余承恩陳際清潛隊渡擊時有斬獲初十日趙三元礮船由運入黃擊走壽張南岸黨家莊聚捻統船入港引隊登陸擊散殷家圩聚捻焚其糗糧賊遁走是日鼎新昭慶軍向黑虎廟進勢將

布圍。次夜賊眾全股馳入西南。十二日至濮州紅川口。十三日至荷澤。小留集。鼎新追之。折回東奔。十五日繞黑虎廟。逕奔運西沈口安山附近。搶渡。防軍曉夜戒嚴。不得逞。賊退濮范境。另股捻首賴汶。沈牛烙紅率眾先自湖北入皖之阜陽。劉銘傳軍躡之。月之二日入豫之沈項淮太扶溝。逼豫省。向中牟西北。竄鄭州。南入滎鞏。被團擊回。入通陳睢杞蘭考。河南境戰事不敘復逼曹縣。日夜奔馳。十二日入鄆城之北。與總愚合。銘傳軍追賊回東。十八日至定陶。周盛波軍亦由歸德躡追而來。十七日至曹縣。松山老湘軍由湖團至濟。於是張賴牛任諸捻。

萬眾雲屯。自十六日起。時擾黃運兩岸。防黃東軍與直軍余承恩等。悉力堵擊。賊知不能渡黃。遂專撲運河。千百成羣。日夜馳騁。沈口戴家廟西岸。陸軍列營樹柵。安礮排轟。曉夜無間。三日間。尤爲致死搶渡。上下遊二十餘里間。無處不警。賊勢層疊。數踰五六萬。文彬督勇團轟擊卻賊。又乘夜渡河掩之。賊馘甚夥。國藩慮鼎新軍深入受困。調令由梁山移靳口。十九日。引軍沿運西行。甫至安山。捻騎充斥。鼎軍整隊趨戴廟。賊見運東防軍密。運河游兵復來。始輟渡運之謀。二十一日。回奔西南。銘盛二軍折回鉅野。逼賊而軍。次日。銘軍由鉅城西北。

山東通志卷之六
六
進盛軍由正北進西北軍行不十里遇牛烙洪前隊黑
龍江騎兵猛擊之禽三十餘斬數十賊奔正北軍行十
餘里遇賊亦斃其數十二三日銘軍追過韓氏橋十
餘里步賊伏深林馬賊先出張景春之軍甫交鋒賊卽
反走銘軍知其詐也頓隊不逐賊眾結隊南趨銘軍亦
引而南並驅旌旂相望至烏官屯賊驅老羸先發張酋
率悍捻五六千排紮不動銘軍斂隊相並納資糧入烏
官屯飭景春與劉鳳藻騎軍由南進唐殿魁步軍由中
進自引中軍及保成等騎兵由北進賊先犯保成軍畢
乃爾連縱炸礮賊卻黃桂蘭劉明幹引軍馳入景春吉

爾洪額六七十等勇氣百倍乘勢抄追禽斬數十馬賊
大潰步賊陣囂盛藻殿魁全軍薄之賊如前奔誘銘軍
勒陣觀之賊退四五里復結隊南行銘軍遷迤前發至
龍堦集畢乃爾李錫增復以炸礮擊其陣密處牛酋甚
怯不敢進張酋以馬隊繞出騎軍之後步賊同時來戰
步隊句盛藻令馮汝霖等兩營迎之自率劉盛休等四
營接應殿魁令滕學義等兩營迎之自率周志本等四
營接應保成景春騎軍亦分前後出學義丁汝昌等槍
密火庵斃賊滿前賊進勿懼殿魁全軍大噓壓入刀矛
火器及踐踏死賊三百餘馬賊來援景春保成縱騎揮

戰所向皆摧。張酋敗，牛酋不能進退，抱隊不動。桂蘭伺釁突之，斬數十。賊西奔，獲長矛千餘，馬百餘。賊勢沮喪。盛傳獲諜言，捻酋欲由歸德回蒙亳，而盛軍底營在歸德。盛傳僅率八成行隊東來，急馳回防。夕次章縫集。二十五日，賊眾全竄城武。盛傳四營及之城西三里許。賊見官軍少，勢欲合圍。盛傳勒馬不動，賊近猛擊之，傷賊百餘。令騎軍橫出，賊卻。營官周行發斬逆首張大發於陣，眾駭潰。盛波從後掩之，又斃二百餘。二十六日，盛波軍行至荷澤之侯家集，賊攻民寨，分馬步千餘屯游莊寨。盛傳揮軍擁而入，又斬級百餘。二十七日，盛波後軍

至知銳賊麇集先立營壘再與交鋒張牛二酋亦奪踞前後大寨三處盛波令盛傳三營勦中路周壽昌三營勦右路賈啟勝三營勦左路自引親軍及行發騎兵接應賊眾前後環抄官軍誓死轟擊往返回合戰狀極苦前賊死傷枕藉後賊冒煙直入盛傳指揮血戰斬賊目十餘賊隊動馳馬陷之哨弁皆爲士卒先賊敗北追五六里而止盛傳及衛汝貴楊安典楊國正等均受矛傷弁勇傷亡百數十卒以二千餘人勝賊二萬其夜二鼓潛軍壓方埠賊壘築二營次日大軍繼發張酋吹角集隊官軍礮壞其牆乘勢掩入斬三百餘級賊南奔虞城

旋由豐回奔單縣徘徊不去。昭慶軍由金赴單，與銘軍會。鼎新回軍長溝，備賊回竄。松山軍由濟回湖，圍盛波。軍馳回歸德，進擣亳州。任賴、李允等股，則竄永城、蕭碭。睢甯境逼近皂河、洋河，去宿遷不遠。曾國藩奏言：臣本早擬親勘黃運兩河，因賊蹤盤旋不定，遲遲未發。臣思東北則畿輔爲天下之根本，東南則江蘇爲臣軍之根本。屢經奏明，注重東路。旣以東路爲重，不得不藉運河衣帶之水，爲阻隔流寇之界。惟河淺汎長，設防千有餘里，急須會同閩敬銘大加修浚，增隄置柵，能否確有把握，俟查勘後再爲奏聞。四月，敬銘詣濟甯，與國藩商。

軍事由水路察河防。會劉長佑至張秋。遂聯檣入黃河。劉家隄口。十三日回東平。於是國藩長佑敬銘始建分段扼守運河之議。自濟甯長溝以南至韓莊。令鼎新軍守之。韓莊以南。令鼎勳軍守之。自長溝以北至沈口。二百里。東軍守之。凡成謙常武十營。飛熊吉勝六營。心安東治六營。振字五營。莫組紳紳字一營。皆築牆樹柵。專扼運東。以保完善。而曹屬之荷鉅城定曹鄆六縣。皆處運西。敬銘乃分別衝僻。檄令縣募勇二三百。資守禦。時張牛二股爲銘盛軍擊敗後。盤旋碭豐虞單間。銘軍由虞追抵單之黃岡集。遇賊輒有斬獲。賊奔東南。逼湖團。

松山出軍擊之。回趨單縣。竄城武。圍攻曹縣。十三日。竄
再垵集。十五日。復圍曹縣。賊三四萬。猛攻。署知縣湯鉉
守禦最力。垂陷。昭慶軍由城武來。松山軍由豐縣至。圍
始解。退距城五六里。兩軍會擊之。湘軍由左。淮軍由右。
十六日。昭慶軍進擊。賊分路來戰。昭慶穩站環轟。賊易
之。我騎軍從林麓出。右路賊眾大奔。昭慶升高見馬步
賊千五六百。有向南繞奔東北者。勢犯後營。傳飭戒備。
調桂字三營向南迎之。松山之出左路也。令總兵李榮
桂分三路進。馬賊五六千冒死衝突。松山軍著名嚴整。
賊五進五卻。輒傷數十百。松山隨擊隨進。已踰十里。賊

馬撤分兩旁環抄步賊萬餘湧出槍礮如雨刀矛趨趁而進榮桂軍四面蹲擊多殪之乘勢猛入十盪十決賊不支紛潰另股之繞出南路者亦爲諸營擊退計斃賊千人以上奪羸馬百餘張牛全股奔曹南是日銘傳軍由碭馳至遇賊王閻集騎軍先戰馬賊斬級十餘步賊擁至周志本張士元等麾軍苦戰殲其前茅悍捻百數四面環轟之又斬四百餘級益奪路而南銘軍傷亡弁勇六七十十八日三軍拔隊追之二十日竄豐縣旋竄銅沛其賴任李三酋全股則竄宿遷清江先於初七八兩日連撲運河不得渡回奔安徽靈泗

調原駐臨淮王永勝一軍赴靈

泗古州鎮劉士奇七營移紮宿遷周盛波一軍由亳向
宿州進勦臨淮則編修張錫燦陸營與水師駐守皆不
詳劉秉璋楊鼎勛兩軍各留數營扼韓莊八閘山東餘
軍概備游擊國藩度銘傳一軍自去臘至今赴援楚皖
東豫馳驅疲乏令移紮濟甯休息替出鼎新全軍作游
擊之師五月敬銘添設舳板礮船教練洋槍隊初有長
龍舳板師船因運河水淺不能運掉飭趙三元赴江南
購製舳板五十艘限兩月入運又先已購洋槍千桿至
是派成謙募淮勇四營學習備游擊國藩調銘傳軍由
濟甯赴徐仍令在徐休養替出幫辦軍務江蘇臬司劉
秉璋全軍游擊以李昭慶十營赴濟甯八營赴韓莊騰

出楊鼎勛全軍游擊於是國藩長佑敬銘建分段扼守

黃河之議自范縣豆腐店以上在范縣城東數里凡豆腐店對河南岸及濮州

各河如直隸東明長垣諸處歸直軍專防自豆腐

店以下如張秋東阿諸處歸東軍專防敬銘原派衛榮

光統東昌壽張范縣濮州泰安綠營兵二千又添派同

知劉時霖勇隊五百咨調前雲南提督傅振邦原駐高

密景芝鎮官兵千移駐張秋之南時賊踪去東日遠深

入皖豫而江境桃宿運河隄牆未固國藩遂親詣履勘

六月十五日自濟甯放舟由韓莊八閘黃林莊至宿遷

以下關係平捻國藩奏言臣查捻逆各股回竄皖豫兩

大局故節敘

省中原平曠四通八達若不擇地設防此勦彼竄不能
大創上年劉銘傳在豫察看地勢創扼守沙河之議驅
賊沙河以南以感之臣彼時兵力未齊未遽允行今張
牛等逆既渡沙河以南任賴等逆亦將渡沙渡淮并趨
南路本年防守東蘇運河粗有成效應卽仿照在沙河
設防惟查沙河上流直至邳縣汝州地段過長幾無止
境臣博採眾議擬自周口以下至槐店止扼守沙河自
周家口以上至朱仙鎮止扼守賈魯河由臣派兵防守
自朱仙鎮以上四十里至汴梁省城又北三十里至黃
河南岸無河可扼卽挖濠守之由李鶴年派兵防守自

槐店以下至正陽關以下卽爲淮河。臣再派水師與之
會防。或者漸逼漸緊。逐捻於西南山多田多之處。較易
爲力。現已檄劉銘傳自徐州拔赴沙河。與潘鼎新張樹
珊等熟商。並咨皖豫兩撫。臣調兵分防。皆憑人力。勿以
地險爲可恃。以上奏詞疏入。報可。

山東軍興紀略

卷五之上

十一

山東軍興紀畧

卷五之下

皖匪九

當是時張牛捻眾爲劉秉璋敗之宿遷洋河集劉松山
敗之徐州王家林又敗之銅山境唐殿魁又敗之徐州
趙莊任賴捻眾爲周盛波連敗之永城徐州張酋入豫
中任酋入皖北入皖者由宿州趨鳳懷蒙潁入豫者由
虞甯睢陳過周口渡沙河自鄆城西遁牛酋亦率眾自
苑寨渡河而南與張酋合又自商水西趨奔遂平確山
六月任賴大股爲沙河水阻由西折而東復至扶太滄
桓通杞睢州狂奔山東曹縣潘鼎新軍繞擊之再折而

西於是任賴張牛四酋均竄裕葉以西漸近湖北有合股之勢於是曾國藩再建設守沙河之議奏言臣必始終堅持此策不因艱難自畫不因浮言中更以求有成自古辦流賊本無盡善之謀惟逼之使不流猶是得寸則寸之道以關係平捻大局節錄不詳敘時霪雨累月河水泛漲牆隄傾壞八月敬銘親巡督修自長溝至沈口循舊河隄堅築高寬皆丈有二尺女牆安礮自隄趾至巔高三丈餘逢河曲處必建礮臺任賴張牛四酋由許禹鎮平南召迤邐北行趨新鄭逼豫省十六日由省北黑岡口循黃東岸南趨是夜於蘆花崗填濠猛進大股分路壞濠牆

飛越而過。會月落夜黑，火光向陳留東北趨，中牟至蘭考交界之安陵集。十九日，任賴牛三酋股眾突奔荷澤西南，趨鉅野。張酋股眾奔曹縣東北，趨金鄉，分道而馳。妖騰鬼趨，勢不可遏。敬銘調成謙常武軍六營，勻扼開河以達長溝，抽八營赴鉅，遮擊令飛熊吉勝六營，勻紮劉老口之北，東治六營，勻紮王仲口之北，以達戴廟。抽王正起振字五營，赴鄆城策應，而濟甯東平二州汶上一縣民圩有在河西者，牧令應渡河督團布守，乃飭各募民勇三百資捍禦。自八月十八日爲始，竅賊遠而罷。二十四日，成謙進軍代義集，馬賊千餘直前環鈔，守備

李炳武騎軍先縱技嫻槍準無一虛發斃賊二三千賊卻入西南成謙麾軍逼之遙望大股馬步賊分六股出成謙八營分六道迎之留兩營接應副將會玉森衝鋒陷陣所向無前步軍隨之洋槍炸礮乘風電擊白旂賊隊先敗我軍猛起死戰紅藍旂賊誓死不退官軍選奮勇三百冒烟俯進呼聲震山賊驚顧勢懈大軍乘之遂敗走追斬二百餘天晚始斂是夜馬賊四路旋繞官軍警備達旦大隊夜奔百有餘里二十六日從鄆城東北逼運河張酋大股從金鄉西南來成謙分軍向南逆擊正起軍由鄆南夜進鉅野合擊之李家樓賊馬步五六

萬列仗約數十里。前後層疊。旂幟招轉。望之無際。官軍以少擊眾。度難力爭。成謙飭參將姚紹修遊擊貴日華率兩營搦戰。賊少之。大隊徐進。紹修日華驟馬衝入。縱橫盪決。賊槍礮不能回擊。殺傷甚多。入而復出者再。成謙分六營爲兩路。路三營。陣如長蛇。直衝之。賊列仗疎。槍礮多虛發。官軍首尾長數里。勢難包鈔。賊酋指揮傳號。波倫如沸。催隊圍裹。人馬如蟻。官軍突發落地。開花炸礮。炸傷散竄。四五百人自突其陣。互相蹂躪。賊人馬大亂。正起軍從西南喊殺而入。賊不敢交鋒。全隊南奔。日華及遊擊會萬田黎清泉守備盧必榮皆深入賊陣。

所殺傷不可計。槍裂矛折，力竭以亡。是役也。成謙軍殺賊七八百，禽五十餘。正起軍殺賊三百餘，禽三十餘。捨首注意渡運，潛分萬餘眾趨運西。二十六、七兩日，自韓家堂靳口、王壩口數十里間，同時吶喊，躍馬徑渡。飛熊軍縱排槍巨礮數十出，退而復進十數次。敬銘與道員潘駿文、知府龔易圖及文武員弁露宿河隄，曉夜分段巡守。調東平州知州、汶上縣知縣親赴沿河民寨督團嚴備。計二十七日起至三十日，四日夜。自王仲口、張壩口、靳家口、王壩口、劉老口、開河、袁口、安山、閘迤北，直接黃岸八十餘里。賊蜂屯蟻聚，或分或合。

多方撲河。或數處同渡。或一處專攻。官軍火器四晝夜不絕聲。擊斃泗水賊二三百。河灣曲處幾斷流。舟師上下轟擊。用鉤連槍撥屍入溜。以防壅塞。陸師潛夜渡河。鵬擊所殺賊亦數百。賊中相驚。謂南軍已至。如是四晝夜。始西遁。銘傳軍二十七日至城武。鼎新軍至鉅野。兩軍會於汶上之馬村。偵賊屯梁山。火光亘數十里。九月朔。銘軍由蔡家林進。鼎軍由方家廟進。分道薄之。馬賊東西包鈔而來。張景春烏爾圖那遜騎軍迎戰。劉盛藻唐殿魁步軍繼之。斬悍賊數十。馬賊先敗。另股步賊三千餘。馬賊數百。由北而南。與鼎軍值。潘鼎琛余在榜等。

先縱炸礮。潘鼎立從右抄之。賊轉而西。官軍三面蹙之。遂向王莊奪路去。烏爾圖那遜陷陣。手斬馬賊四。身受矛傷五。浴血力戰。張佩之麾軍救之。盛藻殿魁鼎琛前後夾擊。追之二十餘里。斃賊無算。賊受創瞻落。次日南奔。銘鼎軍合力躡擊。初二日。及之鄆城季家莊。初三日。追之安興墓孔集。偵賊在荷澤縣東之新集。初四日。嚮明鼎軍先馳入新集南數里。捻眾方西趨。官軍衝擊之。裂爲數段。逆勢大潰。銘軍步騎悉集。追殺十里。至趙王河干。賊由荷澤城北西奔。兩軍追斬益迅。禽捻目興大剛及散賊二百餘。初五日。又及之曹縣朱家集。賊被追

急先驅。孥賄南行。悍賊悉數回鬪。步賊分數股犯銘軍。馬賊作十數團繼之。盛藻殿魁分道陸擊。景春等騎軍由黃集進。戰正酣。鼎軍潛由周集出。賊後前後夾攻。賊又大亂。奔西南。官軍追之。折而東走。鼎琛鼎立從東。又擊敗之。追至江南桃源境。是夜賊循老黃河南奔。由東明界入豫之考城。睢杞兩軍盤旋兜擊之。非東境不詳叙蓋七日之間。大小六戰。輒勝。兩旬之間。往來千六七百里云。其劉秉璋、楊鼎勛兩軍均由定陶曹縣躡擊。張樹珊軍先已由虞入東。其豫中蔣希夷、保英二軍先亦抵曹縣。至是回趨考城。維時任賴兩股徘徊豫疆。黃南黑岡口。

牛烙紅已死。子喜領其眾與任賴二酋合張酋一股。獨向扶溝許州西南奔竄陝西湖北。於是遂分東西兩股。國藩乃檄提督鮑超楊鼎勛劉松山劉秉璋四軍專辦。西捻檄劉銘傳潘鼎新張樹珊三軍專辦。東捻由黑岡趨中牟東奔一晝夜行二百五六十里。十八日至蘭儀。十九日再逼曹縣。二十一夜分數股突至袁口河西遊擊張青雲轟擊達旦。二十二日回旋西岸倏近候遠。槍礮終不得停。夜漏三鼓移至迤南劉老口河。千參將莫組紳遊擊趙鴻先奮擊如前。飛熊得魁三元抽水陸防軍八成隊渡河擊之。賊猝無備爲官軍衝裂數段。

分向南奔。追斬三百餘級。賊折而西。是夜馬步賊突攻開河圩牆。成謙軍往來堵擊。一時久始卻。五更後突攻劉老口。防軍警備不懈。二十四日全股西趨。方分軍追勦賊西行不三十里。回奔東北。趨安山戴廟河。千心安正起親執桴鼓督軍排轟舟師飛棹策應。高下槍礮聲光如震雷。擊電頃刻間。馬步賊充塞河西。不下萬餘。自未汜暮不退。夜復銜枚晷水。防軍投縋下隄擊之。傷斃溺死者百許。謾罵而卻。二十五日又西趨攻梁山民寨。都司賈宗江率兵團擊走之。二十六日奔西南梁寶寺馬村。夜三鼓至長溝。防軍副將全高升參將何楚隆縣

丞裕凱悉力堵擊五鼓官軍乘暗渡河狂嘯猛擊賊棄
 馬遁者甚眾多所斬獲二十七日大股奔嘉祥之羊山
 鼎新軍二十四日抵定陶二十七日擊賊嘉祥獲勝銘
 傳軍二十九日抵鉅野勝賊葛店樹珊軍亦由虞入單
 時黃崖張積中謀亂敬銘令鼎新軍兼顧河防抽防運
 東軍親赴肥城圍剿十日克之詳另卷回軍東平十月朔
 銘軍勝賊羊山馬山口滿家洞禽二百餘獲資糧牛馬
 無算追至金鄉東北周家圩而止初二日馬賊前隊有
 入豐縣者大股尙屯金濟間鼎軍扼安居鎮初十日成
 謙等軍由黃崖回運防十二日樹珊軍追賊勝之豐縣

十三日逼之沛縣湖團。十五日銘軍勝賊金鄉姜家樓。十六日又勝之陳莊。是日鼎軍由金鄉劉家樓追賊入魚臺之舊城。大股賊全入豐境。十七日由豐北回奔。鼎軍自東而南至瞿家莊相值。賊方避銘軍之躡擊。不虞鼎軍之旁出也。徑前奮擊。賊馬步分裂。追之十餘里。至張家集。賊死鬪。總兵方有道視花旗所向。陷陣取賴首。奪其馬。有道身中十餘矛。浴血搏之。猝中洋槍殞。賴首脫走。全股由金鄉回奔魚臺東北。十八日追至城北二十餘里。賊奔西南。又敗之羅官屯。賊循湖走。又敗之清河沿相里集。其潛分三四千眾入濟甯西鄉。犯淮軍運。

防者。昭慶率提督張桂芳。總兵李長樂奮擊卻之。十九日。鼎軍由孫家橋進。賊將由唐堦集北奔濟甯。鼎軍迎擊之。賊見官軍少。吹角列陳。互五六里。鼎軍以平陸無險可扼。分軍爲三方陣。輜重居中。屹立轟擊。賊三進三敗。自辰加午。擊殺人馬。狼籍蔽地。官軍炸礮八裂其五。且戰且退。至徐家店。步賊引卻。馬賊踞大莊不動。復以四營繞後襲之。賊飢疲不敢戰。殺傷益多。前軍夾攻之。賊由西南奪路闕潰。次日。樹珊軍追之。魚臺縣李家集。二十一日。至金鄉鉄爐棚。二十二日。至鉅野。二十三日。追至鄆城之飛哲集。二十五日。追至荷澤濮州交界。卽

日走定陶。又向城武。二十六日。又回奔鉅野。諸軍皆躡之。皆有禽斬。其銘軍二十一日之追賊金鄉也。賊屯羊山之麓。先令盛藻殿魁景春分路鈔之。賊棄館而遁。追十餘里。獲騾馬百餘。禽六十餘。景春騎軍追至代義集。馬賊千餘回拒。陳振邦章高元等擊敗之。賊奔鉅野城南。二十二日。走鄆城之武安集。樹珊軍方抵葛店。與銘傳合。次日。擊之荷澤之郭明口。二十四日。賊北趨。兩軍及之濮州。斬其前隊馬賊畧盡。二十五日。大股由荷澤走定陶。城東土集。官軍一日馳百里。抵定陶。其夕。盛藻殿魁東進。銘傳樹珊西進。漏四鼓。抵賊壘。已結束將行。

悉殲邊館之賊。餘賊乘暗狂奔。官軍奮追之。二十六日。黎明。追四十餘里。至曹縣孫老寨。任牛二酋站隊覓食。官軍憤極急乘之。復乘輜重南奔。樹軍追至曹縣。遇賴酋繞城南走。令劉克仁、張樹屏進擊。銘軍黃桂蘭畢乃爾復兜圍之。殲賊不可勝計。禽偽天將偽朝將偽燕義等賊酋十數。長髮捻數百。孛賄無算。偽印令旗數十。降者數百。賴酋率眾南奔。克仁及閻鳳來追抵土岡。集復禽賊目持大阜等十數。餘向西南走。二十七日。全數出境。向睢州南行。會天時漸寒。每歲黃運兩河堅凍。人馬如履平地。運河常分汛。槌冰密布。椿柵黃流隨鑿。隨合。

敬銘乃改舟師爲旱隊。自張秋至豆腐店。里設礮臺二。安巨礮爲冬防。十一月。敬銘因病乞假。詔給假三

月。著丁寶楨署巡撫事。敬銘初十日旋省。寶楨馳赴東平督諸軍。令濟東秦道衡榮光。兗沂曹道文彬。分督運防將士嚴戒備。所有河北黃防。曹屬濮范觀朝。及兗屬陽壽六州縣。與東昌近。均歸龔易圖兼轄調遣。先是

欽差大臣蘇撫李鴻章。視師駐徐州。函商敬銘令東軍接防淮軍河牆。替出淮軍遊擊。敬銘以冬防方亟。若將運防諸軍。勻調河北防黃。不敷分撥。拒之。至是十二月。節屆春融。河冰漸泮。敬銘乃將運防諸軍。量爲南移。

九
接替咨派傅振邦綠營兵七百郭大勝馮勝林千勇移
濟甯之南自新店起至趙村止成謙常武十四營移趙
村起至長溝止長溝至開河一段內外重湖春融成沮
洳人馬難越毋煩兵力開河至劉老口一段常武軍原
駐汎地調黃防莫組紳劉時霖勇營接替餘如舊勻紮
焉

山東軍興紀畧

卷六之上

皖匪十

同治六年正月提督鮑超霆軍劉銘傳銘軍會剿捻酋任柱賴汶洗李允牛遂等眾勝之湖北安陸府境永澧河柱汶洗敗眾全股西奔逼豫疆豫撫李鶴年檄提督宋慶軍赴唐縣截勦調蔣希夷軍駐葉調提督馬德昭軍赴許州令副都統善慶騎軍出信陽州與宋慶合擊調副將蔣東才等援鄂諸軍回豫皆扼賊不令趨東北也宋慶軍由唐迎擊勝賊劉廷王連三桂錫楨等步騎及賊桐柏非山東境戰事不詳叙而賊乃分股向棗陽襄陽府東屬東

北奔二月下旬至桐泌勢欲東趨

欽差大臣兩湖

總督李鴻章督古州鎮總兵劉士奇步騎自徐赴豫之
周口扼賊兩江總督大學士曾國藩嚴檄鮑超躡捻而
行令之曰凡在開封以西南陽許汝境固與之縱橫追
逐不令喘息如至汝州河陝亦應跟蹤西行乃賊又分
股由楚之黃梅廣濟竄皖之潛太英山勢由光固入豫
或由六安潁亳奪路東奔時鴻章所部淮湘軍深入楚
疆度躡賊入豫軍行不及賊行之速乃飛調山東臬司
潘鼎新軍由濟甯赴豫壁扶溝以備之陳州府西北屬東撫丁
寶楨方由武定臨清東昌巡視河防由張秋渡河駐東

平度東豫地勢平行無險可扼。賊在豫則以運河爲重。而張秋黃運交匯處。沈口戴廟淤墊斷流。先於正月飭王心安挑濬疏導。大修河牆。加高培厚。令心安東治營。扼河東沈口至靳口。計八十里。陳錫周與楊飛熊吉勝營扼靳口至開河。計三十餘里。自開河至長溝四十里。內外重湖。河水漸漲。賊難徒涉。自長溝至新店八十餘里。令王成謙與傅振邦率青州兵七百。勇丁五百布守。令王正起姚紹修馮義德張青雲張德魁莫組紳廖楚勝等十四營。駐河西王壩口至開河。探賊逆擊。又因是處比年爲賊搶渡。調趙三元水師舳板駁船一營。舳板

二營駐安山老乾碑靳口袁口開河上下與河西陸師
 相夾護部分已定偵賊為善慶與南汝光道蒯賀孫敗
 之信陽州宋慶蔣東才軍在羅山兜擊賊已由光山回
 奔湖北黃安去東日遠四月初九日旋省俄而偵賊復
 由楚之雲夢棗陽回入豫之新南陽府鄧府西正東南
 陽府附西南犯唐裕竄舞府東葉府北臨潁許州東曾
 國藩奏言任賴逆股自鄂省出竄現在擾及葉裕許州
 已有東趨之勢山東防勦以運河為最要去年逆踪三
 次竄撲均經苦戰擊退固由防務嚴密亦由水勢寬深
 本年天氣亢旱河水乾涸農田枯坼禾稻難栽鹽河無

水鹽觔停運。遠近人心皇皇。皆由微臣位高德薄。上干天和。累及下民。憂愧無地。若過夏至不雨。則旱災已成。民食軍餉。兩無所出。恐飢民流爲寇賊。則軍務愈棘。目下運河日涸。水師不能施展。陸兵本嫌單薄。賊若致死衝撲。恐上年濬河修牆前功盡棄。此東路軍情之可慮也。至陝西張逆一股。屢爲劉松山擊敗。逆燄已衰。聞有回竄出關之意。如竄至豫鄂。應請

旨敕下李鴻章。

仍檄劉松山追賊東還。不宜久留秦地。一因道遠饋餉爲難。一因該軍戰掄已久。深悉賊技。須與各軍全力合謀。以保中原腹地。

臣治掄無功。抱愧莫釋。天時人事。交

惕於中苟有所見不敢不陳時捻酋賴汶洗任柱等本

謀入陝與張總愚合因鄆城梁山土匪從賊者甘言歆

汶洗言山東頻年歲稔東三府比戶足食誅以陝中回

亂久糧乏可慮不如東行於是汶洗等引眾遂東入許

州洧川尉氏均開封府西南屬鼎新軍要擊之張市尉氏折而

北掠朱仙鎮汴省附郭大股向陳杞通睢五月寶楨出

省視師開河因奏言去歲捻逆攻撲河牆均在開河靳

口上下此次赴防若駐東平未免較遠擬改駐開河有

警則身在前敵調度親切再前此南陽鎮十八里之穀

亭一帶湖地水漲可勿設防近則涸成陸地現祇淮軍

提督徐道奎水師一營守之。水涸礮船不能施展。若賊竄曹境由此闌入。殊碍大局。東省運防汛地。自去冬李鴻章調出。潘鼎新張桂芳各軍復將長溝以南至新店八十里撥歸東防。統計黃運兩防已三百餘里。實形地廣兵單。已飛商李鴻章妥速籌議。疏入報。聞寶楨復以河岸袤遠。每勇營五百人專汛十里。實爲兵分力薄。乃檄沿運之濟甯州知州程繩武。東平州知州王錫麟。汶上縣知縣張錫綸。東阿縣知縣周毓南。諭勸民團協守。由官備給糧藥。民團毋許斂費。無警各安耕鑿。於是發濟甯四千丁。東平三千丁。汶上三千五百丁。東阿千

丁刊示條教曰選壯佼不得以老弱充數曰認段落先期由地方官派定
令團長認曰頒器械五百人為一團營准給拾駁十鳥槍百餘用長矛短刀由地方官給
明汛地領毋許私曰均勞逸警如有警調十團營站牆或守一
携回家團營曰一號令有警地方官諭調毋許遲延到防非奉
更替有警非調毋許擅移即更替曰和眾志團營與勇營相
時一丁到汛方許一丁離汛營官節制團丁如有違犯歸地方官懲處
營官節制團丁如有違犯歸地方官懲處繩武錫麟錫綸毓南均佩營務處
銜以示優異而資鎮攝再令心安增募東治一營遊擊
周森藻守備莫在明各增新勇一營限日募集訓練聽
調捻眾颺疾異常日行一二百里勢將由汴入東寶楨
度賊由曹考闌入徑趨南陽湖由新店新閘犯鄒滕則

運防成局。隳於一日。雖屬淮軍汛地。前已咨商鴻章。未及舉辦。而賊踪日逼。飛飭成謙往察地勢。築礮臺六十。一抽振邦長溝新店兵勇。移扼南陽鎮。飭魚臺令李淦督民團在鎮南築牆憑守。抽紹修兩營填紮長溝新店。錫周得魁兩營移扼新店以東。石佛關河西。調護兗州鎮范正坦官軍五百扼石佛關以下。時鴻章奏言。豫境平原四達。無險可扼。捻逆避兵急趨。日夜東走。臣早料及此。惟自冬徂夏。捻眾久擾鄂中。不得不全軍入鄂。協剿。稍慰鄂人之望。迨賊出鄂。而臣軍俱已深入。又不得不落其後。堵禦無術。愧憤徒深。劉銘傳前在信陽。整練

兩月銳氣甫復尚能與賊馳驅東自應山黃陂西出安陸襄棗頃又由南陽追至鄭汴日行百里捻賊望風奔逃而軍士亦冒暑疲乏臣令其追抵曹單暫行屯紮察度賊情地勢再圖合力兜圍臣飭潘鼎新如賊入東卽緊躡前往與連防諸軍妥籌策應又徐州防兵甚單江境運河亦涸恐賊乘虛下竄已飛咨曾國藩商令長江水師提督黃翼升迅率礮船赴清江徐州水陸嚴防又派昭通鎮總兵沈宏富代統奇字馬步八營由周口拔赴歸德相機截堵如賊已東行卽由虞赴豐扼剿與劉銘傳潘鼎新聯絡聲勢仍俟劉秉璋王永勝楊鼎勳董

鳳高冬

布局設

林舟師

阻花園

因徐州

萬家寨

蘭考縣

煉埽口

縣之昔

皇廟也

曠若率師迎擊，僅足支持一路。而賊股過眾，路路可分。設我軍截剿不及，轉落賊後，是以督飭河西諸營晝夜哨探，嚴兵以待。俟賊稍近，卽當截剿，以穩固運防。令總兵趙三元舟師自安居勻紮靳口，惟兵數實單。已飭運東濟甯東平汶上東阿各州縣整飭民團，協守助勢。疏入報。可。初十日，賊眾旋擾鄆之黃家海蔡家林，距運河百三十餘里。土匪投賊鄉導，由梁山間道疾趨而來。十一日，熏夕逼河干寶楨先勘是處，河水淺涸，專飭參將金承德東治平字右營扼守，復令飛熊抽袁口站牆四成軍助之。當是時，沈口上下二十里間，匪蹤層疊，充

斥馳驟。戈矛如林。槍礮如雷。電通夜喧。虜賊眾四五萬。闖渡沈口。戰方鏖。另股步賊四五千。馬賊五六百。於十二黎明。由戴家廟河西涉水馳突而東。都司朱萬美督勇奮擊。火器連環轟之。前賊應聲踏百數十。後賊墮牆填塹。人馬屍骸和土撐積。頃刻斷流。後賊洋槍炸礮。鏖湧上。人騎皆騰躍。聲光煜雪。萬美軍致死。而賊屍愈積愈高。戰兩時許。天色大明。心安軍由沈口馳至。督堵益力。賊升河西高阜。縱西洋炸礮。火箭燔河東民廬。防軍燉發於背牆隈。礮死者纍纍。驚亂稍懈。賊益眾。如潮而升。心安度勢不敵。斂隊。賊眾毀牆入。踞戴廟民圩。應接。

山東通志卷之七
七
大股四五萬悉渡東阿令周毓南奉檄防河戴廟地固
東平境因近東阿責毓南督團爲守是日侵曉毓南聞
河干礮聲不知賊已東渡率團長增貢劉鴻賓迎禦至
三里莊賊鋒甚銳團眾盡靡毓南傳呼力戰團奔毓南
出陣前障之賊洋槍洞脇羣矛攢刺之而歿鴻賓同死
寶楨 奏卹毓南鴻賓奪心安職斬萬美軍前賊眾屯
戴廟分股踞三里莊邊馬四散馳驅竄路無定十三日
寶楨督振字七營由開河出汶上扼賊犯會城之路調
南路成謙軍赴汶會勦調莫組紳軍由東平入省寶楨
因運防業已隳守全恃黃河屏蔽北路遂畫分黃防爲

三段。奏言黃防汛地。去歲曾國藩奏明以范縣豆腐店爲界。與直省分防。東省自豆腐店以東至張秋沙灣止。長一百數十里。奏委東昌府知府龔易圖專辦。茲賊已入東。則河防自范縣起至武定屬之鐵門關。綿長千餘里。在在須防。地段愈長。需兵愈眾。龔易圖一人萬難兼顧。臣特爲劃分地段。俾專責成。自豆腐店至張秋。仍飭龔易圖認守。調東昌壽張濮州范縣泰安綠營兵丁千二百。華字道字營勇一千。歸其調遣。自張秋至齊河。調提督傅振邦督青州兵七百。郭大勝勇五百。擇要布守。自齊河以下至鐵門關。飭武定府知府張鼎輔認守。調

副將張得魁莫組紳兩營與該府會商分布復飭各府
嚴督所屬集團協助令遊擊楊長林礮船分布張秋至
齊河總兵趙三元礮船分布齊河至鐵門關令道員張
文林總司上下游防務嚴飭濱黃州縣小渡歸併大渡
船棧盡提北岸時有 詔飭濱黃州縣嚴查渡口倘

有疎失卽以軍法從事故牧令人人惴恐有露宿河干
累日夜不返者其日申刻大股賊入汶上之戴村壩王
泮莊繞城東南北數十里邊馬成羣知縣張錫綸守禦
有方城得無恙正起飛熊軍馳逐要擊匪眾不戰盤旋
竄走或分或合攻圍苑莊民圩汶上境正起十四日馳及

之賊解圍引去。奔東北入甯陽之古城沙莊。正起軍及之甯城南三十里。分曹遮擊。賊如飄風掣電。倏東倏西。官軍禽其長髮者數十。拔難民千餘。夜四鼓。正起飛熊軍追擊。大股於甯之崗山屯。遂分股奔滋陽之房家院。距城十里。城東郭家村。滕村。蔡家橋。東南五里。金口壩。粉店。曲阜城西大柳莊。戴莊。城北姚村。孔村。泗水橋。肥城西南西里村。張里莊。營裏。漫延汶上之馬莊。馮莊。泰安之天平店。黑水灣。竹店。又正南舊鎮。趙家莊。幾一二百里。人馬如蜂如蟻。不見其際。鴻章檄諸軍馳擊。而東十四日。鼎新軍追賊入單。十六日。銘傳軍亦至。十五日。鼎

軍至濟甯備糧藥由滋曲向泰安十七日銘軍亦至周
盛波盛傳軍二十餘營由曹縣趨長溝

濟甯境

鴻章又慮

賊由泰安竄沂州可達江南海州清江飭王永勝開字
軍出單縣劉宏富奇字軍出徐州均赴宿遷董鳳高鳳
字軍孔昭右華字軍併扼韓莊寶楨令成謙常武軍追
入甯陽而捻眾前隊方屯滋陽之蔡家橋甄家橋泰安
之安駕莊坡莊邊家園勢趨東北後隊仍在崗山屯人
數之眾如此十六日卯刻寶楨督成謙紹修錫周軍向
崗山屯進行至屯南十餘里茅莊馬步賊千二三百向
北行遙見官軍疑隊迎拒官軍騎兵先縱轟擊踐踏斃

賊二百餘。賊竄入山峪。寶楨先期飭常武軍騎將李炳武。自他道出其背。設伏擊之。斬殪略盡。馬賊爲紹修等合圍。徒步接戰。陣斬又無算。守備蔡忠順躍馬挺矛入賊中。勢如旋風。莫敢撓。又生曳捻首邵廷漳墮馬。搯其吭。馳而出。全軍乘勝取之。紹修錫。周亦陣禽。匪首邵元明解克。終劉旺扶葉添佑侯妮蕭得勝李慎齋等百八十餘人。得馬二百數十。槍礮旗幟縱橫隴陌間。訊斬廷漳元明等髮長一二尺者百四十餘。縱遣被裹孔昭亮等數十。顧山東兗沂曹爲西三府。頻年備捻。民漸知兵。堡砦日多。野無庾積。東昌在黃河之北。武定海隅。斥鹵。

非賊所心豔。濟泰二府大軍所萃。不能任其蹂躪。惟青萊登爲東三府。久未被兵。家給人足。戶有蓋藏。民情樸茂。兵備久弛。賊中知之久矣。奸民爲賊鄉導。所遣間諜不下數十輩云。

山東軍興紀畧

卷六之中

皖匪十一

時寶楨督軍追賊夏張調鼎新軍合擊擒賊專意趨登萊青三府前隊奔萊蕪之西毛埠村魯溪莊和莊博山之青石關爲南入青州僥道博山令樊文達率淄博民團四五千扼關隘分伏團勇關前叢莽密菁之下賊騎飛騰馳騁如入無人之境逼關前盤旋山石犖确間團勇排槍驟發負傷震駭墮馬者數十回奔新莊大路入長清之塾臺長城張夏崗山由飲馬莊趨會城附近之段店自距省四十里之楊家臺列隊起直至濼口戈矛

稍雲烟炳蔽日數不下六七萬正起引軍至省布政司
盧定勲兼署按察司濟東道衛榮光鹽運司錫祉率在
省文武登陴守禦十八雨夜賊潛竄章邱爲東入青州
大道正起軍卽夕捲甲東行寶楨督軍冒雨逐賊由間
道出肥城長清一日夜馳二百數十里衣不解帶餐寢
不遑與將卒同苦入會城周歷城圩慰諭兵練人人知
奮正起軍晝夜窮追遇賊鄒平城北二十餘里甫列隊
賊縱轡而奔四面分竄烟塵際天不辨大股所向官軍
尋踪逐之追至新城濟南東屬則又分股矣二十一日寶楨
追賊東行賊奔新城迤北勢出臨淄樂安趨高苑博興

均青州屬二十三日寶楨督常武軍繞出賊前飭正起軍躡其後奏言東府登萊青屬縣三面距海山徑崎嶇若以一軍跟踪又有一軍從蕪博臨胸橫出又一軍由沂莒諸城穆陵關迎截必可得手臣所部無多祇能一路緊躡以保全所過城邑卽有時繞出賊前深虞兵單力薄現在劉銘傳已抵鄆鉅潘鼎新已抵濟甯臣已一面飛咨李鴻章並逕調兩軍冀收速效應請 敕下李鴻章令銘軍由沂莒進鼎軍由蕪博進疏入 允行維時鴻章所部諸將領劉銘傳等建蹙賊登萊之議鴻章趨之奏言山東各縣稟陳賊勢似向青州一路暫可無

虞北竄。劉銘傳潘鼎新向有擠入登萊趁勢圍逼聚殲之謀。此次復申前說。欲臣商調皖豫軍出境協守東蘇運西。杜其回突。銘鼎軍與東軍再於東三府相度要隘。步步緊逼。使不得再出等語。臣查捻賊已成流寇。偏之不流。方是殄賊上策。明臣孫傳廷所謂驅之於必困之途。取之於垂死之日。如第一彼一此。爭勝負於矢石之間。卽勝亦無關蕩平實辨流寇篤論。臣去冬奏明。須蹙之山重水複之處。棄地以誘其人。然後會合各省兵力。三四面圍逼之。亦是陰師其意。本年三月。左宗棠會國荃會商在湖北襄河東岸白口地方。設圍困賊。五月間。

臣擬就曹單豐碭黃河舊隄分段憑守。覺賊黃運之間。皆欲就地勢以圖兜圍。無如賊踪颺疾。兵力未齊。瞬息百變。竟未辨到。臣刻已密屬銘鼎諸軍。如賊果竄登萊。卽於膠萊咽喉設法圍逼。使北不至竄犯。畿疆南不得蔓延淮海。臣又械商李鶴年酌調張曜宋慶兩軍。進紮汶上。運西開河一帶。英翰酌調張得勝黃秉忠程文炳三軍。進紮宿遷至灘上。運西以備接應。張之萬酌調成子河防軍。及淮揚鎮水師。移防清淮及阜甯之射陽湖。以杜窺竄。裏下河之路。惟事機倉猝。地段太長。恐有力不從心之處。臣懸擬大略。借助各軍。賊蹤是否逕趨。

登州膠萊能否阻扼各軍能否趕及運西能否徧防應俟隨時察商未便預爲限制疏入報可鴻章檄銘

傳軍由泰蕪趨青州爲中路鼎新軍由濰昌趨萊州爲北路鳳高宏富軍由鄒蘭進莒州爲南路再奏言三路兜剿而前會合東軍偪入登萊絕地扼之於膠萊河使不得復出臣再抽調運防諸軍更番進擊如其布置未定而賊已回竄則運防各軍隨地闌截不令再竄運西仍須蹙入海隅乃有聚殲之日山東撫臣丁寶楨咨函亦云登萊三面距海河渠交錯山徑崎嶇馬賊無可馳騁亟思就地剿滅意見不謀而同當是目下滅賊勝算

惟任賴各股實粵捻百戰之餘兼游兵散勇獷悍之眾
技倆不可易視若兵力不足兜圍備之過緊使窺破機
關急圖出竄稍縱卽逝全局又非故臣必先布運防以
杜出路次扼膠萊以斷咽喉其追賊之軍未達膠萊須
急進以逼蹙之旣達膠萊宜連紮以圍困之制流賊之
法必先能堵而後能剿也時屢奉 嚴旨責鴻章玩

寇鴻章再奏言欽奉

諭旨飭臣速赴前敵迅圖殄

賊而臣調兵未集布防未定不得不將懸擬辦賊大致
及現在情形爲我 皇太后 皇上詳悉陳之

自來流賊最難追剿而賊流之速尤莫如今日之捻逆

中原平曠萬騎衝突日輒百數十里或二百里無論官軍步隊力不相及即使及賊見仗而此截彼竄橫行側出賊路不窮我力必有時而窮追日久追逐疲憊爲賊所乘往往一蹶不振自勦捻以來十數年如一輒雖追賊神速如僧格林沁尙且不能成功臣等自問萬不能及故欲滅此賊計惟有扼地兜圍之一法臣曾屢奏及之曾國藩始思變計初議四鎮之設繼議沙河賈魯河之守本年春間左宗棠曾國荃又擬爲白口之圍皆欲偪之不流蹙之漸緊也自臣受事抵豫賊已入鄂諸軍與賊轉戰鄂豫數月迄無機勢可乘惟有嚴檄諸軍往

來躡擊。智術短淺。實無解於。朝廷之責備。迨賊由豫
竄東。臣思東省運防。屢經賊撲。向稱可恃。遂注意布扼
曹單豐碭舊河隄。欲困之黃運之間。以爲得地。乃不數
日而賊已渡運。臣由歸德馳赴濟甯。與劉銘傳等函商。
不得已復爲蹙賊登萊之計。先借各省兵力。協守運河
西隄。以爲圍制。而遏回竄。續奉六月初五日。寄諭。
鈔發劉長佑英翰等原摺。皆言之甚切。與臣部署相符。
是目前辦賊。舍此竟無良策。臣更衡量利害之重輕。與
其馳逐終年。流毒江皖東豫楚各省。不如棄一隅以誘
之。與其往復運東濟泰兗沂青及江蘇之淮徐海各屬。

均受其害。不如專棄登萊以扼之。膠萊河之守不密。則登萊無可扼。運河之守不密。則膠萊仍不足恃。賊踪已向膠東。事勢至此。機會可圖。但求萬全。不爭一日。故臣立意必運隄與膠萊河兩防。均已布定。乃可抽兵進剿。庶殺一賊。少一賊。賊智自困。而兵力不疲。明知此計。至愚至拙。亦至難。然不若此。更不足以制賊。所以日夜圖維。先固守局。而後進兵。此籌辦之大致也。東蘇兩境。運隄袤長千里。臣軍斷不敷用。皖豫派到各軍。與淮軍分守宿遷以上地段。臣前已奏明。現令於西岸排築長牆。分哨過運。東就舊牆修繕礮臺。犄角護守。非月餘不得

牢固而宿遷以下至清江運隄幾二百里尙無兵守漕臣張之萬兵力止能自保蘇疆全軍無可再調臣僅調前金門鎮王鎮華提督魯洪達水師三營分紮宿遷亨濟閘下至鹽河箝口壩一帶苦無陸師依護欽奉初五日寄諭復經函商浙江撫臣馬新貽請其速派五千人北上協守宿遷桃源運隄尙未接覆惟李瀚章曾國荃咨稱已派提督譚仁芳總兵劉維楨率萬一千人劉長佑咨稱已派臬司張樹聲率總兵余承恩等四五千人前來助守故運防猶未布滿卽暫無兵替入膠萊河距南北海口潘鼎新函稱二百七十里以每營三里

計須百營布守。少亦須八十營。劉銘傳等三路之師。日內先後已到。然步隊止四十六營。臣復擬調豫軍宋慶十二營。淮軍王永勝開字十營。由運防續行抽往。必合之。丁寶楨所部東軍三十一營。始可密布。丁寶楨允以十一營相助。而臣添調運防之宋王兩軍。又須牆工稍就。乃可拔隊。若丁寶楨盡以東軍協守。目前略可敷用。而東軍防地亦單。未知果否允行。連日據報賊踪盤旋萊陽掖縣。勢向東北。臣飭劉銘傳等如賊外向。當設法堵入。並商之丁寶楨移軍分扼。若膠萊之守未成。暫勿銳意擊賊。若賊或竄出膠萊。諸將必能跟踪急返。臣雖

庸懦前勦辦江蘇粵逆堅城要地恆親出陣前蓋勦守賊與辦流賊情事本自不同况此時運防諸軍已到者築牆紮營臣須就近督飭而直隸湖北浙江未到者尙二萬餘人催儻照應調派抽替皆臣所當主持皆當在濟甯居中籌辦若遽舍之前進則五省客兵無所稟承運防門戶未局膠萊咽喉未斷臣卽親往尙無裨益於大局轉有妨碍兵機百變臣不敢謂運防旣成滅賊必有把握然立意已定則經營尤須盡善此臣暫難卽赴前敵之實情也惟念捻逆流竄多年數省生靈塗炭實貽 聖主宵旰之憂及今地利人力幸有可辦之機

而辦理須有次第。臣何敢避迂緩之名而不竭力經營。顧彼失此。貽誤全局。仰懇

聖慈曲鑒。稍寬時日。以

責臣效。不勝悚切屏營之至。

以上奏詞

二十三夜。賊從高苑

邊境回奔新城。向臨淄東北逸出。避兵日行二百三四十里。颺疾莫測。寶楨飭正起心安飛熊軍。儘力追逐。賊分股入樂安城。東北蓮花店。顏徐店。圍攻民寨。知縣彭嘉寅督團援剿。斬級百餘。禽戴學堂等。賊由成家口高柳行東奔。後股從盧家山入馬家王莊。徐家樓。又督團轟斬四五十禽。偽將軍劉兆乾。偽指揮張鐵頭。偽都管賈大才等。大股掩至。不下萬人。遂斂隊。寶楨進軍金嶺。

鎮距淄川三十餘里賊眾分股北竄壽光蛇家莊皮家

嶺攻圍壽濰交界侯鎮民團擊退之焚掠距城二十餘

里楊河莊南北松落知縣吳樹聲登陴固守賊過洱河

於是入萊州府境二十六日入濰縣萊州屬縣之流飯橋距

二十里昌邑北境于家莊再涉濰河寶楨步軍窮追馬賊

不及調諸營統領營官騎馬五百餘挑奮勇六成自將

而行乃馬賊分十數起殿後旋繞牽制官兵步賊分股

先發鼎新軍由省拔隊二十九日抵胡營壽光境進昌樂

賊眾竄平度州萊州屬縣心安正起軍及之州東三十餘里

馬蘭堡二十七日正起心安飛熊軍夜襲之心安騎軍

山東通志卷之六十一 院匪十一

先進東北飛熊正起步軍六成精銳與守備劉家興平
字三管向東南銜枚疾趨騎軍抵馬蘭堡曙色未晞霧
氣尙合捻賊馬嘶人喊約千餘騎拔隊東行心安突前
衝之賊瞥見鄒隊意甚易之轟擊半時許心安馳馬突
陣大嘯騎軍驟進賊卻正起步軍乘勢掩之斃馬賊五
六十賊波倫再盪大股馬步環裹而前眾寡懸絕心安
正起揮軍確鬪飛熊聞礮聲知己合戰催軍分兩道趨
之於是騎兵邀其前步卒蹙其後軍士皆殊死十盪十
決衝賊陣爲二斃馬賊百二十有奇猶分股旅拒飛熊
正起火器連環逼擊之再斃馬賊二百許步賊鬪益力

馬賊援旂急颭分鈔官軍正起飛熊軍張兩翼尾護後路而以長矛小槍更替擊之噓聲動天士氣百倍斃賊千數百有奇家興三營槍礮猛密所斃尤夥鏖戰自卯至舖八時久賊潰奔東南東北我軍追逐躡藉緣道又斬級千餘奪馬二三百熏夕追抵安賢莊而罷禽二百有奇解散千人以上獲牲畜八百餘黃色龍鳳旂纛四十六刀稍火器布滿曠野官兵陣亡受傷者四十餘以大捷聞賊竄掖縣萊州附郭之沙河迤西土山焚掠朱橋漫延萊陽登州屬縣之五龍河卽墨之金家口於是深入登州府矣夜由海陽之行村寨登望石山逼城下知縣

登陴守禦。寶楨偵賊敗奔東北。而萊黃招棲福五縣。均山路崎嶇。慮其誘官軍東北。追逐乘間南奔膠莒。日照先飭成謙軍赴萊州扼之。自督馮義德陳錫周軍。並親兵四百二十九日。進平度城西。視賊所向遮擊。賊知福山沿海烟臺爲中外貿易百貨委積。無城郭。率眾疾趨之。登萊青道潘霽先期募勇五百。與英吉利法蘭西兩國兵官率洋兵爲守禦。飛書乞援。而東軍隔賊不得前。三口通商大臣侍郎崇厚駐天津。聞報。奏派參將鄧啟元洋槍隊一營。槍礮官兵五百有奇。攜大開花礮二小開花礮四。六月朔。放洋抵烟臺。賊前隊循海而行。爲

礮所卻。後隊遂奔卽墨。正起心安飛熊軍。初五日五更由金口追至雙山。賊方攻民寨。官軍疾馳擊之。知縣楊鴻烈率勇出城會戰。賊奔潰。資裝孥賄委棄塞途。向勞山奔竄。是晚官軍營城西三里店。三軍偵賊大股萬餘屯花院山鐵基口。距三里店十五里。各選軍鋒分道赴之。期至城南合隊。飛熊軍由南進。正起軍由西南進。心安軍由西進。時雨初霽。賊不揣官軍深入山隘。突聞波倫號礮聲。分路麇竄。官軍乘勢搗之。自大廟至石疇。連破所踞莊寨十餘。賊皆棄馬接戰。官軍勇銳莫當。山徑險狹。噴筒火器無虛發。賊大潰奔斃馬步三千餘。禽長

髮者百數十。難民出者七八千。二鼓斂軍。次晨餘賊數千從鐵基山口湧出。官軍戰勝鋒銛。賊不能禦。退走山谷。夜三鼓。心安率親兵二百潛入峪中。人馬蹴踏山石。犖确有聲。賊喊殺而出。心安向外衝突。飛熊正起自外。應之。表裏夾擊。賊又大亂。擊斃及自相躡藉死者千數。昏夜不辨大股何向。縱橫死鬪。官軍弁勇深入負傷陣歿者亦數十。傳令勿追。而賊固已膽落矣。初九初十。十一等日。賊踰嶺翻山。折竄萊陽。招遠。黃縣。蹂躪村寨。四境無完戶。焚掠甚酷。先是賊之由烟臺回竄也。後股圍福山縣城。知縣吳恩榮防守甚力。賊不得逞。初二日。其

前股循海濱趨東北甯海州知州尹煥章引民團逼擊

之賊不敢逼城勢趨文登知縣陳汝楫於水陸隘口上

莊孟良岵黃花姑子洞橫檔梯子二十餘處多方禦之

賊不得入折而西奔蓬萊境由劉家旺灣子口趨城下

三里莊賊騎充斥登州守豫山諡壯敏江南提督福珠洪阿長子自五

月聞警設備至今六十餘日躬自巡徼無間暑雨軍民

感奮其時賊在附近難民數萬環城欲入豫山衣冠危

未閉城全活甚眾一日有官勇長髮紅巾類賊裝束趨

城下民情洶懣勢將內訌豫山親出撫諭自辰至午而

定其膽識鎮定如此其他詰奸設守禦完備賊卒不敢

撲城有東漢循良賊復同奔金口東軍於是日由三家

園下鮑村等處向西南追之。賊不得志於東。寶楨軍又扼其西。勢由膠州出莒沂。寶楨於初七日移軍入膠。障其南竄。鼎新軍進壁平度。備賊由南復折而西也。當是時寶楨因萊陽以西一片平原。一軍跟追。兩軍遮擊。中間懸隔二百餘里。不忍膠東民團堡寨被賊攻圍。不得不躡踪追逐。救民水火。而淮軍方籌蹙賊海隅。扼守膠萊之策。不欲銳意窮追。致令回竄。用兵之難如此。寶楨爲廢寢食者累月云。

山東軍興紀畧

卷六之下

皖匪十二

膠萊河者元時因糧運泛海有九臯大洋之險鑿之以轉漕者也其河道形勢自東南麻灣口表邪西北徑二百八十餘里至掖縣之海倉口入北海其沿河諸州縣西南則昌樂昌邑膠州東北則掖縣平度東淮諸軍循河分段築牆銘傳軍駐平度瓦廟口鼎新軍駐掖縣新河間而沿海河灘七八十里沙水沮洳不能版築人馬可涉鼎新軍改由新河西紮至濰河之東止水勢較深就平地築牆濬濠三十餘里新河南至麻灣口是爲膠

萊正河間斷淤淺水僅一二尺有無水者銘傳軍自新
河南守至大成寺百有十里董鳳高沈宏富軍自大成
寺守至吳家閘約六十里成謙軍自吳家閘守至南海
柳林口約八十餘里俱憑河西築牆又柳林至塔埠頭
十五里浮沙不能興築其濰河之西自夏口至海口水
深泥淖擬東軍布守以補其隙寶楨復檄膠州協副將
玉山發膠州兵百三十有奇增募民勇九百每營約五
里兵力甚單且濰河之西辛王莊以上至夏店河水日
落每營五百人分防三四里設賊踰淺闖渡勢必不敵
寶楨檄昌邑令董槐濰令靳昱各發民團三四千隨鼎

軍爲守寶楨於十三日引軍赴海倉口行三十里偵賊奔西南回軍高密迎擊行至朱陽集賊又回奔遂進軍膠州督成謙軍分段築牆柳林口吳家閘賊乃深入福山境一日夜奔三百數十里南入卽墨馬山馬賊分向卽墨城西南北三面環繞東北擾七級村離膠不足七十里卽墨令楊鴻烈叅將興瑞千總楊鏗把總宋保清曲登魁等率兵勇禦擊之斃賊十餘奪馬二大股擁至鴻烈親督民團出擊鏗等奮勇爭先追至燕泉周村靈山衛殺賊千餘時賊雖深入東府不特膠萊防守未備且黃運兩河所在罅漏北犯可虞於是直督劉長佑通

商大臣崇厚分軍先顧黃防長佑飭正定鎮所部河間
練軍自劉智廟移扼齊河參將張國安直字前營騎兵
巡徼齊河以下至利津守備劉在嘯直字後營騎兵巡
徼齊河以上至張秋長佑奏言黃河自開長濮范以達
利津海口地段綿遠除東省水師及沿河營縣兵團外
其自范縣至張秋臣現派前藩司唐訓方督保定練軍
三營續調道北練軍兩營新募河間練軍一營分段布
防自張秋至齊河派署正定鎮總兵劉景芳督河間練
軍五營洋槍隊一營分路布守自齊河至利津派天津
鎮陳濟清督天津練軍四營調洋槍隊一營分段布守

至范縣以西陸路則派大名鎮總兵姜國仲督省標練軍自長垣至開濮界上分屯衝要水路則派大名府知府楊毓柁水師三營與陸路梭巡策應飭大名道范梁與山東知府鄭元善督沿河鄉團協助此專防黃河之備細情形也崇厚復撥天津練軍入東防武定府黃河北岸時寶楨因直境鹽梟蠕動奔突臨館邊境檄龔易圖抽參將韋應麒黃兆昇兩營赴臨館令張文林移駐張秋鎮督飭州縣聯絡直隸防軍當是時直東豫皖楚五省督撫建議倒守運河因賊長佑奏言捻匪渡運東竄可以就地殲除通籌全局遠防不如近堵分堵不如

山東軍興系星
卷之二十一
合圍擬請

飭催各省合兵會剿以除積寇而靖中

原事竊捻匪肇亂十餘年流毒四五省我

皇上軫

念民命

欽派大臣督師勦辦並飭各省悉力嚴防

然而賊勢日甚一日年復一年者非戰陳之不力防禦之不嚴也有限之兵力日疲於奔馳無險之地形莫扼其衝突而擒之長技不占城邑不賫資糧飽掠狂奔數日千里游民叛勇到處勾結兇焰熾長至於燎原近則直入山東青萊登完善之區藉停喘息大兵踵至則飽掠遠颺北犯南奔其勢靡定是追剿之兵苦無止境備防之兵亦無已時爲今之計惟有集數省防剿之兵嚴

扼運河。勿使回竄。然後以節制
感之一隅。盡括河海官商船隻。
得始可就斃於青齊數郡之間。
兵萬人。合堵運河。臣於防黃菘
堵運岸。山東本省之兵。水師俱
馬步騰出進剿。查運河自直隸
兵數之多寡。劃定地段。挨次在
江皖楚北之兵分守。濟甯以上
如何進剿。俾腹內城池民寨。皆
實積就近審度合辦。但能逼使

可歲事近又探得陝西捻股被勦甚窮將有向東回竄之意賊情緩則思分急則思合往往如是應請飭左宗棠所統四十營及潼關內外各軍悉力嚴扼勿使黃運防兵勦兵再有反顧之虞所謂遠防不如近堵分堵不如合圍該捻已自趨絕地有可滅之機各省將帥久切同仇亦實有滅賊之力李鴻章責任勦賊必操勝算臣等分應嚴防河岸何敢越位而謀然力所能為不敢不盡識有所及不敢不言謹據實密陳皖撫英翰奏言臣與李鴻章有成約擬就黃運之間設圍蹙賊故一聞賊入東境即檄張得勝等軍分駐柘城及信陽境上

隨地堵剿。嗣聞賊勢日東。催令各軍馳赴蕭瑒沿黃河。舊隄布紫。冀與湘淮軍共收兜圍之效。乃軍甫成行。據報賊已渡運。遠竄萊蕪。迤東局勢瞬變。前議無成。又恐賊由清淮回竄。皖境泗州靈璧空虛。故又改令各軍分

駐東北境上扼守。聽候調度。縱觀全局。賊已深入東邦。

若驅之登萊二府。以重兵分守膠萊。逼賊入海。可收盡

殲之效。事易而功速。此似上策。若北守新黃河南守運

河。合湘淮東軍兵力與賊縱橫馳逐。使一日不得喘息。

我軍日增。賊勢日蹙。稍需時日。終可成功。此亦中策。若

令飽掠而回皖豫。仍事尾追。兵疲賊張。漸難制其死命。

此策之下者正在函致李鴻章籌畫間適得來函用劉銘傳等之議商調皖軍進赴運河西岸會合逼賊因地利萃兵力廣設方畧以張網羅所籌與臣前議相合上年劉銘傳過潁州臣曾與之籌商及此因黃河水涸恐我軍緊逼直省河防堪虞未敢遽建此議今大雨時行黃河天險賊難北渡李鴻章苦心經營能趁此時大舉會勦臣向不存畛域之見况又意見相同事機相湊更不敢稍有推諉已馳檄張得勝等之軍兼程前赴運西以黃秉鈞八營從宿遷向上游扼紮張得勝九營從灘上向下游扼紮程文炳步軍八營居中策應而以騎軍

五營往來巡哨。另調總兵余承先副將張捷書遊擊蕭泰來水師各營由洪澤湖駛入運河爲陸路各營接應。

以上英奏 鴻章復飭員外郎李昭慶督所部由灘上黃林崖

接守至韓莊八閘英翰再奏言從來制流寇之策原無一定而用兵機變全在一心固不可僅爲自守之謀亦必須先能自守乃足辦賊逆捻尙游弋於高密一帶能否逼入膠萊以東尙未可定此次扼運是預布遠局以守爲戰目前之情形似鬆將來之機勢實緊但使陝捻不復東竄軍無回顧之憂任逆不出山東在吾網羅之內各軍與之縱橫追逐終可奏功鴻章復令藩司劉秉

璋總兵況文榜營運河十里關。蔡金章營三里鋪。萬重
煊營柳林關。自濟甯開河南圩外起。至嘉祥縣孫莊止。
共六營。運河東共三營。運河西令涼州鎮總兵周盛波。
自東平靳口南圩起。至開河北圩止。共十六營。提督楊
鼎勳營趙村石佛寺南湖一帶。豫撫李鶴年令提督張
曜宋慶兩軍入東。歸鴻章調遣。分布東平以上靳口至
黃河沈家口百有餘里。鶴年奏言。臣屢接李鴻章函咨。
云捻賊已成流寇。須逐之於必困之途。取之於垂死之
日。會師合剿。方爲上策。山東登萊地處海隅。正宜乘勢
擠之。使不得出。擬以膠萊爲裏圈。運河爲外圈。合東淮

皖豫四省兵力共圖聚殲之計誠爲制賊良圖已查照
來文飭兩軍先後入東惟豫省情形有不能不鯁鯁過
虞者張總愚捻股雖日漸窮蹙恐復東入閩鄉臣已力
籌堵遏商雒一路惟荆子關一路門戶洞開一經軼出
秦中豫境浙浙川內鄂境襄襄陽鄖鄖陽均形吃重陝甘
督臣左宗棠已統軍由宛洛潼關入秦甘肅臬司劉典
亦帶兵由荆子關前進若得鄂中撥軍一大枝扼紮荆
子關則西圍有備可以專力東征兩湖總督李瀚章湖
北巡撫曾國荃奏言先准李鴻章檄調劉銘傳等軍赴
曹單豐徐黃河舊隄聯絡扼紮並函商皖豫鄂三省各

抽萬人赴隄協守。騰出一軍游擊，感賊於黃運之間。正在調派間，李鴻章函言局勢遽變，所商抽派之軍須協守東蘇運河西岸。杜賊回突，而令劉銘傳、潘鼎新等入東三府，步步緊逼，擠入登萊海角，以便聚殲。臣等查劉銘傳、潘鼎新昔年曾建此策。時兩江總督臣曾國藩以東省完善，不忍令其蹂躪，因創畫守運東之議。兩年以來，極有成效。然而兵力之不齊，人事之利鈍，往往出意料之外。現在東省既經賊擾，劉銘傳等復理前說。李鴻章因時制宜，亦屬萬不得已之苦衷。臣等力所能爲，卽應共維大局。現調駐防黃安各隘提督譚仁芳馬步十

一營駐防麻城等處。總兵劉維楨馬步十四營。兩軍合而爲一。均由河南光羅息馳赴歸德。聽鴻章調遣。目前鄂東幸尙無事。所慮者秦捻屢挫不振。有回竄豫鄂之勢。鄂之西防未可鬆勁。左宗棠五月十三日由襄取道新野南陽入潼關。與劉典出荆子關之軍犄角併進。或可不致張逆鋌險出關。再能守住運河。東賊不能竄南犯北。非惟鄂省之幸。亦皖豫均受其福。以上復派水師副將丁長春將所部師船三十餘艘起旋而下。由清淮轉入運河。猫兒窩徐州一帶聽李昭慶調遣。時奉詔曰。運河以東自山東至江南境地。段甚長。官軍須合

力進剿沿河防兵勢必不敷分布賊馬剽疾若乘虛逸出又成不了之局亟應添兵守禦刻下江蘇浙江江西三省安靖防兵應可調發著曾國藩李鴻章通籌大局一面奏聞一面酌調江蘇浙江江西之兵到防分段認守俾勦兵得以專力追擊不致顧此失彼辦理較有歸宿長佑再奏言臣前奏運河自山東至江蘇境江皖鄂豫四省當之仍由直隸加調兵勇數千助堵茲英翰所派皖軍已星夜起程兵數殆將二萬加以江鄂諸軍儘可防至濟甯以北臣已飛咨河南撫臣李鶴年速派兵勇赴防一面檄臬司張樹聲督余承恩劉棋江開泰等

所部水陸兵勇三千餘。由黃渡運前赴沈家口安山關。暫紮候豫軍到防。議定地段畫界駐守。猶恐兵力不敷。復調張樹聲舊部樹字軍出運河入直。連上項兵勇約五千人。與豫軍接續分布。統由李鴻章調度。以上奏詞無如膠萊河牆甫經興築。基址庠薄。大雨時行。沙土鬆散。旋築旋崩。東軍麻灣口汎地爲賊南竄諸莒要衝。前月二十日。馬賊馳遂窺伺。冒雨堵築。二十七日雨止。河水驟落。七月朔黎明。平字右營汎地賊馬百餘。梟水欲渡。右營擊卻之。禽賊目李明山等。已刻全股回渡。沽河另股數百騎竄至店口附近。犯吉勝營汎地。飛熊軍力禦之。

相持至未申。死賊二百餘。賊北走。俄而大股三四萬分。二十餘起。徃集河干。人嘯馬騰。風霾烟趨。同犯閘子集。常武軍及曹標營汛段。成謙督洋礮軍登牆力守。連縱炸礮。賊移東南里餘。媿隊復前。賴汶洸一股專犯吉勝軍河牆。任柱一股專犯曹標營河牆。勢在必渡。成謙督都司高福德抽親軍合曹標營站牆嚴備。又派洋礮營官焦宗良協守吉勝營。三時久。斃賊數百。紅藍大旗紛紛仆地。賊向東敗奔。成謙令參將李炳武騎兵渡河追之。至沽河。又傷賊二百許。獲大旗二十餘。宗良追斬賊百餘。時沽河積水深淺不一。賊人馬躡踏溺死千數。

百人畜屍骸縱橫不可計。賊向東北復奔萊陽寶楨。奏言前敵各軍暫行調回助守。實以賊既有可圖之機。不容貪目前而昧大計。然自各軍不向河東急追以來。河東城寨日來告急。臣因全局所繫。隱忍不追。負疚吏民。愧痛交集。俟防局一定。急催李鴻章前進。臣仍須過河親督東軍力勦。以顧地方。斷不忍棄河東百姓任賊蹂躪而不顧也。以著愛民爲國兩難之處時豫軍張曜十五營。蔣東才輔衛四營。李成先。豫銳二營。先後抵運防。統歸曜調遣。替出南陽鎮宋慶毅字十二營。赴膠萊河防。初二日。毅軍抵新河口。至楊家圈三十五里。與銘傳軍連營。乃膠

萊河牆北起夏店南至柳林口甫竣工而迤南水勢日消又涸出崔家渡二十里寶楨又抽四營築牆扼守洎初十日淮軍王永勝開字十營至營於吳家口替出東軍常武十營飭成謙引往濰西填紮空處其南起夏店北至辛安莊四十五里原屬東治四營鼎軍兩營防段無如水勢益落從辛安莊北至下營六里下營至海口四十餘里其間小蛇廟魚里鋪水僅尺許東治四營仍留扼守不能抽作勦兵以著獨任其難不遺餘力之處擒賊於十六日未明犯新河口隄牆慶督千總程允和力擊斃賊三四百致死不退遊擊蔣尙鈞率親兵三百馳援士氣益壯

鎗礮益密。賊不支而卻。守軍過河逐之。斃賊益眾。獲羸馬四百餘。衣裝包裹無算。斬老賊趙深、王羅等三十餘。寶楨再奏言：李鴻章來函，約月內可以起程。擬帶萬人東來，再抽運防諸軍更替進剿。臣以河東圩寨急須救援，且秋成在邇，須兵防護收割。臣兵三十一營，現在南北分顧，萬不敷用。暫已添募步勇九營、馬勇五百，以便抽出防軍之久。經臨陣者，渡河覓戰，亟慰民望。又直隸梟匪聞已逼近，京畿必須急爲撲滅。每一念及，心急如焚。以上奏詞十九、二十日，仁芳等軍抵濟甯。鴻章令赴運西靳口，至安居接防。抽出秉璋、盛波諸營。二十一日，由

濟甯引而東。鴻章二十六日督兵東赴膠萊。初，北路濰河防務，議歸東軍駐守。因銘傳、鼎新議定，認守北路。請寶楨專顧南路。其時寶楨軍追賊至高密，朱陽集卽折回膠州布防。鼎新以海倉口沙灘數十里不能立牆，折繞平地三十餘里，南聯膠萊河，北接濰河，以十營守之。又以濰河西岸空虛，請寶楨派數營協助。寶楨原帶勦兵僅十一營，分布柳林至吳家口八十餘里，萬無可撥。由前敵調回心安四營與鼎新協守。繼又因兵少，汎長再請添撥。寶楨不欲避難就易，復允添防柳林二十餘里。吳家口北至劉家莊十六七里。迨月十一日，開字

營到膠。始抽出常武十營赴濰西協助。乃十五十六以後海水益落。自石灣起至北海口。復涸出沙陸九十餘里。成謙不得已。接替心安所紮新安莊汛地三十里。勻出二營。由新安以北紮至下營。自下營至北海口四十餘里。尙無兵無牆。而魚里鋪海神廟小蛇廟等處最淺。鼎新成謙議。留心安四營前往暫守。再會商增兵。心安到防後。查勘小蛇廟以北二十餘里。牆兵俱無。方亟商諸將。而二十日卯刻。賊全股駛屯海神廟以北土嶺。距心安地段迤北十餘里。潮汐驟落。海灘益廣。賊馬三三兩兩馳突海灘不絕。心安馳告鼎新。先自督四營逆擊。

而馬步賊數萬卷地而進。亡營官胡祖勝及哨弁七八員。勇丁六七百。斃賊亦數百。四營二千人。幾爲所掩。心安揮兵血戰。整隊向西北橫出。以免全歿。常武軍聞報。因河東馬賊游弋。不能撤站。牆軍成謙先率親兵礮隊四百騎兵三百五十。鼎新軍亦出騎兵一營赴援。甫開壁。大股馬賊由東北沿牆向朝海集衝至。成謙躬冒矢石。子簌簌墮衣襟。不顧而前。炸礮洋槍層疊轟擊。馬賊退而步賊來。苦戰良久。互有傷亡。分股賊已突過河牆。由西南去。傳令諸營二成守營。八成追賊。賊狂奔昌樂之朱寨橋官廠馬朱營邱辛莊駱駝大柳林莊等處。寶

楨督飛熊正起心安軍追之。二十三日卯刻，賊由安邱奔高密。景芝鎮我軍行至金溝，大雨驟至。二十五日，冒雨進軍程子莊。河水驟漲，方編棧濟渡，距景芝尚十餘里。賊又奔西南雹泉。赴莒州之路成謙偵分股賊前隊已度穆陵關，遂躡追過關，賊向西南沂水去，勢如飄風。淮軍銘鼎、奇鳳諸營先後拔營躡擊，至昌邑姜家集。提督徐道奎遇賊擊之，賊卻入東南，由安邱臨朐南走，闖過諸城。鳳高於二十二日引步騎七營由膠萊折回，出賊前伏騎兵秫叢中，步兵徐發。二十六日，大股馬賊蜂擁而過，勢已逼，萬火騰轟，馬賊紛墮，步賊衝至，相持許久，伏

騎環繞而出。賊敗而西，追斬百級。次日黎明，分路躡之。甫過莒州南門，馬賊七八千由西來，步賊亦四面圍裹，勢甚張。總兵魏興發連縱劈山礮，斃賊百十。諸營布方陣環擊之，賊死傷枕籍。管官董學友、孫文科、王芝生等奮呼力戰，軍士無不致死。賊層疊嚴拒，吳鳳柱騎兵由後橫穿之，賊分而復合者數四。賊酋數十人援旂揮眾，馳突芝生陷陣，斫其三。賊大奔不止，官軍喊殺動地，追幾三十里。又斃賊五六百，禽百三十餘，戰馬三百餘，槍礮牛驢數倍之。陣亡弁勇二十八，受傷四十餘。是日都司駱得標守備宋朝喜、千總黃正科、外委孫魁元皆戰

歿報賊大擾莒州城外正西西北西南火燄數十處寶
楨督軍馳赴之鳳高軍亦至賊奔西南馬奇山距州城九十里
勢趨青口鴻章偵賊已南趨不入青口卽折紅花埠蘭
郟一路督秉璋盛波軍由濟南改道南出泰安沂水八
月初四日銘傳慶等軍尾賊郟城道海州桃林沙向青
口贛榆陸擊盛波盛傳軍入邳州鼎新軍由臺兒莊向
宿遷寶楨督飛熊等十營回扼沂州備賊回竄飭成謙
軍扼沂莒要隘十字路距江南境三十里鴻章檄宋慶十二營
由郟回駐沈口戴廟靳口與張曜軍分汛布守自靳口
下至濟甯令仁芳十一營維楨十四營守之昭慶十九

平定回疆方略卷一百一十五 光緒十一年十一月

營分布韓莊起至黃林莊以下。鳳高八營自灘上三十里守至貓兒窩止。永勝軍駐邳州官湖夾護運防。入江南境得勝凱字九營自貓兒窩守至利運閘止。文炳強字八營自利運閘守至九龍廟止。秉鈞吳冠等八營自九龍廟守至仰化集止。余承先與副將張捷書遊擊蕭泰來等水師三營由洪澤湖入運河與陸軍段落互相依附。時惟浙江軍未到也。賊眾麇聚江南境之沙溝平上。與成謙軍相距六十餘里。成謙設伏桑家莊。潛師夜襲。賊驚走。反向東奔。游弋江南贛榆山東日照接壤寶楨慮成謙軍深入重地。飭正起心安兩軍助之。賊復回奔西。

南行甚疾。遂旋軍。鴻章復督秉璋宏富溫德勒克西馬德順等步騎駐東蘇交界臺兒莊。東軍進駐蘭陵鎮。寶楨奏言。臣維賊走邳宿。必圖撲密灣過運。否則沿運北趨。由嶧西竄充濟。濟甯州逆踪剽疾。若待竄動。臣軍駐沂。恐又落賊後。是以派楊飛熊於八月初十日進軍蘭陵鎮。臣擬十二日督王正起王心安兩軍亦向蘭陵一路徐行進紮。探賊如過臺莊。必將由嶧窺充濟。卽可在滕鄒中途迎勦。如仍由邳境竄沂。臣卽由嶧回勦。尙可出賊之前。臣拔隊後。擬飭王成謙一軍移駐沂州以防東北一面。目下情形。臣移軍嶧境似較緊湊。朝命韙之。

鴻章再奏言運河東蘇兩省交界處最長仰化集至六塘河漕臣張之萬清淮各軍分守恐秋後水涸難資設險又調淮揚水師王鍾華魯洪達三營自宿遷以下沿運巡哨浙江撫臣馬新貽已派道員李耀南副將余朝貴帶楚勇三千到運擬自仰化集紮至桃源縣迤南爲止以上奏詞漕督張之萬又因六塘河水日淺崔家渡沈家渡史家渡均可徒涉卽派浙軍駐守咨商國藩派總兵王可陞所部協助抽調參將劉鶴年填紮仰化集合總兵姚廣武以資策應十四日黎明賊竄崔家灘廣武擊之賊南奔十五日黎明馳回仰化集過河迎擊騎軍亦

至賊走。酉刻馬賊萬餘犯劉老澗。唐高憑張從龍步軍再擊之。計自十四至十七。凡五晝夜。均在劉老澗鮑河頭上下搶渡。廣武等步軍副將黃中理等水軍連禦卻之。十九日退屯大興集離河二十餘里。

戰事不在山東境不詳叙關繫

平捻大局故節叙

寶楨軍初八日抵沂。偵賊由海贛西南行。飛

熊初九日進軍李家莊。見馬賊一二千零星散竄。不便圍擊。過河逐之。則仍向南趨。而另股初九日由海入鄭之東北鄉。逼城下。牛師韓督副將徐登善魏林起等方駐其地。突出奮擊。是夜知縣李澆與師韓潛軍掩擊王家寨賊壘。斃賊甚多。賊晷渡沐河向沐陽去。寶楨度賊

雖出東境而宿遷清江一路河水寬深不能渡連勢
回奔復調飛熊軍扼蘭陵備西路正起軍扼郟城備
路心安軍扼卞莊備中路蓋邊防一望平曠無山谿
阻西北用兵難於東南者以此習韜鈴者不可不知
賊果由宿遷峒嶧集嶂山諸處西奔邳之溝上馬步
多鼻渡沂河溝上距卞莊蘭陵不遠可笑奔嶧滕竈
督親軍一營參將馮義德一營進擊二十二日軍於
莊賊由溝上回奔郟之馬頭集諸處正起軍渡沂西
同義莊復回渡沂東由李家莊迎擊二十三日大敗
屯郟之馬頭姜溝漫延城北二十五里鋪正起派

王學禮振前四營進扼沙墩。次日賊分股竄大埠。又派參將張福興振左四營繼進。自督親兵策應。馬賊五六百北趨蘭郊。見官軍卽反走。正起追之十餘里。至馬站。忽心動。止軍勿追。小憩圩外。選軍鋒五百伏附近村寨。部分略定。馬賊千餘突來。步賊四五千由東南西南兜進。正起浪戰。詭之。伏勇四面揚旂喊殺。賊不辨虛實。驚亂將奔。正起麾軍縱擊之。馬賊百餘負傷狂趨。步賊驚遁。正起因眾寡相懸。追之一二里而罷。夜將半。復挑軍鋒五六百襲之。遇賊哨騎。逐之不及。揮軍急進。賊吹螺南奔。贛榆海汰去。二十八日寶楨回軍沂州。度賊西趨。

不得慮由江境繞沂河水淺處北渡。是夕沂州東北下莊邊馬紛馳。急調心安軍至沂城外。與成謙合檄正起。出行隊壁郟南二十里。因奏言。欽奉

諭旨。飭臣分

軍出境。與清淮防軍互相應援。不得畫疆自守。臣竊維目前賊勢。但使有機可圖。何敢強分畛域。查現在諸軍越境防運。原以東省已遭蹂躪。故暫以東省爲壑。斯時東境雖暫無賊。而邊防東西南北。與江境在處毗連。周遭不下數百里。臣極知以勦爲防。實爲善策。但以勦爲防者。須使本境無回顧之憂。乃可銳意追奔。盡力遠勦。今客軍數萬。坐守河干。臣誠不憚越勦。但恐一行越勦。

必將驅之入東而兵勢已分又不能合力痛擊是外既不能剿隔境之賊內又不及剿本境之賊失則兩失悔不可追再四思維惟有分軍扼要布紮固知兵少路岐斷難扼賊不入然就現有之兵合力與賊盤旋冀有一二處遇賊一戰亦可稍伸士氣而挫兇鋒似較勝於貪越境逐賊之虛名受驅賊入東之實既蓋賊踪若由旁路回竄便致處處落後此中得失之機顯然可見區區愚忱不敢隱飾於 聖主之前疏入報 聞

一頁目録
朱ノノノノ

十九

山東軍興紀畧

卷七之上

皖匪十三

時銘傳軍駐密灣。盛傳軍鼎新軍駐江南海州石榴樹港西。九月寶楨移軍沂水。督勦土匪。旋回軍沂州。捻眾復由海州之房山羽山竄向東北。邊馬距大興鎮

縣境

不遠。大股由海州之石榴樹分爲兩股。一股自東南小麥城過馬陵山入郊之官莊黃墩西曹村。逼城南。一股自東北之山子口過馬陵山。鳧沈河入東莊官路口。逼城北。知縣李濙登陴力擊之。賊合股西奔。分屯距城西十餘里田家小埠。凌家高冊。前隊已渡沂西。初十日飭

山東軍史新編 卷之十一
心安軍渡沂進重溝集。賊北奔店頭集。

距重溝四十里

十一日

漏下三鼓。心安引軍進發。親督騎兵二營先掩賊壘。至則已南遁。復馳三十餘里。至大興鎮迤南。及馬賊四五百散轡盤旋。急擊之。斃數十。馬賊奔東南。拔出難民男女近千。整隊復馳二十餘里。調步軍進鍾吾山。向東南躡擊。同日正起。軍亦由徐家圩進馬站。申刻行至前林寨。邊馬忽至。郊南後股馬賊二千餘擁出。日已冥。正起軍陸擊之。突走。復回旋不已。相持至黎明。傷賊百餘。仍奔西南。正起方驚。躡間偵步賊乘夜由馬頭迤南渡沂。卽夕三鼓。正起亦由劉港渡軍。心安軍四鼓由鍾吾道。

泉兒莊趨馬頭渡河追之向西爲江南之邳州錯壤嶧縣數百里平疇廣陌可直入鄒滕而渡沂分股前賊近萬復由羊陂豕湖固砦底溝斜趨西北奔臺兒莊鼎新出軍擊之失利移壁三里莊馬賊分擾嶧縣之東滕縣東南及西南知縣洪調笙登陴守禦請兵急寶楨十四日四鼓督成謙軍由費泗間道疾趨以伺之乃賊自經正起心安擊向西竄十二日邊馬至蘭陵附近之洪山十三日黎明馬步二萬餘虜至洪山以東魯坊左右飛熊所部祇五千人勢不敵乃抽十營八成隊趨洪山之麓依山列陣賊萬餘三路而前營官蔡正清李培榮等

四營敵賊東路楊飛鵬等四營敵北路王士旺等率二營敵中路飛熊親軍分三路策應連環礮轟之三進三卻斃其前隊百數十賊知官軍兵單不敢進也馬賊多曳矛策馬散轡歌呼有驕色飛熊潛飭諸營狂呼猛衝之四千人聲如山崩長矛洞賊馬腹馬驚亂陣官軍火器庵烈斃賊五六百賊奔坊前飛熊令於軍曰有取賊包裹牲畜者皆斬四千人同聲應曰諾槍礮截然止馬賊怪之反顧騎軍乘之賊又敗奔追六七里賊顛墮被傷五六百遙望步賊萬餘整隊圍裹而來勢甚猛會大風揚沙咫尺不見飛熊嚴軍且戰且退旣而風定塵清

則賊繞洪山以南截歸路。馬步合圍數重。諸營將士誓死決戰。自辰迄未。始退距蘭陵五里。守營二成軍。知前軍被圍。空壘潛出北門。由鎮西五里建旂。擊鼓而進。賊疑援軍之至也。飛熊等奮呼猛衝之。圍缺一隅。近圩左捻首牛遂乘勝突陣前驅。哨官楊長華馳馬斫其左股。軍功張玉升長矛刺遂脇。墮馬血溢。賊大譁死鬪。參將陳安邦遊擊李培榮奪其屍。負重傷不可得。羣賊輿屍奔潰。夜由坊前魚溝向城去。是役也。飛熊以少擊眾。實斃馬步賊千四五百。官軍陣亡遊擊王世發。都司楊長生等百三十餘。受傷二百餘。叙功長華守備用。賞

孔雀翎玉升千總五品頂翎正起軍由劉港過河後因
賊鋒向西南十四日五鼓引親軍數十赴飛熊蘭陵軍
中飭幫統王學禮督軍徐進行傍洪山四里偵大股賊
屯西泃河北作字圩正起慮後軍遇伏整軍急進而學
禮七營已渡泃河遇馬賊二千餘由密林突出學禮陷
陣死關軍士奮不顧身馬賊卻走步賊層累而上正起
學禮更番擊之士氣猛銳賊奔作字圩而泃河之東馬
賊千餘出官軍後河東三營方接戰福興率兩營過河
夾擊賊見河西已敗不戰而奔成謙心安騎軍馳突之
斃賊百數傷散累千禽數十同日巳刻心安軍渡河行

近馬兒寨。距寨三數里。屯賊千餘。心安擊之。馬賊來奔。心安嚴陣不卻。賊疲奮起。縱擊賊欲遁。馬盤旋顛蹙。不能進退。槍礮如貫的。賊多棄馬遁。殺傷極多。獲洋槍銅礮數十。雨至而罷。賊分股奔西北。正起心安分曹追逐。恒患步不及騎。正起抽營哨官馬得百三十餘騎。連轡追之。斬馬賊數十。步賊百餘。心安因日中逐賊。賊望塵先馳。相去五六里。卒不及。十四五等日。雨夜襲之。大有斬獲。維時正起心安飛熊軍馳逐附近。蘭陵周遭百數十里內。障賊北趨霖雨旬日。薪米都盡。軍士摘生柿充腹者三日。賊亦飢疲。奪路奔西北。寶楨督成謙十營親

軍一營平字一營由曲阜馳入鄒縣迎擊二十日邊馬
至城南涼下店距城二十餘里成謙度賊眾不下四五萬難與
爭鋒伏城南沙河林密處日中馬步賊蔽地而前官軍
分路進戰總兵姚紹修等四營戰中權參將馮義德一
營爲後勁參將曹正榜等三營戰東路都司劉志和一
營爲後應參將楊殿邦等兩營戰西路守備劉培二百
人爲後應成謙親軍營繼之馬賊先萃東路正榜麾軍
擊之賊退走成謙止軍勿追見賊大股四五千從東山
之陰馳出怒馬如風東路諸營山立不動乃斜趨中路
紹修先發乘之賊眾三四萬如潮而上互十餘里諸營

幾爲所包。成謙迭縱炸礮三十餘出。賊戈戟如林。炸礮墮賊叢。傷者三四百。排槍擡礮。又斃其前隊。捻目策馬揚旂。揮眾繞出陣西。殿邦見兩路獲勝。士氣益厲。沙河伏兵復鼓聲隆隆然。中東兩路迅起馳突。賊倉皇驚顧。角聲亂鳴。馬軼不止。不能斂隊。所殺傷千人以上。賊全隊西奔。成謙紹修軍銜尾轟斫。賊大奔。是役以五千人當十倍之賊。實斃賊千餘。禽三四千。拔出難民二千餘。獲僞印一。官軍陣亡遊擊尤朝紳。守備趙天成。及勇等十餘。而分股賊萬餘。由嶧山之東繞土旺。分犯曲阜。滋陽。又分爲二股。一由滋境南大橋循泗河東岸奔東北。

一由花藍村舊關奔西北。又合股由濟甯之孫氏店奔東北。鼎新軍躡賊至。賊分股趨曲阜城。寶楨僅餘兗州綠營兵四百留護。孔林者乃親督出營城南揚旂伐鼓爲疑兵。賊不敢逼。奔甯陽。出大汶口。反奔東北。將由泰安犯省。成謙軍追之曲阜。飛熊心安正起軍繼之。寶楨督四軍分路追擊。二十四日抵甯陽。疾趨夏張。繞出泰安遮擊。賊又奔東南。擾新泰。寶楨二十六日馳扼泰安。其追賊之苦及賊之難。軍士忍飢冒雨。無一怨畔者。巡撫忠國愛民之心所感孚者深矣。賊由新泰折而南。十月朔。寶楨督軍抵蒙陰之桃墟。賊過青駝寺。折

而東入沂水分股由穆陵關折而北寶楨督成謙十營復回蒙陰令正起心安晝夜尾之調飛熊軍由青駝寺梁莊趨萊蕪出青石關向東兜勦賊後股與正起心安軍馳逐潛分千騎由間道趨章邱之回莊刁莊舊軍鎮唐王道龍山鎮逼城北知縣蔣慶第守禦甚固寶楨初六日督成謙軍疾馳百八十餘里入會城人心大定計自泰安追賊桃墟桃墟回軍會城四五日間往返七八百里馳驅盡瘁比來督兵重臣除僧忠親王外未之有也賊盤旋章邱志在掠周村寶楨先飭常武軍東發賊分股馬步數千攻陷境內林河羅莊馬莊吳莊初八日

由桑家莊撲河隄而韓家莊有賊同時撲犯悍賊鳧水
逕渡寶楨策賊必犯黃防先期飭莫組紳軍由省馳赴
之與原駐之張得魁軍合調趙三元灤口濟陽水師順
流而下組紳等悉力轟擊溺斃十餘賊半渡而回而齊
東縣城東南十二里賈鎮有黃流決口水勢平淺賊掠
難民大小船百餘入水套組紳得魁夜伐林木塞決口
初九日三元水師至覓民船三十渡河擊賊賊不意官
軍猝至傷殲百餘傍河馬步賊賊散小舟羣賊踉蹌登
陸死者數十大小民船皆鑿沉之賊氣奪初十日賊奔
東南桑家渡葛家莊踞賊亦走寶楨督成謙軍進章邱

追之鄒平。賊奔長山。勢趨臨朐。急檄飛熊軍由萊蕪出
黑峪口。入東府。與成謙合。正起心安軍躡踪追之。至金
嶺鎮。會鴻章回軍濟甯。檄銘軍由邳州灘上。道沂水穆
陵關。向青州。鼎軍十四日。由肥城折向泰安。東發續調
霆軍。鮑超提督唐仁廉騎軍馳泰安。與鼎軍合。再調福
建陸路提督郭松林武毅奇字諸營。湖南提督楊鼎勛
開字諸營繼之。飭程文炳軍扼郟城。備賊回竄。心安由
金嶺鎮進至張店。新城轄境斬賊四五十。賊再奔東南。心安
軍追逐。小有斬禽。賊繞出四寶山。回奔東北。正起心安
合軍追之。賊過臨淄。行益疾。十四日。及之壽光之丹河。

揮軍猛擊，斬級二百餘。賊乘夜渡河，奔濰縣。十五日，四鼓正起，軍東北進，又及之。甫渡濰河，賊四面環逼。正起整軍力戰，諸營往復擊之。且戰且前，倏已五六十里。距縣城不足十里，馬賊五六千，蜂擁衝陣。營官王學禮直前戰之，殲其衝鋒馬賊二十八。賊卻，移時猛衝如前。因步賊四五千，由東南廩至相接應也。福興率四營再戰。馬賊旋繞圍逼，福興身中數矛，裹瘡血戰，手及三悍賊。營勇無不誓死，火器斃賊三百八十餘。賊敗奔，心安軍由西北進，敗賊大奔，追之二十餘里，斃賊四五百。營官宋延德見賊繞後路，獨以一營回擊，賊少之，不爲備。延

德陷陣擊斬百餘。賊奔。心安正起會軍逐之。至濰城下。賊吹角集隊。又戰兩時許。殺賊四百餘。又逐之十里。全股向東南奔諸莒。正起禽長髮老擒二十。獲馬二百餘。心安禽長髮老擒二十一。獲羸馬百五十餘。出難民八百餘。刀矛旂幟資裝。各營舉之累日。不盡。十六日黎明。心安正起分四營扼濰縣七里廟。馬賊四五千出官軍後。正起以六營列方陣。心安督營官金成德等分軍爲七道轉戰而前。衝賊中堅。再接再厲。斃賊數十。賊亦分隊爲七。旋繞猛衝。正起方陣山立環擊。賊五進五卻。不得逞。猛撲七里廟。廟前八營抱陣兜擊。延德驟馬橫刃。

所向皆靡。馬賊輒擊輒走。步賊七八千從東南出。正起六營再扼之。賊負傷益眾。傳呼撤隊。角聲紛鳴。官軍圍之。賊馬步相依。卻而南。不數里。聲如崩濤。馬步大潰。心安正起合軍躡擊。斬首千級。禽悍擒六十餘。解散脅從四五百。收難民四百餘。賊前隊入安邱。會銘軍由穆陵關進。十七日及之。安淮之交。三戰三捷。賊馘數千。殺傷蔽數十里。二十日。心安正起軍追之。諸城。二十一日。賊前隊由日照而南。出青口。入江南。心安軍沂州李家莊。正起軍沂州城外。寶楨督成謙飛熊兩軍。回駐泰安。扼西路。因由泰安道泗水。兼顧兗沂。防賊不出青口。必由

沂州上竄。飭成謙移軍兗州。飛熊移軍泗水。部分畧定。二十七日。寶楨輕騎旋省。由濼口赴齊河。達利津。巡視黃防。張文林因病乞假。改派兗沂道文彬接辦黃防。寶楨奏言。黃河天險。本爲可恃。惟自濟陽以下。水勢平行。逆馬過多。但有官軍追逐。或無必渡之志。今倒守運西。賊不得他竄。必決意乘虛渡黃。刻已嚴冬將屆。堅冰將合。非節節有兵。未易扼守。臣前接劉長佑咨稱。黃河無年不凍。凍必堅久。今運河防軍。除濟甯下抵韓莊中間。南陽等湖。巡以師船不計外。由沈口戴廟至濟甯。僅二百餘里。由韓莊至宿遷。僅三百餘里。已須豫鄂淮皖四

大軍六七萬之眾。始敷扼紮。由宿遷青口以下。另有湘淮兩部水師。及漕浙諸軍。聯絡布守。尙恐不足禦賊。况黃流千里。一經凍平。更不如運河坡坎隄牆。足資憑扼。律以守運之法。豈直省兵力所能布置等因。到臣。臣查劉長佑所言。原屬實在情形。直省任守黃防。夏秋以來。布置自爲可恃。現經馬賊滋擾。防軍節次調回。留防齊河一帶。已屬無多。瞬息冬凍。必不能以萬難全顧之勢。責之直軍。運東近遭蹂躪。臣軍非力籌追剿。無以對八府州之士民。且黃防綿互。即使臣將全軍坐守凍河。直隸亦以全力盡駐河干。以運防情形較之。豈敷布置黃

河自張秋穿運。經東昌武定入海。上年扼守運東。自濮
范以至張秋。僅二百餘里。直東兩軍分任之。其自張秋
以下。皆可不守。今倒守運西。自張秋以至利津。多至八
百餘里。臣與劉長佑萬不能有此守兵。冬凍以後。該逆
南迫運岸。必北突黃防。此乃必至之勢。然守運而不守
黃。是驅賊北竄。使河北決裂。畿輔震驚。豈爲得計。臣
於七月二十九日。會將運河防軍。有礙黃防情形。附片
陳奏。李鴻章初辦運防時。臣亦婉商以爲非策。及相晤
沂州。臣又面言。旣辦運防。則黃河冬防。決不易籌。李鴻
章亦重以爲慮。今冬凍在卽。賊又非計日可滅。且今賊

全在東疆。山東兵力其勢能勦而不能防。况與賊共處一方。東疆河南岸之地。數倍於北岸。卽防亦萬難得計。應請飭下李鴻章再行熟察黃運情形。妥議籌辦。實於黃防有裨。疏入。詔下鴻章體量妥辦。二十二日。銘傳軍追賊至日照。先鋒騎兵擊賊。洋槍傷任柱右耳。由腦際出。賊眾狂奔。贛榆鼎新仁廉軍亦由莒日向南縱擊。松林鼎勛軍由滕嶧趨郊。贛期合銘傳。越二日。銘傳善慶軍追抵贛榆。柱憤急。裹創死戰。集馬步賊三萬餘。伏城南林。落其日未刻。軍抵城下。詢土人云。賊竄青口。距城甚遠。蓋賊過民逃。不知其詭狀也。銘傳步軍

由城西進。善慶溫德勒克西騎軍由城東進。天忽大霧，昏不見人。賊眾且悍，騎兵先戰，幾不支。步軍先鋒致死，鏖擊，賴汶洸牛遂兩股先敗。步軍更替戰之。柱自率馬隊數千，斜出東南七八里。烟塵合還，猛折而北。冀出官軍後，銘傳軍熟知捻技，布隊最長。賊隊不能抄其後。官軍前列回軍，合後軍陸擊之。捻氣沮，柱馳馬麾眾陷陣。死傷狼藉，莫敢退者。銘傳善慶親出前茅，大呼殺入賊中，喧虺而驚曰：魯王中槍矣。潰者千餘。相傳有營官參將鄧長安者，收得任柱義子。待之殊禮。感甚曰：吾何以報將軍長安？曰：何言報也？待之有加。又言之且再長安窺其意，誠乃歎且泣，下曰：難言也。請益堅出誓言長安乃曰：非爲我斬柱頭不可。拜應曰：諾。請以

通鑑卷一百一十三 魏書 卷一百一十三 魏書 卷一百一十三

山東軍具雜錄卷之十一
五十騎從長安許之。卽日奔陣而出。抵柱前。棄馬伏地。而號曰：負大王死罪。今日逃歸，就死。柱曰：但歸，何害？令並馬行，相得甚歡。曰：兒從來騎者，五十請王錄之。柱曰：然。五十騎皆下馬，令之從。柱顧視方屬。洋槍中之。踣遂率五十騎馳而出。莫敢拒者。賞官軍乘間猛擊槍械所中，如擊柝聲。如驚雷聲。馬賊數百夾護柱屍狂奔。餘賊合隊死拒降。出藍旂馬賊六十餘。訊言槍子洞柱腰肋，斃陣前。是役也。先有逆目潘貴升密書達銘傳，願斬柱贖罪。銘傳尤爲奏給三品花翎，賞銀二萬兩。至是或云官軍洋槍所中，或云貴升暗槍所殺。奏聞銘傳賞白玉柄小刀、火鑷、大小荷包、善慶賞穿黃馬褂。溫德勒克西以副都統用。事關逆首伏誅，雖二十

七日鼎新軍追至贛榆沙河寨二十八日追至海州上
莊鎮督戴春林潘國揚吳從發張景春潘鼎立聶桂榮
等大獲勝仗斬逆酋任金保等二千餘收降任逆內五
營李宗詩馬隊五百餘

								四十一
								二
								九
								十
								一
								二
								三
								四
								五
								六
								七
								八
								九
								十
								十一
								十二
								十三
								十四
								十五
								十六
								十七
								十八
								十九
								二十
								二十一
								二十二
								二十三
								二十四
								二十五
								二十六
								二十七
								二十八
								二十九
								三十
								三十一
								三十二
								三十三
								三十四
								三十五
								三十六
								三十七
								三十八
								三十九
								四十
								四十一
								四十二
								四十三
								四十四
								四十五
								四十六
								四十七
								四十八
								四十九
								五十

海竄諸膠之間。午後鼎軍又及之。賊不敢戰。是夜善慶
騎軍抵諸城。進東北。黎明。銘軍步騎分路。及賊諸城東
北十五里之石橋。十八里之孫村。三十里之昌邑北。巴
山。高密。駐溝。五戰皆捷。初六日。鼎軍追過留武關。賊奔
高密。初七日。鼎軍追至油溝。賊奔昌邑。初八日。奔安邱。
初九日。鼎軍追至北蒙城。賊回奔濰縣。初十一。兩日。
正起心。安軍與銘軍夾擊之。斬數百級。松林鼎勛軍由
莒州探追。日行百餘里。及賊濰東南七十里之杞城。賊
見重兵在北。折而東。松林揮軍急進。甫至流黃鎮。遇賊
隊。松林鼎勛分督吳鳳柱。張朝嵩。易用剛等騎勇猛進。

步勇乘勢壓之。賊退往濰河、洱河之間。爲水所阻，致死回拒。松林等復督李長樂、宋德鴻、張正全、陳飛熊、王萬釗、張海龍、唐宏成、高占標所部，合力突擊。賊潰，梟水泉奔。諸營涉水砍斫，追至余家寨，斬二千餘。三更斂軍，露宿待曙，追之而東。又斬無算。計溺死悍賊四千餘。自任柱死，其弟僞宗王任三厥統其眾，亦負重傷。成謙軍十二日抵青州，由臨淄迎擊。賊竄渡濰河，成謙半渡擊之。斃賊近千。正起心安軍，由濰東北鵬擊。賊倉皇混戰，又斃賊六七百。獲四百餘。賊敗奔壽光。先是初五之役，銘軍之及賊巴山駐溝也。馬賊千餘回鬪，陳鳳樓、徐邦達

等擊敗之。禽藍旂賊目張定柱。陣斬紅旂賊目鄭馬糊。及馬賊二百餘。賊奔東北。其已過濰河。馬賊數百步。賊千餘。悉爲諸軍縱橫衝散。銘傳慮賊竄青州濟南。則黃防吃重。督軍由安邱間道橫擊之。初十日。賊奔濰之東北安堦。不虞我軍先至。新授安義鎮總兵唐仁廉率仁字三營。並鴻章親兵騎軍。於日暮亦至。時任三厭藍旂大股屯東北。牛遂李允兩股趨西北。壽光境。銘傳令仁廉由正西繞而東擊。令陳振邦先鋒騎兵。丁壽昌步軍。由東路兜擊藍旂一股。親督劉克仁。唐定奎。滕學義。劉盛休等步軍。鳳樓邦達騎軍。由西北截之。善慶温德勒。

克西騎軍由西北抄出。期夜五鼓會軍東北隅。賊方四散投宿。藍旂距官軍近。三鼓先鋒騎兵巡邏警夜。擊破附近賊館十餘。諸營傳餐甫畢。賊波倫整隊。大股驅馳而來。振邦先擊之。善慶急趨夾擊。學義盛休步軍什伍俱前。村舍礮火如雷。電不絕。賊依莊旅拒。克仁定奎兩軍衝入賊中。縱火。賊驚亂。仁廉由西縱礮出軍。賊出莊潰走。落月微明。官軍緣道追殺。大股趨東北。另股六七百騎獨憇一小村落。爲官兵衝擊散竄。皆徒手就戮。惟聞號哭聲。銘傳中軍循河截擊。四更餘。追抵稻田四十餘里。月落夜黑。諸軍艷陣以備回竄。聞槍聲喊聲停而

復作銘傳乘火光中馳二十餘里。至壽光之仇家莊。遇定奎回軍。訊知夜破賊館。斬獲百餘。天色漸明。步騎官軍旂幟俱集。惟仁廉騎軍不至。正疑慮間。所部自北歸。禽賊數百。訊言一夜追五六十里。往返百數十里。擊散賴李二酋。遇海而還。軍中陣亡把總孫永勝。黑龍江藍旂披甲庫吉爾。戛二傷勇百餘。禽賊二千以上。羸馬三千餘。賊四散。十一日卯刻。偵報西北賊至。令善慶邦達探擊。見零星馬賊潛入村舍。兩軍部分搜索。大股賊由東北來。勢將西奔。銘傳令克仁當白旂。牛遂黑旂。李允兩股。定奎當藍旂。任三厭任錠兩股。學義當劉三貓馬。

賊銘傳親率盛休五營策應吳宏洛大呼馳入白旂先走諸軍乘之羣賊全潰仁廉鳳樓各引騎軍抄遮賊前賊惶窘涉河不辨深淺浮屍蔽水伏屍遍地拋棄槍械他物稱是獲戰馬數百諸軍追至禹王臺賊尙數千奔東南銘傳逐賊一晝夜士馬飢疲乃斂會善慶振邦由西北馳至搜斬七八百級收降白旂賊首盧金輝鈕洪章尹已端黃文隆四股眾二千餘是役也禽斬朱鳳池等大小頭目四十餘及散賊四千餘降散近萬洵爲非常奇捷奏入徐連陞龍太勝等先予陞賞有差十三日松林鼎勛軍乘勝追入東南行抵夏灣鋒始交賊遁

山東軍興新集 卷之二十一
四
收降任逆外五營賊目陳懷忠等馬賊千餘十四日追
百三十里十五日及賊膠州鄭家寨軍至賊奔小有斬
馘十七日侵曉賊乘霧繞兩城集山中回竄松林鼎勛
回軍追之賊由東北循海潰奔十八日鼎新仁廉合軍
追至諸城界賊猝相值狂奔山峪中鼎新軍追至丁家
村是夜馬賊王占鰲二百餘來降十九日鼎新軍繞出
賊前二十日及之膠州小南溝賊拋棄婦女牲畜緣道
充塞申誠軍中毋許離隊取攜盡力躡擊賊且戰且走
追二十餘里斬級五六百獲馬二百餘大霧昏暗仁廉
冒霧進龍太勝徐連陞橫衝入霧鼎軍占上風夾擊斬

僞王賴世就。得其僞印。又斬級二三百。是夜。馬賊張向春。趙林。高六百餘步。賊千餘來降。賊曉夜奔竄。向高濰。昌樂。臨淄。北趨。二十四日。銘傳松林。鼎勛。鼎新。合軍安邱城外。二十五日。鼎新軍由昌濰出長山。銘傳松林。鼎勛軍於二十九日。馳青州。遮賊西竄。濟南之路。以正起。駐青之軍。合心安十營。扼金嶺鎮。障賊西奔。飛熊軍扼。嶺山。備賊由泰安西走。當是時。東軍將領。籲請移防軍。追賊。寶楨。嚴誠。諸軍。以黃防爲重。勿爭功。逐利。銘傳。鼎勛。松林軍。抵青州時。捻眾已於二十八日。竄新城。諸軍。悉委輜重。日夜追之。賊沿海東趨。壽光。官軍自南而北。

通之海隅。洋河瀾河之交。賊竄路絕。致死惡戰。松林鼎
勛當其東。銘傳當其西。任錠引藍旗步賊五千餘。任三
厭引馬賊三千餘。賴汶洸李允引白旗馬步萬餘。三厭
迎拒用剛朝嵩鳳樓邦達之軍。錠允汶洸迎拒松林鼎
勛善慶振邦之軍。步與步戰。騎與騎戰。步進騎卻。騎進
步卻。回合不可數計。西路定奎克仁大諱陷陣。白旗步
賊敗走。銘傳松林鼎勛乘勢躡之。官軍騎兵分抄其後。
賊鬪益力。銘傳松林親出前敵。爲士卒先。賊大敗。先棄
老弱。再棄輜糧。再棄礮械。盡棄步賊。我軍由洋河追至
瀾河。死傷塞途。孛賄山積。血流四十餘里。窪坎皆赤。荒

林隴寺自縊者數百。越日壽光令吳樹聲掩埋賊屍數
踰二萬。禽九千人。訊知銳三厭皆陣斬。惟汶洸允率七
八百騎奪路西奔。善慶溫德勒克西振邦用剛宏成德
鴻定奎從發長樂克仁功最。鳳柱昌景家旺寶如田陳
明龍張勝選高占彪潘國英余琪功多。立荷奏獎。前
此擒眾之敗竄東南也。淮軍追奔六七晝夜無停趾。賊
南出青口分股。復由夾倉回奔東境。追軍爲所旋繞。落
後二十五日由安邱僂道潛趨穆陵關。正起心安潛軍
伏村舍。賊謂官兵無備。呼嘯散轡。前後馬步隊相去數
里。伏兵驟起要之。斬前隊五六十。後隊奔追之不及。大

股馬步五六千。聞風夜由昌樂向臨淄淄河店而去。擾新城之張店及長山城東十二里。寶楨軍方駐鄒平。距長山三十里。所部裁千人。自將迎擊。而賊眾兵單。勢不敵。馬賊已逼長山城西二里。寶楨集哨弁馬勇四十餘。逕赴長山。與邊馬往復馳騁。令後路千人多張旂幟。鼓角龔龔。分東西北三面出軍。以誤之。賊疑賊莫測。回奔新城。不敢西出。二十八日。正起心安軍。由金嶺鎮西抄出長山。遇馬賊數百。兩軍縱兵馳之。軍士憤極。覓戰。皆如鳥鼓翼。徒步若飛。殲馬賊十之六七。得脫者百餘騎耳。淮軍又分兵追至。賊奔臨淄昌樂。延德騎軍夜襲之。

斬數百。焚其輜重。收降百人。仍奔東南。又爲銘勛武毅三軍所敗。先是壽光縣半截河莊民團及北道口民團孫傳忠等戰賊獲勝。擊殺僞官謝天燕朱有源汪玉連等。僞首王范汝增。僞烈王徐昌先。引眾復仇。黑墩子莊武生王雲湘等率團迎禦。不敵而敗。會心安正起軍與淮軍躡擊而前。賊隊動。鄉團乘勢掩之。文生楊錫麟監生陳冠文田名顯與雲湘等皆殊死戰。獲僞王木印二。僞官木印五。僞照十餘。陣斬汝增昌先及賊目許維相等六十餘。得馬二十三。槍械旗幟百餘。民團亦多負傷者。

汝增廣東惠州人爲粵匪中巨擘同治初年爲洪秀全守紹興其僞王册內名次賴汝洗任柱牛烙紅之

山東通志卷之四十七
下卽汝增張總 賊勢日摧東軍將領益請出軍逐賊寶
愚李允次之

楨誠諸將曰諸軍志期殄賊願馳驅前敵衝鋒冒鎬與
賊爭衡此人情所難具見忠忱深足嘉許惟辰下淮軍
追賊者不下四萬兵力厚矣我軍二萬人若再悉力追
賊賊趨趨暝走如電如風設追賊之兵方全隊東行而
避兵之賊則乘間西邁使一人一騎渡過黃河復行嘯
聚即使追滅河南之賊復貽 君父以河北之憂無
以對 朝廷無以慰百姓功不補過雖悔何追不知
者反將議其後云急於爭功之一念誤之也伏願諸軍
慎守黃防夙夜罔懈祇求有人爲 國殄賊勿至玩寇

擾民何用事必由我爭功旦夕哉自來戰守兼資不有
守者戰亦無益防黃與追賊豈有二致且諸軍頻年轉
戰勞苦功高昭昭在人耳目不以此時追賊與否分勇
怯本部院知之朝廷亦所深知惟在識其大者遠者
本部院十年戎馬屢蹈危機非怯敵者流區區之心可
共喻也嚴檄心安正起飛熊諸軍毋擅進亦不過形株
守如賊由莒日北竄青萊青州金嶺鎮兩軍可由臨安
濰壽昌淄橫出如賊由沂泰北竄嶗山一軍可由長清
齊河遮擊周遭不出二百里總之賊近則擊不令逼犯
黃防扼之使東俾淮軍與之馳逐於是調成謙軍並黑

龍江騎兵千六百渡河北分扼惠民之姚家渡起二百七十餘里至海口止合楊長林舟師四十餘艘嚴備自姚家渡起溯流而上至齊河橋三百餘里調東昌綠營兵三百泰安綠營兵二百青州滿兵五百交張得勝將之並吉林騎兵千六百莫組紳勇營五百人合趙三元舟師三十餘艘分段巡徼計自張秋至海口八百五十里河牆一律堅築里建兵廬烽柝相應瀕河之齊東青城利津高苑蒲臺鄒平樂安博興黃南諸縣均築長牆互三百餘里兼備北路鹽匪竄擾

詳另卷

十二月敗賊由

東南昌諸日照奔入贛榆初四日距宿遷數十里圖犯

運河牛師韓軍擊賊
訓等千餘徐登善
春等數百黃秉鈞
本爲程文炳沂邳
里之石榴寨向西
賊二百級得馬羸
方定長華軍追之
降王鳳等六百餘
文炳由泰安回軍
南鄆都城由六塘

渡鹽河由清淮下走高郵江南揚州北屬之邵伯鎮諸軍堵擊情事

不詳十一日突奔揚州東北灣頭瓦窰鋪駐防道員吳

毓蘭引華字營淮軍迎擊遊擊梅宏勝吳輔仁參將杜

長生由運東掩殺雨中遇賊瓦窰鋪汶洗手黃旂指揮

死鬪五鼓縱火照戰毓蘭於火光中揮軍圍之先斃逆

馬續汶洗及悍捻三十餘東路一股陣斬轟斃溺水死

者無噍類查汶洗粵逆餘黨著稱善謀任柱馬步著稱善戰狼狽相倚運西一股亦

為副將吳育仁淮揚水師繆福賓吳家榜等兜剿殄滅

著名捻酋皆殲焉惟逆酋偽衛王李允率三百餘騎由

瓦窰鋪渡運奔皖境來安滁州盱眙泗州北屬南屬道員史念祖

任蘭生參將奎光督運防諸軍分追至定遠

鳳陽府南屬五

河西泗州臨淮等處前江南提督李世忠機舟舊縣集率

團迎擊鄉民奪馬五十餘殺賊十餘允率眾羅拜乞降

世忠收撫其眾英翰斬允壽州傳首梟示餘賊全股蕩

平奉 詔李鴻章等著分別給予世職張之萬李鶴

年李瀚章均賞頭品頂戴前直隸總督三品頂戴劉長

佑賞二品頂戴丁寶楨寬免前得處分賞頭品頂戴前

湖北巡撫曾國荃開復頂戴餘升擢有差

								十 三 月 三 日
--	--	--	--	--	--	--	--	-----------------------

山東軍興紀畧

卷八之上

皖匪十五

初捻酋張總愚之竄陝也與張宗道張五孩程二坎吳
錘子李老懷邱老虎等引眾萬餘由湖北而西合回匪
故當時號曰西捻同治六年冬十一月黃河凍渡冰橋

趨山西河東岸吉州平陽府西屬鄉甯平陽府東南山內南竄河

津絳州蒲南屬解時太子太保恪靖伯左宗棠由浙

閩移督陝甘佩 欽差大臣關防專勅回匪因自請

治罪卽督陝西征軍提督劉松山老湘營總兵郭寶昌

卓勝營回軍入晉繞賊東兜擊 詔下 欽差大

皖匪十五 經北草堂編撰

臣太子太保肅毅伯李鴻章。檄皖軍程文炳。豫軍宋慶。由獲鹿赴晉。豫軍張曜由臨洛關赴河北。 敕下直

隸總督果威伯官文。派知府余承恩所部西行入晉。

飭山東巡撫丁寶楨。派侍衛陳國瑞。改發山西。凡晉

豫將領統歸宗棠調遣。而賊行颯捷。十二月初八日至

紅嶺關。入垣曲。絳州東南屬初十日以後。入豫之濟源溫河

內。修武武陟。分竄原武。獲嘉新鄉。日向東趨。漸近畿。

甸。宗棠遣副都統喜昌騎軍入直隸磁州。出廣平順德。

逆擊松山步軍。兼程出賊北。向南壓勦。親統後軍由蒲

州過河。道聞翼入直。不離鞏馬者數十日。時年近六十

矣。三十日賊入豫之湯陰濬北行分股由淇北走七年
正月初四日由臨洺關擾順德府入廣平府西北距城
七八里寶楨先於十二月二十六日奏言東省現已肅
清省防河防各兵均應裁汰惟河南撫臣李鶴年咨張
總愚大股已由晉入豫擾及衛懷各屬東省邊防館冠
臨清均極緊要然豫境與畿疆大名廣順毘連將來
賊蹤非由廣平出臨洺北趨卽由大廣入館冠臨清東
向以情勢而論自以保衛畿疆爲重臣斷不容株守
東邊且賊已渡黃東省卽有運河可扼臣亦斷不容盡
河自守置賊於北路之理必須由北向南兜擊方爲正

辦已調楊飛熊一軍先駐臨清。王正起一軍駐東昌。王心安一軍由泰安入省。挑補精壯。添撥騎兵再進。王成謙一軍由利津入省聽調。以上奏詞初六日。寶楨詣東昌。挑集十一營。令副將莫組紳將之。合心安東治五營爲步軍八千騎軍千。赴德州備北援。再奏言。賊若由大名入東省。臣當令三路之軍由北向南迎擊。感之黃運之間。儻賊竟越順廣北趨。震驚畿輔。臣卽親督德州王心安莫組紳兩軍。由景州河間任邱雄縣向東北繞出賊前。遏其北犯。疏入。得一旨嘉獎。於是皖撫英翰遣提督程文炳將步騎十營。由宿遷入鄒縣。初十日。由東阿

渡黃北上。道員方長華全軍由壽州。安徽鳳陽府西屬提督牛

師韓全軍由太和。安徽潁州府西北屬趨河北赴直。寶楨令飛熊

軍由臨清進河間。備逆眾被勦南竄。正起軍由館陶移

臨清。調同知劉時霖二營。並侍衛那斯琿。副都統花尙

阿。引黑龍江騎兵赴東昌。令姚紹修二營移駐會城。調

前雲南提督傅振邦。督黃兆昇華字營。扼張秋八里廟

黃運之交。寶楨督諸軍北發。十二日駐德州。十三日督

心安組紳等步騎二十營。由景河倍道進。時奉 詔

曰。該撫業已馳抵平原。擬於十三日親督王心安等軍

由德景河間北進。實屬奮勇可嘉。匪蹤已竄保定。需兵

丁亥通典已見 卷八十二 皖匪十五 徑北草堂編撰

山東軍興紀略 卷之二
甚急著該撫尅日拔營由任
固近畿門戶十六日師至雄
東西大道總路東由固安黃
新城涿州良鄉至京亦二百
定臣暫紮雄縣察度賊情如
固安至黃村折向西南出盧
過保定卽督軍由雄縣橫出
合各軍迎截總以偏出東北
後以期屏蔽 京畿又奉
組紳等軍馳赴任雄等處迎

又 詔曰。丁寶楨馳奏督軍行抵任邱。十六日可至
雄縣。丁寶楨一軍北上。迅速奮勇可嘉。是日賊至滿城。
保定府西北屬 先是賊蹤狂奔東北平鄉雞澤南和北
距府四十里 趨定州。官文奏請飛調各省客軍入直。並請神機營撥
勁旅出京會剿。三口通商大臣崇厚奏派駐津洋槍軍
助剿。並奏北面空虛情形緊急。請 旨飭催山東軍
星速北援。未知寶楨晝夜兼程已抵雄縣也。時有
詔調都統定安密雲練軍來京。調提督鄭魁士古北口
遵化練軍赴前敵。聽官文調遣。 詔諭李鴻章迅飭
提督劉銘傳都統善慶溫德勒克西步騎北援。其調赴

保定之黑龍江騎兵著由涿州進暫駐易州毋庸前赴
省南春壽富和所帶馬隊調赴保定以北官文不得截
留於是五品京堂王家璧奏請招撫脅從以孤賊勢疏
入 上聽其言 詔飭各路統兵大臣出示曉諭

由軍機處繕給滿蒙漢三體字出示如有禽斬逆首張
總愚者無論官員軍民均照從前禽斬任柱之例賞給
銀兩酌予官職其陷於賊中能斬逆首自拔來歸者除
免罪外仍優加賞賚時賊由定州犯清苑直隸會城戒
嚴宗棠所遣喜昌騎軍松山寶昌步軍先及賊隆平擊
之十一日馳至保定已出賊前有 旨嘉獎豫軍曜

慶諸營次日亦至。寶楨師抵雄縣，請躬叩闕廷奉

詔該撫由東省馳赴直北。朝廷已深鑒其誠，現在軍

情緊急，當親在行間調度督勦。俟軍務完竣，再行來京。

會賊西竄安肅，逼易州。京師戒嚴，寶楨兼程百四十

里，進固安，分軍赴涿州、涇水，先辨易州之賊。賊折竄博

野安平，寶楨回軍雄縣兜擊，奉詔丁寶楨探賊南

竄，由固安折回雄縣進勦，甚合機宜。著卽督兵南向，聯

絡諸軍，四面夾擊。會宗棠統後軍至井陘，鴻章前軍抵

景德，皆有詔嚴催東軍王心安步軍七營副將宋

延德騎兵兩營由固安回抵雄任偵賊大股分屯肅甯

附城及張崗村左右二十日軍進河間二十里鋪賊由
 肅攻陷饒陽心安五鼓出軍過肅甯二十餘里見縱火
 數十處邊馬成羣馳突阡陌延德騎兵緣道追斬心安
 軍分三道進傳令毋追零賊鼓行趨岳家莊距饒陽縣三十餘里
 魏家莊距岳家莊三里餘先擊兩處大股屯賊步騎同時猛進
 賊方大掠孳賄倉皇旅拒俄出馬隊千餘我軍縱橫衝
 擊斬級百數十獲旂旌刀矛數百賊敗奔西南心安令
 兩營入莊部索嚴禁虜掠自督劉志和等追之十餘里
 緣道又斬級六七十盡逐十數莊村屯賊斂軍大尹家
 村賊大股屯饒陽城二十二日四鼓由尹村進軍距城

十里馬賊四千餘列隊出拒。延德騎兵衝其中堅，鈇銳莫當。賊亂心，安步軍如牆而前。賊四下包鈔，步軍列方陣以火器環禦之。傷賊二百許，賊奔入縣城。全軍逼墮下。軍士奮勇先登，長矛倚城層疊肩累，如緣橦而上。上者二三百，奮嘖殷地，礮火齊發，城門洞開。心安分軍守門闕，賊翻堞墮，塹傷者死者數十百。城央匿賊斫殺殆盡。復縣城，日已向辰，移軍城外。偵敗賊屯距城八九里之菜園，妮軍進擊。賊望風潰，復分三道進，約十里餘。賊回鬪，另股援賊二三千突出。王三元、劉志和金成德三營，鄧陣復戰。天色向暮，而子藥皆盡。三營連環斂軍，兵

勇不知直境道路誤入賊屯賊驟起來擊兵賊不可辨浪戰更餘成德家興歿於陣後軍聞聲馳救三鼓始回軍菜園次日黎明大股賊七八千圍攻菜園營壘官軍眾寡懸殊閉柵堅守憑塹轟擊斃賊百餘賊終日馳逐挑戰熏夕奔西南心安部勒諸營夜襲之禁聲疾馳約十六七里抵賊壘不聞更籌有奮勇十餘先登賊卧方酣官軍啓寨大呼萬火齊發刀子所中洞胸貫骨賊號嘯奔竄官軍所得資糧旂械焚棄大半餘者尙莫可數計傷賊千餘得羸馬四百餘敗賊奔東南疏聞詔曰擒賊竄陷饒陽王心安帶隊進剿收復縣城鏖戰兩

晝夜將匪擊敗。該逆現向西南竄遁。著賞還原職頂翎。
丁寶楨由山東督軍北上。首先奮勇。派兵擊賊。獲勝。保
衛近畿。深堪嘉尚。直隸前敵各軍。如劉松山。郭寶昌。張
曜。宋慶。程文炳等所部。均距賊不遠。何以並未會合。進
攻。僅止王心安三千人孤軍深入。天津洋槍練軍。與東
軍同在一路。何以亦不會合前進。時捻眾自饒陽奔武
強。深州東屬。組紳合諸軍躡擊之。賊由武強城外十餘里奔
西北。回向深祁。保定府南屬二州。組紳回軍深州。追擊賊前隊。
奔高陽。保定府東南屬。之板橋。距縣三十餘里。距任邱河間七八十里。
爲赴京津大道。寶楨調飛熊軍由河間二十里鋪出。

任邱備赴鄭州雄縣飛咨崇厚調天津鎮陳濟清所部亦進任邱賊果至任西二十餘里沿村縱火飛熊分軍追逐之賊知有備奔高陽肅甯西北寶楨以兵單增募新軍三千人爲健武營營五百人令千總譚高陞將左營王定邦將右營副將宋興元將副左營守備管鴻照將副右營把總黃金得將後營又改參將馮義德平字營爲副中營改都司劉志和字營爲副前營改參將蕭紹榮平字營爲中營改遊擊熊國志果勝左營爲副後營改千總劉明發平字營爲前營令心安統之又募騎兵五百爲左右武勝營令守備陳志德都司李繼孟

分將之守備劉得富募步軍五百爲武勝中營令延德
統之寶楨令心安延德新軍向西。感賊高肅之間二
月朔賊邊馬至河間距城三四里心安延德合軍逐之
賊波倫再盪集獷騎千餘心安等先發馳驟之追斬二
十餘里拔難民百數十被難民車羸馬四五十賊奔西
南是日。詔曰賊匪意在北趨雖被官軍進逼而輾
轉奔竄仍伺隙北擾官文意在闌截北面俟南路諸軍
到齊再圖圍剿惟現到各軍已不爲少若再不乘勢痛
剿則賊眾裹脅愈多難保不聲東擊西伺隙他竄潘鼎
新程文炳兩軍甫到著在北面穩紮以固京畿暫事休

山東軍與新募
息其張曜宋慶劉松山郭寶昌等軍著官文催令會合
進攻賊匪現向東登張登竄逸著官文飭追軍速行痛
勦丁寶楨當由東北兩面穩慎進取以勦爲防楊飛熊
已由丁寶楨調赴河間杜賊入天津之路山東所調黑
龍江丹丁馬匹計可騰壯著調赴直隸進勦左宗棠著
由西南路進攻賊北竄不遂必東竄天津崇厚當嚴行
布置官文奏陳國瑞已有新募勇隊著官文妥爲駕馭
以收其用又 詔曰軍機大臣代奏前任戶部侍郎
李鴻藻奏請派親王爲大將軍左宗棠李鴻章爲參贊
一摺現在各路統兵大臣並各省督撫帶兵入直勦擒

已明降諭旨。歸恭親王等節制矣。各督撫等於賊勢軍情。當隨時報神機營核辦。惟軍情變幻。進止機宜。仍應相度辦理。不得專候神機營指示。俾免遲誤。左宗棠李鴻章均爲欽差大臣。自可一事權而免紛歧。所請欽派大將軍參贊等名目。均毋庸議。維時福建道御史游百川奏言。官軍與賊相持日久。請飭各路統兵大臣。迅籌剿賊。以伸天討。而解民困。其畧云。從來兵貴神速。勢難遙度。臣慮帶兵諸將。私意未除。以專候節制爲名。藉端推諉。相持過久。不特餉需難繼。譁潰堪虞。且直隸上年荒旱之餘。收成歉薄。小民粒食維艱。節近春分。正

宜東作。捻賊一日不靖。畿輔百姓一日不安。避亂靡
遑。安得盡力畝畝。現時百物踊貴。所望專在農功。若歇
業廢時。則民困日深。一日。應請 旨飭各路統兵大
臣速籌方畧。破滅賊氛。上紓 宵旰之憂。下慰民生之
望。王家璧又奏言。密籌根本重計。其畧云。臣愚以爲治
軍在養其氣。馭將在得其心。臨陣勝負。祇爭呼吸。宜專
責成。行軍要害。尤在糧道。宜加保護。楚臣鬪廉師。克在
和一語。雖萬眾習聞之。常談實萬古不易之勝算也。今
日之事。京兵主守。以重 聲靈。外兵主戰。以伸征討。揆
之理勢。莫不謂然。 朝廷總其大綱。以明征伐。出自

天子其分合進退戰守之宜。仍須責成統兵大臣。相機督辦。和衷共濟。不爲遙制。以免推諉。而有所藉口。大帥之功。在任羣帥。中樞之功。在任各路大帥。知人善任。功莫大焉。臣恐各路統兵大臣。或誤會。聖意謂事。事皆由中制。臣竊謂賊情剽譎。變幻萬端。應變臨時。勢難遙度。昨聞如此。今日已非。往返稽延。事機坐失。恐迂緩者。曰候令乃行。失事者。曰奉令所致。功無與其。咎有所推。患有不能盡言者。惟請。明諭宣示。乃無慮此。

詔答曰。前經恭親王等奏請。飭左宗棠由西北進剿。李鴻章由東北進剿。官文丁寶楨英翰李鶴年崇厚

並神機營派出各軍分段嚴扼其進止機宜仍由該大臣調度一切不爲遙制迭諭左宗棠等遵照辦理該大臣等亦深知此意于軍務緊要之處卽相機籌辦並未事事拘執必行咨商致形迂緩王家璧於朝廷布置及恭親王等陳奏各情未能深悉恐外間無識之徒一唱百和騰其口說於行軍大有關係不得明白宣示又詔以該京堂於此中機緘未能窺及著派往左宗棠軍營差委到營卽將歷奉諭旨給與閱看庶曉然於朝廷之並無成見也時宗棠督後軍初四日抵定州奏言臣行抵定州因沿途僱覓車馱極艱而派員預購之

糧已解往新樂。軍火不能如軍行之速。落後未到。定州雖可橫出高陽。而軍無一宿之儲。道出祁州博野。新遭兵火。粒米無從購辦。故萬難由此前進。擬由望都以抵保定。與官文商籌布置。及軍糧轉運事宜。卽赴前敵。一意進剿。臣維捻逆慣技。全在颺忽馳騁。避實乘虛。始猶馬步羸雜。近則專意掠馬。卽步賊亦乘騎臨陣。下馬持矛搏戰。而馬賊分鈔官軍之後。其乘官軍也。恒在出隊收隊。行路未及成列之時。遇官軍堅不可撼。卽望風遠引。喘息數十里。官軍及之。則盤折回旋。亟肄以疲我。欲東也。必先西趨。欲北也。必先南走。多方以誤我。賊馬而

我步賊輕捷而我重贅賊恣掠而狂馳官軍必待糧而後動賊之輜重少官軍之輜重多故賊速而官軍遲尾追之戰多迎頭之戰少盤繞之日多相持之日少也直隸地勢平衍無岡阜塘澱足限戎馬臣與李鴻章所部各將領並河南張曜宋慶等軍皆身經百戰與劇賊周旋日久非不思迅與驅除早圖蕝役而局勢固有難焉者賊蹤現距京畿不過三百里官軍南趨賊必北向追官軍折而北趨慮將又落賊後一也今諸軍幸已繞至賊北矣然賊由東南而西北諸軍盡馳而西賊由西南而東北諸軍又盡馳而東無論往返奔馳兵力勞憊

且諸軍併聚一處。狂寇乘虛搗隙。終遂其北犯狡謀。二也。必須近。京之處。先設重防。臣等然後放膽縱兵。向南力擊。畿內西南一路。以涿州爲總要。正南一路。以固安爲總要。現在各軍雲集。應請 欽派樸健將領。率勁旅兩枝。分駐兩處。嚴防力遏。此爲近防之軍。卽賊蹤稍遠。未可遽撤也。保定河間天津三府鼎峙。保定距河間近。天津距河間稍遠。現在重兵在河間。如天津有警。尙可橫出截之。然三郡屏蔽。畿郊防軍不厚。必多罅隙。此爲兼防兼剿之軍。應隨時調度。不可併聚一處。亦不可悉數南趨也。其進剿之軍。則視賊所向。如逆蹤。

將過滹沱。則與山東河南軍合擊。如逸出而北。則與保定河間天津軍會攻。較之專防而不能剿。專剿而無以爲防。稍覺周妥。庶無前突後竭。顧此失彼之虞。惟智小謀大。力小任重。不敢不慎之。又慎耳。應請 旨將在防及前敵各軍。分別調派。以專責成。疏入。報 可。

山東軍興紀畧

卷八之下

皖匪十六

東軍莫組紳先追賊至蕭甯東北十二里偵賊在辛橋北鎮侯家作附近二月朔五鼓出軍赴之捻眾紅黑旂馬隊六七千列仗相拒組紳軍抱隊緊進馬賊逼近萬火騰轟賊顛墮廢斃者五六十馬狂逸不止官軍乘之賊奔東南組紳追擊二十餘里回軍薛家莊是晚淮軍唐仁廉騎兵豫軍宋慶張曜陝軍劉松山郭寶昌均出西路抵河間初四日慶曜勝賊南路留鉢莊客軍在直境不詳叙賊眾前隊奔交河河間府東南屬之泊頭寶楨度其不東入德

州必北趨津郡。馳書崇厚嚴備。遣飛熊軍冒雪進任邱。

道大成。順天屬靜海。天津西合陳濟清之軍。斷由津北犯

之路。調莫爾賡額春山騎兵至阜城。河間南屬賊見後路追

兵累勝。騎軍從東南橫出。盡向深衡奔。寶楨檄組紳軍

由深南趨武邑。冀州東出賊前。慮賊再由西南奔東北。

復調飛熊軍由文安。順天府南屬回趨任邱。初七日組紳軍

及賊深州東南護駕池。距城四十里賊大股屯木瀆王莊。營

官劉時霖曹正榜率親兵夜襲之。斬馘數十。賊遁。次日

全股奔束鹿。又次日及賊束鹿城南。賊方圍攻新集民

圩。正榜時霖率三營進東北。郭大勝率四營進東南。組

紳三營自出中路。賊二千餘旅拒。官軍夾擊之。賊引去。分股疾趨西北。一由深州西南行。官軍及之曹家莊。賊乘官軍營壘未立。回馬確鬪。又敗之。是時松山寶昌喜昌慶曜軍皆至。十一日黎明。諸軍合擊之。柯蘭大勝之。賊馘累千。組紳軍禽賊五十餘。得馬羸三百七十五。救出難民無算。我軍陣亡都司李德旺。千總劉金輝等。賊分竄安平。陝豫諸軍追入西北。組紳軍追入西南。抵厚澤寺。橫出東北擊之。十四日晡。軍抵卧碑村。寶楨偵賊勢趨望都。保定府西南屬檄飛熊移軍雄縣。檄組紳由卧碑村移任邱。障賊東北趨。京津之路。時奉詔曰。賊匪

竄擾獻縣之淮鎮青縣之杜林鎮距青滄等城甚近勢趨津南是處地廣兵單需兵甚急且各路軍火糧餉均藉津郡轉輸關係匪輕著左宗棠官文速派劉松山郭寶昌喜昌宋慶張曜各軍兼程分道前進或由大城繞前逆擊或由獻縣躡蹤追剿現在津河一帶吃緊官文應先其所急速飭安州進剿之程文炳一軍及春壽騎兵一併赴任邱大城丁寶楨駐軍河間著卽分所部扼堵大任一路與津軍聯絡著李鴻章迅派得力勁旅由德州河間迎剿迅籌滅賊之方又 詔下寶楨調新募西丹騎兵赴直初寶楨於上年遣道員李宗岱同知

張蔭桓等赴奉天吉林黑龍江募騎兵。議者方謂緩不濟急。又以東省糶燹已靖。未必再有軍事。慮虛糜餉項。至是西捻復來。諸軍騎兵在軍日久。多疲乏。會寶楨訓練已成。遵旨派知府惠慶侍衛春山協領莫爾賡額將之赴保定。交春壽統帶歸官文調遣。深資其力。捻眾自上月奔西南。不得喘息。前阻滹沱河。水漲難渡。四面奔擾。西至晉州。東至深州。北至定州。南至趙州。焚掠數百里。諸軍分曹馳逐。日有禽斬。賊目張和尚張玉均爲寶昌軍槍斃。邱老虎張五孩爲東軍斫傷。敗走。敗賊日向滹沱河試水深淺。分起泗渡。向南狂趨。東北兩路。

軍情漸緩而山東東昌臨清北界壤錯直疆西南大名

廣平屬邑三月朔寶楨檄心安軍道阜城故城均河間府南屬

南行親統組紳軍由景河間府東屬趨德賊旋由成安廣平府南屬

屬奔豫之臨漳彰德府東北屬新鄉衛輝府西屬未渡衛河由新鄉

河北西奔清化鎮意圖斫竹為長矛宋慶軍及賊恩村

距清化四十里宗棠督松山文炳軍追入豫疆鴻章由衛冀移

駐開州初七日賊南奔原武懷慶府東屬陽武府西屬循河東

走犯延津封邱衛輝府南屬松山寶昌喜昌文炳步騎諸軍

初九初十日大勝之封邱謝店岳寨華莊諸處寶昌陷

陣摔搏總愚羣賊圍攻之身首被重傷幾死全軍萃而

出之。宗棠乃令其義弟金運昌代將所部。豫軍亦擊賊。大勝滑縣東南。賊分股由滑濬內黃奔東北。勢將回入直東。寶楨方巡邊。自德州至武城夏津臨清。抵館陶。緣道查勘圩寨。堅壁清野。令心安軍移衛河西岸南館陶。調飛熊回軍臨清之下堡寺。令副將王正起遊擊張福興知府焦宗良分軍擊勦直東月股馬賊。自引親軍駐東昌。時奉詔曰。捻眾有圖由曹州水淺處所竄渡之說。丁寶楨已回軍東境。卽著督軍防黃。毋令闖入。寶楨乃遣營總花尙阿引騎兵巡徼荷澤一路。檄兗沂曹濟道長賡將兗鎮標兵三百。步勇五百。巡徼鄆濮南岸。

調楊長林礮船入濮范河套。調曹州鎮保德將標兵六

百。扼黃南。令都司林得富率勇五百扼紅川口。擒賊由

滑犯直隸長垣。大名府西南屬開州。府南屬大名。趨東北入濮州。

正起由觀城出軍遮擊。賊回入清豐。大名府南屬北趨南樂。

府東南屬正起躡擊之。奔屯大名之龍王廟。松山曜慶文炳

軍由後躡之。賊奔如飛。正起軍轉輾繞追。二十四日向

暮。及馬賊三千餘於清豐朝城。曹州府屬兼轄之洪家樓。正

起揮軍猛擊。賊不意官軍之至也。前股駭散。後股馬賊

千七八百整隊。且走且戰。正起追奔十餘里。至畢家屯。

賊馘百五六十得馬八十七。是日賊行百五十餘里。官

軍亦追百四十餘里。淮軍山東布政使潘鼎新提督郭松林楊鼎勳三軍躡賊至。賊由莘縣奔東北。次日黎明。寶楨令飛熊軍由東昌向沙鎮。賊飛馳而來。前隊數千百騎分擾距城三四里。難民奔逃者塞塗。哭聲徹野。烟塵蔽霄。百里頰色。飛熊抱隊縱擊。一營爲一路。槍礮所及。賊皆卻走。寶楨短後青鞵。親督那斯琿騎兵及親軍小隊衝鋒陷陣。所向皆靡。斬級三百餘。出難民男婦三千餘。賊敗奔東南鄧家林。會運河水涸。策馬徑渡。由李海務東竄荏平。前夕三鼓正起軍追賊至東昌。因軍士飢疲。次日黎明方引軍而東。大風甚雨。衣裝盡溼。行憩

山東軍興紀略卷之十一
五
田莊食乾糲。整羈勒。而終日霧雨迷茫。陰晦不辨村落。是夜偵賊由阿城鎮東奔。雨腳如舊。二十七日。冒雨進軍。尋賊所向。至荏平之廣平集。賊馬五六百方大掠村寨。叅將王學禮張福興引前軍馳擊。正起後軍繼之。賊不圖官軍冒雨來。惶駭不成列。斬級百五六十。餘賊潰。官軍躡之盧村劉莊。雨止。大股馬賊七八千。結陣出。學禮福興乘勝會戰。賊死拒不動。步賊四五千分兩路斜鈔。中路馬賊二千餘。同時突陣。正起學禮等分率三營精銳。殊死力戰。賊下馬戈矛相搏。血肉都飛。不能下。那斯琿黑龍江騎軍。與諸營騎兵。分兩翼而前。酣戰兩時。

許斃賊四五百。賊乘高望援賊久不至。又上淋下淖。官軍鬪益堅。賊勢卻。賊目張標出陣督戰。福興學禮奮譟陷陣。手挾張標而出。賊眾愕眙。官軍乘之。如潮而前。賊大潰。隊列爲三。斬級三百餘。遂敗奔。追之里許。鄩陣小憩。鳴鼓再進。援賊千餘怒馬出後軍之背。躩踞馳驟。勢如風濤。前賊還鬪。正起令那斯琿騎兵振字副中營副左營步軍迎戰後股。自率中營與回賊復戰。令之曰。今日之役。有死而已。退則全軍盡覆。將士當死中求生。此正起死所也。諸君勉之。毋負撫軍拔擢之恩。須答朝廷豢養之厚。諸軍應者近萬人。聲聞十里。躍馬衝陣。

出諸營將士忘身赴敵如出一心莫不一以當百呼聲撼天雲色開霽斬級五百餘兩路賊眾同時潰奔遺棄資糧車牛槍械膠蔽泥潦追之二十餘里賊屍委積至李家寺日旣斂軍而回緣道被傷未殊之賊悉斫殺之自朝迄夕禽數百斃賊千三百有奇大獲全勝二十八日正起軍自李家寺進至荏平城北二十里復及大股馬賊會心安軍由北出賊前與正起合軍表裏攻之又斬千餘賊奔西北初賊之由南清竄莘也潘鼎新郭松林楊鼎勛周盛傳善慶溫德勒克西步騎諸軍循衛河追至莘冠之間二十五日賊奔東昌前股由李海務渡

運東武毅勛鼎諸營善溫騎軍午後追及之騎軍縱轡疾上賊分股迎戰提督易用剛吳鳳柱排整進擊總兵徐邦達胡連發遊擊吉玉成騎兵從旁鈔之步軍陣斬悍賊何士喜周久等斬長髮老捻累百我軍陣亡協領常通阿委防禦舒勒恒副將嚴鴻猷訓導陳兆榮等十二二十三等日在河南內黃境直隸南樂境兩大勝不具載二十六日賊奔荏平王店舖距博平二十五里博平令安恩煦令城汎外委成玉璽率兵役三百餘伏城東南松落挑城民二百餘自督團總謝苞謝蘭皋等在南關策應未申之交東南紅旂馬賊三百餘呼嘯至伏勇伺其過半狂呼轟擊傷十

餘恩煦督苞等楊旂伐鼓而進。賊不辨虛實，駭走禽衣。紅賊目楊潮林及餘賊六，旂幟刀矛數十，白銀二百。二十七日，大股屯茌平之崔家樓，平陰之旦鎮，又西北之黃家圈，新莊湖，溪渡，大義屯，邊馬，自東阿之銅城驛，李連橋，顧官屯，楊柳村，南馮，漫延至長清之潘家店，王得雨莊，蕭家莊，胡家樓，魏家樓，田家莊，火光自旦鎮起，北至齊河楊家圈止，熾燻百里餘。邊馬至齊河馬寨，二十九日分股，至茌平之木梳柳店，入陵縣境，又分股奔禹城之貝邱竇家廟，平原之明機店，楊柳寺，德州之邊臨鎮，德平附城，西、南、北三面皆充斥。馳騁譟，知縣周士

瀚督團雕擊賊卻分股北奔陵縣鳳凰店神頭鎮疾趨東北賊避兵奔馳愈速正起等軍偵賊入平原晝夜追之賊又回奔禹城高唐三十日正起等軍繞由高唐迤西追之賊疾由德州偏東奔直隸吳橋四月朔及之吳橋賊再奔東北鼎新松林鼎勛諸軍循運東向北躡擊正起等慮賊由南皮鹽山繞道旁竄分心安組紳軍由東光橫出甯津迤北向南鹽間道出賊前次日寶楨親統飛熊軍由東昌趨德州飭叅將姚紹修二營同發會宗棠統軍渡運西循河赴天津遏北竄寶楨軍卽由河東向吳光兼顧武定黃防是日賊果奔南皮會甚雨霰

山東軍興紀略卷八之下

徒力

諸軍霑溼，斂入民寨。酉刻，心安軍雨中抵南皮。

伏賊百數十，軍至卽奔東北。初三日五鼓，心安合淮軍

進追。日中，賊勢回奔西南。日晡，心安軍行抵興隆鎮。

距滄

州城

八里後路，馬賊三千餘，風馳包鈔而來。整軍回擊，賊眾

環繞力鬪。諸營蹲伏水潦泥淖中，槍礮更番接替，歷久

不懈，傷賊甚多。把總裴占標等奮勇陷陣，禽賊目王來

天、郭愷等，曳之如羊豕。相持間，淮軍武毅勳、鼎諸營由

西馳出夾擊，斬馘三百餘，得馬百餘。諸軍追二十餘里

至朱官屯，風雨益驟。始斂軍，是日五鼓正起，軍亦冒雨

進南皮城南。馬賊數百向東北行，正起軍追之。潦深泥

滑步不及騎。追至滄州城東而罷。寶楨初與宗棠商定督軍緣運東行。因宗棠已任軍扼楊柳青。獨流靜海一路。而運河水勢益落。度賊若策馬再奔運西。則滄州以下大任交青景諸境。所在皆可竄突。西北益空虛。故仍渡河西行探勦。駐軍交河。賊眾忽由開州南樂走東北。宗棠率親軍循衛西馳入大名。與松山曜慶會師。由大名夾衛河兩岸赴臨清。偵賊已渡運。卽由臨清出德州。而賊乃越吳橋。河間府東屬向東北。令松山曜慶軍於初五日分兩起。由柘園道河間。出景境之連鎮。交境之泊頭。循運西向天津。喜昌春壽騎兵作三起。親統文炳軍作

四起繼之。初七日，駐交河文家廟。初八日，駐青縣興濟

鎮。初九日，至棗林莊。賊由靜海天津府西南屬東行，尾股尙屯

天津境。其眾如此。組紳正起軍。初六日，追賊靜海城東

二十里蕭莊。大股賊屯東北，相距不足十里。鄩陣而前。

組紳由左，正起由右。賊分股接戰。先縱火器，五進五卻。

互有傷亡。潛飭學禮福興選軍鋒，敢死五百，衝賊中堅。

出其後，馳突益猛。賊火器不及施，且疑前隊敗。後隊大

亂喧譁。前隊驚顧。組紳正起乘釁狂噓，賊潰不可

遏。賊目連斫數人不止。自刎陣前。官軍奪其大燧，麾之。

追殺三十里。斃老賊五六百，餘賊七八百。賊鋒大挫。崇

厚亦飭副將李其昌參將張國安守備周永全各引精

騎分東南正南西南三路逐之。淮軍會合躡擊。天津得

完。十二日。鴻章統後軍抵德。時賊由鹽天津府南屬慶府東南屬

回奔山東海豐。松林軍由靜滄追賊南下。至德州與吳

長慶親兵諸營合。東軍於十五日由恩縣南趨。松山春

壽喜昌曜慶軍由鹽追入海豐陽信。賊復南奔。松山等

緣道斬馘不少。生禽髮捻而奪其馬者百有十五。內劉

萬落馬玉林均賊目。十二日。及賊武定城邊。賊眾回犯

慶軍。慶麾軍迅擊。斬級數十。得羸馬二百餘。賊大股奔

武定城南。圖入西北。松山曜所部繞出城西截之。賊致

死突入槍礮叢中應聲而踣者百數。十三日，諸軍合追至商河北積窪，賊倉惶陣亂。松山由右，曜由左，春壽喜昌騎軍遙張兩翼，陸之。慶部由左繼進，賊大亂，散隊紛奔。諸軍於積潦中追殺二十餘里，賊屍覆潦，死者八九百，禽髮捻三百餘，拔出難民二千餘。沈義勝、松山部將也。縱橫血戰，槍洞胸而隕，全軍仍戰賊而勝之。其部勒嚴肅如此。節錄陳宦山農文鈔劉松山傳松山字壽卿，興鄉兵最早，故號老湘營。歸以三百人爲一旂，自壯武歿。松山接統十餘年，名聞天下，不忍更易營制。子親見之，松山長身瘦削，謀勇兼備，行軍慮事尤識大體。有唐李愬之風，戰勝則讓功，臨財則讓利，故同時驕兵悍將見之，皆馴服。同治八年，左大臣西征，甘回自督大軍，由中路涇涼進，檄松山統三十營，由北路榆綏進。時陝邊

北山千里無人烟。土賊扈彰、董福祥等擁眾十餘萬，梗塞軍行。松山籌餉轉戰，撫定土賊，得其死力，克回砦數百，抵靈州。回巢與左軍會於金積堡，下分軍攻馬八條寨。回酋僞降，伏地暗槍中之。松山負創，誠姪錦棠曰：「速攻之，毋反。」吾骸，吾魂當督軍滅賊。言畢而絕。錦棠屠馬八條寨，撫柩而祝曰：「兇酋已寸磔，叔父忠骸盍歸乎？軍中勝敗不可知，金積老巢非旦夕可下。叔父盍歸乎？選壯士四十人為體，夫弁之不動，再哭而祝之，增二十人，堅重如前，櫃有聲如泣。將士皆哀號，知忠魂之不欲返也。越日，移營逼金積。八人弁之輕如中空，將士悲感，戰輒勝。九閱月，卒拔金積堡，甯靈悉平。丹回首，馬化龍祭之。其時帷幄自動，弓刀皆鳴。十年七月，始返其喪，體蒲反。崇厚奏言：「捻匪南擾武定屬邑，詳陳截守運河之方。」

其畧云：迭接前敵偵報，賊已越鹽山海豐等縣，入武定。

劉松山、張曜、宋慶喜、昌王正起，莫組紳等軍，跟蹤追壓。

並據鼎軍潘鼎新來書，該司現在滄州捷地築壩截運。

河之水以灌滅河日來運河甚漲水勢寬深該司督滄州知州王文田集民夫趕築長圍自捷地滅河至祁口計長百數十里先將運河截斷則北面河津一路足資屏蔽再將運河西岸自滄州捷地直抵山東張秋黃運交流處於直境西岸東境北岸連築長圍分兵聯絡各州縣民團分段巡防憑河固守自滄境捷地起至德州桑園止直境運西地段計長三百餘里自桑園至張秋鎮東境沿運地段亦長三百餘里合計直東兩省沿運長圍七八百里以直省練軍並京營各隊齊集滄交東光吳橋景州河西層疊密紮扼賊不能竄渡運西則順

天各屬。河保順德等府。滹沱河南北各州縣。悉賴保全。其自桑園以至張秋。東省地段。現聞左宗棠在連鎮。李鴻章在德州。相距甚近。自必會籌調度。並聞李鴻章已在東昌開放黃水灌運。連日運河大漲。卽上游黃水下注之故。賊不能竄過閘河。則直之大廣二府。豫之彰衛懷三府。亦資捍禦。李鶴年英翰所部。皆可進扼東昌臨清。騰出湘淮大枝勁旅。與丁寶楨東軍縱橫截剿。更番迭戰。困賊於津南武定之間。賊雖飄悍。可尅日平之矣。武定利津大山兩海口。爲山東鹽場聚積之所。船筏甚多。應由丁寶楨飭府縣提泊南岸。現已節交夏令。黃水

日漲防黃較易爲功使賊東阻於海南退於河西有重兵局收勢緊制流賊之方此機誠爲難得應請 敕下左宗棠李鴻章官文丁寶楨等迅速會籌妥辦疏入報 聞方賊之入陽信也流波塢莊民團王兆蘭等率團禦之總愚之弟張五孩衝陣死戰中槍墮馬伏誅羣賊號哭死鬪兆蘭力竭被害同時團丁死傷數十人王氏叔姪兄弟死者十四人疏聞 優詔旌卹寶楨由交河回軍十三日至德州擬由陵縣橫出因陝豫諸軍並正起組紳等軍均在武屬由北跟追東昌無兵迎擊與鴻章商定東昌爲南竄要路急調心安軍自將以行鴻

章亦飭武毅軍赴東昌會剿。賊由海豐之板達營正起等逐之。遂入陽信。圍攻縣城。組紳軍由間道疾趨。及分股。賊之在惠民境劉家集疊山舖者。賊奔入濱州孫家集。由樂陵金星堂再分股。逼商河城。又分股入濟南屬之齊東縣王潘鎮。濟陽縣曲堤鄭家莊。邊馬至臨邑縣薛安莊。又分股入德平縣。十四日。由齊河城北黃家舖三官城距城十里入平原禹城境。由晏城王家樓華莊倫鎮棠子莊奔西南。計日行二百餘里。正起組紳軍及之高唐之張家寨。列陣迅擊。槍礮如烈風驟雨。傷悍賊二百餘。陣斬僞監軍王玉潰。千總張泰和。禽僞參軍楊懷

仁賊大敗。千總戴文彬黃紀成從九胡湘皆血戰而歿。
追至郭莊禽斬益夥。十七日追至博平之朱家莊。寶楨
督軍至。賊方攻圍民寨。寶楨軍擊走之。

山東軍興紀畧

卷九之上

皖匪十七

維時皖撫英翰會師東境。自河南道口啟軍。道內黃南樂達臨清。十五日由臨回軍。赴東昌。偵賊奔清平。勢窺臨清。中途勒軍覘賊所向。令道員方長華回軍赴臨。屏蔽運西。英翰兼程於十八夜抵東昌。奏言偵賊又向東北。禹城奔竄。並接李鴻章函復。以奴才前議守運之策。彼此意見相合。已商丁寶楨先督東軍。並郭松林吳長慶等馳來布置。頃與丁寶楨相晤。所議與奴才並李鴻章相同。左宗棠來函亦謂須趁勢合剿。現議定先布關

截之師再爲合剿之計更番設守更番輪戰以期就地撲滅俟左宗棠李鴻章官文商妥會奏正繕摺間報賊又折竄東南五十里之皂角店邊馬至城南四十里沙鎮已令臬司史念祖提督黃秉鈞總兵郭運昌牛師韓等出軍迎擊拜摺後卽親往督戰鴻章奏言郭松林吳長慶追賊至博平城北賊大隊又自南折而東郭松林率騎士及親軍步兵追及之小有斬獲賊散轡紛遁又劉松山張曜宋慶於十五日合春壽喜昌騎兵追至高唐恐賊窺渡運西十六日逼之博平以東賊突由荏平折入東北飄疾異常十八日及之平原迤東賊又狂竄

劉松山等以逆眾絕不回拒無憑痛勦乃乘夜銜枚疾

走五十餘里襲破所踞馬家集任家集李家樓各村盡

殲村賊外賊四散而走復追十餘里禽二百餘十九日

賊奔陵縣德平二十日入直隸甯津尾隊回拒力戰勝

之斬首甚多大雨斂軍賊奔東北不知滄州尙有潘楊

兩軍也以上奏詞時分股賊數千見官軍由東昌附城出隊

回奔西北禹城臨邑金運昌軍馳擊七十餘里賊旋繞

分合無定擊之不及運昌慮其乘間渡運西由博平高

唐循河東擊英翰慮長華臨清軍孤親統提督黃秉鈞

軍馳回臨清傍運西築營列守催調運昌及牛師韓軍

躡擊之。二十日，賊入德平，先自西南奔北，復繞東北，東南又竄西南，奔北，往反四次。又由東北奔正南，又分股復奔滄州南境，松山文炳軍遮擊之。賊復奔而南，二十五日，擾入平原禹城齊河境。運昌等偵賊回竄，卽回軍恩縣，緣道迎擊。二十六日，行距恩南二十里，遇邊馬游弋，知賊不遠，商定運昌左進，師韓右進，騎兵中左右三路齊衝，各村踞賊不圖，官軍驟至，紛賊而潰。我軍乘勢排壓，連奪十餘村，殺賊六七百，得馬羸千餘，追不及十里。援賊馬隊數十團，列隊回拒，師韓分撥諸營力遏左右兩股，運昌步軍搗中堅，猛銳無敵，斬級數十，賊敗走。

西南追五里餘。日將暝。斂軍小河之北。賊屯腰站。相距六里餘。其分股賊之在運東者。二十五日由平原高唐奔清博。距運祇數十里。宗棠奏言。臣所部各軍在舊滄州與宋慶張曜擊賊獲勝。賊向西南折向東南。以趨鹽山。禽賊訛言。賊意北竄天津。覓子藥。且掣引追軍與之俱北。遂其竄撲運西之計。劉松山等仍向東南追擊。臣乃引軍而南。二十四日抵甯津。賊由鹽山掠樂陵而過。邊馬已及德平。察賊行蹤。南多西少。諸軍擬由德平之北橫出。驅令南行。而後向西南擊之。臣以甯津地雖居中。賊由德平西南竄走。追軍又出其北。惟吳橋最爲扼

要二十五日。臣仍馳赴吳橋。探賊又向臨邑平原奔西。南代理卓勝營金運昌二十五日。由恩縣馳赴平原縣。南迎擊。二十七日。賊又竄過高唐。運昌已緊躡而南。則必由清博茌平以撲運河。郭松林來檄。已督勇築牆六十里。撫臣丁寶楨函言。牆工十日可竣。以時日計。賊至牆成。西岸防兵有所憑藉。東岸追兵即可及賊。與戰。賊如徑竄張秋。不能越過。則地勢愈感滅之必矣。臣馳吳橋。距德州僅五十里。可北顧直隸運河。南防狂寇回竄。萬一竄過西岸。尙可由德州橋口渡師西出。截其北犯也。疏入報。聞於是江皖淮豫諸軍。議分防東境運河。

北自臨清起。清平魏家灣止。六十里。皖軍牛師韓方長
華諸營築牆守之。自魏家灣起至東昌城南六十里。東
軍王心安楊飛熊姚紹修諸營築牆守之。自城南至張
秋鎮河口。九十餘里。淮軍郭松林吳長慶諸營築牆守
之。旋調長慶步騎十一營赴德。令道員丁日昌代統銘
營接防。復調松林武毅軍。並銘軍唐定奎六營。親軍騎
兵三營赴德。調豫軍提督馬德昭諸營接防。河牆加高
培厚。以杜竄越。而河水淺窄可慮。鴻章復調水師提督
徐道奎。張秋局委員萬年清。樹字營張樹屏。挑濬張秋
淤河。黃水驟漲三尺。遂令引黃灌運。復調楚軍丁長春

舟師由張秋臨清入德州運河。維時滄州捷地壩已開，減河灌水達海，水深丈餘。又經勛鼎諸營，在東岸築牆八十餘里，兩軍扼守之。其吳橋東光甯津南皮運河之東，則宗棠率陝軍，並皖軍程文炳諸營扼守。不在山東境不詳敘又因運河之西，自德至滄，河岸綿遠數百里，僅民團數千，恐不足恃。崇厚咨令提督鄭魁士總兵劉祺所部分赴薛家窩泊頭，與淮軍聯絡布守。又飭余承恩軍由靜至滄，與楊鼎勛等軍聯絡。其泊頭以南，勢尙空虛。咨由總統神機營官兵工部侍郎恩承，派副都統銜博崇武、桂祥、頭等待衛托克托布，率左右驍騎營騎兵赴扼東。

光霞口河岸。又飭副都統銜全志。侍衛明安。率兩翼前

鋒八旗護軍騎兵扼東光馬頭河岸。不在東境聯絡民

團爲守。二十五日。詔曰。本日據左宗棠奏防勦情

形。與李鴻章崇厚所奏大略相同。該大臣進軍鹽山。欲

與英翰丁寶楨所部各軍蹙賊海隅。以期局勢較緊。所

籌不爲無見。惟賊蹤異常飄忽。恐官軍未集。而賊已乘

隙他竄。左宗棠李鴻章丁寶楨英翰等。總當迅速會勦。

不可少緩須臾。運河水勢消長靡定。民團心志不齊。難

於深恃。左宗棠當相機兼顧。不可大意。東昌臨德至滄

南一帶運防。官文丁寶楨英翰當彼此兼顧。以防賊騎

回竄總須一面籌勦。臨機相度不可偏執。一見漕運總督張之萬。先於月之初七日。乘礮船入嶧縣之臺兒莊。調總兵張從龍叅將王得勝王文行步軍六營並騎兵。由徐赴德。旋因英翰咨調從龍等營赴臨清運西分段布守。二十四日由東阿于莊渡河至東昌。二十七日。至臨。扼臨清清平之戴家灣迤南二里。防西岸韓家莊起至李家園止。計二十里。寶楨分飭各州縣專力黃防。自張秋黃水穿運入大清河。所有沿河州縣東阿平陰厯城長清齊河齊東濟陽章邱青城蒲臺惠民濱州利津均屬赤緊。令一律提船禁渡。分飭委員駐守。知州謝烜

游擊黃兆昇巡徼東阿滑口至齊河。知縣周珪率剛毅營巡徼。歷城至長清沿河上下。濟南守龔易圖督知縣宋作賓府經歷張履祥。整飭濼口一帶團練。歷城境知縣宮本昂赴齊河。胡廷耀赴濟陽。東昌同知周鵬縣丞姚文裕赴齊東。防濟陽至惠民界。知縣黃咸寶縣丞陳光明赴濱州。防惠民至蒲臺界。前臨邑令張贊勛府經歷沈榮光赴利津。防蒲臺至鐵門關河岸。知縣曾鏡湖府經歷龔逢詔赴蒲臺。防濱州至利津界。水路派遊擊楊長林駁船上。自張秋下至利津入海處。梭織巡徼。二十八日日加辰分股。賊眾二千餘由博平西南入荏平。逼

城下。在令熊鎮湘關南門。率勇團突擊之。賊卻。組紳所部千總莫熒山。外委魯勇志。妮軍會戰。勢如風霆。賊駭潰。反走東北。斬級七十餘。禽十二。馬贏倍之。組紳正起軍。繼至。營官劉時霖擊賊。距城三里。焦莊勝之。賊奔北。閏四月初三日。正起組紳軍道。禹城追賊。行二十餘里。擊敗殿賊數百。斬其斷後驍將。又疾追三十餘里。至臨邑楊家莊。聞礮聲。殷地。偵賊方戰。臨邑民團。劉時霖。曹正榜軍。疾馳突陣。正起組紳全軍繼之。斃賊甚眾。先是陳貫城等團。與陵縣吳龍恭各團。期是日合隊。陵縣高家窪。臨邑城西二十五里至日。龍恭團丁三千。貫城團丁千五百。

張嘉賓陳彥平周際隆等團丁千六百俱集盤河鎮陳吳兩團爲前敵餘團在高士風家莊策應吳團轟斃賊眾數百賊怒角聲數十里不絕勢將合圍龍泰負傷陣亡貫城率團救之乃吳團敗勇悉奔陳團槍礮不能發圍遂合貫城奮力衝突民團與賊死亡相埒貫城中洋礮殞團將奔圍合不得出囂亂不成列被傷無算惟聞號哭聲會時霖軍馳至親陷陣而入全軍麟之賊靡團民鄩隊出賊奔東北是夜官軍駐張家寨賊夜攻民圩未明官軍與民團再救之追賊二十餘里松山曜慶等軍先後追及賊不交鋒分隊狂奔而已初八日諸軍及

賊東光吳橋間。斬級數十。收降百餘。賊復南奔。正起步軍一日馳百五十餘里。初九日。小憩平原城東。其夜四鼓。出軍逐賊至高唐東南侯家莊。擊散馬賊七八百。追奔數十里。至荏平張大屯。十一日。陳國瑞在天宮廟鈔出賊前。麾軍痛勦。破斃賊目陳熊等。十二日。正起軍至荏平城東。偵賊屯西南二十餘里。勢趨東昌。撲運與組紳定計。潛夜分路襲之。二更餘。正起由西南進行十餘里。望村舍火光隱現。疑未遠前。警遇邏賊二騎。捕訊張總愚大隊。屬聚村落。遂以王學禮四營攻西南。張福興四營攻正南。正起率兩營策應。啣枚。駭馬疾趨之。槍斃

並發喊聲四合。賊無備，賊亂，斬級三四百，禽老賊二百餘人，不及騎馬，不及鞏，被傷呼號之聲數里不絕。得繫畜千二百餘，鞏轡千數百，焚旂幟帷帳不可數計。總愚率數十騎奔西北，組紳由南路翟家莊追之三十餘里，殺二百餘，禽長髮者八十餘。兩軍夜乘礮火光追逐，賊多旁伏，麥壠天明回軍緣道，部索零賊一二百，大獲全勝。賊奔清博，散漫川原，南北一二百里，縱橫馳騁，會曜慶軍至夏津，東南遮擊，禽五六十，得馬百餘。賊復奔而南，十三日，國瑞軍及賊在平清平之交，轉戰甚力，賊向東潰走。是晚復向清平之魏家灣、戴家灣、蔡屯、孫梁莊。

諸處沿運規渡。姚紹修並運防之。徐州軍張從龍。皖軍方長華守牆。諸營槍礮卻之。十四日奔東北。十五日以後。又奔禹城平原。十八九等日。又由陵縣之南奔臨邑。寶楨奏東軍荏平襲賊大勝。有詔參將曹正榜以

副將用。遊擊張福興。王學禮以參將用。加副將銜。時豫撫李鶴年派軍入東助防。奏言李鴻章函咨運西諸軍築牆設守。急須添兵協助。商派提督馬德昭防兵前往聽調。臣查豫省兵力。自張曜宋慶及善慶騎兵越境征勦。現存僅十餘營。分扼水陸各衝。急難再調。惟運防關繫全局。自應併力合圍。卽檄馬德昭於本月十二日由

道口移營東昌以南。聽李鴻章派段扼守。臣仍在滑縣
察度情形。再籌進止。以上奏詞德昭十七日到防。鴻章令自

東昌城南紮。至李海務止。鶴年嗣於閏四月二十七日
移營大名。時程文炳、牛師韓軍由海豐鹽山躡賊南走。
追奔四晝夜不停。及賊高唐迤西二十里。大股仍由西
紛擁而出。會大風揚沙。文炳嚴陣以待。師韓騎兵趨上
風衝擊之。再盪再決。馬賊回撲步軍。文炳殊死力拒。久
之。步騎官軍益奮。賊敗走。斬級三百餘。得馬贏四百餘。
官軍陣亡都司銜守備李國幹、千總趙得然、李玉堂等。
曜慶軍十八日追賊入臨邑。賊由東北奔西南。薄暮相

距不足二十里。諸營伏墟墓林薄中。慶率劉廷蔣東才李承先等。曜率賈蕙山胡書李永芳等。挑軍鋒疾掩之。賊方爭踞村莊。不期官軍之至。捻首張宗道張振江李瀾林等率黨旅拒。官軍回環擊之。賊敗入村寨。廷率馬玉坤宋得勝由左入。永芳書由右入。破賊莊十餘。斬級千餘。總愚率大股馬賊來援。曜慶乘勝猛擊。賊且走且戰。爲河溝所阻。倉皇搶越。官軍乘勢躡之。賊大奔。慶等督軍追殺二十餘里。禽賊目聶瑣李瀾林等四百餘。賊馘千計。解散脅從無算。得馬羸三千餘。洋槍火藥旂械。一日舉之不盡。官軍傷亡二百餘。騎軍營官陳永春戰

歿。次日黎明，敗賊復聚。是役也，僞淮王邱遠才不及騎，與親兵楊見山等步行。甫出村半里，爲洋礮擊傷仆地。羣賊鼻之而奔。官軍始知爲賊目也。追之不及。鴻章奏言：邱遠才係粵逆餘黨，與賴汶洸同入捻夥。去冬賴逆被禽，有令邱遠才勾結陝甘回匪之言，實與張總愚狼狽爲奸，爲賊中巨擘。果因傷伏誅，足孤張逆之黨。以上奏詞寶楨因組紳正起軍追剿，奔馳已久，軍士疲乏。調正起休兵東昌，組紳軍接替運防。騰出心安軍，合松林武毅營、鼎新、鼎宇營出剿。偵賊回奔武定東北。心安軍二十日進追，武毅、鼎宇諸營同日由德向東遮擊。二十一日。

松林鼎新國瑞軍行抵甯津賊由樂陵奔陽霑境

皆武定屬

二十三日諸軍至樂陵二十四日至陽信賊回奔海豐
東北松林等步軍疾趨奮擊之二十五日心安松林鼎
新軍分路追入陽海迤北大柏山繞前截之松山運昌
軍由南鹽迎勦而至抵小山遇賊由東奔北松山等分
路鈔之賊方列隊松山運昌心安乘勢進賊潰追之四
五里回馬死鬪諸軍更替戰之斃賊益多仍向南奔前
阻小河梟渡過半善慶溫德勒克西唐仁廉騎軍驍之
回鬪一時許越河而遁松林等追之三十餘里禽七十
餘斃者二三百得羸馬三百餘諸軍復由北衝擊賊回

向西奔松山運昌軍又斃賊數百禽二百餘得羸馬四百餘官軍亦有傷亡二十六日諸軍及賊鹽山城外斬級百數十賊奔西南國瑞追過樂陵二十七日及賊力戰獲馬百餘營官陳文仲戰歿諸軍合追三十餘里至德平城西二十八日諸軍追至臨邑城南賊奪路走禹城西南文炳師韓軍先於二十七日繞出平原之南及賊迎擊斬級數十賊賊而南奔又追之十餘里計賊日行百八十餘里官軍步卒日追百三十餘里必繞前遮擊始克及賊二十九日國瑞軍由平原馳入高唐曜慶軍由恩縣折入夏津文炳軍扼陵縣松林鼎新心安軍

分由禹荏兜擊而前。寶楨因臨清以北。夏津恩德及吳橋東光。運河水勢雖深。無營扼守。函商鴻章派員與直隸臬司張樹聲督勸民團。修築河牆。遂檄成謙赴武夏會辦。時上命盛京將軍都興阿佩欽差大臣。關防赴直東勦賊。崇厚幫辦軍務。撥春壽騎兵。曜慶國瑞步軍歸其調遣。兩江總督曾國藩。漕運總督張之萬。各飭水師入東助防。又因鴻章咨言北運河水寬深。礮船可以得力。令長江水師提督黃翼升督淮揚水師五營。入張秋運河聽調。之萬派提督姚武廣率清淮水師五營。由運河赴德州聽調。時諸軍先後及賊鹽山城外。賊

繞道西趨。復奔西南。心安與松林武毅軍偵賊。亟圖南。撲運牆。繞由德平臨邑遮擊。五月朔。至荏平西北三十里劉家鋪。遙望埽埽障天。諸軍分路覓賊與戰。各斃賊百餘。禽數十。得馬百數。賊潰而北。回奔九龍口。國瑞師韓軍又及之。總兵徐名揚又及賊。濰武斬級數十。賊奔高唐。國瑞軍追入清平。文炳軍追入齊河。又折追至腰站。時盛暑炎歊。軍士追逐疲罷。松林鼎新軍暫駐陵縣臨邑適中。曜慶軍駐恩夏。以息兵力。初七八日。賊由陽信海豐北趨。松山運昌喜昌步騎由東光向鹽山逆擊。曜慶軍由樂陵馳向正北。春壽騎兵由樂陵向東北。十

二日日中。曜慶軍抵鹽山盤村。慶率副將劉廷參將蔣
尙鈞左進。曜率總兵程之偉副將李永芳右進。捲旂臥
鼓。猛出不意。槍礮皆洞胸穿腹。賊人馬紛倒。刀斫矛刺
之聲相聞。全股奔西南。禽賊目李幼順韓耿及長髮老
捻百三十餘。短髮裹脅七百餘。羸馬四百餘。槍械無算。
十三日。松山慮賊窺運。搶渡繞西出。賊前圍擊。賊馬已
至甯津。鴻章飭吳長慶由桑園赴吳橋截之。松林由陵
縣挑四成隊向東鈔之。賊知有備。奔正南偏東去。驀至
臨邑城東北十餘里各村踞宿。初不知鼎字諸營駐此
也。鼎新二鼓出軍襲之。賊睡方酣。官軍所向皆靡。骸骨

橫路血流有聲。示家廟屯賊盡殪。查爲張宗先一股。鴻
章奏言。運東地勢平曠。縱橫七八百里。暑日追奔。徒疲
士卒。尙難制賊死命。且久晴運河日涸。西岸民團未可
深恃。臣與丁寶楨商定。宜趁黃河伏汎盛漲時。縮地合
圍。以運河爲外圈。而就恩縣夏津高唐之馬頰河。截長
補短。劃爲裏圈。逼賊西南。層層圍紮。則占地較狹。困賊
較易。收功較速。已由丁寶楨檄恩夏清平各縣官紳。號
召民團。就馬頰河西北岸築牆。又飭郭松林潘鼎新周
盛波王心安督弁勇由臨邑陵縣接築濠牆。與馬頰民
圩接氣。竅追賊過濟陽。各軍再合力圍築。直至黃河北

岸困賊西南一隅再行分軍輪替追戰疏入報可寶
楨奏言各軍日事追逐不遑喘息又不能獲一酣戰現
在商定在臨邑陵縣一帶平地橫築圩牆西接馬頰河
舊堤東留臨邑至濟陽九十里逼賊由此南出然後一
體築閉層層逼紮方足制其奔突恩縣已報竣工清夏
高博已委員守催尅日可藏郭松林來函亦言陵縣臨
邑圩工二十內外可以畢事疏入報聞於是署皖撫
吳坤修撥水陸諸軍入東助剿奏言准英翰來函現籌
守運之策皖軍防段自清平魏家灣起至臨清上下間
約七十里僅有英山張方四軍沿運排紮不敷分布臣

以大功垂成。在此一舉。不得不移緩就急。飛調原駐毫

州之建甯鎮總兵張得勝。凱字七營。又調原紮三河尖

穎州府南水師澄清兩營礮船。由清江取道運河赴臨清。以

奏初五日。文炳師韓軍追賊武定南三十里鄭家莊。勝

之大股奔東北。初六日。又追賊東北十五里。知賊情伺

官軍亭午造飯。始將斷後馬賊收回休息。見官軍拔隊。

卽先起狂奔。是以相距恆在二三十里以外。是日。師韓

佯爲造飯。俟賊遠行。急起疾趨之。賊方休息東北莊。

文炳疾趨正北出賊前。師韓步騎由南斜出東北橫擊

之。賊馬千餘結一大團。馳驟滾進。師韓騎軍分三道環

攻賊退敗五六里少頃各莊踞賊齊出殿賊亦由南來抄圍將合諸軍殊死馳之凡二十餘合師韓三搗賊之中堅賊始退敗追之二十餘里奔東北霑化境去初七日追至城西李家圩師韓爲民圩誤傷文炳於初八日向海豐一路躡擊至大山興集連獲小捷松山運昌軍由北路尋蹤兜勦皆輕騎裹糧日夜追逐賊旋轉無定先向西北繼奔正東又回奔西北松山等鹽山底營急起掩之又回奔西南入高禹境皖軍凱字軍又追逐之十四晡豫軍追賊至臨邑正議連營搃守乃大股賊果竄入濟陽縣境如鴻章寶楨所計畫賊偵知三面已築

長牆乘夜奔回十五日日中由濟陽回奔東北鴻章令翼長鴻臚寺少卿袁保恆馳前軍會商諸將領飭曜慶兩軍向武定松林鼎新盛波心安四軍於長牆適中分駐底營挑精銳步騎進擊又令盛波盛傳八成軍駐吳甯交界備賊回突二十二日曜慶偵賊奔海豐之北又折而南遂由武定追入濱州二十四日遇賊濱州西南白家橋鼎新國瑞由武定東南水落坡追入再由樊家橋分路兜之松林心安由陵縣臨邑出東北官軍因渴覓水賊馬二三千乘間絕塵而馳分犯豫軍李永芳蔣東才步軍曜慶各引大軍潛出其後馬賊衝裂爲三斬

級三四百。賊奔陽信。松林心安軍行抵樂陵東北。春壽騎軍馳至。賊由陽信奔海豐。心安擊賊。陽信慶雲之程家莊。春壽亦向東馳抵海豐之郝家集。松林步軍繼之。心安繞由左路出。賊馬四面環鈔。春壽派協領莫爾賡額侍衛春山張兩翼。陸之。自督驍騎由中進。所部騎兵皆下馬步戰。賊亦棄馬爲步。互有殺傷。松林催令唐仁廉宋德鴻右進。胡良作李長樂蔡國祥左進。自引親兵與楊西平步軍衝中堅。心安全軍出賊後。焚其輜重。賊前後受敵。喧亂紛奔。仁廉良作步騎由外奮擊。心安由後而前。賊大股潰爲數段。春壽乘勢縱擊之。賊馘不可

數計。莫爾賡額率丹丁追賊正緊。又遇大股馬賊從西
南來。松林心安春壽揮軍接戰。賊四散不支。諸將合軍
窮追。會雨而罷。憇軍慶雲之余家店。是役也。松林禽賊
八百餘。獲著名逆目周老廣兄弟及大小賊目數十。斬
首累千。得馬羸二千餘。心安與叅將馮義德副將蕭紹
榮宋延德等力戰。悍賊萬餘。自己汜申。四時久。殲執旂
賊目多名。副將宋興元守備楊正才。千總劉明發皆親
冒矢石。衣裙浴血。陣禽衣黃馬賊三。全軍斃賊七八百。
禽三百餘。羸馬稱是。追之三十餘里。人畜四散。逃奔砍
斫倒斃者頂趾相屬。總兵銜副將王福田戰歿。二十六

日黎明松林心安追賊正西四十餘里見零賊散亂被傷憇息林落軍至賊走追獲十餘訊言是夕爲松山軍乘夜掩襲殺傷千餘大股折向南行零賊棄陣四散松林心安探蹤遏賊於樂陵境賊望塵反走松林等麾軍窮追又斃老捻六七十棄械伏地者所在皆是禽者如牽犬豕賊大隊由樂陵奔甯吳間復回奔西南馳百五十里由吳橋之范屯鉤店趨毛家莊初不知盛波盛傳設伏以待也先是盛波等偵賊近令步軍潛伏密林中騎兵數十解鞦散牧挑健兒善騎者見賊騰馬而走賊呼嘯逐之誘入林麓步軍突起萬火齊發聲光如雷電

賊馬驚躍不成列。後隊馬賊萬餘如潮而上。前賊回矛整隊。下馬搏戰。賊傷者徧田塍。盛波等步軍列陣轟擊。岫不稍動。盛波等下馬鏖戰。賊敗奔。官軍四面追斫。縱橫十餘里。凡賊奔跳所向。皆官軍扼紮之所。伏屍流血。斃賊二千餘。戰至二更。賊波倫斷續不能合隊。一股向東奔。一股繞陵德交界劉家莊奔西南。屯距德七十里。楊丁莊孫世官莊方家莊附近。盛傳復夜襲之。賊驚惶失措。斃總愚之姪張三彪。禽逆首李老懷及大小賊目并婦孺數百。二十八日。宗棠督軍擊賊鹽慶之交。斬級千餘。是日。鼎新善慶溫德勒克西偵賊將奔西南。

徑出德平遮擊。冒雨行至高家屯。自午迄申。血戰大勝。營官蔡家旺。裹瘡死。鬪敗賊。追奔解家店。奎臺去。國瑞軍亦勝。賊霑化之張虎店。張旺村。鴻章奏言。自今歲北征以來。罕有如是大捷。實足伸天討而快人心。惟

張酋被勦窮蹙。日夜圖竄。運河以求生路。現在馬頰河西北。長牆丁寶楨與臣督催興築。已有頭緒。賊若遁入西南。究多一層障蔽。若仍游弋東北。捷地滅河。防軍較厚。都興阿業經前進。冀可無虞。祇東光南皮以上。河西兵團皆少。諒劉松山郭運昌各軍。亦能就近遮護。而運河水勢日涸。當咨商河南撫臣李鶴年。開濬彰德之萬

金渠堵築懷慶之九道。捻使洹河丹河泉源下注。日來運河已增水尺餘。尙恐不足以限賊。寶楨奏言。現在伏汛應時。黃流入運。自張秋至臨清。水已深五六尺。黃翼升歐陽利見水師。礮船均已由東昌下駛臨清。此時情形。機會滅賊。當有把握。臣惟有與李鴻章等熟籌妥辦。早除殘寇。以贖罪愆。陣亡之王福田。懇恩飭部優卹。均報聞。

山崎直長系圖

老力之

十八

山東軍興紀略

卷九之下

皖匪十八

先是心安松林軍於五月二十九日由陵縣進臨邑東南三十日及賊商河李家坊松林令親軍騎兵誂之馬賊回犯伏兵步騎驟起斬首百級賊奔惠民薄暮松林心安令軍士飽餐乘夜襲追三十里心安督宋延德蕭紹榮雷顯揚都司許占鼇襲其前淮軍李長樂蔡國祥襲其左宋德鴻右後兩軍襲其右松林自督楊西平唐仁廉胡良作騎軍往來策應遇賊卽斫盡奪所占村莊十數武定附近有湖馨泮水袤廣溺死無算時賊分爲

二一奔東北一奔正北分追七八十里羸馬婦穉遺棄滿地解散脅從千餘禽長髮千餘訊出逆姪張廣仔張七張得華均斬之正北一股被追迷路不能合隊百十爲羣鄉民截殺過半東北一股遇皖軍由樂陵來敗奔十餘里禽斬數百此六月初一初二日戰事也初三日心安松林軍向東北窮追賊合股奔陽信之清豐鎮撲縣城知縣徐家杰守禦嚴密又聞後軍追至折而南奔次日入武定之杜家橋過徒駭河松林等涉河躡擊賊奔濱州之李子鎮方圍攻民寨心安松林軍猛壓而前騎軍縱轡蹂之賊惶駭解圍走騎軍益銳悍賊死拒者

盡殪。大股轉奔西北。官軍痛擊之。斬殿賊四百餘。賊隊
狂進。聲如崩濤。官軍追至夏家橋。夜二鼓。鼎軍由陽信
南來。與心安松林軍合。士氣益壯。初五黎明。賊方西趨。
已刻。及之馬店。迤南。賊被追迫。回鬪。鼎軍滕嗣武騎軍
三營擊之。往返十餘合。死傷略相當。鼎營步軍吳從發
潘國揚張景春等連環進戰。松林率仁廉良作騎軍出
賊背。長樂德鴻國祥步軍繼之。心安延德顯揚步騎橫
衝之。賊隊分裂。心安等出入馳驟。賊旂靡陣亂。自相轟
斫。官軍嚴整自喜。槍礮無虛發。號呼仆折聲聞數里。疏
田河灘。人畜填委不可計。又追四十里。至商河東北。于

家圩暑甚。憇軍午炊。賊吹角集隊。官軍佯退。良作軍衝之。禽賊百餘。賊大奔。又逐之。天晚而罷。諸軍共斃賊二千餘。賊目陳信元率馬賊數十夜降。初六日大雨竟日。官軍分營房家寨附近。賊屯沙河未動。次日雨不止。心安松林等黎明冒雨揮軍掩之。行十餘里。賊方起隊。松林遮其前。心安犄其後。鼎軍橫穿之。泥淖深尺餘。賊馬不能馳突。死者益眾。追之三十里。踐蹈骸骨。馥穢薰蒸。抵商河城下。保恆騎兵出臨邑出擊之。斬級七八十。賊散竄不及入隊。百十爲羣者數十起。伏匿秫叢。官軍聞羸馬踢齒。搜斬動輒數十。皆引頸就戮。其大股奔逃者。

馬尙五千餘。連日爲諸軍斬擊散者二三千。禽者千三百餘。是役也。軍士暑雨追奔日百餘里。提督胡良作。提督潘國揚。均負重傷。心安所部游擊王林把總劉青和陣亡。初九日。賊奔濟陽縣之龍王廟。初十日。至河北時家圈。惠民沿河之黃盆楊家圈秦家圈馬圈許家道口。均見馬賊。十一日。由時家圈東奔惠民趙家坊。夜有馬步賊數百。驀奔齊東黃河之北延安鎮。旋繞覓渡。不可得。壞民廬結棧以濟。防黃委員周鷗。督委員姚文裕。知縣錢枱。礮船千總鄧福興。城守把總馬立仁。齊東令何慶祥等。率勇團轟擊卻之。賊中礮被溺百數十。始退敗。

豫軍聞賊搶渡探蹤循河而前所斬亦夥賊在商河等縣爲諸路官軍屢敗勢日摧蹙諸軍合謀逼之南趨賊果由臨邑奔入徒駭河之南屯濟陽東北黃河崖鄆家渡曲里店附近地在兩河間連日暑雨平地瀕洞水深三四尺徒駭河與黃河合流盛漲賊屯地形高處彌望窪潦鼎新長慶等由米家橋進攻曜慶等由林家橋進攻保恆松林文炳得勝總兵奎光與心安等由多石橋進攻皆由徒駭河北颺水而前冀蹙之水濱可一鼓殲也十一日曜慶軍由林家橋出賊前遮擊大勝總愚自初七日負傷不能騎伏枕涕洟語所親悍黨各覓生路

故散者日眾。沿河村落長髮老捻，剽縊溺水者日數百。降者五六千。先是初三日，奉詔曰：捻眾雖多，其中勢窮被脅，無路逃歸者，諒亦不少。據左宗棠奏賊無不滅，及賊無盡殺等語，不爲無見。嗣後官軍接仗，逆眾如有投械乞降，非罪在不赦者，著該大臣督撫分別遣釋，給以免死護照，回籍後如別無違犯，地方官不准牽引舊案，故爲誅求。並出示曉諭各州縣圩團，遇此項人眾，遣歸毋得藉端禽殺，以示矜全。於是各大臣督撫將帥仰體朝廷德意，全活者無算。時分股賊奔徒駭河之南，屯蒲臺利津兩縣之姚家渡丁家渡，悉力搶渡。壞

民廬編大筏。堆放中流。四圍排槍轟擊。以禦官軍。從上游順流下。將傍岸北。守牆團民。洵懼。水師哨官蔡永清。礮船至。連縱巨礮。碎筏二。羣賊百餘。泗水北渡。委員率民團。盡力砍斫。無一得生者。岸南羣賊。奪氣心。安松林亦沿河追至。賊歸併鄆家渡大隊而去。從此始入絕地矣。曜慶鼎新會商。進軍逼賊隊之西。取道東北。再繞北進。亦於十一夜抵郭橋柳橋二鼓。賈橋徒駭河西。火發。賊由東南來。慶飭李承先渡河擊之。賊奔北。曜由郭橋渡擊。十二日巳刻。進至崔寨馬莊。賊復自南而北。官軍分路邀擊。禽斬擒目鄭文起等三百餘。賊反走。

奔入河干之老海窪。鳧水東竄。慶軍鳧渡邀之。曜軍繞由王泚狙擊賊踰窪。循河向東北。與曜軍遇。敗回西南。仍循河行。慶軍又遮擊之。進退失據。死傷山積。奪路斜趨玉林鎮。鴻福寺地當河曲。周遭瀟灑。兩軍環斫之。賊赴水者蔽窪。泚總愚率死黨數十策馬鳧渡。禽其僞天將何光俊等。擊斃僞平頭王張元。捻目楊恩。楊照。程二老坎。程三老坎。張錦。泗周洛。獲其屍禽。斬轟溺者六七千。得馬羸近萬。孥賄刀械不計數。官軍傷亡三百五十餘。大獲勝捷。總兵程文偉。副將蔣東才。李永芳。李承先。以次至千總把總等三十餘人。均荷陞賞。十三日。心

安松林文炳得勝軍先後由多石橋。梟水進攻王郭軍偏南。程張軍偏北。夜五鼓賊隊掩至。諸軍騎兵先戰。心安松林步軍向東北衝擊之。泥水沒膝。官軍有進無退。槍礮無虛發。賊夜黑喧亂。死者無算。黎明駢斬所禽二百餘。心安松林軍向西追之。得勝與賊戰正東。文炳軍由西擊之。賊散亂不能合。官軍益乘之。斬三四百。禽四百餘。降者倍是。十四日心安等會軍追踰多石橋西二十里。賊折奔西北。由王莊搶渡徒駭河。心安等追及未渡者。悉殪之。賊由新大莊奔臨邑東北。善慶溫德勒克西由臨邑麾軍南行。亦有斬馘。盛傳長慶兩軍由德州

吳橋分路南。下十五日，冒雨橫出臨德交界之姜鎮。賊方造飯，長慶設伏誂之。參將葉志超、楊歧等狙擊甚猛，斃賊百餘，得馬二百餘，禽賊目張正士、石光鑾等十六人。日日加巳，賊夜由德平甯津間越吳橋而至桑園鎮。長慶留防運河，二成步軍由德平隨賊而北。及之距桑園七八里，賊奔西北沿運而行。馬步尚二千餘，先遣馬賊二十餘至高家渡，自稱官軍喚渡。徐道奎縱礮擊之，大隊繼至。長慶引軍躡擊，賊紛泗水。舟師轟擊益力，斬百餘，不得渡。日過中，奔德州迤北五十餘里之第二屯。老君堂搶渡，舟師如前奮擊。歐陽利見鄧萬林礮船至，直

隸臬司張樹聲道員李逢春調景州民團站牆扼禦之
賊眾屯運東上下數十里盤旋徹曉長慶盛傳由東北
進追鴻章遣道員周世臣總兵張樹屏率親軍由德州
夾攻銘軍騎將乘夜襲賊死賊六七百降者五百餘十
七日黎明餘賊仍奔德州東北得勝文炳軍又及之營
官王心忠宋雲田周學彥等冲賊陣得勝等全軍繼之
賊潰奔西南窮追一晝夜十九日及賊商河之常莊其
地湖河交錯賊阻湖爲固尾隊留守隔湖大隊四五千
分列湖畔文炳與總兵李得勝等當赤日酷暑中分三
路涉水進戰得勝繞由湖西夾攻之賊兩面受敵大亂

潰奔收降逆目羅開祥等三百餘。衝賊爲三。一股循湖南奔。一股千餘奔西北。爲東淮卓勝諸軍截殺。總愚一股四五千人。奪路旋繞而馳。二十二日。文炳與諸軍追分股賊至甯津。賊又南奔。二十三日。至臨邑境。奎光由臨邑逆擊之。鄧莊總愚自引紅旂黃邊馬隊數十團。分禦諸軍。副將陸鴻慶遊擊魏學純下馬短兵相接。都司孫景福千總邵維常陷陣。禽總愚。皆負重傷。力戰斬級數百。方苦戰間。參將徐思祥等潛隊橫衝之。賊驚潰。分裂斬級千餘。賊吹螺會隊聲不絕。奔東北。諸軍同日在直東交界諸州縣周遭五六百里間。所追所擊。非一股。

股或四五千，人少亦千餘，其漫延之廣如此。然羣賊日向諸軍乞降，國瑞先於十二日在濟陽高橋陣禽悍賊百餘。十三日降其僞淮王邱遠才等八百騎。十六夜盛傳收降賊目張九林等六百餘。盛波降李老懷等賊八百餘。周世臣降著名賊目張正邦、張正位、張可師、尹瑞成等七百餘。銘軍騎將降邱麻子等賊二百餘。賊分奔德州陵縣境。盛波步騎三百餘橫出韋家寨突擊之。長慶騎兵三營、文炳步軍三營躡其後。會松林軍追抵樂陵。賊目王有志、羅志安率三百餘騎乞降。十八日善慶追賊林古莊，搜殺百餘。賊目張小辯等率四百餘騎夜

降逆目張大福洪順林率馬賊二千餘乞降松山軍前。賊目周六焦仲光率馬賊千餘乞降運昌軍前。賊目謝得勝陶得魁等率馬賊九百餘乞降心安軍前。賊目曹三仔等率步賊三百餘乞降鼎新軍前。十九日得勝文炳軍追賊商河西境湖濱收降百餘賊折走東北。賊目楊榮桂吳得名陳巴等率步賊五百餘乞降文炳軍前。韓洛華韓萬秀等馬賊三百餘乞降皖軍遊擊韓大武軍前。保恆督魏林騎兵在德平義渡口收降四百餘眾。斬零賊不降者百數十。時淮軍銘字營統將劉銘傳乞假離營養病。已踰三月。鴻臚寺少卿朱學勤奏請飭催。

銘傳赴軍勦賊有 詔嚴催至是復奉 詔曰劉

銘傳自勦滅賴汶洸等股匪後乞假養疾該員原係直隸提督值此捻匪竄犯近畿卽應力疾銷假勦賊以副專閫之寄况三月假期已滿若宴然安居豈人臣急難赴公之義該提督起自卒伍不數年擢至提督受恩深重當不至苟且偷安頽然自棄著李鴻章催令迅督所部馳赴直隸山東隨同該大臣勦賊於是曾國藩李鴻章檄贖勸勉銘傳六月初八日至自皖先次東昌旋赴德州鴻章令赴前敵督勦善溫騎軍銘字先鋒營總兵徐邦達親軍騎兵仍歸節制其原防張秋阿城至李海

務銘字步軍酌抽行隊令營務處丁壽昌率赴軍前聽
調令道員劉盛藻提督劉朝幹率五成軍留防遣江蘇
道員趙宗道總兵丁德昌諭勸河西民團助守先是十
九日松山偵賊奔商樂之交二十日追及之賊向北奔
追之二十里斬二百餘級日過中又追之二十里賊屯
鹽山之保和寨松山夜襲之賊不能成列衝裂爲十數
火器所及惟聞譟號聲約斬千級大股西奔天明於高
梁叢秫中諸軍部索所斬者又數百花旗捨目全數跪
道降散略盡復西追分股者至滄州賊又奔西南馳由
德平向正南走二十一日松林派夏青雲騎兵夜襲之

又斬老捻五六十松林大軍從之二十二日及賊盧寨
 賊致死回鬪敗入德平西南折奔東南善慶温德勒克
 西夾擊之是日鼎新國瑞先後追分股賊抵商河二十
 三日總愚率死黨二三千涉水奔西南二十四日由平
 原向高唐寶楨方督親軍周巡運防偵賊竄近魏家灣
 距臨清東昌各六十里飭飛熊與參將李培榮引軍渡河匍伏禾
 深處賊揚旂前進飛熊等奮呼突起賊喧駭反奔斬其
 死鬪者數十賊繞出東昌城北八里橋正起抽調守牆
 軍逆擊之賊狂奔正起追踰破窰口李家營緣道轟斫
 二百餘禽四十七受傷者不可計又追奔三十餘里賊

由博平奔東昌城南李海務都司歐陽應發戰歿鼎新軍躡擊而前賊犯周家店七級河牆是處爲銘軍汎地二十四夜分數起潛隊同時猛撲代統銘軍丁壽昌與趙宗道劉克仁劉朝幹等嚴督守兵蹲伏不動賊逼外濠連縱排槍賊猶不卻炸礮傷賊數十始退屯河東提督劉盛瑞總兵丁達材引軍襲入賊館禽斬甚眾賊奔西南四更餘犯七級以北河牆鳧水競渡者累百克仁悉力轟擊宗道馳至策應始卻二十七日鼎新軍由東昌來黎明過陳家口收降賊眾李志明等二百餘賊奔東南余家集日中及之沙河正起軍方東出分股賊奔

荏平之廣平鎮。賊酋麾眾縱橫馳騁。竄地愈隘。知己深入。奔中。於是保恆銘傳松林慶曜心安等。合謀殄賊。銘傳軍由桃橋守至荏平之南鎮。松林軍由桃橋守至博平。保恆軍曜軍由博平守至東昌。困賊徒駭黃運之間。二十八黎明。賊由西向東奔屯高阜。銘傳步騎蹙之。反走松林。步騎又東來擊之。賊進退失據。飛走路窮。河水漫溢。泥淖寬深。總愚引數十騎北走。保恆督騎兵逐之。總愚遁入秫叢。投水。從騎救之。數十人皆泥淖塗面。不辨眉目。銘傳令叅將鄧長安騎兵四面部索。松林縱軍奮擊。獲總愚愛子葵兒。總兵駱國忠左右兩軍陸擊之。

禽賊三千餘。垂首帖耳。繫之如驅牲畜。禽逆姪張正江。及紅黃白黑旗大小擒目甚多。訊出逆兄張宗道。逆弟張宗先。捻目陳大老坎。四老坎馬鬧三樊泰。均已陣斬。總愚入秫叢。向正東走十餘里。水深不能行。回奔正北里餘。與從騎散賊王雙仔王結巴等八人小憩覓食。鄉民數十人大呼圍之。總愚等走東北。至徒駭河王家橋畔。禹城界日色向晚。不得食。總愚泣言曰。爾等各覓生路。我當赴水死。免爲官軍所禽。雙仔結巴等策馬商赴官軍納降。顧見總愚所乘馬在河畔。雙仔等返轡視之。總愚浮沈中流。呼之不應。良久隨波去。於是首逆伏誅。全

股降散二十九日雙仔等遇曜軍向營官胡姓馬前跪
降保恆訊解鴻章德州行營鞠之鴻章奏言伏查捻逆
倡亂十餘年流毒數省去冬任賴等股幸就削平不圖
張總愚渡河北竄震驚畿輔仰累宵旰憂勞徵
兵籌餉日昃不遑皆緣臣等治軍無狀負咎滋深四月
間賊竄運東臣稔知流寇非圍制不行與左宗棠官文
崇厚英翰丁寶楨等議就直東運河滄州減河圍築長
牆趁伏汎盛漲蹙地兜圍之其時地廣兵單有勦無防
經臣商之官文派直隸臬司張樹聲道員歐陽正墉督
沿河民練修守長牆丁寶楨亦派道員王成謙接修東

境河牆。六月十六日，張逆率眾猛撲景德之交，倖獲保全。丁寶楨督勸民團，就馬頰河西北岸至陵縣臨邑一帶，聯築牆濠，作爲裏圈。該逆被勦勢窮南遁，遂入網羅。各軍乘機緊追，更迭兜勦，蹙之死地，遂就殲滅。臣與都興阿、左宗棠等始願皆不及此，實賴聖主洪福。

廟謨決勝於上，神機營暨諸王大臣控制於中，各省將士奔走效命於外，積年巨寇，迅就蕩平，爲中原軍務一大結束。微臣躬在行間，忝竊兵柄，愧無絲毫補助，從此獲睹。昇平祇有私衷慶忭而已。寶楨奏言臣於

二十九日，將各軍會合掃蕩全股逆捻大概情形附片

馳奏恐有餘匪伏匿高粱叢穉妄冀偷生飛飭東軍及各地方官督團沿莊搜斬並黃運防軍及委員等照常嚴密稽察近日王心安暨各牧令來稟在荏平水套以內搜出零匪多名博平境內亦搜出匿匪並分隊四路尋覓遠近悉無賊蹤所獲之匪解至臣營詳訊俱供張總愚投水淹斃眾口同詞王心安解來擒匪百餘訊供亦無歧異現在德州商河陵縣高唐平原等境均報無賊一律枚平難民襁負而集臣職任地方何敢以逆股旣平稍涉疏懈當部分嚴索不使一名漏網並遵旨飭司委員赴各州縣詳勘被災輕重分別籲懇

恩施以蘇民困時奉 詔曰前已賞還李鴻章雙眼

花翎騎都尉世職黃馬褂並開復處分及左宗棠等降
革處分均予開復自應分別再沛恩施以昭懋賞李鴻
章賞太子太保銜以湖廣總督協辦大學士左宗棠賞
太子太保銜交部照一等軍功議敘丁寶楨英翰賞太
子少保銜交部照一等軍功議敘李鶴年賞戴花翎交
部照一等軍功議敘崇厚當捻逆攻撲天津時督率兵
勇紳團力保郡城籌濟各營糧石餉需源源不絕著有
勞績賞太子少保銜頭品頂戴雙眼花翎兩江總督曾
國藩籌辦淮軍後路糧餉軍火俾李鴻章等克竟全功

著交部從優議敘署直隸總督大學士官文前在湖廣
總督任內暨本年擒匪竄直時均因會剿不力降旨懲
處此次擒逆悉平著加恩開復太子太保銜暨革職留
任處分賞還雙眼花翎以示錫爵酬庸至意嗣奉

詔開復王心安原官勇號以提督記名簡放王正起莫
組紳以提督記名簡放組紳並賞換博奇巴圖魯名號
楊飛熊無論何省提督缺出請旨簡放所有剿賊出力
之郭松林潘鼎新周盛傳盛波劉銘傳劉松山郭寶昌
運昌宋慶張曜牛師韓程文炳善慶以次將弁及防黃
防運文武員弁荷恩綸者二三萬人。不具載寶楨

搜捕餘匪籌辦善後飭濟南府知府龔易圖督副將曹正榜步勇三百赴齊河齊東德平濟陽長清爲一路知府焦宗良騎兵三百赴荏平禹城高唐臨邑陵縣平原爲一路楊飛熊吉勝營移駐濟甯莫組紳紳字營赴武定屬之樂陵商河陽信霑化濱州爲一路王正起振字營會同東昌府知府程繩武知縣鄭紀略赴莘縣朝城觀城濮州范縣爲一路姚紹修赴德州爲一路同知劉時霖赴臨清夏津武城邱縣爲一路叅將張福興赴嘉祥鄆城鉅野曹縣爲一路壽張營都司賈宗江守備朱某引兵赴壽張水套及蓮花池外堤巡哨再奏言臣欽

奉 諭旨東豫兩省如何酌留兵勇鎮撫地方之處著丁寶楨李鶴年妥籌辦理竊查東省咸豐八年以後時有捻匪之患頻年防剿竭蹶不遑去歲及今任賴張三逆相繼東竄賊勢披猖餉日缺而兵日增辦理益形棘手幸賴 天威震疊三逆以次削平中原從此底定然東省民力固已竭矣臣私憂過計首在於紓民力欲紓民力則在於節餉需欲節餉需則在於裁兵勇蓋籌兵必先籌餉東省兵餉專恃地丁非他省之有釐金捐輸可以挹注也臣自前月二十八日捻匪全股蕩平之日起迄今二十餘日將撤留兵勇善後事宜朝作夜

思通盤默計東省武定東昌臨清二府一州毘連直境
鹽臬教匪素易潛蹤曹沂二府接壤豫徐幅匪長槍恐
多伏莽當巨寇初平之日正銷灼羣慝之時反側未安
人心浮動奸民煽惑不可不防則有欲撤兵勇而不能
全撤者一也再各營勇丁頻年轉戰入死出生盛暑祁
寒有不時之疾疫衝鋒冒鎬忘性命於須臾凡此數十
營之勇一二萬人之身祇數十百人於功成之日得邀
爵賞此外萬數千人所以捐妻子糜頂踵甘涉不測之
險者戀此區區口糧耳臣因餉源不繼積欠過多一旦
奏凱罷兵若僅以空言撫慰量給川資該兵勇等衷甲

數年空餘皮骨歸程千里慙對妻孥雖無譁卸之虞實切忍心之疾苦於庫藏空匱清給爲難必得陸續遣歸騰挪較易則欲撤兵勇而不能遽撤者又一也思維至再先籌鉅款逐漸清釐先將省防調募之標兵與調防黃河之曹州濮范壽張東昌綠營額兵以次歸伍其剛毅各勇及德州臨清范縣准募之勇先行裁撤此外前敵各勇營酌留七八千人分駐武東曹沂各屬藉資鎮撫如日久安謐再行次第遣歸至前募吉江丹丁騎兵去年已將疲弱者遣回五百數十名又派赴直隸隨剿者一千五百名所留臣營隨剿者約九百餘因其日久

思歸。又不服水土。多邁奇疾。屢求遣撤。情狀可憐。已於本月十五六等日。飭軍需局提調知府丁彥臣。算清口糧。籌給路費。令侍衛那斯琿管帶起程北發。其派赴直隸之隊。尙駐連鎮。已委員馳往會同侍衛春山。參領莫爾賚額等。點驗造冊。如實係疲乏之丁。籌給川資。令就近由天津回籍。其精壯者。遵旨飭赴南苑聽候。

神機營調撥疏入報。聞二十二日。寶楨旋省。於是諸路客軍次第凱撤。惟吳長慶統數營。暫駐德州。曜慶軍二十四營。十六日取道臨清南樂南行。長江水師清淮水師。趁閘河有水。十六日南下。牛程方張四皖軍二十

山東通志卷之七十一
十一
一日分起渡河國瑞所部二千人奉 旨飭赴英翰

營將之出境再行遣散英翰奏言人數尙多未便於渡

黃後遽行遣散應一併帶回安徽辦理二十八日由濟

甯南發松林武毅軍八月朔由東昌起隊鼎新軍次日

由德州起隊提督王萬釗所統勦軍由滄州減河取道

運西南下盛傳盛波仁廉樹屏所部四十餘營分起渡

黃銘傳步騎全軍交臬司劉盛藻代統由汶上曹單歸

德移駐河南周口嗣奉 諭旨以左都御史毛昶熙

奏請在大順廣一帶駐防英翰奏飭令扼駐畿南鴻章

覆奏言查直隸所屬地方南勇久駐與民情恐不相習

運餉購糧亦多不便。且直省兵燹以後，民氣凋瘵，地方粗定，暫可無事，似應與之休息。若驟調大枝客軍，移紮近畿，恐轉滋疑駭。毛昶熙、英翰皆慮日後恐有他警，遠處徵調不及，蓋爲黃河所阻，最滯師行。今令銘軍暫紮張秋，迤北西距大名僅百八十里，北距河間屬邑亦不遠，尙可就近兼顧。畿南張秋一水下達清江，採辦米糧轉運餉械，接濟較便，疏入得旨，允行。八月初十日，鴻章自德道天津入覲。惟宗棠所部陝軍由直隸入豫，晉西征回匪，不入山東境，不具載。寶楨回省賑撫災黎，采訪忠節，山東大定。奉詔曰：凡賊蹂躪之地，

焚燒虜掠慘不可言。小民耕種失時，流離轉徙，各處紳民猶能集團修寨，並隨同官軍築牆防運，奮勇殺賊，保衛地方。朝廷於矜憫之中，尤深嘉尚。除山西被擾各州縣應徵錢糧業經奏請蠲免外，其直隸山東河南被擾各州各州縣著該督撫迅速查明，分別擾害輕重，奏請蠲緩錢糧。各處出力紳董一併詳查奏獎。遇賊被害者，查明請卹。寶楨分飭十府二州所屬，分別詳勘被擾輕重，議蠲議緩紳民捐軀盡節，分二十次造冊具題。計自咸豐二年元月起，迄今共死亡男婦十萬二千一百一十人。其本省官兵勇營客軍之在山東陣亡者，不在此

數以著國家深仁厚澤淪浹民心大吏宣化承流
膏澤下逮小民沐浴聖化忠義性生所以戡亂

--	--	--

I-010

山東軍興紀略

卷十之上

土匪一

齊魯壤地項領南朔負海帶河屏蔽畿甸理亂之勢
樞鍵中原然十府二州風氣殊異登萊青三府民性近
樸沂曹二府及濟甯一州屬邑連界江豫人情悍塞屬
當承平恆患土寇輒歲斬數十百人漂潦餘霾游魂幻
氣本無足述然而比年以來年穀順成盜賊衰息夜不
閉戶民安生業前此探丸草竊燔略恣睢義士忠臣畢
命豺虎捕斬禽治之難曾幾何時事耶故著之於篇以
垂鑒戒蓋事在咸豐之始年也時粵賊未出湖湘江介

安謐。黃河尚循曹單故道。二年冬十一月，即有大股土匪數百，操舟游弋單縣劉口，劫奪黃河北岸鹽廠。知縣高振洛會營追捕之。至江南礪山徐家口，匪乘流鼓柁而遁。河南虞永夏三縣時有土匪闖入東邊。濮州定陶間黃鎮集土匪趙明揚、張雨郛、道李五禿、張糊塗、劉鵬等眾，或二三百，出沒劫奪。聞風效尤者踵起。十二月，黃縣土匪張九仔、綽號獨角龍及吳學空、張連舉等聚眾百餘，訛搶五十五次。先後爲登州守汪承鏞、知縣彭大賓捕治最速。文宗皇帝智炳幾先刑期無刑，殺以止殺。詔下山東巡撫李德曰：此等稔惡匪徒，法所

難宥。率獲訊明。卽予正法。俾知警畏。勿照尋常盜案。審轉致稽時日。恐有意外之虞。三年春。粵賊陷江南北方。震動土寇。果熾。二月。金鄉之羊山聚匪數十百。東至濟甯。西抵單鉅。南連魚臺。北暨嘉祥。數縣間晝伏宵動。劫奪居旅。單縣營千總蘇干城上言其狀。德知牧令多惰懦。彈疽不嚴。必將復聚。始發兵捕之。牧令多愠干城而匪踪詭秘。卒不可得。德又廉知歷城章邱二縣邢村潘莊田莊胡家莊。有匪出沒。檄下守令督促搜索益嚴。獲者頗鮮。惟郟城縣監生謝慶昇者。豪於財。蓄死士百數十。合官兵緝土匪。斬獲多。德上功於朝。賞六品頂

山東通志卷之二十一
戴當時健吏能身自勒兵捕匪爲德所激賞者推滕縣
令黃良楷署郟城令盧朝安候補縣丞蘭山縣青駝寺
巡檢程繩武武員則曹中營遊擊劉玉豹沂州營都司
郝上庠單縣營千總姜長清德皆疏其名人 告立荷
陞賞德自督標兵出駐曹縣檄充沂道厲恩官駐兵滕
嶧蘭郊適中令遊擊王鳳祥引兵駐紅花埠會剿而豐
縣皇家樓人皇甫棠綽號二先鋒者眾數百擾微山湖
虞城之牛王垆巨匪陳作賓耿金豹鄧麥等股出沒曹
單豐碭張明居王法戶李存心等眾三四百起羊山四
月江南曹八集巨匪張二紅侯鳳劉枕龐杉李魚李樓

張漢劉平周明魏三等股眾各一二百竄城武之白浮
圖荷濮觀三州縣草寇劫掠無已荷澤令童正詩濮牧
鄭映南觀城令彭垣捕逐之輒有禽斬德益飭道員劉
慶凱充沂道達鏞單縣營參將富新督長清分道捕逐
殺獲首夥土寇略定而粵逆林鳳祥李開芳等陷安徽
臨淮鳳翔於是泗靈一帶土匪四起應賊如麻如蝟漸
入江南北邊銅睢邳宿居民被匪攻鈔日夜恐動烽烟
鉦鼓逼山東南圍德乃移軍由韓莊進徐州令百勝引
山西兵二千營桃源北岸重興集王家營上總兵郝先
甲引陝甘兵三千營宿遷之順河集由重興沿河自率

標兵陝甘兵營宿遷城北五里山湖分路要隘會壽張營遊擊馮化青征兵千四百回東歸伍留扼王家營再令署膠州協副將武隆額引兵扼徐州黃北新調徐州鎮百勝引兵由重興赴徐州黃南德日夕勒兵捕勦土匪民賴以安時奉詔曰兗沂曹三府匪徒潛擾現雖未著而粵逆正熾心懷觀釁亟應防其勾結黑龍江官兵改道由山東行走李德可留兵數日藉資勦辦黃良楷膽勇過人匪黨畏憚可令專勦土匪五月粵賊陷河南歸德土寇聞風蠕動德回軍東疆檄化青兵回駐韓莊令外委劉治富唐傅改服率銳士數十分入江南

邳睢搜匪巢穴令兗屬滕嶧二縣沂屬蘭郊二縣曹屬
荷曹單鉅定五縣募勇捕匪縣三百至六百有差而邳
之曹八集宿羊山銅山之汴塘有巨股高九倫等眾五
六百日夜入東邊攻鈔徐州鎮標遊擊胡松額引兵四
百合山東防河副將武隆額兵會捕之又逃軍李效普
眾三四百起城鉅交界德夙號剛果又信賞必罰故先
後數月間長清禽二紅鳳枕杉魚樓明三等數十曹縣
令 禽史曾成等榮華鎮城武令劉 禽效普
等正詩禽部道盧礮藍三祓褲等復禽巨匪金慶李紹
劉起劉二晷劉二海劉新智郭二猴等東長荷定交界

劉家坊鉅野令謝宗本外委邱鳳立禽巨匪趙大全趙小全杏兒宋溪等數十嘉祥令
南禽巨匪尹望劉黑趙明揚滾地龍吳雙周等定陶令陳椿年禽巨匪范虎郭魁標張書起馮闖等數十於曹馬集鄆城令仇恩注禽巨匪蔡勳季三季標等玉皇廟復禽石起王岱城蕭順等江南清河令吳棠禽江東交界巨匪張景杭等數十昌黎云勸賞不必徧加乎天下而天下從焉者李德有焉六月博山縣土匪唐孝林等聚眾與監生國作勳爲難知縣周仲詰會營掩捕之抗拒格鬥斬匪十六禽四餘黨散竄入幅匪陳更池股內

詳另
卷七月土匪杜三元宋金元等千餘起虞城擾入單

縣隔河南泉堡知縣宋煒圖請兵捕剿先率勇役邀擊禽匪牛如噫劉狗等土寇再定充沂道厲恩官上言查嘉祥之滿家砦鉅野之金山向易藪匿土匪滿家洞額設千總一員馬步兵三十二名道光二十八年抽添馬守兵二十名共五十二名足資控禦近因調派出汛存兵無幾金山向未設兵亦於道光二十八年據曹州府濟甯州稟請於冬令撥兵駐防有案是滿家砦金山必須弁兵駐守庶匪徒不至竊發現已商之曹州鎮慶德擬撥兵五十名赴滿家砦交千總巡徼再撥兵五十名

赴金山附近之王家莊交守備黑學齡巡徼以清奸究
金鄉令楊鄭白亦請撥百兵駐羊山德從之德統軍援
懷慶八月回軍濟南而歿詳首卷九月巨匪周大中等起
荷澤之沙土集十月杜三元餘黨復熾單令盧朝安掩
擊之禽匪目劉會祥唐興文等數十土匪李年吳奎陳
狗鄒蕢王早立孔廣祿孫陶力周金標等數百起濮州
帶兵之杭州將軍瑞昌督營總奇凌阿恆泰慶豐書明
額等擊之賊馘無算土匪蕭克振等千餘起德平之重
興鎮于合莊白家集紛擾甯津邊境商河西北樂陵西
南巡撫張亮基檄參將吉興擊走之十一月檄前曹令

姚景崇率勇截擊土匪草上飛股眾三百於城鉅接壤
趙家集。然而自十月迄四年正月。土寇蜂起不少。袁莊
平之朱家樓賈家樓高院牆蘇家店東阿之秦家老莊
茄子李莊大小王莊陽穀之柳家莊聊城之洪寶寺連
莊果子王莊曹州之閻氏口荷澤之沈家口鄆城之王
姑菴多者二三百少數百餘。曉夜攻鈔莫知主名。其知
名者則聊之顧官屯匪徒陳員父子望西樓匪徒程盜
等最劇。檄聊令飭在籍按照磨李鍾連武生劉文率練
勇捕勦。二月檄荷曹鉅濮四州縣各募千勇。交良楷將
之專勦土匪。會粵賊由豐工渡河飄忽馳騁。連陷金鉅

鄆穀莘冠六縣。良楷勝賊事具前卷。同時土匪樊楷得王三托盤嘴。眾六七百。紛擾鄆濮。土匪解廣業等眾二百。縱橫鉅野。土匪耿新等。馳突東阿。土匪李三杠子。王五胎膊。魏大漢等。蹂躪陽穀。土匪陶三相。王方雲。楊二帽。纓張廣。居馬心寬等。乘亂踞金鄉。朝安因難民赴單相屬。三月朔。率千勇馳赴金鄉。鷄黍集。值土匪丁漆孟長信等眾四百餘。掠迤東民寨。團長副貢朱對壁率勇掩擊之。匪本鳥合。不虞官軍之至也。大亂。斬五級。禽長信張狗等八匪。全潰。會良楷代理。令胡春華引練軍至。遂復縣城。豐縣武舉孫蕙田乘粵賊陷豐。糾眾焚

掠闌入單境。朝安夜襲。禽之。致豐臬。斬當是時。粵賊方熾。土寇散髮被面。效賊結束。蹂躪鄉閭。報復團練。劫奪孳賄。燎原不可辨。良楷馳逐金嘉。曹濟間擊。斬功多。黃勇之名特著。而勢亦漸橫。亮基檄良楷引軍馳豐。單河干。遏粵賊續渡。良楷遣典史李允豫把總袁大武。武生柴振宇等分兵入鉅野。獲麟集。蔣家海與民團張蘭桂等。勦禽土匪蔣培。金張斗庚。花等巨股。而濟甯南陽湖。匪船日多。引兵由嘉祥至棗林間。率勇乘舫追之。沉匪四艘。轟溺五十餘。斬匪浮屠妙覺張丑等。回軍嘉祥。會土匪武舉李朝燕。李兆庚。李海龍。任來隴。張雲芳。馬景

成等五百餘起朝城之郭莊初二日熏夕冒賊狀紅白
帕頭入縣城知縣任騰蛟聞變出堂皇賊眾火槍及之
騰蛟忿怒責問朝燕等數十人擁之行擠入井而下石
焉。燔署縱囚斫傷百餘人而出於是四鄉伏莽盡起不
止數十股分犯觀城令垣力擊卻之請兵急臺司檄曹
鎮移兵赴勦遲久不至十三日良楷率勇馳至禽兆燕
等梟斬之時曹屬土匪張獅陶大山頓三李簫兒毛仙
精黃散劉二妮子李金犁杜黑子魏赫陸小兒徐杉林
姓等眾各數百號稱十三股合爲一股眾三千餘屯鄆
鉅交界沈家口欲先陷濮州次陷曹府正詩與都司唐

佐清千總郭齡鼇把總楊酉林偵知之。集營縣兵勇二千餘。越二日。分曹進擊。匪魁援旂麾眾旅拒。官軍三縱三馳之。斬百餘。禽呂秀成等八十六。匪猶確鬪。齡鼇酉林勇曰張九山等。手斫旂匪三。匪披靡。追之十里餘。初十。三十九等日。偵匪聚鄆鉅開州交界五界王家樓呂家莊張倭集曹莊諸處。正詩率沙土集巡檢秦邦慶。訓導孔繼虞。千總常國泰等。護曹鎮武隆額。前曹鎮三星保。分遣千總伊縉保。額外謔逢駟。經制田永魁。外委楚邦舉等。會之前後圍剿。斃匪無算。先禽孫文寅等二十一。再禽陳天鼎等五十二。馬匹刀矛鉛藥。舉之一日。

始盡。又引兵入鉅之李家海，斬土匪李人林等二十一。又引兵入鄆之辛興集、胡莊、文家樓、卞家屯，禽匪首呂中含等十七。又引兵入鄆鉅濮范，捕斬土匪張三榜等七十一。衣裝糧食馬贏無算，兵杖解府儲庫，餘以充賞。故兵團皆奮，同時權鉅野令陳應元者，廣西舉人。月之三日，甫受事，察知一月來四鄉控匪焚劫者四百餘起。次日詰旦，率城武練勇二百五十，鉅勇二百五十，以武生劉長清爲軍鋒，以城汛把總李進梁、觀音汛外委魏承卜爲左右翼，出縣南大義集，偵有嚴線者，爲東南金武鉅三縣匪魁，馬步二百餘，踞銀主廟、荷澤、馬豎、陳玉。

石郎頭爲之道。邏官軍動靜。乘虛抵隙。劫掠最熾。應元語長清曰。予在城武。線知吾名。故遁鉅境。今度吾甫下車。必不出。掩之可獲也。長清曰。然。夜五鼓。率勇突入銀主莊。線引眾格鬪。斬張佗等二。禽線及玉石郎頭。張田。張本。吳攸。法。賈用等三十八。越一日。偵匪首陶七怪聚陶家樓。有線黨逸匪先至。應元行距不半里。遇馬匪衝陣而過。應元曰。疾馳之。五百人擁而入。匪整裝將發。禽七怪及陶庚陶丙辰等十二。長清追至金鄉邱官屯。又禽張如兒等十一。獲兵杖糧藥衣囊累數十車。初六日。擊匪寇成等眾。義河集。禽成及劉二貓等十五。初七日。

擊匪卜廣松等卜家樓匪甫從城武畢樓橐載回巢應
元長清分道掩之禽廣松及卜蜂兒等十三盡獲其孥
賄初八日擊匪宋雪等宋家樓初九日擊匪蘇兒兒等
馮家集初十日擊匪徐懷綠等耿家海皆禽斬數十獲
匪分隸各隊同縣鞠斬其不可赦者線玉石郎頭七怪
成廣松雪兒懷綠等六十六一夜復出擊匪謝義
集十二日擊匪趙家廟十三日擊匪核桃園古道莊十
四日擊匪解家莊十五日擊匪三王家莊五日之間陣
斬不計禽匪謝景平潘大腕謝攘業李拚頭姜廣漢畢
蠻等九十有奇斬梟四十七級餘者縱遣之於是四境

肅然應元名聞數百里盜賊深潛跼伏聞人足音輒驚顧曰鉅野陳官來矣輒自刎其威稜如此粵賊方趨臨清館陶東昌所在騷動亮基檄良楷專剿鄆鉅諸縣土匪恩官專剿陽壽東平土匪旋調恩官隨營擊粵賊乃咨前漕運總督李湘棻由江南回軍山東會剿亮基旋獲罪遣戍新任巡撫崇恩檄都司王殿元擊土匪臨清城西隴窰莊葛家小莊斬薛玉旺王明亮等數十檄前臺莊營參將玉興分兵擊土匪東昌時臨清已陷欽差大臣勝保將軍善祿攻圍之而土寇勢浸盛輒戕官軍單騎偵賊轉饋者四月勝營官兵吉升載兵仗道

館陶爲土匪吳基紹等所奪。營員方鳴恩被掠於尖塚。土匪默特札薩克官兵行出堂邑西布寨爲所殺掠。臨清土匪郭膺豐禿子起。鄆家園民團導官兵禽斬之。東阿滋露村民團周光碧等勦土匪甚力。斬杜山等數十百。鄆城土匪尤枕兒眾二百餘起。尤家樓陳三和眾百餘起。陳家樓勝保奏言山東土匪四起。臣營吉林委參領阿昌阿防禦盛安委驍騎校額勒德恩布等帶兵二十餘。臣善祿營驍騎校札音阿等亦帶兵數名南行偵賊。抵臨清之南姜家油坊諸處均爲土匪劫殺。有詔嚴責崇恩。然各郡縣自三月至五月捕治禽獮多者數

十少則五六級。皆不勝紀。崇恩亦奏言。除陣殲不計外。已禽斬五百餘矣。先是三月二十六日。官軍收臨清。粵賊率眾南奔。所過州縣土匪冒賊焚殺。多爲良措破走。四月初八日。粵賊方爲勝軍所追。道鉅野。不遑停趾。而鉅匪馬鳳山、李觀容等迎賊賄留。糾眾應之。代理令郭叡守備孫丕成偵知之。捕斬鳳山等數十。城得無陷。五月。檄前兗州守岳齡、青州營守備溫長溥赴德州桑園鎮緝匪。六月。臨邑革生王鳳嶺與馬遵械鬥于寨樓高廟。檄恩官引軍彈治之。時應元權濟甯州事。親赴嘉祥禽匪首魏黑兒等。狼山屯紙坊集禽匪首高青田等。曹

家莊禽匪首李孤范尤玉等李家山擊散匪眾獲其兵
仗火器遂詣金鄉率令胡春華把總朱邦憲檄魚臺令
李琛把總石占鰲引勇役來會掩禽巨匪周大中等興
龍集日色未晞部勒勇役圍其居大中排牆走春華逐
之入叢秫傳噓全軍陸斫而入大中與死黨陳倉磨刀
距躍刀及馬首應元舍騎又戡其顱邦憲等遂纒之并
縛倉出莊復禽馮膺陳梨張清啊張管塘吳平李周等
訊之具服自道光二十五年糾眾行劫同惡五百餘人
今則分布各營充勇上年九月與官軍戰於沙土集遂
斬首梟之越三日掩禽匪首郭振卽郭龍張婆等陳家口

越二日。掩禽劉振等劉家廟。越日。掩禽婁三盛等羊山。得刀杖百十七事。悉置羣匪於法。正詩與曹右營守備孟均霑等。亦禽匪蘇箭兒等。鄆鉅間蘇家集云。

山東軍興紀略

卷十之下

土匪二

四年七月。詔崇恩曰。有人奏河北銅山豐沛新起土匪張彥李大選杜師杜午等眾千餘在河湖虜掠崇恩檄武定營遊擊郝上庠捕之。八月初五日。匪艘四十餘載眾三百順河劫奪犯大泉汛。上庠令守備盧儀外委趙長春引兵馳擊。沈匪二艘。越五日。儀等復圍擊之。虎莊奪匪艘一。禽匪麻玉坤等七。而距大泉二十里之段莊。匪艘二十餘。載匪五百許。闌入大泉。上庠密會銅山兵團兜捕之。始退。二十三日。童正詩鄭蔭南郭獻與

把總李選齡王東洋等由都司集巡徼至沈家口禽匪
黨霍湘等至濮州彥張莊禽匪首張嘎等七至劉家寺
徐家垓太平集善福寺任家橋禽匪黨苑豺等十五兵
仗鉛藥筋件以百計是月陽穀土匪蔡烏李洛成等壽
張土匪薛洋陳迷糊楊怪物等東阿土匪徐歪脖等眾
各二百有奇燔掠東阿譚家莊朝城呂家海諸處往來
飄忽出沒無定陶三相張廣居王二雪等復糾眾乘舫
出沒南陽湖燔掠魚臺之兩城鎮陶家樓李琛石占鼇
捕之禽匪復爲所奪九月江南徐州鎮道擊匪獲勝匪
首彥遁入蘭山二十日滕令張文林報匪十二艘登岸

焚掠應元方率勇役赴魚臺遇周大中餘黨擊走之又
至金鄉禽陳邦述郭振等皆積年匪魁於是各郡邑辨
團詰盜築柵守望益密守令類能上馬馳逐橫稍搏擊
應元尤能聲洋洋所至盜賊夜徙如避霆電威聲邁良
楷而上之良楷已除濟甯直隸州因督勇勦賊臺司檄
應元代蒞州事不半年濟甯大治有道不拾遺之美黠
盜皆投身捕役竄名尺籍中牧令名捕之而盜立仗下
噉應急之輒走應元患之五年正月應元偵匪魁三相
匿金鄉捕籍十二日以赴鞠曹獄道城武廉得實乃挾
城武令汪蕤先發檄金鄉令許濟清以時至夜投縋入

縣城比明圍三相宅索之三相率黨陶振趙豁子劉見
王二雪方屎等百餘乘屋塞門以拒應元勇役壞門毀
垣入振等露刃衛三相走應元瞋目叱之二雪屎斫應
元傷重而殞蒯濟清奔救三相跳事聞崇恩檄兗沂道
達鏞都司孔繼武率勇馳勦令郝上庠姚景崇引軍會
之先在羊山擊夥匪之來應三相者斬數十級三相等
匿民舍官兵焚屋出之纒三相振等五十三駢斬四十
一於市 奏卹應元建祠濟甯從民請也奪金鄉令職
餘黨逃走正詩獻與曹標千總伊縉保楊西林等追捕
其黨強貴陶明陶懷於羊山李二變於金鄉城南楊景

等於鄆城賈家屯掩陶大三等董家樓不獲得其百觔
巨礮一槍械百餘二月高唐禹城間土匪李克成劉李
長王大剛等復起禹令林士琦遊擊王鳳祥率兵捕討
之斬二十三禽十有二旋定三月莘令孫■獲土匪
于二松於境之李奉桃莊時土匪霍明堂等起鉅野王
三托盤嘴起菏澤趙二八狗楊二帽纓起濮州王敖起
鄆城眾各數百四月匪徒張林袁乙等糾眾冒稱赴馮
官屯大營鄉勇時僧王大軍圍粵賊馮官屯詳前卷止宿汶上之開河夜
將半號嘯焚掠當商而去知縣蔡德沛得報追捕弗及
懸金購夥匪霍墜等十一斬之未幾官軍復馮官屯粵

逆盡殲土寇。大定惟是年七月。城武革役李瑞糾眾入城。劫署知縣鄒嶧麟。率勇捕之。火器殲瑞及黨黃標等數十。乃定。八月。則馬心寬斬明寬賈山雞等數十人。出沒隱見曹濟間。不爲大患。九月。正詩與曹標外委張在興董富經捕斬匪首李廣爲邵銀頭等。荷澤之沙土集查賑知縣繆玉書獲匪首王勺等。鉅野文家樓十月二十四夜。有匪賈二麻等數十人。投繩入濮州。劫富室。贓累千金。十一月十六夜。有匪戴靠得戴合鵬等。糾眾乘燧闖入魚臺城。劫富商。知縣趙開元千總楊晉擢等率兵役格鬪。禽合鵬潘獅等。因撲火匪遁。十九日。江南賈

奏官爲土匪掠於紅花埠。十二月，鉅野巨匪孔繼雙、城武巨匪畢東元、金鄉巨匪張獅等，聞皖匪張樂刑萬餘擾人豫疆，連陷虞城、夏邑、曹州大震，乘亂糾眾各三四百，大掠數縣間。六年二月，有匪夜入鄒縣城，另股匪眾千餘闖入東平境，回旋鄆城。崇恩統軍親赴東平。三月，樂刑逼東疆，詳皖匪卷遣黨八十人潛入曹屬，糾眾赴蕭碭復仇。土寇復起，王三托盤嘴、張花輪、蘇木杠子、樊拷、得樊大判、遂保和等眾三千餘，起菏澤，賈軍屯濮州，劉家寺爲捻內應，脅農民剪髮爲記，紅帶黃幟，自稱皖捻。燔掠尤熾。二十二日，鄆團趙康侯、季錫魯等，鉅團康士懷

魏肇潼等討擊之。匪走安興墓。民團圍之。匪敗。由太平集南走。逼曹陶。二十六日。闖渡洙水河。崇恩令膠州協副將定順將滿營騎兵駐曹府。合良楷練軍擊。鄒正詩與鄆令楊烈定陶令楊傑遊擊王殿元各引民團。合三萬邀之。半渡斃匪千餘。禽花輪木杠子及王占鼇董大開楊榮陶版陶招等百三十七。溺死無算。拷得托盤嘴等竄豐沛土寇頗斂。會江南軍募勇徐宿東民赴者千餘。抵清江。倚眾攘奪。官軍擊之。傷殲二百餘。竄回者八九百。時四月下旬也。曹屬四野轉相恐動。謠詠紛起。各縣往還偵詢屬道。迄不知匪在何縣。五月。濮之伏春集。

有匪徒張殿乙段武魁等眾四百餘舉事崇恩檄殿元與州判吳樹春引兵討擊之匪散走檄留營之曹州守陳顯彝率騎兵逐捕巡徼顯彝分飭上庠出曹單正南大義集章縫集田家莊金山羊山爲一路良楷出正東鉅野金鄉嘉祥爲一路定順出東北玉皇廟太平集龍堦集黃姑菴爲一路殿元出西北濮州趙王河西岸黃河水套爲一路荷澤定陶兩令詣正西沙土集安興墓孟家海柳林集半接隄爲一路大索十日訊斬二百有奇再禽張三罪呂大寬等一百有奇再禽繼雙及李膺何貳咭吧馬小廠侯慶瑞侯西歧李黃山楊百幅等土

寇定者累月七月陽穀土匪李三扛子等二百餘掠聊城境兵團逐之而沒八月運河道餉鞘被奪於高唐二十日有匪夜入曲阜城劫市肆殺人九月廣東驍騎校伊勒哈春被掠於平原十月捻警邊防復戒嚴土匪大小數十股復起盤聚梁山張飛垓韓家海諸處汶上令齊世禧率兵團討擊之匪勢眾兵團負傷而退守備錢開泰引兵二百赴勦怯不進崇恩檄良楷及鄆城壽張東平濮州牧令率兵團陟擊始散竄王三托盤嘴陶大三等復出沒兗曹間崇恩懸金購禽托盤嘴者白金五百大三滅二並獲者金千十一月另股徐呬血等謁豐

沛饑民二千餘黃巾抹額乘大艘數十入飲馬集安興
墓築柵河之南代理曹州守張文林及殿元正詩烈傑
等乘舠率勇勦之匪勢盛十九夜聯旂渡飲馬以東之
趙王河黎明十餘里民寨皆張藍幟難民蔽川原次夜
官軍舍舟銜枚進擊號召民團三面圍之楊西林及外
委張在興先擊之而勝匪卻走把總王東洋胡鳳池張
鳳藻陷陣盪決飢民先奔匪大潰康侯等麾民團縱橫
輅之斃數百禽者百二十有三陷淖墮水無算呬雪殲
焉托盤嘴竄伏梁山滿家峒合另股土匪王方雲楊雙
烙集饑民二千餘旬日間紛擾張汝鄆鉅單金嘉魚八

縣兵團所在捕逐之。匪敗入江南。上庠及單縣營千總文英知縣范鵬程引兵團出其前。合豐縣兵擊之。時十二月初十日也。匪回奔金鄉之霄雲寺。兵團圍之數重。托盤嘴援旂引眾鏖鬪。金鄉令胡鳴泰陷陣斫賊。兵團益奮。匪潰亂不可支。轟斬首夥三百餘。禽方雲狄兒等四十九。追之三十里。又斃二百許。禽雙烙曹娜等百五十五。餘者斬散略盡。托盤嘴隻身行入村塾。塾師識之。欸以酒饌。托盤嘴以爲昵已也。止焉。被酒引枕臥。且酣。塾師抉巨石擊其踝。骨折起而仆。鄉民纒以鳴於官。塾師姓氏無聞焉。在事文武。奏賞有差。時御史李培祐

奏言定陶徐家樓有匪魁徐禮集遊民逃犯肆劫東明
南宮邯鄲諸處潛通吏役日久恐成巨患 詔責崇
恩嚴兵搜捕並 命直隸提督雙銳引兵來會顧曹
屬自捕斬托盤嘴諸匪後土寇大斂惟有小股胡咽姚
二鑿子任鏡清等數十人未獲陽穀之徐家樓有匪趙
丕增徐麻五等數十人草竊鄆鉅間不聞徐禮之名崇
恩奏言已派知府來秀遊擊莫爾根布馳往地方尙安
謐可毋調雙銳客兵入東得 旨允之旋捕咽丕增
等數十訊知果有徐禮者么蟲細孽不若培祐所言之
甚也而土匪張二科袁車兒田書儉等百十爲羣嘯聚

不散。崇恩檄顯彞討擊之。有任廣風者，鏡清族也。爲曹奉閣所殺。奉閣繫鉅獄。久鏡清聞官吏狃於救生不救死之說，必舞文以鬪殺成讞。可邀寬典。鏡清二科等糾車兒書儉等眾二百餘，十四夜闖入鉅野城，破獄殺奉閣。悉縱囚徒而出。顯彞軍逐之，禽二科等百五十有九。陣斬四十餘。兵仗火器稱是。月二十三日，李三扛杜大矮骸孫大漢路二憨杜廣文楊烏李共獍楊大罕楊癩崽等九匪，各糾眾數十百，集陽穀之郭店屯。知縣沈善濟聊令德銓分率勇役捕之，斬匪二十二。兩縣亡勇相等。至七年正月十日，匪復嘯聚沙鎮。善濟自引新勇八

百勇目李育堂沂勇二百合德銓擊之匪縱礮旅拒良久敗奔善濟德銓追至後梨園莊斬級三十九禽九十餘走定水鎮西北善濟請兵會剿顯彝方擊匪汶上卽引開泰官兵三百鄆勇二百汶勇百遊擊信長慶兵二百都司張遇祥兵百五十赴之檄府經歷高一枝外委趙守明率勇二百駐東阿檄通判李伯祥督康侯睢希昭等民團五百分駐范壽知府李德增把總朱達濱率勇分駐梁山左右二十七日顯彝軍至阿城長慶開泰府經葛慶桂未入韓文朗等分引兵勇擊匪楊架莊回林寺禽王五鐵胎膊楊烏等二十二餘匪潰逃二十

九日遊擊莫爾根布府經歷龔逢詔何其傑等擊匪宋家隄口州同錢枚縣丞張俊傑張鎮全等擊匪坡李家莊知縣陳善典史錢豫等擊匪王把什莊顯奕率葛恩榮陳寅吉張贊勛等擊匪九都楊莊禽廣文共獍獠患等四十五傳首犯事地方二月前兗州守岳齡率莘團孫清溪等禽三短駝二憨等三十四初十日禽扛子直隸磁州先是顯奕之勦匪鄆汶也臘月二十五日令其傑逢詔康侯引兵團扼硝皮口次日自督長慶遇祥軍至侯家寺匪首侯士攻引眾拒遇祥突陣斫殺士攻匪潰陳烈率硝皮口民團芮廣益等圍捕之禽李螳等四

十七。礮械百餘。把總盧鳳彩。禽斬柳條圈。伏匪錢名。遇
等十二。千總李毓鏗。禽斬惺惺屯。伏匪賈客等八。齊世
禧。都司保德安喜。禽斬管里村張飛垓。踞匪王二。摩天
等二十八。鄆鉅諸團先後禽三百有奇。壽張東平亦斬
數十。大致靖謐。開泰駐兵拳家鋪。以資彈治。泊正月。顯
奕分兵至壽張劉家樓。禽匪首劉獻。劉學燕等數十。斬
辛家莊。踞匪武欵等十八。十一日。移軍紅川口。進飲馬
集。先令長慶駐兵黃姑菴。外委王金偉。民團李錫魯。郭
錦渡河西。知縣陳慶成。千總郭豐。芑繞西。扼擊。長慶軍
擣紅川。禽毛常等二十。槍械稱是。世禧先後禽徐良人。

等三十六禽蘇見中等二十六斬韓利福等靳家莊十
五日顯奕令莫爾根布錢枚未入姜寶琦擊匪荷濮交
界麻糖寨匪聞捕竄厯山廟伯祥慶成濟甯州判蕭湘
與逢詔其傑俊傑文朗等引兵由飲馬集馳會之匪縱
礮突圍錫魯與武舉沈遇榮陷陣斬馘二十餘禽張鈴
子等四十四其飲馬集敗匪遁入壽張之裴城寺知縣
方振業委員方以智率勇渡河掩之禽王振等十七令
傑掩獲匪首馬心寬及巨匪劉占考餘黨施狗等軍家
屯荷曹定鉅濮范金東汶陽壽聊十二州縣先後報獲
七百有奇土寇大定崇恩詣曹州酌減各縣練勇及曹

標餘丁以節經費。七月直疆廣平土匪之入城燔掠也。知縣李某集役捕逐不勝負傷。匪發庫兵縱囚徒奔南樂散入東疆館陶濮州直隸官司文牘輒言山東館邱土匪句合廣平土匪所爲。責東曹守令加意捕治。八月邱匪褚洛友孫五大王起褚家莊闌入曲周知縣某擊之奔回邱之坡裏莊禽郎二步雲楊月亮等而孫烏等復起邱曲交界大王廟二十三日復有范縣土匪丁書堂元志祿等數百人掠南樂縣王家莊知縣鄒淑裔引勇圍追捕之至王路集禽志祿等書堂奔匿觀城東旺莊於是巡撫檄知府張鼎輔戴肇辰分詣東曹督逐堂

令張逢王禽匪仲蚊蟻等四館令彭啟昆禽匪宋園等
十博平令趙■禽匪李順等二是月土匪元和義孫
黑等數百起東平旋定九月逢王再禽廣平餘匪高麻
式等十五鄆令何允安禽匪葛天順等十一冠令朱瑞
果禽匪李上達等四濮牧方傳植禽匪蔣谷渠等三博
平令趙■禽廣平餘匪侯鬍等四十三月朝城令
胡■禽匪李鬼毛等四允安再禽王斗等三皆廣平
逸匪也惟匪首南樂曹乙清豐何混范縣丁書堂高桐
冠縣張九城朝城李庭相鄆城劉四反叛路瞎子等亡
匿未獲是月世禧偵梁山東南鄆嘉交界李莊巨匪胡

泗等復聚二十七侵曉令縣丞王鵠從九李嗣亨把總朱達濱引勇掩之向家莊禽泗胡文德等於是曹濟之間伏莽禽獮遠竄桴鼓不聞然而凶渠大懟悉入江皖豫三省投身皖匪幅匪爲山東此後大患者垂十年別詳後紀未幾有匪徒廉搭拉劉興剛石三聳子馬獅大王等眾數百焚掠東明開州與菏濮范鄆壤相錯也數州縣同時戒嚴崇恩檄牧令分引兵團遮擊十一月初四日匪竄毛湘河之東焦邱集迤北連達寺聞東軍且至匪欲渡河而西府經歷范承霖練勇三百先及匪菏澤之薛家樓沉匪二艘禽興剛等十有六而匪焰張甚

范令上言請派大員督勦崇恩檄曹守童正詩遊擊信
長慶引兵至臨濮集與直軍開州協副將田在田會捕
之禽羅可義等五餘匪由開之柳下屯入豫疆濬滑林
淇湯陰五縣豫軍堵擊之

不詳

叙回奔開之張家樓直軍

擊匪兩勝之濮州孫村寺東明徐家莊禽者數十十六
日長慶等引兵團由濮趨開次日追至嚴家樓郝上庠
由單引兵來會匪卻走官軍逐之禽三十有奇兵仗稱
是牛羸倍之匪退屯張樓迤東廢寺官軍陸擊之令居
民戶出束藁環燒之與寺皆燼於是書堂傅二狗臍白
法興董石乙任三騶等偵官軍出境糾荷鄆濮伏匪黎

自省等千餘於二十一日刑牲歃血箕山之陽民團范治邦等赴勦爲所挫上庠等方歲役馳回戰匪箕山千總劉占甲陷陣入兵團隨之匪敗傷斬五十餘禽董志等二十五匪奔濮之葉家莊乘泚渡河官軍礮壞其泚溺死四五十緣道民團禽谷小鬼等二十有六書堂與悍匪李四雙刀等匿范之六家集越八日張在興偵知突入掩斫斫守匪二匪眾三百餘出拒官軍全力縱擊傷斬自省石建章等八十有奇禽四雙刀等三十七委棄兵仗滿路餘匪泚水轟溺死者七十餘獲其三艘是役也上庠功最十二月逢王瑞果卒禽匪首廷相於

清河之鴨河同時肇辰與知州王元治縣丞姜顯謨從
九胡潛禽匪劉大枕等二十三傳植禽匪諶山等六尤
安禽匪普三等九觀城令曾禽匪武來香等四定
陶令蔣禽匪尤闖等十九惟搭拉書堂不獲八年
正月李培祐疏中所言巨匪徐禮自徐州潛回壽張之
王糞車莊劉占甲范團李心谿等掩獲之肇辰蔡迎暄
等禽巨匪趙二八狗王敖於鄆鉅間守備武殿元等禽
馬獅大王等六范令邵把總聶廷瑞等禽傳二狗
臍等二十千總郭殿英禽湯二和尚等七把總胡鳳池
外委董富經等禽陳鳳林等三十七傳植禽王贏等十

八二月東阿令樊文達禽匪陳丑於聊城三月知府潘駿文知縣周丕灃許寶名禽匪侯臭董八戒等皆搭拉餘黨也時搭拉改名雷峯率死黨王响力等潛入豫疆商邱城南順河集范承霖率荷團千總趙烜踪跡掩之四月初九日漏四鼓兵團圍其居搭拉驚起斫傷數勇而逃烜逐由馬牧集入永城縶之八月豐縣土匪馬隊二百餘突入魚臺之皮家莊帶勇官未入許有源帶兵官都司蘇泰合軍擊之追至裴家廟斬級奪馬而還又土匪侯黑等數百人起荷曹錯壤之雙堦鋪何家樓遊擊哲克敦荷令傑引兵逆擊匪鳴鼓會戰自已汜晡擊

殺三十餘禽十四匪潰走。又鉅野新興堡土匪數百，勢寔盛。知縣黃鍾岳擊斬十五級，禽陳庫等。匪奔西南，又距金鄉七十里之鮑家樓。豐境逸匪陶版、謝順等燔掠，特熾。眾幾三千。知縣王朝翼遊擊劉奉祥等擊走之，而城定。曹單間土匪百十爲羣，不可數計。曹守童正詩統兵駐單，分路捕斬。知縣姚坤復、縣丞李杜等逐捕土匪於城武、禽楊振等四十餘。土寇旋定。旋作者累數月。其時蘭知滕嶧蒙費間棍幅各匪抄盜方熾，事具另卷。又捻匪自春徂夏，擾江豫，逼東疆，入秋益甚。圍單、圍曹、攻嶧、陷城武、逼魚臺、濟甯、陷金鄉、困鉅野。捻眾初在城曹境。

天女廟青堦集團築土圩周五六里捻退輒爲土寇所踞。汜乎九十兩年沿邊兗沂曹濟三府一州屬邑曾無甯宇。黠桀無賴游民皆入賊中。故腹地府州晏如。抄盜差鮮。惟十年四月詔下文煜有人奏江東接壤州縣緝捕廢弛。山東郟城至江南驛路土匪蠶起。有武舉劉一舉近因捻匪蹂躪揚言糾眾禦捻勒索行旅。寢成禍端。著卽密訪辦理。文煜奏言臣先於月之二日派署運司明新。充沂道王觀澄赴郟查辦匪勇。據報紅花埠行旅經由必出買路錢之事。查距紅花埠十二里劉馬莊宿遷武舉劉一舉盤牙兩省邊境大爲行旅之害。已

行徐州道並傳振邦調徐防兵勇會勦臣亦飭青州營參將梁愷赴之斷不敢稍分畛域疏入報聞未幾鄆匪張志岱王懷錦等糾人豎旂鉅之太公集鄆之新莊集閻氏口玉皇廟民團逐之而散七月鉅野土匪苑禿子嘉祥胡山城武宋金龍馬映宸等眾各二三百冒稱民團道魚臺強索衣糧入豐沛湖團尋覺回掠魚臺舊城李家溝諸處知縣趙溶引勇逐之遁走八月豫撫慶廉奏言直東交界東開等處土匪傳帖惑眾與曹縣土匪侯大水牛等往來潛合請敕下直東會捕其時省城兵備空虛文煜引軍北行署巡撫清盛出省禦

捻有浮屠大安與朱伯玉等潛謀糾人劫獄掠奪期十五舉事爲知縣朱鎔歷城令吳載勛等訪獲駢斬於市九月捻犯曲阜土匪廣梯廣元昌宋榮焮屑珍卽焮三香四炁五等乘亂圍城會兗州鎮富新翼長色爾固善追捻道曲擊斬樵等屑珍等遁十月東平壽張間黑虎廟土匪王連舉等傳帖糾人知州王錫齡知縣鄧馨設計捕逐兩日而定連舉跳走當是時皖匪大擾曹州屬邑土寇蠭起以征剿皖匪爲名自稱曰一心團又曰長槍會曹縣則劉景山王景崇王禮坦蕭百如等起郭家樓鉅野則張四鏡荷澤則王鳳琢定陶則祝振清城武則

李興瑞等起茅家胡同蘇家集陳家集新集沙土集鉅野西南柳林集定陶東北孟家海陳天王廟姑姑庵黃店城武之王家堂鄆城之梁山所在響應眾幾萬餘民團皆散而入會又有苑三禿劉麥孟光文等眾皆千餘蒨澤團長生員焦瑞麟卽焦桂昌董朝清劉前郭秉鈞等則首鼠兩端鉅野團魏篤趙康侯等皆上言群情渙散不能彈治請迅發大兵文煜令守備謝炳知縣王朝翼引勇千餘赴鄆辦團大臣杜翻檄童正詩楊傑定陶令武燮率團周臣弼等擊之沙土集禽鳳琢及張東海等篤康侯李文耀等分路掩獲四鏡振清興瑞及薛九元等

土寇略定

一、北草堂編撰

山東軍興紀略

卷十一之上

土匪三

十一年春。捻亂益深。

詳另卷

土寇勢益甚。二月黃縣有劉

文彬李得基姜齊緯等各糾數十人集城西舉事。遣黨持牲牢迎捻於沙河店。官司兵團聞而掩禽之。三月土匪馬步三百餘由平原臨邑入禹城二十里鋪掠石賓王等五家。又掠千戶屯許家堂。逼縣城。知縣陳某登陴而守。匪由臨邑田家口去。又張秋鎮土匪僞元帥石懷謙湯連珂等糾眾起應。邱莘教匪。又城武紅旂土匪黨凌漢等眾千餘攻圍楊家樓寨。又土匪蔣嶠李章等千

餘起東平州姚家莊又朝城馬老莊舍利寺范縣之舊城鳳凰臺鉅野西北昆連鄆城之鹽市口井家莊旂竿廟濮州之羅家口閻氏口土匪劉四反叛李天經岳振標井文一杜玉珍康興年等眾五六千紛紛豎旂股遣黨羽詣魚臺之穀亭集導捻內犯由范縣羊兒莊濮州楊家集呂家集掠船渡黃逼濮州城北火光互數十里專辦防河之四品京堂聯捷頓兵不進知州范允中把總胡鳳池登陴而守初四日黎明匪奔西北入觀城境其河東羣匪大擾鄆城之呂官屯攻汶上之梁寶寺團民轟斬其九傷數十夜半匪火圩外民廬大股退屯西

南黃德集東南諸縣皆震時 欽差帶兵侍郎勝保

奉 旨由景州而南聯捷奏言匪踪西竄恐擾入

畿疆請 敕勝保軍由西北兩路進會另股匪眾竄

陷直隸曲周 詔下勝保迅速南行而邱萃教匪方

大擾東昌連陷邱冠萃館堂諸縣界連曹屬觀朝濮范

徧地皆賊四五百里間鉦鼓烽煙聲色不絕土教諸匪

分合出沒不可辨其著者范縣廖家橋廩生王來鳳即王

儀號稱辦團糾濮范數十村眾推爲堂主儼襲皖匪

故態來鳳遣黨橫行居守不出凡同時股匪如董道平

毛得平陽穀股匪張東岱鹽匪王存重教匪房士林房

山更通典已錄 卷一 一之二十三 土匪三 涇北草堂編撰

興林高占玉董清吉趙倫成等股惟所指揮與邱莘教

匪合勢東阿陽穀民團皆敗匪黨分屯阿城七級張秋

連陷陽穀朝城觀城圍壽張詳邱莘教匪卷十七日陷濮州學

正馬洪基被害匪自濮州北境汜壽張之竹口止計程

百三四十里築砦立卡翁闕相通分股千餘擾豫之內

黃縣楚旺鎮突奔直隸南樂城大掠而出直軍擊之而

東與另股張三侯玉林姜長毛等千餘合東軍禦之奔

回南樂之韓張集知縣蔣志鴻率團擊勝之匪奔東南

來鳳又遣道平等引匪數千由濮趨觀勝保檄大名守

劉煦率勇赴清開整理民團便宜禦擊東匪煦軍遂折

而東由六塔集赴觀至西陽曠聞礮聲飭南和令劉錫
穀前武邑令張黼榮引團南進贊皇令蒯遐齡南樂令
蔣志鴻引勇北進知縣任凱引開州勇守備陳康裕率
天津兵煦督縣丞劉季坦薛勇扼東南縱擊之代行觀
城縣事典史呂輝蔽等喊殺內應匪驚解圍走煦斬級
數十而還顧東昌西南萃冠館朝觀濮六州縣道路阻
塞官吏不知存亡惟觀城令懷印入省乞援七州縣無
兵無官鄉民良懦黠桀悉從賊教匪鹽梟土匪莫可辨
別范縣城孤懸河畔知縣彭錫齡請兵請餉臺司不報
守二十餘日糧盡援絕二十二日申刻土匪偽元帥馬

心敬眾千餘環城焚掠錫齡涕泗誓眾登陴勇役吏民七八百人勸衝出求救錫齡泣曰衝突出城僅以身免何以示百姓錫齡有死無貳爾曹速去吾固知城之不守也戊刻賊由北城蟻附上火蛋火箭雨集煙焰蔽空城缺頃刻成路錫齡手及二賊身被刀矛傷昏暈踣地民勇擁之去死而復蘇直軍遊擊吉忠阿壁南館陶小灘鎮防河京堂聯捷將兵壁大名奏言查賊由楊家集渡河奴才迭飭山東地方官嚴防乃州縣恃非奴才所轄玩視札文應請旨將濮州知州范允中革戍軍臺范縣知縣彭錫齡派勇駐防羊兒莊爲范允中一言

解散不卽整飭致令渡越亦屬疏防一併嚴加議處四
月另股匪眾千餘屯濮范渡口來往守船運送輜重另
股數千再入曲周南樂圍攻威縣大名蔓及開州元城
肥鄉邊馬入豫之臨漳縣回龍集內黃縣泊口集河北
鎮總兵牛浩然彰德營參將穆特布勝之句村離楚旺
六里
匪再奔大名而濮范黃河以東民寨紛紛從賊其故起
於鄆鉅等縣團總自矜禦擒有功橫行曹屬生殺由己
斂費無度地方守令條教號令不及團總片言而曹州
自咸豐四五年以來夙有官募練勇數千自備長槍名
曰長槍會義勇守令聞警率以禦賊稟請臺司動支正

山東通志卷之六十一 四

賦廩給日久糜帑甚鉅臺司停其廩給守令張空孝益

聽命於團總於是曹守童正詩荷令楊傑等因練總倪

廣和即倪和尙郭秉鈞郭廷珍生員焦瑞麟即焦桂昌董執信李

標王廣繼田効曾常連佩等赴懇團練苛斂強橫我等

既為官練隨官禦捻又無例給口糧不應再出國費正

詩等聽其言論告團總當時無敢違忤而長槍會練總

宣言號召入會者日多團總之權日綱因與練總尋讎

構釁牧令不敢為左右袒團總投身僧王大營言長槍

會包藏禍心急宜征勦并言牧令庇匪害團王大怒遣

騎將引軍合趙康侯民勇壓境捕治會眾大譁謂地方

官庇團給我於是河東南則倪和尙

即倪和

高丕振等管

領金鄉定陶城武鉅野菏濮各團寨奸民河東北則劉
占考丁書堂等管領鄆城范縣壽張東平各團寨奸民
以及散勇數踰五六萬值皖匪犯境遂合捻鬪團圍攻
趙家樓陷之團長守備銜趙奎教諭趙在田皆戰歿團
丁死者千數百連陷鄆鉅百數村寨初五日黎明倪和
尚等眾近萬圍攻曹郡正詩與僧營參領桂祥前曹縣
令王光綬等登陴轟擊傷匪百餘始卻盡焚附城民廬
三晝夜火不絕初八日引眾向西北小劉集去次日占
考眾萬餘自沙土集以南飽掠而回勢再逼城下僧王

所遣援軍幫辦軍務都統西凌阿騎兵阻賊不得前曹州閉關二十餘日吏兵不得眠食皆無人形勢幾陷康侯上言僧王自願就地籌餉剿會匪令富者盡力捐助入會之家概行抄洗志在假公以快其私王疑之康侯夜造幫辦軍務侍郎宗室國瑞言之國瑞爲言於王允其請十四日至嘉祥會隊十五日進兵縱火而前輦饋資糧畜繫錢帛者獲免曹州益大亂哭聲盈野地方牧令諭勸不止彈治不服杜翻與巡撫譚廷襄遣使持檄旁午於道禁遏不止文函告王王不辦漢文牧令親詣王所不得見國瑞見之語甚秘王賢國瑞所賢否所否

以檄巡撫巡撫不敢悻也旋奉 詔以僧格林沁奏

童正詩不恰輿情良莠多所顛倒袒護以致民心不服
著譚廷襄查明參奏時羣匪分股五六千競趨河干覓
渡接應渡黃前股又與邱莘教匪相犄角豫撫嚴樹森
奏言聯團所以禦賊也今則爲賊附翼矣防河所以阻
賊也今則爲賊熟徑矣揭竿響應糜爛千里濱黃天險
失此保障豫中河北三府賊氛環逼邊馬又窺楚旺志
在因糧以致漕艘不能開行且臨清東昌運河兩岸均
爲賊踞屢搶鹽包商船停運請 旨令防河大臣聯

捷迅將直東兩省黃河渡口賊縱堵截並掃蕩大順廣

一帶賊氛以靖畿南而固河北疏入報 聞又另股土匪侯曰賢張克烈李大勇等眾數千起鄆城丁家掌張八卦旂偽號有四相八帥四先鋒入汶上西南鄉分二股一回鄆城一入汶上張家樓知縣梁文鈺集團於二十夜由袁口河西掩擊之會僧王飭南旺湖官軍來會次日申刻圍之數重禽曰賢大勇等八斬級百餘餘眾散走另股土匪劉成先劉紹乾郭景輝宋三毛張桂庭戚恩明等眾各數百張藍旂焚掠周五六十里圍攻東阿縣百母山民圩陷之又陷壽張之蔚家圩土山圩移逼東平城知州范鵬程擊卻之又土匪千餘起夏津冒

稱團練赴臨清防河。知州彭垣參將信長貴成志出拒之。匪由夏津紅蓮寺掩旗臥鼓而遁。廷襄奏言東省連年捻擾皆由魚臺入鄆鉅。或從鄒嶧歸巢黃河以西。尙未能偷渡。今則東昌士教各匪鳴張多係附近不逞之徒。生長於斯。賊來則羣相附和。賊去則散入鄉間。不便悉數殲除。要在剪其大股。散其脅從。臣惟有與聯捷兩面合防。以期周密。已委曹州鎮郝上庠知府童正詩引兵圍扼防濮范河口。令道員沈維璈率鄉團周巡壽陽黃河穿入大清河一路。尙爲匪竄越。卽行奏參疏入報。可。會礪南皖匪圖北犯。滕縣屯捻直撲兗州濟甯。

渡運入甯陽東平郡王僧格林沁分軍擊之戴家廟迤南匪飽掠輜重數百車阻水阻兵急圖南走慮爲長槍會匪垂涎截奪屯羊山不行詔下僧格林沁曰羣

匪正在遲疑之際應卽相機勦辦不可坐失事機若能籠給曹屬土匪使爲我用尤爲妥善僧王承詔由

鄒縣移勦教軍入鉅野二十四日擊匪呂月屯諸處斬級千餘聯捷奏言東省匪勢猖獗請敕勝保分兵

三路一由臨清南下進攻邱縣館陶教匪一由大名而南進攻莘冠教匪一由清豐而東直擣濮范土捻諸匪廷襄奏言濮范鉅鄆荷定城武等處隨地皆匪結成大

股勢將踰萬漫及壽張陽穀日聚日眾解散爲難臣甫
經涖任際此時艱旣無可調之兵又無已練之勇所調
郝上庠原駐曹馬集之軍僅有二百數十雖益之以梁
山營兵二百本標兵三百以之防河亦不足用祇得續
調原駐鄒縣參將吳應龍軍五百人與之責令隨剿濮
范河南一帶可否 敕勝保將續派景州之軍入東
助剿 詔下勝保籌度辦理並 飭廷襄督上庠
等嚴扼河干與勝保聯捷四面兜剿五月大股皖匪合
荷曹鄆濮土匪數萬迢迢豫中睢杞交界黃沛園申集
與直隸開東山東朝觀鄆濮相距且千里而匪情瞬息

相通同時劉四反叛張大漢等股與莘縣教匪合股干

餘人擾入元城南樂焦桂昌等復遣黨蔡鎮周大誥等

率眾數千循黃東由考城入屯曹縣之流通集城西韓

集距城四里李尙美集三十里王澤集三十里王呂集十二分

股入定陶代理曹守王朝翼飛書請救長槍會匪郭秉

鈞劉前及馬朋年等由鉅奔攻單縣圍城六日回屯城

武之白家樓草籬王莊掠奪甚熾僧王軍連日與戰兩

敗賊於鉅之柳林一敗賊於城武徐官莊夜攻匪圩斬

級無算劉占考倪和尙兩大股分屯曹州城外四十餘

日王遣舒通額趙康侯步騎來援匪解圍走一由西北

入考城一向東南擾單縣而壽張土匪郭簡趙立純王秉固戴光明等眾千餘復起水南分踞小路口壽章集東平土匪楊金林等糾眾應之僧王遣幫辦軍務蒙古都統西凌阿騎兵赴東昌勦教匪道東平遇匪擊斬數十級匪大奔屯黑虎廟趙家壩壽張境馬頭寨安山東平境諸處西凌阿軍北發匪復大張徧張偽示脅眾至六七千知州王錫齡請兵亟王檄臨清協副將文英引兵數百赴之另股水南匪目岳禿子李瑞真等千餘時犯張秋另股董上來王清魁王金釗偽元帥郭興滿先印吳朝聘等千餘屯裴城寺義和集時犯壽張城知縣鄧馨

上言卑縣城南一片汪洋大河當其前寬廣十數里水南數百村寨悉已從賊若由此進兵無如民船皆爲賊用悉泊南岸不便一又水面寬深風色不順三兩日尙難過渡不便二又匪眾兵單非大隊步騎不能深入尙船少兵多先後參差恐致挫失不便三應請由安山渡運直擣匪穴廷襄遣之咨由僧王撥步騎由安山進擊散馬頭寨屯匪斬級數百趙家壩等處屯匪皆遁匪眾數千分竄鄆之旂杆廟汶上之拳家鋪戴家莊永安寺琉璃井諸處僧軍阻水不能馳驟回軍安山長溝六月王軍擊匪荷鉅間連拔田潭寨于家樓禽匪目陳懷玉

斬級數百。土匪知大軍圖南，所在蠕動。陽穀縣則土匪
等踞阿城，分黨設卡。劉家集馳犯東阿之關山，知
縣吳樹聲調魚山團房嘉謨等逆擊，轟斬三十餘，焚其
卡舍，追抵阿城。初六日，匪掠林馬莊，民團轟斬旂匪三
十，有二傷者甚眾，獲其火器旂旒百餘，民勇亦亡其三
東平則土匪蔣嶠、蔣學珠、周鴨等馬步千餘，攻圍汶上
之齊家崗，民團孟傳遠、勇目魏新泰等力戰卻之，斬級
二十，追奔至姚莊，匪巢攻下之。匪奔西南，王甫集民團
孔昭著等追之數十里，斬級百餘。臨淄則土匪石會雲
傳曰、庠劉德培、于萬盛等糾眾千餘，築砦鳳凰山，知縣

洪調笙稟白青州守潘駿文率民團擊之而散德培會
 雲逃匿七月皖匪大股深入合濮范壽張水南土匪紛
 由濮之羅家樓范之羊兒莊壽之竹口張秋鎮渡河會
 大名府守劉煦分遣步軍攻拔飼鶴池南家海等匪寨
 觀萃教匪勢燄亦衰來鳳合毛得平吳均師等斂眾踞
 濮州為巢穴煦乃調集清開民團二千餘與開牧金秉
 忠擣濮賊距城一里而軍來鳳先出白旗數百匪於城
 西松落官軍擊之而卻城匪縱礮應之煦令於軍曰禽
 斬來鳳者賞千金於是兵團爭先薄城匪礮密傷者數
 十雷雨大至平地瀕洞濠水四溢日暮回軍劉家拐城距

十二 匪阻水固守。煦令民團圍扼西北。因東南瀕臨黃河。兵團力不能及。上言直隸辦團大臣內閣學士桑春榮咨由山東撥軍兜擊。而山東軍方與勝保軍專力東昌。教匪不遑問濮州治亂也。八月水南裴城寺屯匪郭興李克賢等二千餘。十五日由范縣城東渡河。焚掠范之白家灘仲子廟豆腐店。入屯陽穀之倉。上壽張之蓮花池竹口。兩令袁一士鄧馨張秋通判沈沅守備馮勝林分引兵團圍攻之。各斬級數十。匪分股奔。有泗渡水南者。沈沒大半。有西奔范之金斗營。陽之袁家樓諸處者。另股滿光印股眾數百。屯陽之郎家集石家樓。郭興

等則負創入水南。增調匪黨千餘。合先印股眾東趨壽張之趙莊常莊白莊。逼城下。城東民團高集祥等力戰。三時後匪大至。勝林率兵團縋城應之。奮擘夾攻。日殪始退走。西入朝城之李家臺吳家堂。漫延陽之孟家樓八里廟諸處。兩攻郝家圩未下。時王來鳳陽乞撫於勝保。陰遣黨數千。合皖匪由觀擾入開東清南。在處鄉團兜擊。互有殺傷。惟清豐令王懷清戰賊陣亡。鄉團奔潰。大順廣道王榕吉由南樂馳入清豐。六塔東南會勝保北赴熱河。行在廷襄。因皖匪由省而東。後股入魚臺入嶧入邳。數道並進。遂旋軍會城。故匪勢復盛。有分

股藍白花三旂皖匪復爲劉占考董道平毛得平等句
引欲渡黃而北范縣團總丁建雙防河甚力伏匪丁書
堂遣人夜殺之民團驚散書堂率眾千餘逼范城代理
令過瑞雲典史梁承榮登陴力守城匪李占元丁發科
等開門納匪二十二日范縣再陷劉占考等遣黨冒團
潛渡分屯朝城舍利寺范縣榮家莊陽穀蓮花池參將
吳應龍游擊王秀禦擊之互有殺傷匪大股屯濮州馬
陵集皖匪接跡而渡者踰萬焚掠濮范觀朝開清南樂
及豫之臨內濬滑淇汲千里間皆亂豫軍擊之匪東奔
開長而僧王全軍方追前股皖匪入青萊惟餘郝上庠

兵勇千餘分駐陽范河干不能出戰廷襄乃檄勝營道員陳顯彝諭勸王來鳳及投誠莘教黑旂宋景詩擊擒景詩僞戰來鳳故不應也其時乘亂而起者安邱則土匪王汶輝張年等保聚西南鄉壽山時出燔掠知縣嵇文笏率勇役捕之匪婦槍斃縣役文笏麾勇格之獲其婦及餘匪張世有張二閨女等汶輝等遁甯陽則土匪韓大肱曲阜則土匪孔繼諾糾眾起兩縣交界之九山黃林溝棗莊石門寺以募勇防捻爲詞甯令李琛曲令陳萬春掩擊之不獲東平則土匪劉廣允等千餘攻圍河西馮家莊民團奮擊始退德平則回匪張懷時張元

辰等糾眾豎旗揚言 皇帝升遐中原無主毋庸納

糧賦愚民從亂如歸知縣何元熙密期臨邑團陳貫甲
貫城等調團掩之懷時等拒戰而敗禽斬懷時元辰及
其子馬步匪二十餘亡勇甘盛亭四事旋定九月羣匪
千餘逼張秋鎮城固跨運河爲東西二堡壽陽東三縣
兼轄水陸交衝又黃河穿運入清要隘廷襄先期飭守
備李鵬霄引兵三百與沈沅等聯團扼河守之羣匪佯
由鎮西陸路進攻潛筏載數百人順流而來東西岸民
團奮擊敗走十五日西來羣匪五六千鵬霄等以眾寡
不敵潰匪入踞河西鎮城沅猶率團扼東岸匪晷水亂

流競渡。團民駭散。匪分踞東城。廷襄飛檄上庠。並營總
烏爾貢札布步騎進擊。二十二日。軍抵鎮城。烏爾貢札
布與都司胥聯芳等布城北。鵬霄原部合民團布東南。
上庠與參將傅萬清等布其西。令守備馮勝林扼鎮西
十五里園。匪槍密火處。官軍選鋒緣牆上。傷墮不輟。登
者百餘。斫匪數十。外軍大呼而登。守匪散亂。闖門。泗水
斬溺死者四百餘。被傷未殊者千餘。禽二十九。獲大礮
二十二。小鎗旂矛千餘。大車百三十餘。乘馬羸牛驢千
頭。餘匪困守河西。待援。俄而角聲西來。分軍逆擊之。日
暮而罷。次日。五鼓。匪怯。官軍一鼓下之。匪出奔西南。追

斬五百餘級。遂克張秋。勝林高進祥等又擊勦八里廟等處屯匪。斬級五十餘。禽長髮之陳玉蘭等五。獲礮械紅旂。追奔至十五里園而罷。又土匪張立方盧落安等起肥城。知縣蘇炳榮掩禽之。又土匪李文淋朱沅等起平陰。導捻燔掠官軍逐之而死。同時沂水縣已革武生孫廷英孫七等糾眾數百保聚西北鄉八十崗山。距城百里焚掠東里店山後諸莊。奪官鹽數十萬觔。運入山砦。令民間以米易鹽。脅附近居民入山。先火其廬舍。前塚莊巡檢徐士藻。千總孫彭齡率勇五百赴之。匪於山砦闢六竇。士藻等軍逼砦大呼。良民下山免死。砦內應者千

人匪目孫子毅率黨塞竇斬其欲出者數人官軍攻之
不拔會皖匪警至回軍而罷分股皖匪五六千合長槍
會匪范濮土匪數踰鉅萬於月望分起日夜渡黃屯濮
州城外王來鳳遣黨鄉導分股馬步四千餘北趨觀城
之桐城營白雲閣郭疇龔家莊勢犯直疆大名道王榕
吉飭南清開等民團扼西北東軍吳應龍合朝陽民團
兜擊而南匪敗奔范縣去

山東軍興紀略

卷十一之下

土匪四

十月曹州長槍會匪倪和尚一股屯郡城東北劉前一
股屯正東郭西令一股屯正西司古一股屯西北侯伍
一股屯正北焦桂昌一股屯正南常連佩一股屯東南
在荷澤境者十之六曹定交界者十之三城鉅境者十
之一而來往於鄆鉅沿河之安興墓新興集濮范之洪
川口羅河口與水南羣匪相翕闢勝則馳驅焚掠敗則
遁入水套會嚴樹森奏參聯捷防河軍糜餉擾民請
旨撤退責地方督撫籌防詔下其議令文煜譚

廷襄等覆奏廷襄奏言山東省西北面向無黃河自咸豐五年銅瓦廂決口由豫之蘭儀折入直之東明長垣開州以達濮范壽張由張秋鎮穿運以入大清河歸海濮范開在河西北岸鄆城在河東南岸茲蒙諭令

防河將籌辦情形有無把握之處迅速馳奏臣查防河以扼守口岸爲先濮范被水之地寬處二三十里窄處亦五六里及七八里漫灘一片並無口岸可言就其船隻通行如羊兒莊及范縣城外並張秋八里廟沙灣等處皆易登涉沿河遼遠兵少則不敷分布兵多則供億爲難惟有擇要設防隨在佐以團練而制賊欲求把握

則不在濮范而在鄆鉅緣鄆鉅與東開亦係連界一水可達不必由濮范偷渡搶渡始能西竄大名也鄆鉅兩縣西通曹考東接金魚其間荷澤城武定陶隨在皆有土捻近年皖匪屢次入境愚民多半失業潰勇逃兵潛回旬結搶掠各處團練有賊來隨賊兵至隨兵者甚至團總諸人名爲堂主寨主風氣與安徽蒙亳相似其曹鄆二縣大半民賊不分爲今之計鄆鉅與濮范張秋交界如洪川口羅河口及水南等處各匪往來必經之地應先派兵奪其口岸卽在此處設汛安營一面勸團以勵民氣附近村落向爲黃流浸灌有三面水圍四面水

圍者久爲盜賊淵藪必翦厥巨魁安其穉弱然後節節掃蕩直抵曹單聲威旣壯反側自安從此妥辦邊防方可一勞永逸疏入報 聞僧王回軍安山偵匪目郭興武朝聘朱連漪生員王少穎等數千人分屯簸箕營竹口蓮花池三處令宗室國瑞分率步騎五千餘由東昌進擊檄東昌軍曹州鎮常存副將保德循河犄角而出令壽張營守備馮勝林調團扼竹口逸東十里二十七日民團囂然前行遇賊大敗二十九日國軍次竹口匪圩旗幟如林軍逼之十一月朔黎明環攻良久匪槍礮庵烈官軍傷亡五六十正白旗漢軍副都統舒明安

中礮殞。遂罷攻。西路簸箕營援匪千餘。傾巢出。官軍逆擊。勝斬五百餘級。匪奔入竹口。官軍焚簸箕營。另股援匪郭廷珍、李克讓等數千人從西來。烏爾貢札布騎兵再戰再勝。追抵范城。匪入城踞守。官軍死傷百餘。僧王軍中輦大礮助攻。檄西凌阿軍由黑虎廟進。與國瑞軍合。另股援匪五六千復由朝城來。騎軍迎擊卻之。獲其牲畜槍械甚夥。於是水南星星屯、小白口、趙家壩諸匪目另股趙東江、榮四江、房得勝、裴蘭蔭等紛紛乞降。惟黑虎廟竹口抗拒甚力。初七日。火箭焚圩舍。煙燄翻。翁守匪不亂。國瑞軍穴地爲雷。匪懼圖竄。十一日。雷發壞。

圩牆丈餘。匪大奔而西。官軍追斬百餘級。匪分入蓮花池及范城。其鳧渡水南者溺死千餘。官軍遂克竹口。十三日。國軍移攻范城。一日未下。回軍蓮花池。時黑虎廟屯匪亦降。僧王移軍鄆之羅家樓。而蓮花池匪亦遁。國瑞移軍朝城縣北。是月。會匪倪和尙吳錫貴等眾數千。復糾皖匪渡河。由濮范開入豫疆。滑濬湯陰諸縣。勢趨衛輝。豫軍擊之。分股由延津奔新鄉。原武副將楊飛熊。新鄉令丁世選。與辦團編脩衛榮先等。分引兵團大勝之。新鄉城南。回環遮擊。逼令東歸。匪回奔開南。勝保分軍禦擊之。有 詔嚴飭直督文煜。豫撫嚴樹森。防河。

之京堂聯捷內閣侍讀學士段晴川並勝保等嚴扼直東交界四面兜剿一鼓殲之會勝軍連勝邱莘教匪而渡黃皖匪因野無所掠反劫奪教士羣匪資糧勝軍乘豐攻擊皖匪仍渡黃而南過瑞雲出入水套匪中累月諭勸丁書堂劉有翼等皆悔罪於是劉占考王來鳳等乞撫勝保郭廷珍等乞降國瑞二十三日納官軍入范城國瑞檄常存所部先入撫慰之有 詔以勝保奏劉占考等呈繳馬械率眾乞降與莘邱教匪分別挑選精壯隨軍南征並改名劉效忠 特恩寬其既往賞給五品翎頂又 詔曰勝保祇能辦其大概全在地

方官經理得宜如草率了事再釀後患朕惟文煜譚廷襄是問而其時曹州附郭百里以內民寨張什店等四十四村羣匪抗拒如故孟莊等四十三村聲言投誠閉寨不出其常連佩焦桂昌李朝珠孔廣運等股又燔掠定曹境攻城破寨幾無虛日僧王乃移軍紅川口檄國瑞軍渡河回駐長溝王軍戰匪累捷一勝之羅家樓再勝而克紅川圩三勝而拔劉家集四勝而搗郭家唐坊入郭秉鈞老巢秉鈞走入捻中禽斬弟秉鑽秉鎰族其家五勝於大屯斬李朝珠等兵勢甚盛匪圩畏威縛其渠獻軍前者訊斬二三百人乃皖匪又由碭竄單東南

分股入金鄉石佛寺。赴援會匪。廷襄奏言。內外交誼。恐難兼顧。請敕勝保順道進兵。曹屬與僧格林沁併力剿擊。迅殄逆氛。詔下其奏。僧王覆疏言。毋須勝保會剿而罷。於是羣匪之未降者。悉散匿濮范水套支河岔港。不可踪跡。廷襄再奏言。山東省大半糜爛。其中以曹州爲甚。東昌次之。必得逐處思一辦理之方。有人可靠。有財可用。而後事事著實。不難轉危爲安。曹州現有僧格林沁駐軍沿河一帶。分別剿撫。大兵所在。一時必可帖然。第收撫安插兵。仍未可遽離。蓋兵至之處。不過逆者誅之。順者撫之。誅固不能殲滅無遺。撫亦不能

頑愚悉化。此中維持補苴，仍須好地方官妥實爲之。而臣所鯁鯁過計者，則地方官無兵不能自立也。似應

敕下僧格林沁一面肅清河北，一面派兵駐紮郡城，相度機宜，講求清釐圍寨之法，辦理一處，務求了當，不稍遷就。否則兵去而依然反側，甚可慮也。至於河北遁入水套之賊，兵力不能遽及，東擊則西竄，西擊則東奔，上可以犯開東，下可以犯張秋。河岸綿長，非驅盡船隻，揜渠掃穴，豈能日久相安。臣於張秋鎮已設有礮臺，派兵扼守。其上游羊兒莊等處，亦應一併勘明添造，以資堵禦。惟河中制賊，利用礮船，山東素無諳練掌駕之人。

亦乏此等器具。容臣再加體察。如果必不可少。另行酌量籌備。以上奏詞旋奉有河面較寬之處。卽酌量添製礮船。現當軍務未蕲。應加意講求。未可畏難苟安之。論

其和尚錫貴之回竄開州也。勝保由大名出軍。縱橫兜擊。匪潰散紛奔。錫貴棄械乞降。十二月初五日。又

詔曰。僧格林沁專辦山東軍務。譚廷襄身任地方。均屬責無旁貸。勝保現亦進兵曹屬。東曹各匪除就撫外。餘匪應責令會商進剿。掃穴禽渠。不得遷延粉飾。致貽後患。於是勝保分軍駐濮。廷襄飭常存及副將保德等軍入范。又令參將傅萬清知縣徐必麒與范令過瑞雲乘

初親詣水套招撫羣匪。旋卽奏請。敕江甯將軍都
興阿分撥小長龍礮船四十隻由運入黃。並奏陳直省
之開東。豫省之蘭儀。與濮范均屬瀕河。請飭兩省
督撫臣一體籌備。上允之。是月秉鈞桂昌等引眾
四千餘由南突奔曹州。荷令王朝翼方周巡堡寨。遇匪
大挫。十八日僧王騎軍擊匪陳家集。匪奔西北。五霸岡
次日進軍韓集危灣。馬賊二千。步賊數千。分三路南奔。
自崔家壩追至黃南龍門口。斬殺千餘。拔難民二千餘。
秉鈞等率馬匪數百遁走。曹南無賊。王飭營總蘇克金
恆齡巡北鄉民圩。趙康侯巡西北營。總富和常山保巡

行魚臺之湖團。廷襄檄壽張令鄧馨督民團張扶清等。巡行水南禽斬匪目滿光印李大牙席萬林岳二禿董增奇趙三紅磚等數十。大致靖謐。惟濮范水套泥淖深者十餘里。冰凌相間。步騎不通。匿匪阻險。逃死者甚眾。同治元年春。曹州會匪圩寨。自去冬僧王軍分路向南。攻擊十拔其四。寨匪悉薙髮投誠。惟會匪酋目焦桂昌。劉前董執信。李標。王廣繼。張守義等。率黨數千。潛投皖匪。思再逞。迨豐沛蕭礪。規入金魚城。定曹單。王軍由單移營劉口以備之。詳皖匪卷其土匪則散匿濮范開東水套。飢莩餘生。乘舫出沒。大股千餘。小股數百。眾亦踰萬。

酋目則郭西令

一作申令

石鳳標侯伍李怪毛盧中和冷凌

雲李中宇冀光燦董得振馮允康劉遇春党凌漢梁貴

午林讓杜九皋劉廣居楊景常傅經天萬邦申烏等以

東明之習城鎮甘露集濮之逸家集箕山臨濮集范之

舊城大竹潭唐家海爲窟穴正月僧營分兵與鉅野令

趙惟岷守備王裕慶等禽斬連佩於劉家莊斬其黨楊

永潮等二十七人於呂官屯趙官屯伏匪大懼多出降

時勝保方分軍駐張秋亟於赴救皖穎

上乃命正

白旗漢軍副都統遮克敦布與大順廣道王榕吉會辦

直東交界防務責廷襄搜捕伏匪勝保亦派記名道員

陳顯燹駐濮收撫降匪劉效忠股眾並責令降匪王儀

廷

來鳳更名

搜勦水套伏匪廷襄乃調都司郭齡鼇引曹標

兵六百扼河東羅家口令署曹守林士琦蒞令王朝翼

鄆令陳烈分率兵團循河堵擊先有董得振馮允康等

十餘股投首乞恩文煜檄開州協副將文運大名守劉

煦分引兵團擣匪巢穴二月初九日轟斬甚眾石鳳標

率黨迎軍羅拜煦分別有業者歸農無業者隨營充勇

降散七八百人惟申令等固守甘露集臨濮集時犯開

之保安寨圖向西奔遂令齡鼇分兵扼小劉集代理都

司包朝魁扼董家口陳烈扼羅河口投誠舉人李燦章

山東通志卷之二十一
九
率團扼順河集。斷匪糧道。充沂道盧朝安派弁引兵直
擣高莊集。責鄉民薙髮免死。申令勢孤援絕。縣丞王朝
宗與團民馬振乾及燦章等涉水深入。諄語申令。許以
不死五日。申令與侯五怪毛凌雲中宇廣居朋年等各
率黨百餘降。南鄉反正者十餘股。眾五六千。東鄉冀光
燦等十九股。亦赴榕吉軍中納款。惟另股開州匪目卞
啟元王禹臣任保住等。鄆城匪目李松茂等。畏匿不出。
率黨二百餘。乘舫遁由傅家營馬廠掠食苟活。濮牧王
元治與前牧范允中率兵圍進擊。啟元等亦降。廷襄令
千總張大富駕新製礮船由張秋入濮。范黃河演試巡

徽四月奏言臣查濮范河東水套屯匪大抵皆黃流浸
溺失業窮民雖數踰百萬祇因逃匪數十人潛入爲之
渠率窮民無識從以謀生故焚掠之情究與畔民有間
惟逋逃日眾每外匪屬至則接引渡河倚其凶餓不得
不勒兵捕斬又以黃流袤延往復其藏匿最深之處有
隔泥沙一二道者有隔沙泥四五道者水漲則淪漣數
里水落則曲折千條必土人方識其徑路自上年曹屬
圍寨逐漸清釐外匪漸稀水套匪徒窮困現既先後歸
誠應請 恩施貸其一死再由臣分兵駐守務在搜
捕淨盡不令餘燼復燃專派常存率兵四百再由遮克

敦布飭大名鎮伊綿阿帶兵數百分駐河西卽將原駐濮州青德滿綠各營及河間協綠營遣撤歸伍臣於月內暫由東昌回省疏入報 可是月入捻之會匪董

執信李標等馬步千餘先於月之中旬導捻自考城流通集過隄北竄危灣民團擊走之分屯曹縣之韓集曹樓廷襄奏請 敕下遮克敦布分撥步軍由東明渡

黃而南騎軍由東昌繞赴曹郡迎擊勿令賊入水套會僧營分軍禦擊捻甚敗追入豫疆執信標股眾千餘竄踞東明之沙果寺遮軍赴東明探擊不克渡黃赴曹南僧王方欲分軍回擊而後股會匪王廣繼等引捻由蕭

楊北奔。亟檄營總常山保恆齡步騎進擊。匪引還。而士琦齡鰲等巡徼水套回郡。與執信等相值。定陶。蔣令王朝翼定令武燮等引團先後至。荷團戰賊撓敗。亡兵勇器械甚多。二十七日。士琦等整團。娖隊再進。僧王由虞城馬牧集。遣蘇克金騎兵來。朝翼等先出。誂賊騎軍。隨之。斬級百餘。馬匪略盡。步匪踞圩困守。官軍圍之。五月初三日。蘇克金士琦等致死仰攻。齡鰲軍逼圩下。匪伏林落。縱火器傷官軍數十。日暮而罷。次日。朝安士琦朝翼。燮齡鰲等布軍圍之。益密絕其汲道糧路。遮克敦布遣侍衛益謙引步騎千餘渡河會攻。匪竄路絕。遣黨董

昭董佩趙孟奇匍伏圩外乞降。諸軍初未之許也。乃會
匪故多籍隸曹屬及東長。卽有民團癯老百餘赴營乞
請。以困鬪恐猶曠日。麥秋農功方亟。若允所請。庶幾早
日罷兵歸農。諸軍慮重違民團。或水套伏匪應賊。致他
變。允之初七日。執信標率眾百餘。薙髮執撫。朝安派員
入圩。注籍降者千一百五十有二。收其人器旂矛五百
六十有五。戰馬百五十騎。令執信等隨蘇克金詣僧王
軍中。挑壯者百人入朝安軍效力。伊綿阿進軍至西南
薛家屯。因撫而還。有詔誠僧格林沁廷。襄曰。董執
信等窮蹙投誠。其心實不可恃。且匪等利則進戰。鈍則

乞降爲害地方久而愈甚著卽認真辦理匪首罪無可
道不可仍令漏網維時匪目焦桂昌劉前馬步千一百

餘屯豫中睢州由孫福集慝嚴家集

考城境

入屯曹縣磚

廟集張素纂圖援執信初十日至馬集士靖朝翼燹等

親慝四郊諭誠民團勿徇鄉情縱匪深入一律堅壁清

野團總劉錫蕃等禦賊甚力匪無所得食上琦朝翼駐

軍金隄集將擊之桂昌旣聞執信等先降意氣阻喪語

其黨酋豪曲元基

東明人

陳魁

考城人

曰時事三此不如納

降前元基等皆不從桂昌不悅失和爭言前元基等分

引馬步數百人遁走從桂昌者僅百數十人勢益孤乃

山東通志卷之十一 十一

統錫蕃等陳說願降。繳兵仗薙髮入郡城。廷裏奏以前許執信等投誠。桂昌等未可同罪。異罰。令朝安資遣赴僧營。詔允所請。惟曲元基等恐遺患將來。遮克敦

布尙在東明。派出之軍應如何分駐曹州。以資鎮撫。濮

范水套留王榕吉一軍。能否足敷堵剿。方奉 詔書

責問。果有開州巨匪石二龔子劉清和等。先為遮軍擊

敗。遁入水套。嘯聚圖再逞。范允中等部索就禽。解榕吉

軍鞫斬之。惟卞起元餘黨二百餘。尙屯什家集。允中大

富水陸攻捕之。斬溺十餘。禽二。餘不可踪跡。六月丁書

堂一股。亦率黨數十人。赴陳顯燹軍中。乞自效。閩西為

石夢坡等眾均先後薙髮爲民會。遮克敦布奏言。焦桂昌等因石三鼐劉清和等破獲。河北無匪內應。詣郡僞降。發篋得其僞示。有古來創業之初。未有不遭挫敗。引漢高幾爲楚制。其言狂悖已甚。又私書有約江皖粵匪僞伏王僞沃王等北犯。如不能取勝。卽僞降。與董執信等商待入秋。劉前糾合皖匪趙浩然北來再舉之語。

詔錄原疏下。僧格林沁廷襄。僧王承。詔斬桂昌。

標執信於軍前。檄士琦朝翼。斬其黨王貫一等三十三。朱仲玉等十八。妻孥悉與駢首。未幾王廣繼劉前復句。皖匪入徐州西北。又合豐沛湖團由安家渡屯夏鎮。犯

臨城驛都司姚鴻烈禦擊之十五日遁入沛縣卜家灣
次日同犯夏鎮鴻烈敗之孟家嶺斬級數十奔東北另
股游弋運南車輻山另股回旋邳州灘上德楞額由臺
兒莊進軍泃口擊之而退參將梁愷又在侯遷閘渡河
擊勝之匪遁回宿羊山於是廣繼等圖竄曹州未成合
入雲谷山教匪廣繼旋斃守義先投幅匪後合入皖匪
李成分詳教幅
捻各匪卷有 詔促廷襄出省督勦因曹南捻
會匪已爲德楞額合僧營蘇克金騎軍擊散遂進駐充
州專辦幅教詳另
卷初 朝命以廷襄奏飭遮軍渡河入
曹南至是遮克敦布奏言北路門戶宜重兵嚴備若分

兵入曹郡。則館濮一帶兵力太單。且黃河阻隔。勢難聯絡。請毋行。詔許之。廷襄乃檄陳顯彝軍渡河入鄆。鉅備皖匪會水套伏匪劉永漢劉豁孜楊獅滿午與匪目傅景天黃桂林等。嘯聚五六百人。將南行迎捻。顯彝掩擊之。散竄百餘。降者三百。顯彝再令守備朱廷芬王壽朋。千總張玉林。把總李順趙長柱武舉周步雲等。部索范舊城羅家樓大竹潭唐家海陳家坊諸處。七月禽斬永漢豁孜獅午吳肆等數十。皆會匪餘黨也。自是皖匪尙奔擾曹南者累月。僧王軍累戰。或勝或否。皆不聞有會匪之號。泊乎九月。羣匪傅清水吳錫貴軒轅五作

山東通志卷之二十一
等隨軍南行者復由勝保軍中潛回水套糾眾千餘起
羅家樓廷襄檄郭齡鰲桂林陸軍千總張祖榮水軍兩
路進擊匪深入水套獲其黨王雙喜等斬之十月曹州
守來秀與齡鰲等親督鄆范兵團擣匪吳家樓江家樓
斬級數十禽匪目延仲汶張鳳明楊興珠等十餘迭擊
之羅家樓卓家樓苗莊劉樓邵莊禽斬羅鳴揚等三十
有七餘匪潰走錫貴五作等遁匿顧濮范間謠詠不已
民乃恐動而廷襄奏言續獲水套匪首王五瞪蔣金鈴
羅二怪等二十餘斬散不可勝計地方救安無何有降
匪毛得平董道平者久居范縣城與城西民團尋讎相

殺匪一日遊擊桂林把總胡鳳池濮牧潘世釗等思籍
團除之道平懼而走得平備焉十一月十七夜西團潛
入得平率黨戰之城中國敗桂林等勒兵彈治不勝桂
林鳳池遇害得平發庫兵掠城中三日出屯城外三官
廟遣黨赴水套糾眾未集世釗與前范令過瑞雲范縣
守備王壽朋等分率兵團鬪之二十二日得平引眾奔
西北官軍斬級五十餘次日得平圍逼南城世釗率居
民乘城拒守道平依違其間未顯與得平合而王來鳳
亦素善得平世釗等乃親詣道平來鳳所爲言禍福且
泣下曰吾儕固几上肉耳異日遮軍自北而南僧王軍

自南而北本省防河諸軍舉足卽至城下得平庸得免
平諸君助之終歸滅亡胡勿禽得平以自効則身安而
爵賞可致也來鳳然之語道平曰若固不疑爾也道平
遲不發世釗等譬說干言道平翻然率黨百餘馳赴之
得平曰三兄來助我乎道平曰然並轡耳語移時道平
噉曰時矣從者大噉斫傷數十百人遂纒得平及黨畢
奉庭五十餘而入得平詬詈不絕道平慚而悔之曰儀
廷誤我來鳳更名會常存祿彰齡鰲與新署知州葛恩榮各
引兵勇先後至遂斬得平桂林鳳池奏請優卹如制
泊乎二年十一月僧王軍擊捻宿州始禽斬劉前倪和

尙張守義劉四反叛於石弓山。三年十一月，聊城令鄭紀略始禽斬董道平於東昌。六年二月，葛恩榮始禽斬王來鳳，并其弟來潮子玉昆姪金堂於石家莊。此外兗渠黨惡爲各收，令歷年捕斬者不下千人。匪名時日皆不勝書。故略之。其沂州幅匪邱莘教匪鄒縣教匪潘川踞匪，雖皆土著而顛末較繁，故詳另紀。俾易省覽，以昭鑒戒云爾。

山東軍興紀略

邱莘教匪一

當亂之未發也。州縣狃於失察。教匪吏甲首告官曰。誣良丁役。捕治讞賄。遁亡。張皇隱忍。諱飾蟻穴。潰防匪朝伊夕。長一年二月十一日。三鼓黃旗。教匪孫全入邱縣城。知縣王準聞變。率勇役捕鬪。棄五色旂。燾令箭經卷。出北門屯城東。聞報與臨清協副將信長慶率兵二百入冠縣。三五成羣。宵聚晝散。知縣朱瑞

不爲備。至月十九日，藍旂教匪左臨明、大綠旂教匪楊泰、楊福齡等數百人聚境內趙莊，瑞果聲言調團出城改服而遁。匪由南門入，火署縱囚出屯十里鋪、白塔清水鎮諸處，股眾二三百。同日黃旂教匪張玉懷等千餘圍攻莘縣，前令繆玉書盡室先行，後令李杜視事甫三日，不及設備。二十五日，遼明匪焚門踰城，縱火徹旦，日中出北門，分屯縣境曹家樓、閻店三和鎮、花園及朝城縣。張魯集糾人索馬，先三日，東昌守秦際隆督知縣嚴陳堯候補按司獄金存謙等率聊城練勇百、東昌營兵百、道堂邑趣冠偵莘冠城內，虛無居民，燉火未熄，窮民

運厥粟出城者。旁午於道。亦有紅白帕頭匪眾往來。擬由堂進軍。而聊之沙鎮。迤南劉家河張八莊附近。黑旂股匪宋景詩等數百人突起逼府城。飛報署巡撫事。布政司清盛撥援兵。請催參將成志德州兵二百會勦。際隆馳回城守。營於城東龍灣。督聊令許濟清繕守具。而館陶令周曙東飛書告急。花旗楊朋嶺等眾千餘圍城將陷。成志二十七日軍次恩縣。不進。際隆率兵勇二百。東昌營參將宗權撥兵二百。令守備常喜將之。三月朔。同趣堂邑。喜進駐辛集。距堂邑二十五里黃藍紅黑旂匪分屯沙鎮及清水鎮。冠館交界之萬善燕兒莊宋村諸處。搜

山東通志卷之二十一 匪一
索民間馬械火器從亂者如歸眾已五千餘成志壁臨
館交界之尖冢屬延齡稟留際隆督喜陳堯存謙把總
陳金鑑外委黃松林魯志勇王占鰲等分爲前後隊趨
館陶至則匪已於二十九日入城盡火公私廬舍初三
日日中由西門出竄渡衛而去火水次廩倉同日臨明
復與黃旂張九春再入邱城初令準上言卑縣北鄉馬
頭踞匪現分二股一入直隸曲周一焚掠城西五里陳
村縣城日夜警備岌岌可危屢請援兵不至城汎馬守
兵十餘名一年無餉形同乞丐所募民勇五日未發鹽
糧勢將潰散乞發餉銀五百蒙批自行捐辦請撥臨關

稅銀二千兩。蒙批不准擅動。兵民無不解體。似此盼兵不到。盼餉無期。職蓄粉賊手。命同螻蟻。原惡足惜。如一城民命何。但使百姓死於殺賊血戰。職心尚覺無愧。竟令無兵無餉。徒手就死。民含冤憤。職死不瞑目。不避刀俎。泣血上聞。不報。城果再陷。匪發獄火庫。毀武營官廨。出城屯馬固村。其分股者屯徐村宋村張官寨。另股馬匪數百。由莘擾陽穀之沙土集。又奔回莘南周店鋪。糾黃河之東鄆鉅土匪千餘。掠船鹽市口羅家口。由范之羊兒莊濮之楊家集。上下游過渡。入朝城。知縣董涵督團禦之孟家樓。匪由白衣閣西入觀城。知縣蘇汝鏡禦。

之邊境馬陵。初四日。晡晨。匪分股入城。焚掠。旋奔直隸。清豐。初五日。成志軍抵館。赴勦張官寨。匪奔邱城。獲細作李大簫。訛言匪首習天龍。八卦教。習乾兌者。從世欽。程順書。安興兒。安喜兒。石天雨等。張白旂。習坤艮者。張善繼。張玉懷。張殿甲。孫全仁等。張黃旂。習震巽者。楊太。楊福齡等。張大綠旂。雷鳳鳴。王振南等。張小綠旂。習離卦者。郜老文。蘇洛坤。穆顯榮。顯貴。張桐。張宗孔等。張紅旂。習坎卦者。先張藍旂之左。臨明。後與姚泰來。宋景詩。朱登峯。杜慎修等。張黑旂。花旗。楊朋嶺。楊朋山。楊朋海。不知習何卦。冠莘堂三縣人居多。大小五六股。股千人。

少或四五百。習教者十之六。分處莘堂冠館鄉村。邛之
蘆村鄭灘鐘鼓寨牛牯莊。人數最夥。多掠馬匹。方圖大
舉。訛畢斬之時。紅旂教匪老文洛坤等。眾千餘。由莘分
竄邪店。入陽穀之老莊。逼縣城。兗州府屬知縣王俊率團赴
運河之北防捻。初四日黎明。匪入城燔掠。縣城自咸豐
四年爲粵匪所陷。詳另卷官吏寄居市廛。居民不滿百戶。
俊聞警馳回。賊奔西北。入迤西之朝城。迤東之壽張。馳
驅焚掠。成志由館引兵回臨清。際隆偵尖冢王家集正
場。距館陶二十餘里均匪踞。初八日。小綠旂匪鳳鳴等攻館陶
城。際隆曙東登陴守禦。被圍兩晝夜。初十日未明引去。

分股紅旂教匪顯榮桐等由堂趨府城際隆十一日冒
 辰引兵救堂匪於初十熏夕陷縣城知縣張逢壬巷戰
 負傷匪奔沙鎮丁家廟府城戒嚴際隆馳回城守匪分
 竄清平之魏家灣分馬匪數百由堂之侯垆集安太集
 宋家小屯至梁家淺堂邑轄境潛渡運東縱火朱莊孫莊回
 子李莊回奔梁家淺次日又渡運擾博平城西李官莊
 朱官屯鄧官屯宏官屯官廳李莊兩縣告急冠館莘朝
 四縣則文檄阻絕不聞呼籲矣另股土匪再陷陽穀者
 又合長槍會匪遠奔河南濬縣楚旺鎮焚掠而回十七
 日陷濮州詳另卷朝令涵鑲藍旗漢軍副榜因東南陽穀股匪已

至于家樓距城十六里北路莘匪連營至王塾鋪觀城西股又東來至王店張村孤城四面屯賊飛書請餉求援十上不報莘匪王懷等於十七日遣黨偽元帥宋義王加增王邪子等馬步千餘攻之涵嬰城守禦旋陷與慕容王啟英楊華廷丁役盛馥商榮楊森畢圭趙福馬申孫坤張進泰等巷戰至城南力竭同被害分股紅旂教匪顯貴弟顯榮宗孔子等二千餘由陽穀孫家樓至張秋鎮奔運東東阿民團周光碧劉文等堵擊之匪西奔趙家海駱駝巷十五里營大小分股十數教匪兩大股回入莘境餘皆陽穀壽張土匪陽令俊率團由阿城移

紫枯柳樹堵匪犯東昌之路。朝匪合鹽梟會匪三千餘。來援陽穀。北十八都民團孫鏞等分路堵擊。張秋西奔之賊。又分股于十九日犯壽張。撲城攻圍。壽張營遊擊景泉知縣鄧馨守禦二晝夜。城外民廬焚燒殆盡。退屯附城村莊。次日黎明。外委閻朝海等出賊不意。翻城喊殺。奪其銅礮一。長梯十餘。賊忿甚。用牛馬曳三層礮樓。輦大小礮十二。逼西城。羣賊肩礮絹置礮樓。千總馮勝林等率敢死百數十。翻城排轟斃衣黃賊三。守樓賊十數。棄礮九。雲梯十數。焚其礮樓。匪退屯閻家樓。時出數十百。旋繞外隍六七晝夜不得息。城西北馬家廟王家

樓李家臺賊幟連連五色閃動戈矛如林是時東昌西南莘冠館朝觀濮六州縣官吏不知存亡惟觀城令汝鏡懷印入省乞援七州縣無官無兵鄉民良懦黠桀者悉從賊教匪鹽梟土匪長槍會匪千百成羣莫可數計旋陷范縣

詳另卷奉

旨專辦防河之四品京堂聯捷

將兵壁大名奏言山東邱冠莘堂先後被匪闖入焚署劫獄奴才聞起衅之由半因求緩錢漕地方官撫馭乖方以致鹽梟教匪乘機煽惑日來匪等在莘冠邱館堂等處尋覓官吏眷屬意在殺害洩忿平日居官大可概見奴才若遂加兵隣境恐致激成大事現已勒兵邊界

出示解散如怙惡不悛再行進剿應請 敕下山東

撫臣查明地方官有無激變據實參奏於是署巡撫清
盛調道員明新東路追捻官兵五百咨僧王派營總烏
爾貢札布土默特騎兵五百赴東昌新任巡撫譚廷襄
由陝調撫山東行次德州奏言臨清屬與直隸冀州等
處毘連東昌屬與順廣等處毘連隔省呼應不靈往往
事機坐失查冀州一帶正定鎮汛地請責成正定鎮帶
兵會剿廣順一帶大名鎮道所屬應責成大名鎮道剿
辦德州與直隸景州驛路衝要聞防兵駐紮河間距德
尚二百餘里緩不濟急臣思德州瀕臨運河可移師扼

守夾河築壘當更得力可否 敕下 欽差大臣

勝保署直隸總督文煜照辦疏入報 可二十二日羣
匪至府西十八里高莊黑旂景詩一股由侯垵集安太
集糾紅白旂匪三千餘復至梁家淺渡運分屯東西河
干犯博平城際隆督常喜兵勇六百合烏爾貢札布騎
軍赴援匪回奔梁家淺退屯河西官軍奪其浮橋騎兵
衝殺踰河步軍繼進擣其巢匪奔西南遂復梁家淺追
之十五里而罷二十五日明新烏爾貢札布際隆等進
軍堂邑道口鋪距堂城十二里偵匪聚興泰集妮軍進擊匪吹
螺聚拒騎兵佐領札穆色林札布登中營守備謝炳及

喜膠州營把總王世俊外委王英傑等鄧陣而前斃匪甚多禽十數奪其資糧甲仗無算匪潰走騎兵陣亡披甲一綠營負傷三方斂軍東南雜色旂匪朋嶺朋山等二千餘趨堂騎兵向城西南衝擊喜率膠州營千總黃中興高密汎把總高名揚萊州營把總吳俊德等媿軍再進匪奔西南薄暮斂軍獲大小礮二十火藥鉛丸數隻白旂順書一股竄王家樓紅旂洛坤一股竄張爐集堂邑境與朝城地同名莘聊之沙鎮左右數十里間賊眾踰萬大股由莘奔陽穀分股一由柴家莊回奔壽張時而攻城一股焚掠安樂鎮附近分股合土匪又奔陽穀東北鄉

胡家莊其壽張攻城之匪旋退屯陽穀皇姑冢新莊諸處二十七日東阿令吳樹聲督魚山團房嘉謨等銅城團劉敦謹等夾擊斬匪四奪馬五匪馬步銳進嘉謨敦謹誓死戰匪潰敦謹等負傷武生鹿永全戰歿匪趨阿城二十九日安樂鎮股匪奔吳鄉社莊樹聲率嘉謨等再擊之斬匪目一羣匪數十匪西奔沙土隄其王姑冢一股移逼壽張城西北八里冀莊十二里孔莊倉上十六里龍虎寨正西二十五里郎家集袁家樓數十村皆大擾另股七八千麇聚沙鎮三十日明新烏爾貢札布際隆步騎由堂進辰刻抵鎮北土默特頭起騎兵馳入

東南步軍卻走。二起騎兵由西南進步軍繼之。匪曠騎先衝步軍。步軍北。明新際隆墮馬。所部兵勇傷亡潰散。能屬者百餘。皆徒手。日。陔際隆回府城守。因傷乞代。廷襄檄知府李德增署府篆。明營烏營退壁堂之二十里。鋪另股土教鹽梟。又從直隸清河之油坊鎮謝魯莊回。入武城縣西子游廟附近。距城八里知縣趙新督團迎勦。信長慶成志引兵赴河西夾擊。禽斬匪目范貞祥、李永貴等十八。先是月之二十六日。分股匪遁入清河之黃金莊。武城汛把總金茂堂等越境追之。頗有禽斬。勇目顧長勝門三戰歿。武城遂無賊。而直隸之曲周清河兩縣。

十日內均陷。時廷襄檄參將玉山赴臨清。行次博平。明新因沙鎮之敗。調玉山赴東昌。四月。再檄遊擊玉秀引軍赴壽張。計綠營二百。勇營五百。初四日。道平陰東阿。而安樂鎮屯匪馬步千餘。初七日。由聊之周家店。冒團練衣裝渡運。至七級鎮。陽穀民團猝不能禦。潰退傷亡數百。次日。匪犯阿城。玉秀軍潰。匪乘之。守備陳兆烜及弁勇陣亡數十。軍械缺失。樹聲率勇團馳救。縱擊。匪始回奔。分屯七級。五香社。周家店。李海務。玉秀單騎赴省。告敗乞師。奏劾摘頂。匪犯東昌城。明新自沙鎮敗挫。不能成軍。匪勢益狂。東昌東城外爲南漕北上孔道。商

賈輻輳市肆鱗次。教匪大股合陽穀土匪王存重等二千餘。由城南十八里李海務搶渡。明新令謝炳引步騎五百扼守。而匪由周李開掩至近城三里龍灣。明新烏爾貢札布玉山等欲入城拒守。商民大譟。匪五六千分兩股。一由北隄撲城。一由南隄入踞東關舊米市街禮拜寺民舍。火光宵旦不熄。烏營退壁八里廟。明營退壁王塾鋪。欲移軍荏平。商民千餘跪觴馬下。控鞫遮留。丙夜兩軍潛去。同城文武營縣聯銜稟許府同知何家駒另稟上言綦切。廷襄奏劾明新檄玉山將之。際隆等登陴憑守三晝夜。匪盤旋圍攻。倏近倏遠。宗權爲團民

詬詈。匿不敢出。十二日未明。家駒與上河通判毓明。聊
令濟清候選令增瑞。團總訓導朱學箕等。率團乘賊不
備。纒出二百餘人。奮呼突擊。斬匪二百餘。匪退屯傅家
塋附近。距城三里復出敢死五百。設伏東城陌。已刻馬步匪
二千餘。由西南隄入雙關街漕工街。夾護糧賄大車百
餘輛。濟清學箕憑城發大礮。傷匪數十。伏勇聞礮躍起。
城內伐鼓啟關。噉應。匪不辨眾寡。委棄車牛而潰。斬首
百餘。內有紅白衣匪目三。官兵負傷十數。匪全隊卻走。
十五日。匪四五千。三面撲城。眺河東王家口北壩。旂纛
飄展。鼓角填然。憑河擊匪。知保德軍至。匪勢怯。站隊河

西依村面壠。保德伏兵起。禽馬匪多名。烏爾貢札布玉
山步騎在運東三里堡。七里河彭家窰。張旂耀兵奮呼
助勢。匪不敢薄城。繞南路循漕工小路掩旂而進。伏淨
業林。隋寺東南城隅。連縱巨礮。寺垣崩。斃匪五六十。匪
退。同時臨清武城又警。攻陷清河之匪。四出攻抄。勝保
飭洮岷協副將楊永魁。道武城繞南宮進擊。匪奔威縣
城東十八里方家營。壽張縣爲匪攻圍。乞援益急。自三
月初十日。匪犯境撲城。初則攻圍兩晝夜。繼則五晝夜。
至今四月五日。一月有餘。焚剽四鄉。無完戶。環城烽塹。
薪米不得通。將內變。夜遣人翻城請兵。廷襄咨兗州鎮

撥兵三百赴援。累月未至。又河東土匪或數十人百餘人。冒賊剽掠。勾引臨清江家油坊。堂邑前後吳家莊豆方屯等處踞匪。由丁馬莊小辛莊左家橋渡運。旋繞魏家灣。覬清平高唐冬漕囤積。魏灣未覓。知縣桂昌魏灣巡檢彭年督團逆擊之。程官營匪退。廷襄督師趣東昌。檄遊擊緒綸原駐開山官兵四百。臺莊營參將栢祥縣丞徐必麒原駐王家林濟南練勇千。飭荏清博東四縣調民團。自備糗糒。赴東昌助官軍勦賊。清博東三縣以土匪出沒。不能出境。廷襄十八日出省。行五日次荏平。飭戶部郎中楊紹和。前充沂道王觀澄。隨營辦事。二十

匪一
十一

五日進次府城。廷襄奏言：現在聯捷奏請，
敕下勝

保分兵三路進攻邱館。莘冠、濮范各匪已奉諭知。

勝保酌辦。如果分路前進，則東郡西南北三路之匪必

將分竄。臣孤軍獨當東面，單弱可虞。惟日盼前此蒙

恩准撥之直隸兵，早日到東，藉資備禦。以上奏詞連日保

德玉、秀烏爾貢札布、玉山戰匪府城外，小有禽斬。匪解

圍伏城西南。官軍又敗之李海務、河窪莊、周家店。禽十

餘。溺河陣斬者二百餘。匪分半潛竄臨邱老巢去。

山東軍興紀略

卷十二之下

邱莘教匪二

於是勝保奉

命督辦直隸山東軍務由保定移軍

冀州

東距景州百六十里南距大名二百里

教匪張善繼楊太等攻圍威

縣

廣平府東北屬

勝軍擊之屢解屢圍匪巢則在臨清邱縣之

邵家莊侯家寨王家莊下堡寺張三寨五處壁高塹深

與冠館莘堂朝觀六縣踞匪呼吸相應匪目甚多以踞

莘之張玉懷朝城之宋景詩堂邑之雷鳳鳴爲魁四月

二十一日大名道王榕吉副將成祿率步騎兵二千爲

前敵副將徐廷楷率陝甘直隸兵千爲後勁貴西道文

桂持令督戰。五鼓由威整軍而前。距邵家莊數里。馬步
匪五千餘旅拒。成祿指揮正定兵北進。天津兵南進。河
州兵西進。騎兵分兩路鈔之。榕吉傳飭鄉團分路呼應。
轉戰甚力。匪不敵。擣入邵家莊等五寨。分軍環攻。自辰
迄未。五寨先後排牆入。禽匪三百餘。轟斬不可數計。獲
偽印二。鐵礮十二。槍械七百餘。潰匪奔東南。追之三十
餘里。獲大小車二百餘。羸馬數百。出被脅男婦千餘。日
晡斂軍。焚匪巢五。二十三日。潰匪復屯邵家莊東南之
辛莊。三台集成祿軍及之。匪不戰走。次日。糾萃冠五旂。
股匪五六千渡運河而西。分屯尖冢附近。窺下堡寺老

巢距威縣六十餘里圖襲威縣成祿率遊擊姜國仲守備王朝

棟合兵練突擊之追至尖冢匪大奔斬級六七百獲槍

礮刀矛擋牌鑼鼓千事火藥二千餘觔黃帽黃袍馬褂

各一戊巳土丙丁火雜色令旂大小綢布旂百二十有

五綢布頭簪男女衣履如邱山偽示多張偽印二餘匪

退屯臨清幞頭距城三十里勝保移軍威縣檄通永鎮伊綿

阿將兵赴臨清檄言邱清賊巢為成祿所破西路軍追

勦正力勢必東竄臨清沿河一帶伊鎮卽統所部赴臨

清河干與東軍合擊仍營清河廣平府東故城南一百里

六十之間油坊鎮鄭家口不得遠離直境違者千令毋

山東通志卷一百一十二下 邱莘教 徑北草堂編撰

忽時山東會匪侯占魁由清豐大名南九十里開州大名南百二十里

竄滑縣道口鋪劉占考由觀城白衣閣入南樂大名南五十里

眾皆踰萬攻陷廣平之匪廣平府東南六十里尚屯葫蘆營在大名西

北四北四冠縣教匪楊太屯元城東館集大名正東三十五里京堂聯

捷引軍壁大名城一再乞援二十五日勝保令成祿回

軍救之又因邱縣接壤直隸為山東西北邊東軍為賊

氛所隔署令李亥不能蒞縣前令準餉缺再散隱於鄉

間匪出入無禁勝軍連戰皆捷匪棄城走乃令文桂率

兵入城鎮撫存饑民數十戶而已羣匪在東昌東南戴

家莊運岸架浮梁二十五六七等日保德烏爾貢札布

玉秀列陣河東。匪眾屯河西。築壘相望。保德步騎佯退。匪眾五六千踰梁而前。保德回軍擊之。烏爾貢札布步騎分張夾擊。匪潰。合軍追之。轟斫溺匪無算。獲礮十二馬數十。另股鹽梟王三行戶屯李海務周家店。與匪潛合。玉山玉秀等擊退之。仍屯譚家莊五鄉社。五月初三日。廷襄飭緒綸栢祥必麒麟烏爾貢札布等專攻譚莊匪巢。代理聊令李均引勇爲繼。保德玉山專攻周家店。匪巢。玉秀引兵爲繼。把總姜順李元肉薄攻圍。拔譚莊。匪潰走周家店。禽匪梁兆杰等三十餘。訊言匪魁均退赴莘冠館邱老巢。府城外屯。匪乃土匪鹽梟十屠七人。踞

田家莊者綠旂匪首張得魁踞孫克盛莊徐家樓諸處者紅旂匪首王振南踞七級官橋口諸處者黃旂匪首王存重卽王三行戶與教匪翁闢相通眾亦七八千廷襄仍駐府城奏言臣提一旅之師勢難長驅直入若由北進則館堂臨清各匪在右冠縣各匪在左南進則壽張陽穀各匪在左莘縣各匪在右均防鈔襲後路以上奏詞時廣平之匪竄入邯鄲者爲兵團擊散餘眾歸併大名迤東小灘一帶威縣東南臨館冠莘觀各匪與邱縣敗匪又麇聚幞頭老巢臨清西南號稱萬餘浚濠增壘圖復肆先於四月二十九日黎明匪五六千渡河北游弋尖冢

附近勝保令成祿騎兵及天津河州步軍趙喜義河南
夔勇赴尖冢日中抵臨馬寨匪迎拒官軍逼之匪退屯
河之南徐入幙頭不出官軍逼河北築壘夜半喜義挑
軍鋒三百過河覘之匪壘列炬十餘里夜明如晝不克
掩襲而還至月之二日黎明成祿軍由尖冢渡河自西
而東喜義軍由大雲集渡河自北而南營總文哲暉率
黑龍江頭起騎兵爲後應官軍至匪巢三里所匪步隊
踰萬馬隊二千餘分三路戰官軍成祿喜義馳馬分路
礮之火器斃匪數十匪勢靡諸軍益奮自辰迄未斃匪
二千餘匪奔追斬七百餘級抵匪壘諸軍負藁填塹徐

升而上。匪大亂不成列。號呼奔竄。如山崩濤湧。血肉狼藉。地爲之赤。悍匪伏村舍。縱槍擊官軍。官軍稍卻。勝保軍中道員周士鍵。遊擊劉景芳。侍衛祥恩。知縣鐵珊。揮軍畢進。縱火焚之。步騎分追三十餘里。抵館陶城。緣道斬七八百級。同軍幟頭。風火庵烈。匪巢皆燼。附近之唐家園楊家樓悉平。是役也。實斃紅綠袍帽匪首二十餘。禽者三百餘。殺獲不下四千。牛馬驢畜旂幟刀矛槍礮以萬計。大獲全勝。疏入。成祿喜義等陞賞有差。勝保奏言。白蓮教首以黃旂張善繼爲總頭目。楊太雷鳳鳴張殿甲石天雨左臨明宋景詩爲各旂目。以甲乙丙丁戊

己庚辛壬癸方色爲營名。小頭目則白旂。姚泰來呂寶
義朱路紹楊金堂李進崔頭綠旂。王建功俞清泰黑旂
張二麻桑振河趙六虎子周義紅旂。時書黃旂。劉萬清
胡得功孫全仁孫集劉崇德等不下百數十。各領三五
百人。山東臨邱冠館入教數百村莊。皆謂白蓮社。直隸
清威樂廣雞平之入教者。皆領有方色小旂。又句合山
東濮范鄆鉅會匪。逼大名屯聚。譚廷襄所請分直隸之
兵渡河會剿。刻下斷難舍近及遠。謹將直東兩省賊踞
處所。並官軍所破賊巢。及紮營進剿地段。繪圖帖說。呈
進。御覽疏入報。聞勝保調伊綿阿軍移壁尖家。

景州防軍填紫油坊鎮。時幞頭餘匪方潰聚小灘。糾運南清水鎮。

臨清南七十餘里

及館陶大股教匪。濮范鄆鉅會匪。

時窺幞頭尖冢各村潛伏零騎。直抵官軍臨馬寨頭敵營壘。初四日黎明。馬步匪萬餘由馮家園分股渡河。辰刻犯尖冢。勝軍嚴陳以待。相持兩時久。西安黑龍江騎兵先縱。馬匪卻走。成祿喜義步軍乘之。喊聲動天。斬級七八百。焚溺無算。伊綿阿軍由大營口進。景芳護軍小隊繼之。成祿軍追踰幞頭之南。援匪大集。士鍵祥恩慮兵疲挫失。傳催斂軍。初六日三鼓。勝保親詣尖冢前敵。部勒諸軍。次日五鼓。分道渡河。士鍵景芳參領明通阿

騎兵由右。成祿營總德莖騎兵由左。喜義夔勇都司文林守備張清宇正定兵。參將楊永魁河州兵。分三道向館陶。伊綿阿與城守尉富明所部赴幙頭以南站隊接應。前軍至瑣兒莊。匪千餘突出。官軍兀不少動。匪三驟。官軍步騎迅掩之。匪退十數里。官軍妮陣逼館陶城五里許。城匪縱礮闕門。出馬步隊萬餘。由西北繞東南。互八九里。官軍眾寡懸絕。匪吹螺伐鼓。有十則圍之之勢。官軍誓死進戰。自卯迄巳。斬級數百。日中。匪圍益密。士鍵明通阿景芳軍自西衝擊之。成祿德莖軍由東夾攻之。匪隊離爲二。官軍益馳驟之。匪驚愕失措。潰其一隅。

奔城西關爭門欲入。官軍轉敗爲勝。人馬如有神助。全師壓墮。而軍城匪不敢啟關。外匪詈罵繞城東南奔。官軍一面仰攻。一面蟻附上。守匪啟關走。遂克館陶。城全軍追至唐莊。

距城十里

東南清水鎮。馬步匪五六千來戰。

官軍甫休息。舉纛列陣再戰之。戰方酣。祥恩引尖冢後路騎兵至。合軍而馳。匪大靡。人馬騰踏。烟塵暗空。槍礮如雨。追殺二十餘里。伏屍蔽野。再克清水鎮。守匪棄壘南奔冠縣。官軍乘勝越牆入。分軍縱火。傳餐而食。資糧器械。充塞不可計。慮軍士貪得致敗。聚而焚之。日晡。回軍館陶。殺獲三千餘。敗匪千餘。奔東北田家廟者。伊綿

阿要擊禽斬過半。仍與富明回軍尖冢。臨馬寨。嚴搯北
路。兵勇鏖戰一日。有陣前眩仆者數十。傷亡亦數百人。
外委王鳳瑞戰歿。是日三戰三捷。奏聞奉旨嘉獎。
士鍵文桂景芳清宇祥恩明通阿均進階。鳳瑞及陣亡
兵勇優卹。勝保奏言。邱縣一城。自賊退後。山東撫臣譚
廷襄相距較遠。且孤懸邊境。難守禦。現在館陶收復。前
路賊勢漸懈。邱城恐再爲匪踞。查邱縣梁固村練總王
秀芝。前善教頭。石天雨。天雨舉事。秀芝與絕交。團練五
十二村。力衛鄉里。已飭副將徐廷楷帶官兵督王秀芝
團練入城駐守。疏入。允行。時郡王僧格林沁飭幫

辦軍務鑲藍旂蒙古都統西凌阿督軍東昌奏言河北土教各匪雖經譚廷襄統兵由東昌進剿然股數甚多奴才若由鄆鉅進兵勢必紛紛過河北路又添黨羽現擬奴才西凌阿率黑龍江騎兵恆齡率察哈爾騎兵共千餘由汶上東平一路馳往期顧北路藩籬以上疏詞於是臨館匪眾爲勝軍擊敗零股麇集東昌西南周家店官橋口十三日卯刻西凌阿與副總管恆齡騎兵先進東軍栢祥保德玉秀緒綸謝炳步軍繼之循河東行抵蔡家莊匪二三千由周家店出隊旅拒官軍步騎夾擊匪奔河西官橋匪眾復出拒撫標左營千總馬炳蔚右營

把總陳萬策死之。官軍苦戰踰時，匪奔恆齡，追之二十餘里。諸軍乘勝入周家店官橋口蔡家莊三處，匪壘悉焚毀之。是日，日中匪分股千餘，掩至府城西南，聊令均親督步勇，合烏爾貢札布騎兵出擊之。追至七里河，斬級數十。西凌阿連日擊匪迭克李海務錢家樓潘家屯匪穴，戰輒勝，軍聲赫然。乃堂邑侯堦距清平河口三十餘里復新起土匪，合教匪竄清平邊界劉家垓子莊。又紅旂匪黨時書等屯靳家堤口，黃旂匪黨萬清得功等分屯大李王莊鹽臬存仲一股，屯陽穀城東北漕倉之在七級鎮者，羣匪搶運蕩然。壽張縣三月初閉城，至今未啟。羣匪

於城東里許築土堦一道高厚丈餘南北互三里城西
 穿三里長壕匪驅鄉民刈附城熟麥斗抽二升從者日
 眾東阿縣則另起土匪二千餘焚掠關山魚山團勇陣
 亡六十餘人鄉團解體不敢出戰勝軍所擊匪眾有自
 館陶清水鎮敗奔冠城及七里韓村者有屯北路李垵
 馬王屯冠縣西路四屯店當村石村等處者距小難鎮
 踞守犄角揚言回攻館陶分犯大廣以緩官軍急進勝
 保十二日詣大名令榕吉督遊擊吉忠阿大名兵四百
 王朝棟天津兵千二百把總婁鳳閣勇丁千祥恩與營
 總德克登布八旂兵六百騎兵三百由小灘大名縣西
轄境

進大名鎮阿麟保督本標兵四百爲後應檄館陶軍成
祿文哲暉德堃景芳守備王永勝所部由南進伊綿阿
仍扼尖冢馬家圈大營河口備匪竄突調廷楷原駐邱
縣之兵赴前敵調遊擊戎發原駐孝固村之兵填紮邱
城十四日五鼓北路成祿等進至館陶東南之李垆賈
村化村正南之萬善匪眾五六千迎拒如前官軍擊之
輒敗分踞犄角之賊悉舍壘而奔追至冠北殺傷不可
數紀西路榕吉祥恩等同時進至四屯兩馬寨數十村
莊羣匪出戰官軍精整自喜匪眾戰慄交鋒輒走騎軍
馳驟之譁然委棄器械無敢入壘者亦追至冠城之西

匪乘城拒守。景芳永勝攻北門。祥恩音德布攻其南。圍將合。匪潛啟東門。奮呼而走。眾猶三四千。遂克冠縣。官軍步騎兩路追之。緣道砍殺。又無算。已至七里韓村。匪巢巢外深壕。排列拒馬。叢林岔徑多伏匪。知爲善繼太窟穴。停軍傳餐。分路踰伏。焚莽而進。俄匪數千出壕列仗。搖旂喊殺而不前。眺車騎如長蛇向南行。陣賊多反顧耳語。官軍乘之。匪大潰亂。官軍刀斲矛刺。匪匍匐稽顙。惟骨肉脆折。人馬騰踏聲不聞。槍礮所斬千餘。官軍擁而入。又斬七八百級。再克七里韓村。匪悉奔莘縣。老巢分軍盡拔冠北數十村莊。匪望風先潰。捕斬餘孽。又

數百。分軍守冠城。疏聞於朝。榕吉廷楷以下文武員弁數百人。皆荷陞賞。官軍自克七里韓村。回軍入冠。乃周遭四鄉。數十里無人烟。亦無芻豆薪米。城垣殘破。寥落。難以設守。一宿而行。十六七等日。甚雨如注。次日見霽。成祿景芳永魁喜義文哲暉德塋等步騎由館赴冠。周視傾圮。諸軍通力修築。更替戒備。一日夜而畢。匪偵官軍入城。不虞其修葺之速。糾萃堂朝觀。鄆鉅濮范土教羣匪。號四萬餘。夜至。官軍城內外諸營。臥鼓息燎。登陣伺守。匪縱橫馳驟。距不半里。發聲呼嘯。槍礮如風雷。官軍益寂。匪疑城空。大隊圍繞欲入。夜色暮昏。匪莫辨。

距城遠近。守軍度槍礮及賊。萬火同出。匪中傷者周遭數百人。駭呼詬罵。退屯里餘。通夕來擾。成祿等黎明。麾軍突出。分東西兩道攻之。匪殊死戰。官軍有進無退。日加辰。匪始卻。全軍犇之。斃匪無算。殲坐車匪目十餘。追至七里韓村東南。始斂軍。後路糧械鍋幕至。於是撫慰將士。簡閱步伍。巡察夷傷。終日而畢。綠旂匪黨黃學文。黃蘭枝。黃旂匪黨楊洛顯。黃勞玉。李德。黑旂宋景詩。曹三。藪子鼓等。引眾分由清平之左家橋土橋。博平之邢胡劉莊三空橋李家圈。上下游搶渡。清平團周在東。等。博平團胡德俊等禦之。團民多死。匪眾撲過河東。凡

清博轄境沿河康家莊劉芳屯水城屯鄧家橋白虎寺
耿家梅莊苗莊賈家寨數十村寨悉被焚烏爾貢札布
步騎八百馳赴清平匪回踞河西豆方屯侯垵三十間
房劉家海河東康莊戴家灣等處虛張旂幟十九日巡
檢彭年入城告急烏爾貢札布與知縣桂昌分率兵勇
趣魏灣二十日黎明景詩引眾在土橋開架浮梁先飭
二起土默特騎兵嘗之烏爾貢札布與營總佐領沙津
滿達勒先突陣傷匪百匪卻驍騎校鄂齊爾馬甲拉登
札布沙津格呼力音噶拉等涉水衝殺頭起土默特穆
古楞壽星保巴彥爾圖林保音保噶哩德等數百騎均

渡河追擊。槍不虛發。斬級二百餘。禽二十七。匪潰。追之二十餘里。奪大小旂幟數十。威遠劈山礮數事。甚雨驟。至回軍魏灣。時教匪分半回莘。抗拒北軍。而土梟各匪尚不下七八千。惟存重己槍斃。其綠旂得魁紅旂。振南二股仍踞田家莊。孫克盛莊。旋擾府西南數十里。北軍隔不能通。十五日黎明。西凌阿騎軍由府東龍灣渡河。恆齡步軍由王家口渡河。保德栢祥。玉秀。緒綸。炳把總。姜順。令均等各率步勇分道接應。將至孫克盛莊。匪大股出拒。騎兵衝其中堅。匪不支。裂爲二。騎兵進益猛。步軍隨之。匪散亂西潰。諸軍遂克孫克盛莊。田家莊附近。

之李堂徐戴莊皆下。斬級千餘。禽劉金琢等七十餘。匪偵官軍騎兵赴魏灣。擊渡河之賊。計乘虛襲府城。十八日晡。官軍哨騎百餘至距城二十里于家營。迤南十里。匪大股掩至圍之。西凌阿飛飭恆齡馳援。率薩英額本起官兵繼之。至則賊圍數重。復令營總西蒙額喜成阿從張莊繞賊後夾擊。匪圍略動。營總達爾濟從西北衝出。已至白家莊。諸軍乘勢兜擊。匪敗北。遁踞曲家營。步騎軍次日黎明又克之。于是府城東南李海務周家口官橋口皆無賊。匪奔踞西南沙鎮。距府城四十里北其清平搶渡之匪。遁跡稍遠。桂昌督團隨烏營渡河。部索

河西豆方屯板橋二吳莊新莊譚家樓陶家莊王垌南營孫黃二莊桐莊伏匪日數十人餘匪數百奔西南會勝保訂期進兵分賊勢而堂邑爲匪眾往來捷徑必先收堂邑廷襄乃調回烏爾貢札布一軍二十六日與西凌阿合軍進擊匪屢挫之餘聞官軍且至先潰走官軍入城公私廨舍無半椽城堞全圯居民無一戶官軍築壘城外廷襄因屢奉

嚴旨切責急檄冠令王世榮

堂邑令章文湧邱令李亥代理館陶令縣丞黃初入城視事又奉

詔曰邱縣館陶冠縣等城旣經克復全

賴地方官安撫善良緝拿餘匪著譚廷襄速飭地方文

武尅日赴任。於是文檄守促。世榮等單騎之官。四城暴骨如莽。榛杞塞路。饑瘞夜號。厲鬼晝跳。民無丁男。官乏隸圉。携一二僭從。披荆棘張幄於頽垣。陲寺之旁。馬賊猶往來無虛日也。勝保移軍館陶。而堂邑西北柳林侯堠。宋家小屯附近數十村。均有屯匪。沙鎮匪勢特熾。南北軍不能會合。勝保飭伊綿阿由尖冢倍道趨堂西北。添調冠縣之軍由西南夾擊。匪聞聲潰走。柳林侯堠等匪皆遁。堂北遂無賊。而冠東南之東西白塔集富義集趙莊焦莊三河鎮。距冠城一二十里間。大小匪巢林立。死抗以衛莘縣老巢。二十八日。勝保由館陶輕騎至冠。

縣前敵軍中。修妮部伍。飭成祿廷楷喜義景芳永魁文哲暉等軍。並新調守備劉祺景州千勇到冠。由東西白塔分四道進。人銜枚馬縛口。疾馳距城數里。遇放卡馬匪百餘。見輒反走。諸軍逐之。林薄中突起馬匪千餘。諸軍鄧陣。陸擊步軍在前。騎軍在後。斬級四百餘。匪抱隊不散。少頃。匪且戰且退。陳漸動。臬司周士鏜出前茅。傳呼猛進。一時步騎官軍如潮而上。匪奔白塔。援匪大至。敗匪惶惑。疑官軍夾攻。自相衝擊。官軍益乘勝取之。匪大亂不支。追至東西白塔。擁而入。遂克之。分軍襲富義集趙莊焦莊皆下。獲偽令偽示軍械牲畜不勝紀。殘匪

歸併桑阿鎮沙鎮

堂邑之南

天時溽暑。息軍一日。晦五鼓。進

軍向桑阿。士馬勇奮。恐後爭先。距匪巢不及五里。不見一匪。再進三里。亦不見一匪一騎。惟礮聲如連珠。諸軍知匪氣餒也。喊殺而前。近則匍匐猛進。匪礮高仰。落子聲颼颼然。逕抵巢下。匪大驚。啟關欲出。官軍逼擊之。出數百人。多傷踣。各門均啟。官軍逼巢環擊之。匪馬爲礮轟折回。自相衝突。大亂散走。落塹者塹爲之平。官軍畢入桑阿。匪猶血戰寨中。伏尸橫路。餘匪向東南莘縣奔。連克白塔集三和鎮。惟陣亡外委鄭啟祥及兵勇數十。

山東通志卷之四十一 兵事 咸豐七年 五月 莘縣

口身宜與利是
身
一
又
匪
十四

山東軍興紀略

卷十三之上

邱莘教匪三

時東昌西南丁家廟堂邑之興泰集范二莊黃家寨陽穀東阿各境張秋鎮之北阿城鎮之西安樂鎮之東教土匪分合游駛多者二三千少者數百西凌阿恆齡王秀緒綸等步騎先擊丁家廟踞匪馬匪三百餘拒戰官軍步騎三道禦之佐領何通額建旂殿鼓繞匪陣後鈔擊匪不辨虛實衣黃馬匪執旂回顧何通額驟進奮稍刺墮之匪驚潰官軍追殺十餘里抵沙鎮林箐中出馬步數百官軍如前轟擊匪勢或前或卻風雨驟至官軍

回此五月二十八日事也。六月朔仍進攻沙鎮。匪不戰遁走。馬匪殿後徐行。官軍奮擊之。馬奔殲。坐車匪目及輦運孛賄步匪二百餘。禽十餘。官軍克沙鎮。會烏爾貢札布一軍擊匪興泰集范二莊黃家寨竣事。調回其軍。令趣桑阿合勝軍攻莘匪。而東昌之南七級阿城踞匪尙張東阿令吳樹聲督民團房嘉謨陽穀令袁一士督民團鄭朝棟分道堵禦。嘉謨等踏平劉家集賊館。匪忿怒糾眾報復。攻關山傷亡民團房省山等數十。團眾懼。西凌阿初四日移營七級。廷襄檄常存率步軍助戰。匪馬步千餘略一抗拒。卽渡河西奔。官軍追殺踰河斬

衣黃匪目二。衣紅匪目一。禽二十七。回軍七級。又搜斬百餘。附近大小村落漸靖。惟阿城張秋及陽穀境屯匪如故。初勝軍擬攻大李王莊。期東軍同時攻沙鎮。分賊勢。沙鎮屯匪不戰遁。士鏜榕吉文哲暉德克登布伊克精阿廷楷得魁喜義文林景芳清宇等軍。由桑阿進蕭家寺。初二日寅刻。抵莘縣匪巢。村落在處伏賊。輒勦輒進。得魁景芳軍已越過大李王莊。距城祇四里。匪大敗。追至西關之南。殺獲不可數計。而縣城東北大隊擁出。約萬餘。城匪七八千出巢夾攻。廷楷步軍爲匪所包。死傷相屬。勢將覆沒。喜義文林清宇奮勇赴援。回環轟逐。

景芳得魁回軍兜擊。匪內外受敵重圍。始解。廷楷乘勢

奪路衝殺。匪始斂隊。日暮回軍馬橋。

距城計里

計陣亡數十

傷者二百餘。斬匪級四五百。奪銅鐵礮二十三。擋牌六

十七。偽印七。他物不勝名狀。勝保由冠縣進馬橋。初五

日。五鼓。士鏜成祿。廷楷得魁。文哲。暉部勒諸軍。定計先

攻大李王莊。以正定河州兵攻其西。東兵豫勇攻其東。

大沽兵景州勇攻其北。缺一隅。分馬步爲三伏。陳騎兵

五六里外。兩翼鈔之。直隸督標兵爲後應。諸軍妮隊疾

馳。所過村寨。斬馘零匪一二百。如摧枯拉朽。無敢抗者。

抵大李王莊二里許。馬步匪踰萬列。陳東南。旂幟林立。

不動。莊內有鼓吹聲。將士皆憤。騎兵先馳。匪不動。三面
馳之。匪勻隊撥護西南隅。諸軍大噪乘之。匪卻槍礮所
及。匪前列盡踣。有猛士突入。奪舉匪旂。向西南急馳。匪
後隊隨之行。官軍再乘之。匪目乘馬督戰者。刀斫之不
止。遂大敗。官軍克大李王莊。匪闖南門奪路走。伏兵截
之。盡棄孳賄。得脫者馬匪二千餘步。匪盡殫。官軍布營
莊內外。小憇傳餐。縱火起隊。仍分三道進。距莘里許。城
匪礮如連珠。官軍行列稍密。多被傷。妮隊傳令更換陣
法。魚貫雙行而進。近則益猛。抵城濠乃止。城上八器均
虛擊。匪闖東西門出鬪。官軍分路應之。仰攻不已。城匪

木石雨下。所傷甚多。士氣益怒。有奮勇攀堞上。女牆匪斫其顛。刀陷骨不拔。攀堞噴血而登。始仆。匪恐勢卻。教首披髮朱衣登堞。念咒二十餘輩。官軍愕眙。匪槍礮穴垣出。官軍大卻。成祿廷楷得魁文哲暉躬冒矢石。追外壕。士鎗催軍繼進。匪槍藥漸少。木石將盡。知不守。紛向城南隅翻遁。官軍踰北垣入巷。戰所殺縱橫蔽道。并爲之堙。兵士浴血不辨眉目。傳呼口號而已。餘匪闖南門出。馬步千餘。遂克莘縣。分軍追至靳家堤口。匪寨十餘處皆破毀之。時未申之交。回軍入城。甚暑臭穢。火燄不息。流血橫隘。不能安釜鬲。張旂四城。營於隍外。是役也。

前後斃匪七八千。兵勇傷者數百。死者百餘。戰狀良苦。救出男婦二千餘。獲匪男婦數十。礮位大小五十六。獲曲周縣印一。黃蓋黃衣十數。當官軍之攻入也。有數十悍匪擁護一馬賊爭門欲出。識爲匪首楊太。環繞禽之。從匪死鬪盡殲。太下馬衝突。身被刀矛十數。始仆。遂斬其首。西凌阿移七級得勝之師。道阿城闌。匪眾在阿城者。聞風沿河南奔。鄉團縛獻從逆之劉萬芬等十餘。斬之。恆齡騎兵由河西進。廷襄檄常存步兵由河東進。陽穀民團郝廣立布殿標李毓南等率團助戰。張秋匪眾千餘屯河東。見軍至。奔河西。官軍逐之。匪向西北。正西

潰走。斬級五六百。斬衣黃紅匪目九禽。偽副元帥劉定
彥王興安趙四高占玉柴坤等四十三。獲偽印五。黃馬
褂五。偽令八。銅礮一。刀矛六百餘。牛驢騾馬四百餘。十
一日。官軍復進。值匪潛回張秋。窺東阿。團總王建中陳
懷玉魏凌雲田錫之陳錫朋孫華堂等率團擊匪半渡。
追至泗河。殲渰者三百餘。斬偽總兵王奉安。黃旂偽元
帥田奉魁趙倫成張子鼇。匪目孫保善等五十四。遂克
張秋。一士率團駐守。先是初七八等日。莘匪有竄踞陽
穀米紅鎮駱駝巷安樂鎮者。廷襄調駐莘烏爾貢札布
成志軍襲陽穀城。期成祿軍會隊。城匪方脩守。囊沙負

土緣道相屬。官軍猝至。遂潰。民團吳廷幹、鄭朝棟等率團入城守之。初九日。幸西南朝北。突出虜糧。匪千餘向北行。得魁所部向西南擊之。匪敗回巢。會成祿軍至。十一日。諸軍皆馳入陽穀。匪先期遁。遂回軍。幸西南十八里鋪。十三日。諸軍進攻朝城。有道光間習教戍新疆赦回之從政等詣成祿軍。陳言景詩懾軍威。悔罪乞撫。願行間效力。勝保許之。奏言。奴才此時軍威甚盛。原期盡殺乃止。然勦撫兼施。亦權宜之計。宋景詩雖曾助教。其始並非習教之人。咸豐四年。曾在山東撫臣張亮基部下充勇。所領黑旂多相從。習學槍棒之徒。人數既多。略

知陣法羣匪倚以爲重收爲我用則匪勢頓孤疏入報

聞勝保詣燕旬前敵受降景詩匍匐聽命編所部爲

靖東營

景詩堂邑劉官莊人咸豐十一年在冠縣韓姓富戶爲教師縣役張夢蘭張東泗沙思德郭太

和等白縣官宋瑞果謂其教習捕之景詩跳免乘亂聚眾與善繼合與李興德姚太來張九春張殿甲俱爲領兵大元帥張黑旂以杜慎修十七日黎明成祿得魁步曹三墩子鼓許船五爲先鋒

騎分路進景詩降眾爲繼行至茅庵

距朝城十二里

遇匪五六

百西安營總伊克精阿騎兵先張兩翼令景詩步隊迎

擊斃匪七八十匪敗成祿得魁乘勢壓之騎兵鈔進兩

時許薄城城匪二千餘出拒鋒交匪走官軍由北門擁

入斫殺千餘分營城內外遂克朝城十九日仍令景詩

降眾前導。諸軍從之。沿途斬零匪百餘。四十里抵觀城。城堞旂幟搖曳。城門洞開。官軍方仰視。突來巨礮傷一人。軍士忿怒。紛紛躍壕而過。傳令架浮橋先入。騎兵步軍四面踰垣入。縱火蠶噴筒。伏匪延燒盡起。有一二百人死鬪。盡殫。餘匪千餘由南門奔濮州。追斬二十里。回軍觀城。偵范縣城外匪巢林立。悍匪均赴濮州。人數尙夥。因與河套會匪合股也。當諸軍攻復觀城時。大雨驟至。敗匪三四千冒雨由朝西南無兵處繞道而奔。得魁騎軍夜躡之。至小灘北。匪泗水渡衛得魁縱擊之。殺溺數百。水爲不流。追至南館陶安兒莊張家井。分半西奔。

曲周半竄臨清邱縣廷楷佐臣由館陶引軍趨南館陶

過衛要擊與得魁合追至路莊斬約千級匪棄馬分遁

時高禾蔽野餘匪多藏匿逃死云勝保軍由館回威偵

西竄匪首善繼臨明二邪即張九春天雨向曲周直隸廣平府東北屬

四十里雞澤一路檄景芳德克敦布等騎兵窮匪所向二

十三四等日及匪永年縣廣平府附郭沙河邊距臨洛關不

遠之吳家莊柳營劉固村斬級七八百餘匪奔回邢臺

直隸順德府附郭任縣順德府屬東騎軍又及之其西奔敗匪

餘二三十騎四散潛匿直隸戰事故畧之其東南敗匪三四千

出沒觀朝萃穀之間倏由堂冠交界闖踞臨清瀕河之

范家場大營口分股擾清河廣平府東南一百六十里調廷楷喜義

知府劉策先各起步騎抽圓明園八旂擡槍官兵

由邵堦下堡寺郭七寨分路進二十四五等日連擊敗

之每勝斬馘四五百餘匪敗屯淺口南館陶西十八里又分股

三四百人廣宗順德府東屬一百二十里檄佐臣及參領阿本泰騎

兵勦之匪復奔平鄉府東八十里大名守劉煦等奉勝保檄

言朝觀悍匪均聚濮州大軍因勦東西兩路竄匪慎防

後路未克分兵責煦赴南清開整齊團練進攻濮范匪

巢煦率兵勇行距東館集迤南二十里匪數百迎拒兵

團縱擊之敗走直隸清豐令王懷清河南內黃彰德府東屬一

百十令黃見三率鄉團來會匪踞觀漢交界黑米寨二
十一日兵團環攻之連縱威遠紅衣礮牆崩守匪亂兵
團擁入殲匪千餘出難民男婦五百餘禽匪目悍黨數
十車馬旂幟數百火其巢當是時各縣伏匪麇聚四擾
景詩部眾潛叛陽堂萃館再警勝營自謂景詩投誠功
在東邦亂庶遄已東民方謂陽奉陰違既猶未艾其實
景詩黑旂人數眾叛服難齊有假冒黑旂焚掠東軍不
便擊勦致負激變名且勦而勝紛紛入勝營號訴勝營
將弁不能辨其真偽卽景詩亦不能辨也十五日黑旂
匪眾由莘之鑿駕屯入陽穀之皇路莊至距城三里轟

家墩眾二千餘。陽穀請援兵。烏爾貢札布留成志炳軍
駐莘。自率騎兵向東南追擊。小有斬獲。而朝寇四鄉伏
匪由朝之大場入冠之辛屯。桑阿蔡兒莊。至堂城西賈
寨。距城三十五里石槽莊。漫延辛集。距城二十五里李家劉八寨王家
劉八寨。缸屯柳林范寨。侯垵宋家小屯陳屯七星屯。劉
紹諸處。章文湧隨營總薩薩布騎兵勦擊。亦有禽斬。自
朝之張魯集以南數十村莊。皆張黑旗。自稱投誠。宋勇
而勝營遠壁朝城西北五十里外夾隄。烏軍移壁張魯
集迤北。各縣民團亦堵而不擊。二十二日。成祿移營孔
家堂。景詩移營李家安州。相距十里。遣戍什趙玉林等

賚發功牌旂幟軍火諭令二十七日候點驗玉林等幾
爲所殺黑旂焚掠益肆館陶東鄉劉家塔頭西二莊影
莊楊家墳西北之魏僧寨丁家園西南之武家寨張官
屯柴家堡朱莊紅白黑三旂環繞馳突莘冠館驛路再
塞復登陴守禦而前此入直匪眾六七百復由曲周之
張朝朱爾寨城孟王家堡橫入邱之務頭段爾寨梁爾
莊七方屯常家屯皆藍旂頭帕青巾腰插黑旂另股竄
臨清鏡耳寨破廟莊另股匪目楊洛顯又從莘入臨之
李官莊樊村廠距城十里欲架浮橋赴尖冢又另股數百
騎偷渡丁家村入臨北謝路油坊等莊後股則在洪五

營常家園距州城四里餘彭垣督典史張升瀛武生常旬邦過

河迎擊奪陣而出親斫紅旂匪目自稱火帝真人賈添

祥於馬下斬馘七八十獲馬六大小旂五黃馬褂二匪

敗奔黑家莊去另股又奔夏津河西二哥營王家壩張

家密搶渡惟油坊莊股匪清河縣境距武城三十五里趙新

督團力禦之未得犯境七月直隸諸軍陣禽女匪多名

內有善繼母妻訊出善繼匿沙河順德府南屬三十五里之贊善

村知縣金秀三邢臺令順德府附郭錢敏率勇役掩之善繼

及弟善正光文等死黨數十上馬欲遁秀三伏勇役狙

擊之村西匪奔回勇役由村東進匪短兵接戰斃二十

山東通志卷一百一十三 邱莘敘 聖化草堂編撰

餘善繼善正匍伏哀乞遂釋之解威縣勝營處斬

日勝軍進攻淺口匪遁西北張官寨又攻拔之殲

斬三等數十復由廣宗順德府東屬一百二十里竄出一股意

應火器營副參領斌陞佐領格本泰等騎兵追至

順德府東南屬八十里南和府東南屬四十里任縣府東北屬四十里復奔向

入邱之新莊令亥亦訶臨明率黨數十匿大河奎

勇役往捕團民識之者為鄉導先禽數十匪無臨

民縱火積薪一人突出爭手搏之乃臨明也解威

于市善繼臨清侯家莊人父萬選嘉慶間習教清

疆道光六年回疆出力赦回善繼隨母習教太

懷天雨二邪全仁太來均其徒推善繼爲教主臨明綽
號左三毛包邱縣大河套人師太來與善繼同教自號
中央戊己土與靳參部肆離卦教各分支派焚殺攻掠
則一也時皖匪屢由蒙亳出巢竄河南 詔下勝保

俟北路肅清卽統兵督辦皖豫軍務乃紅旂匪黨肆洛
坤等大擾邱館東直交界肆卽部老文臨清尖家人或
云館陶山林莊人洛坤朝城富義集人趙老懷清平縣
人馬步二千餘二十七日屯淺口

直隸境距邱
縣城三十里焚掠小

灘南館陶附近王懷股眾剽掠莘堂冠朝而月不已壽
張西南岔河內匿匪時欲渡河賴僧王軍駐黃南壽張

陽穀民團堵運西東阿民團堵運東匪不得逞景詩部

曲未降者二三千陽與景詩爲難各旂羣匪亦揚言恨

景詩以示景詩之無貳也於是玉懷朋嶺

楊太子

順書殿

甲殿乙高思繼等均張黑旂留邊月自別景詩部眾屯

大王寨楊下莊張魯集黑旂白月玉懷部眾屯曹家樓

姜家莊黑旂黃邊順書部眾屯大場集杖巴村黑旂白

邊朋嶺部眾屯位莊左右黑旂綠邊思繼部眾屯胡疇

白塔黑旂紅月靳參餘黨屯燕店集霍莊黑旂紅邊七

月初二起至月旣晦莘堂冠朝四境紛紜擾亂忽去倏

來此擊彼竄無虛日烏爾貢札布保德等一擊之王家

劉八寨缸屯

卽甘管寨

范家寨匪奔西隄由隄北分爲三再

擊之匪西走同時臨清西南李官莊丁家村馬家莊白

炭窰榆林頭張家莊皆有嘯聚莘西北河店集曹家樓

距城八里

西南陳家集延家營正西窰子村李院集冠之賈

鎮桑阿

在堂邑正西偏南五十里

狼窩

堂邑正西偏北五十里

缸屯

堂邑西北五十里

無不匪踞聚散無定多少莫測各縣團長文武生監與

勝營弁勇出入匪中關說多方行徑詭密朝欲納款夜

復叛逃東則乞降西又攻剽東軍無可捉摸按兵不動

廷襄督兵壁府城烏營保營壁堂邑成志壁莘縣署曹

州鎮郝上庠壁陽穀勝營之檄云有阻撓撫局激變降

眾者軍法治之巡撫之檄曰有言降眾欲叛撫局難成
 者軍法治之初九十一等日大股紅藍黑白四旂匪眾
 數千分股從館陶西南薛家園過河入寇北之萬善東
 北之趙村李當鋪正東之烟村東南之胡疇白塔日夜
 縱火照耀百里間與賈鎮桑阿匪合另股匪自號大成
 軍者眾七八百夜攻莘城成志與委員知府胡鳴泰前
 莘令李杜署令黃以鑫乘城固守十四日匪眾有從桑
 阿杜莊丁家寨顏莫莊往西北者有從梁莊富麗莊由
 馬橋竄西南胡疇集者有馬匪從堂邑西北至缸瓦南
 趨賈鎮向烟店後股猶在柳林距堂城四十五里張家孩兒莊

距堂城後甲距堂城三十里范兒莊距堂城十八里者孰分孰合莫可知十八日烏爾貢札布騎軍成志步軍均進烟店至百家巷遇黃紅綠三大股匪眾官軍向東移匪趨莘城攻西北門噴筒火箭燒城樓有純黑旂從西北來云是景詩赴援未交鋒而匪退叛服固未可測也

山東軍興紀略

卷十三之下

邱莘教匪四

八月勝保奏言續竄西路匪眾張殿甲程學書女賊程五姑等馬步不下二三千官軍跟蹤追勦預飭大名道王榕吉廣平府知府金鎧率曲周平鄉大名南樂練勇會擊四面兜圍之殲匪略盡槍傷玉懷學書禽斬賊首偽元帥殿甲女賊首五姑等餘匪無多回奔東路冠縣東南臣分軍搜勦除殲滅外餘皆畏威反正以上奏詞而教

黨分屯朝之正北西北及距城十數里之朱莊妹冢冠之桑阿呂莊大張莊周家莊杜莊葉莊掖莊辛莊鳳莊

蔡兒莊柞莊灣兒裡斬家屯油坊吳莊野場佛莊莘之

烟店河店曹家樓信莊牛王莊吳莊安州堂之城西南

管家屯温儀集張爐集者尚不可數計與朝城張魯集同名離城十五

里初四日犯聊之李家海王家堂邴莊西葦園王官莊

連家莊潘王廟盛莊五孫家莊沙鎮譚廷襄因南捻過

運由東平趨甯陽西凌阿軍于七月二十日移濟甯詳院

匪卷廷襄又調烏爾貢札布騎軍保德栢祥緒綸徐必麒

步軍由齊河入省勝軍半回威縣留者分赴濮州收撫

叛團王來鳳等詳另卷無暇兼顧東昌匪眾聞勝保初八

日赴熱河行在叩謁文宗皇帝梓宮未返訛

言大興人心惶惶團練解體匪燄再熾景詩赴堂邑謁
留防道員王觀澄請擊擒自贖觀澄慰安獎借而行二
十五日皖擒大股犯范縣之郭灘景詩隨勝營千總楊
光德引軍迎擊獲勝詳皖匪卷九月教匪遣黨赴黃南結長
槍會匪向濮范河口冒民團陸續過渡不下四五千分
屯朝城舍利寺范縣榮家莊陽穀蓮花池曹屬土匪劉
四反畔亦率黨數千北渡於是大綠旂教匪楊福齡即楊
奇大紅旂教匪靳肆餘黨小綠旂雷三即雷煥小紅旂
李金聲王懷玉趙老懷等小黃旂王玉符等復豎旂聚
眾冠之燕見莊合之擒會各匪幾萬五千人勝保北行

未返勝營帶兵官興山趙喜義恆奎由閻家集遇賊敗退十五日匪攻陷大場底營兵勇三千餘潰至臨清匪由冠東南出西北攻圍冠縣伊綿阿率勝營辦團委員廣西知州覺羅英銳代理令李煇登陴守禦五晝夜威縣勝營撥騎兵馳救匪奔西南小灘景詩方營冠縣竹竿巷匪眾夜襲之猝不能禦退營堂之缸屯匪眾從張爐集撲缸屯景詩部眾攜貳不能出隊退至堂北招子營匪愈熾而皖捻志在擄掠莘堂冠館十室九空反劫奪教匪資糧倒戈相殺雷三李金聲均爲所紿殺傷過半竄至堂邑十八里范兒莊黃家寨避之十四十七等

日成祿密期景詩夜襲堂寇交界唐門寨王家劉八寨
焚紅綠旂匪營十餘處匪奔西南是月也臨清牧垣莘
令以鑫館陶令李青林皆擊匪獲勝各有斬禽勝保十
五日由北回威軍聲復振二十一日飭前敵諸軍擊宋
平張村踞匪斃三百餘追至范村趙村華村禽數十獲
旂械礮位二百餘皖捻恨爲教匪所紿又爲兵團截擊
悉數搶渡黃河詳皖匪卷中冠縣以南堂邑四境惟教匪遺
孽糾會土匪五六十盤旋攻鈔勝保調回赴豫之黃得
魁軍合營總烏勒興阿騎兵成祿廷楷佐臣步軍分扼
冠南各隘派景詩降眾由堂進逼期與上庠軍合二十

七日進館陶十月朔福齡老文雷三等眾分股從堂西
 于家樓城北柳林趨臨清之董家莊王家坊千戶營尙
 店前後荆林四莊偪城關河口搶渡佐臣軍馳援垣與
 署副將信長慶都司安喜王家淺巡檢胡潛州吏目齊
 承燾及張升瀛等過河夾擊匪兩吹波倫佐臣騎兵先
 馳之垣率升瀛步軍及團眾齊出斬匪二三千匪首尾
 不顧敗奔東南佐臣等揮軍循河追斬數里而返時南
 邊捻氛漸退廷襄檄烏爾貢札布回軍東昌初四日合
 上庠軍至堂北丁家廟距城十里遇綠旂匪張三臭藍旂
 楊老險等眾五六千四面包鈔騎軍衝其一隅上庠步

軍繼之。騎軍突圍出。圍復合。步軍鄼陣轟擊良久。騎軍反鬪。圍益密。不能入。步軍礮火略盡。至亢家莊。上庠發三矢射陣。馳馬馬蹙而墮。羣匪攢刺之。遂遇害。萊州營守備伊縉保。撫標右營千總袁得勝。同日陣亡。太公廟兵丁死者數百。烏營退壁府城。勝軍方擊匪堂邑。匪眾萬餘分屯薛店李官莊楊家墳八岔路。初六日。成祿廷楷烏勒興阿步騎六千餘。整隊進。匪連勝輕敵。出隊三千餘。匪首不相下。進止不齊。勝軍擊之。匪前隊卻。匪目執小紅旂者。突前斬二人。匪大譁。勝軍乘之。匪入叢莽。人馬錯亂。勝軍擲火燔之。匪藥然發。焚其旂幟衣裝。匪

潰聲如山崩。追斬十里。殲三四百。獲槍械馬匹無算。追至薛店李官莊楊家墳。匪棄巢走。官軍入之。五鼓。匪分三路再犯薛店。成祿廷楷等知敗匪之必反鬪也。設兩伏待之。營內燭火不然。佯若無備而臥酣者。匪潛至四面。薄牆距濠不十武。聞曳柴聲。萬火同出。無一虛發。匪大奔。出寨逐之。伏兵起夾擊。無不一當十。天大明。緣道轟斫斃約千人。馬械盈路。此初七日事。是夜。飭景詩斫匪營。焚其三巢。斃匪二百餘。得馬百餘。十一日。成祿等進軍柳林。逼之。匪奔西南。十二日。得魁軍由清水進。佐臣由臨清出軍會之。成祿廷楷景芳由柳林躡擊而前。

匪不敵分股走東南正南入狼窩榆林頭辛村桑阿鎮
並築圩陳村死守勝保親至前敵八里莊與旺集督戰
自十二二十三十六等日累戰皆勝匪死傷散亡大半餘
者三四千官軍由狼窩榆林頭乘勝追之辛村買鎮桑
阿烟店馬橋晝夜二百餘里沿途屍骸縱橫擗仆流血
殷紫車牛繫畜旂械收繳糧臺充賞數日始盡餘馬匪
六七百走范縣勝保移營朝之張魯集檄運河道敬和
前曹州守童正詩督莘堂冠館州縣部索伏匪飭王觀
澄率東昌官兵駐莘縣烏勒興阿斌陞景詩步騎出觀
城十一月教匪敗眾分半入壽張之竹口蓮花池與土

匪合。詳另卷有千餘人幸之。延家營教。巢初。教頭延輪秀。

從世明從尚選者。習白蓮教有年。蠱煽蚩氓。傳徒積貲甚厚。不出外鈔掠。而他縣從教者。月有獻納。自咸豐四年。東省擾亂。輪秀等以團練禦賊。築壘濬壕。附近宋家莊。陳家集。皆爲所併。圩周十四五里。設樓櫓。儼然城郭。洎邱莘大亂。莘堂冠館無不陷之。村寨延家營獨完。日益富庶。匪黨潛入者六七千。官軍過境。輒有樸愿癯者。十數輩伏道左。稱良民。具饌餅餉軍。實則良民逼脅入圩者。敲撲輸納。作苦爲奴隸。不從教者殺而收其孥。賄莫能控告。官吏無如之何。圩中良莠不下三萬。是月朔。

勝保飭成祿得魁景芳烏勒興阿文哲暉伊克精阿斌
陞等引步騎及景詩降眾陳五里外遣數騎諭降輪秀
等比至寨閉不得入站牆者周遭皆滿聞號礮聲次日
出示十通射圩內限三日不從教者出寨免死三日不
出進兵無悔於是縋牆逃死者數千匪防禦益嚴昕夕
脩守初三夜分官軍兩路進距匪巢不一里匪發巨礮
官軍趁趨逼之抵壕畔火器仰擊之守匪益密自辰迄
午官軍多傷亡復遣都司買金春王圻持令督攻誓必
克軍士冒死血戰毀環壕之鹿角柵牛馬牆由西北攻
入全軍踰壕肉薄而登傷墮枕藉肩累不輟匪知不守

退而巷戰。官軍四面入。先擲火燔之。官軍反附圩牆。站隊。燖四合。守匪旁竄。官軍四面斫之。如籠鳥釜魚。無一得脫。有危樓四垂。磚發火不得然。悍匪登擲磚。甌得魁。金春撤屋材。環焚之。盡殫。薰眼焦髮。斷脰碎顱者。枕藉圩地。羸馬牛驢雞犬皆飛騰跳躍。人畜自相蹂藉。夜反號呼耳。不忍聞。餘匪乃闖南門奪路出。圩外步騎軍層層截之。禽悍匪六七百。訊出輪秀世明從錫祺等。斬梟之。圩內外平地流血成川。殺獲萬餘。遺良民五六千。獲違禁黃色帷蓋旂幟袍袴百餘。槍械礮位數百。刀矛數日舉之不盡。負傷逃遁殘弱不及千人。四散狂趨。雜

時匪眾無復大股。祇餘匪首玉懷老、文雷、參顯、貴玉、符宗、孔福、齡朋、嶺丁、泰和等。自知罪大惡極，各率死黨百十爲羣。初四日，竄柳林、焦莊、杏莊、定遠寨。越二日，竄樊村、廠。聯車爲浮梁，西渡成祿、景芳、景詩等軍，邀之。由馮官營乘夜狂奔，分屯呂寨、隄口營裏等村。其日，延家營敗匪，亦由大營口渡衛西走下堡寺。勝軍逐之。都司張玉祥遇匪戰歿。匪奔威縣之周家樓、陳家莊、曲周之龍招村、角懷橋。十三日，勝軍及之廣平府南牛莊。十六日，又由曲周入南館陶丁家園、魏僧寨，復回奔臨清西倉單家屯、張莊、隄口、馬明堂、呂家寨、王家莊，循衛搶渡。其

由尖冢過河者奔大名之小灘復渡衛從西南向東奔

十九二十等日至王奉大場白塔李兒莊多者百餘騎

少者一二十騎勝保回軍威縣追賊曲周廣平均奏報

連獲大勝並奏賞都司銜景詩以參將用在直境不詳敘各匪

目狼奔豕突窮蹙無歸官軍鄉團緣道截殺於是玉懷

朋嶺鳳鳴順書世欽等分赴士鏗觀澄營輸款放兵繳

馬勝保派士鍵景芳都司彘甫蹕彘失再反劉祺五品軍功

于海龍等分詣東昌沙鎮莘縣烟店與觀澄宣諭

朝廷威德數其不軌之罪予以不殺之恩匪眾崩角稽

首跪道歡呼聲聞數十里分東西伏地自行唱名登冊

挑精悍馬隊編爲誠順禧順慶凱靖東等營並親軍大
紅旂隊小紅旂隊派守備松瑞都司王永慶卓武臣遊
擊張得祿及降目參將景詩守備鳳鳴順書玉懷朋嶺
馬榮等分帶隨營征勦惟老文一股自外生成逃竄伏
匿此外不願出征降眾各給免死牌票凡十一月二十
五日以前所犯情罪寬免不問分別遣回莘堂冠館臨
邱朝觀原籍安插歸農勝軍不日南行 詔令正白
旂漢軍副都統遮克啟布大順廣道榕吉督辦直東防
勦准其聯銜奏事

附記

咸豐十一年三月景詩遣黨杜慎修曹三墩子鼓許船五等爲先鋒率馬匪數十畧地東昌之東汜荏平境良民數百村寨畏賊莫敢忤比戶建匪旗有李孟洲者聊之東鄉荆家莊人也素耕讀時年二十六謀於族人孟渠曰時事至此吾儕奈何從賊則玷宗不從則徒死而滅祀計惟僞從而徐圖之孟渠然其言糾同志數十人迂慎修等入饋以芻糧率數十人隨之徇諸村寨與同卧起佩刀擁盾後先之慎修等不疑一日孟洲由後斫碎其顛同志數十人手捽三墩子鼓亂斲以死船五奔噓

奪門走眾逐斬之。勳三首巡行數十村寨，告曰：前此孟洲從賊者，僞也。今除景詩腹心三賊，銜恨既深，諸君願從賊，卽殺孟洲以說，否則宜辦團力禦。眾皆服，遂與訓導元懋修從九陳其昌監生鄧錫庚刑牲而盟，集團索斬慎修餘匪，日夜濬壕增壘。匪至輒戰，累勝，村寨皆完。又擊匪城東，追北府城。屢危未陷，至今東昌論功，推孟洲言景詩先降，以失三驍將也。事平，孟洲得官從九品。至同治七年，以禦捻張總愚進階縣丞，蒙院文據聊城令王恩湛轉據紳士朱學篤高承基等呈言如此。孟洲洵

上
卷
三
一
三
一
匪
匹
九

偉矣哉

山東軍興紀略

卷十四之上

降眾一

降眾者何。上年統兵大臣勝保收撫邱莘教匪。編爲靖東誠順等營。調令隨征。暫紮館陶臨清大名者也。其乞降被汰附麗降眾。出入營內者數倍之。其未降匪黨散處莘堂冠館臨邱者不可數計。當時五州縣編戶同被惡名。實則爲匪者莘冠民十居七八。臨館次之。堂邑又次之。然已不下數萬。所收者三千餘。彼數萬匪眾化莠爲良。不如是之易且速也。三尺童子知將反側。長吏豈獨無聞。無如勝軍方亟南征。東疆兗沂教幅兵不能弛。

不得不苟。且旦晚之安。勢使然也。於是勝保與巡撫譚廷襄分遣員弁責牧令清查保甲。令之曰。降眾慎毋逗撓不進。無如匪目張玉懷楊朋嶺宋景詩等眾三千餘。皆爲盜積資。繫戀孥賄。猜防鄉里。無意南征。廷襄知聊城在籍道員楊紹和鄉望廉平。檄令先由堂邑周厯冠莘率團長武舉丁錦堂等挨莊查逐降眾。責令歸營。而各州縣團長不下數百輩。賢否匪一。漁利復讎。略斂相殺。陞眾控愬勝營。民團控愬巡撫。州縣文檄交謫。隱忍莫可控告。馳逐阡陌。排難解紛。日不暇給。雖烽燧暫息。鄉閭草竊姦宄。輒言降眾所爲。益不相安。玉懷朋嶺私

參死黨景詩潛遣端景書及張丕烈

夏津縣
革生

引眾六七

百分布堂之李官莊朱家莊侯垆焦莊宋家小屯南辛
集莘之馬兒寨官民互相恐動重足而立勢不可終日
會匪黨有遷其孥賄於衛河之西者旗幡星屬戈鋌森
然於是謠詠益紛運衛兩河間復震同治元年正月勝
保督軍南行令將校率降眾七營由館陶大名赴豫十
四五日勝軍先後渡黃玉懷朋嶺藉詞無船糗糒將盡
吹角鄼隊引馬步二千餘回奔東北勝保遣騎將副都
統明慶追之二十日叛匪大股至直隸元城南境掠十
數村莊二十四日向東南入山東莘朝境北趨冠縣次

日大順廣道王榕吉引兵抵莘朝曉諭彈治而玉懷等
堅乞歸農榕吉窺其桀傲不允玉懷等乞渡河赴勝營
榕吉素有威望責令刻日起隊二月初二三等日玉懷
等分股入冠之清水鎮狼窩頓隊不發藉言辦裝明慶
榕吉訂期馳擊廷襄亦分軍赴扼堂邑專辦直東防剿
之副都統遮克敦布率德州勇二百四十沙鎮勇三百
亦赴臨館時奉 詔曰降眾仍復折回諒因河套中
尙未肅清意圖勾結即使押令南行非獨不能得其死
力恐緩急之際變生肘腋莫若乘此尙未顯然背叛之
時四面截殺免貽後患而廷襄力主撫議分遣員弁諭

勸萃堂冠館民團具保勒繳馬械願赴勝營者給照進
發奏言伏思招撫太多不無流弊而大局既定地方已
安卽宜審度時宜不致騷擾良善以顧小民目前生計
現在降眾並未生事人數不多惟器械俱全分居數十
村莊聽候查辦一經截殺必鋌而走險各處奔突從前
遣散及河東就撫之眾多於折回者數倍設令誦勸春
耕又將輟耒所關民事甚大今旣願安生業俯首乞憐
有覓團練保結者有求親戚保結者有血屬出爲哀懇
者不能不俯順輿情從權辦理較之再興兵革利害輕
重較然仍應籲懇天恩准予免死如再不安分立

卽捕拿正法奏入。允行而朋嶺部眾王雲侯升趙從先李方清等七十餘騎潛聚冠之楊家湖曠十八日由北館陶渡河至龍窪掠行客焚殺臨境徐家樊村臨清牧彭垣上言請及早剪除冠令李煇以鄉團具保朋嶺是日未出爲證事遂寢而臨清西南大名邯縣交界西河寨附近時報焚掠三月南征之誠順營綠旗降目馬榮白旗降日程順書等率二十餘騎由豫回冠於是莘朝降眾蟬蟬欲起十九夜有匪首任奇秀糾人莘縣小張莊揚語二十日赴大名接隊在處恐動城門晏啟四月降目張丕烈由豫回臨先是二月間明慶令與莘

人田清彥引降眾二百餘南發沿途叛逃餘數十人抵汴會景詩初次由皖潰走豫撫鄭元善派兵截回詳下卷丕烈清彥至陳與景詩失和是月初二日馳騎北反景詩追之不及會廷襄奏留勝營道員陳顯彞駐防館陶乃遣丕烈詣顯彞軍中五月紅旗降眾五百餘起莘之馬連寺揚語朝元兩縣民團尋讎殺掠不得不糾眾自衛曹州鎮總兵常存令參將興瑞引兵彈治旋定臨館與直疆接壤時有訛言謂伏匪定期會隊下堡寺鄉民日夕戒心大名人王叔詰復越境亮團閭閻益擾六月降日宋景禮楊殿乙回籍自言奉勝保檄令回東招舊

部馬勇赴營二十二日至堂邑。輒言有願赴營者如馬
 給鄉團。准即牽回。或已變賣。准本勇回贖。其謬妄如此。
 鄉團大譁。景禮旋病死。殿乙統其眾。七月未降。匪目莘
 人。靳二發旺。豎旗直隸廣平之壺盧營。伏匪響應。眾條
 千人。由西南直隸曲周縣撲淺口。距館陶城三十餘里掠西河寨
 房兒寨。冠人張大牛糾眾數百。應之分股。由河西鴨灣
 趨館陶。稱鉤灣。過衛河之東。張紅黃黑三色旗幟。焚掠
 聶村王田井張沙村。另股教匪郜老文餘黨李崇德亦
 從。稱鉤灣渡河屯冠西湯家村也家村。顯奕遣外委張
 之和張鳳元等騎兵數十合朝城團白雲龍等及元城

團會擊之。匪復渡衛西走。分股入曲周廣平。勢甚盛。堂邑柳林團良團也。官司飛檄調之。令扼衛河之東。二十三四日。遮克敦布榕吉騎軍先後至冠。維時莘之馬陵寺河店集冠之。卧佛堂相裏村范家村均數百人夜聚。晝散。謀不軌。伏匪劉桂哲王以言孫立成等。立成父孫老敬本教首復起館陶之東古村。顯夔軍掩捕之。獲桂哲以言奪馬三。得旗矛刀械號筒二十餘。事火箭百餘。餘匪奔遁。追斬立成張四閻王等五級。其分竄曲廣一股爲直軍。截擊回奔臨清。遮營道員蔭德泰參領多鑾布侍衛平安引軍勦之。二十八日合彭垣民勇夾擊之。張家隄口。

禽王裕懷等十三

均從郤老文習八卦教者

旗矛馬匹數十餘匪星

散發狂跳時勝保隨營降眾陳愬在籍馬勇爲鄉團凌侮不能安業願隨營效力勝保允之令遊擊張得林等率降目謝來鳳籍法雨等回籍先謁商榕吉再赴莘冠乞地方官示募毋擅收步勇乃得林來鳳歸商朋嶺玉懷玉懷欲招步勇五千人莘令鄭溥不允乃止於是在莘募馬勇四十四冠縣五十六堂邑二十七共百餘得林來鳳率由大名赴豫並飭殿乙馬勇同詣勝營不從責令遣散回籍亦不遣堅留顯葵軍不去降目從世欽陸朝海任振鐸等五人復回籍自言在營乞假潛來音

二十餘輩。皆赴遮營投謁。委員主事王仲牲厚結其弟叔詰。由遮營檄莘令派世欽爲團總。令溥拒之。會叔詰籍團恣橫。聞於遮。克敦布世欽意沮而罷。閏八月。朝團白雲龍韓文鐸張仲等揚語桑阿以西白塔以東七里韓莊降眾將舉事。莘之曹家樓東旺莊姜家廟小白旗降眾已豎旗。率團二千赴之。遂大掠。朋嶺等忿怒傳帖糾人。莘令溥捕路新正翟書成等。訊爲雲龍文鐸仲蘇樂坤團丁。朝令邵謙名捕莘人張世秀卽張二平安等。獲其僞印紅巾刀械。二令各庇其民。各執一說。廷襄檄濟東秦道呼震東昌守秦際隆督從九嵇文翰往平之。冠令

情爲朋嶺上言願投營効功避禍顯義因口糧無欸難
之爲上言廷襄久不報九月積匪梁雙泰餘黨李丙仁
趙化山等李雲龍餘黨延發兩左桂枝彭金嶺等定期
分攻莘朝謙名溥偵知掩獲之白震際隆按治震際隆
不敢專殺檻解丙仁等回郡待白巡撫道沙鎮張玉懷
因丙仁甥也遣族弟張玉珍率葉金榜等百數十人糾
堂匪侯書德冠匪張金華等衆二百餘張小白旗游弋
王姑莊堂弁山廟莘境圖劫丙仁夜半縱火譁號沙鎮防
兵鳴鐘集團四面攻之匪敗禽玉珍等十二餘匪奔西
南十月遮克敦布聞堂冠鄉團降衆猜嫌日甚旣變將

起遣侍衛謙禧知縣李鴻墳率兵分往鎮撫乃隨營參將王恩第於初三日擅引步騎二千威脅柳林團桑阿團合四千人掠冠之楊家胡曠玉兒莊白塔集鄉民良莠誦誦扶老攜幼入城避難者近萬焞夜詣東南鄉見恩第恩第詭言奉令而來謙禧及委員樂善聞恩第調團馳至詰責始引歸維時降眾益蠕動焞以甘言慰留朋嶺寄食城市而其弟朋山引七十餘騎馳騁城中詞意叵測焞商之謙禧令赴遮營効力謙禧慮其朝夕發難不及白遮克敦布卽引之行初九日至臨清河西遮克敦布遣蔭德泰侍衛益謙按籍點驗令放兵繳馬

朋嶺朋山等十九人。怏怏聽命。恩第諒留尤切散目張錫

珠其子豁孜及李勇等五十餘人毋繳繳則旦暮就戮

錫珠等然之。蔭德泰無如何。會日暮而罷。遮克敦布夜

令恩第詣朋山所諭勸之。未及旦。錫珠朋山等五十三

騎縱轡走。朋嶺等十九人未行。有欲白遮克敦布者。恩

第喏曰。是何巨事。足敏問驚統帥美睡乎。遂止。羣知恩

第通匪而遮克敦布寵倚之。莫敢言。日中入白。令謙禧

並侍衛段如九率兵逐之。去已遠。緣道焚掠。臨之孫家

樓。周家莊。棗科尖冢。集伏匪得八九十騎。入邱之榆林

頭。郭呂館之張官寨。及直隸威曲清河境。飈疾如風。謙

禧追之入威斬殿匪二十四日匪眾由威奔回邱之賀
釗鎮及距城二十五里大河套大名鎮伊縣阿與平安
臨清營都司安喜率兵勇千餘追之入邱時匪馬步百
數十而已十五日焚掠臨清甘露集賈村下堡寺另股
數十騎自曲周竄邱之香城垵馬蘭諸處十七八等日
分股者竄館之自新寨威之葛爾寨曲之郝寨臨之大
屯村周遭幾百里威令李呈瑞前曲周令余承恩督兵
團追及戰之大屯東北匪甚敗會遮克敦布遣恩第引
軍合擊鼓方蔽西南軍槍子雨集東北軍中承恩縱騎
出陣責問何得自傷官軍不答東北軍引卻數武錫珠

馬隊由恩第隊東乘間出十九日回奔下堡寺再犯直隸廣宗二十日回奔邱之池莊館之樊家堡欲從南館陶渡河而東柳林團擊走之折赴房兒寨及直隸蘋果集時遮克敦布微聞恩第得匪金帛責令率天津勇移駐館陶專防衛河之東乃十一月朔錫珠由南館陶徐村渡衛恩第斂隊縱觀與匪共話遂竄入寇北八里莊七里韓村南行赴張家胡疇白塔入莘之焦莊燕店張樓位兒莊嘯聚馬步七八百東昌大震知府李德增調聊城勇三百守備周保清弁兵百扼防堂邑初五日匪奔莘之曹家樓江家莊河店倏已千餘興瑞率兵五百

013-2

鄭溥募勇二百登陴守禦。廷襄遣副將文英率兵百五十參將宗權率兵二百馳勦。文英因臨清需兵不至。於時伏匪部四楊朋舉朋嶺弟各聚匪二三百起館冠間。縱火攻剽。踞村安館。劫奪馬販。驟得馬隊七百餘。玉懷倚朋嶺在遮營爲之調護。又行賕恩第。故乘騎出入遮營。飲啖止宿。意致閒暇。陰則部勒黨眾。得七八百人。張黑旗與錫珠潛合。由河店馬橋趨堂。初六日謙禧恩第步騎行至堂之石家王朝營。民團方與匪戰。留防冠縣守備萬家春引軍會擊之。殲匪數十。恩第抑隊勿追。匪向西南去。次日匪歷堂之王家海子定遠寨小粉寨穆家。

莊黃家寨距城七里緣道攻抄。襄陽日眾。逼堂城。知縣董槐

乘城固守。匪馬步三千餘。其分股屯莘朝境者。又二千

餘矣。先於八月內。詔授榕吉山西臬司。令秦聚奎

署大順廣道。與遮克敦布會辦直東軍事。至是遮克敦

布督兵壁臨清。令聚奎與伊縣阿出戰。初九日黎明。錫

珠匪眾由堂竄西南。聚奎商伊縣阿軍進東南。調清豐

民團守備馬學孟即馬三黑進西南。自率兵團進西北。三道

逼之。匪勢分合無定。官軍感之輒走。朋山馮棗等引眾

力戰。民團敗。聚奎自小灘白塔引軍馳至桑阿。玉懷伏

匪千餘突起。聚奎馳馬衝陳。身被數傷。為張金堂等所

613-2

害金堂卽豁致也。伊縣阿由大場集引軍馳援不及退。

壁小灘。

冠西南三十五里。

於是錫珠玉懷合股入冠莘交界之

掖莊鳳莊辛村朝城之大王寨王奉集金灘鎮所過焚屠如洗朝團孔昭著等死傷千人以上十一日匪分股奔清水鎮益謙擊之李堦集小有斬馘匪敗奔館陶東北張寨益謙輕騎追逐數十里暫入館城備乾糒整銜勒次日四鼓復追之遮克敦布亦移軍入館城十二日另股又奔堂冠交界之辛集與柳林團戰傷匪百數奪其旗纛匪退趨賈鎮陳村趙錢村戈家新村拍二莊十三日民團劉來興王占吉等血戰勝之斬級數千匪遁。

西南來興死焉十四日匪分股奔臨清之汪家隄潘莊
由孟家口蹠冰渡衛而西趨尖冢林馬寨鑣耳寨及下
堡寺十五日撲邵堦竄賀釗十六日直軍擊之紅科大
股趨冠之河北甘集謙禧擊匪甚力率新募回勇致死
鏖鬪死傷甚多恩第擅自移軍揚言擊匪乃由後擊斃
五勇回勇譁而退匪竄威境十七日又從桑園奔梅花
鎮次日回奔黃金莊距臨清四十里兵團兜擊之遂由威之河
潮等處分股奔清河曲周棗強冀州南宮鉅鹿紛紜旋
擾東疆斃無匪踪者七日遮克敦布檄際隆赴冠焚毀
錫珠等五十三家室廬既非聚集一處係分處二十七
村莊者若留以安插災黎五十

三家豈不甚善若戀產回里窺伺正可掩捕否則變產充賞亦善毀之何居而濮州亂民毛

得平於十七日踞城戕官

詳另卷

朝觀莘莠民復歆動四

鄉宵旦金鼓震天爲團爲匪不可辨二十五日錫珠等

馬步四千餘復至臨之桑園河北寨大蘆紅桃園高爾

莊下堡寺丁家莊太平莊大儒莊十數村逼州城樊村

厥河口搶渡彭垣督團力禦之殺獲紅旗匪目李嗣昌

等五得馬七其分股千餘南奔館陶之張官寨淺口稱

鉤灣搶渡者爲兵團轟堵回奔元城廣平十二月朔降

眾段方朝等數百起龐莊

在沙鎮西

刑牲插血言爲張玉珍

等復仇先犯堂邑際隆率保清兵練三百赴之初五日

戰於馬橋。互有傷殺。興瑞、槐及千總張夢祥各引兵勇馳會。匪引眾走朝城大陽樓。追之弗及。降眾掖莊人姚玉鐺。即花頭董代雲。即大田趙信、李師高、得志等眾四百餘。復起冠焚剽甚熾。際隆興瑞分飭保清都司馮勝林等引兵掩之。初九日黎明禽斬玉鐺、崔元、李連捷、賈鳳林等。代雲信跳匿。信亦玉懷甥也。旬日間位兒莊、紅邊白旗羣匪復起。由北而來。興瑞遣都司郭齡鰲與宗權會擊之。匪踞曹家屯河店。攻抄冠萃交界。宗權兵單不進。而河西錫珠等匪眾勢將東還。零匪不復致詰。其殿乙之在顯義軍中也。顯義餉缺不能以時給。遂引王連木

張得功等十餘騎掠糧堂之小村槐率民團丁錦堂等
鵬勦之互鬪良久斬連木得功團丁負傷六人殿乙眺
其錫珠等股自入直疆與玉懷分合不可辨諸路偵賊
者莫得主名初四日廣平一股從巖村回奔塔子橋小
寨入曲周東北逼山東邱縣直隸臬司孫治統兵壁威
縣遮克敦布壁館陶初八九等日另股匪眾旋繞直隸
新河東鹿衡水冀州直隸總督文煜督軍由深州向東
南日夜追之伊緜阿與直隸州余承恩遊擊姜國仲擊
之冀州棗強間大勝截匪爲三故城民團又於十一十
二日兩敗之賊益散亂分奔又入棗強分股入衡水不
詳

山東通志卷之十一
敘其故城一股又逼山東恩縣知縣陳恩壽率勇赴扼
運南其棗強一股由王君莊入山東武城之苦水屯諸
處知縣郭尙桓飛書告急十三至十五日匪歷王君莊
雀母橋莊入邛之邵堦甘集桃園唐兒村臨清之棗園
下堡寺十六日又自倉集深入紀莊苟莊張家隄郝家
莊逼州城火光爍爍百餘里分股竄丁家園逼館陶城
河西知縣湯履忠率民勇與萬家春往來馳逐沿河南
北百里匪不得渡引去時文煜引大軍進西北伊縣阿
引軍進西南故城民團由東進遮軍亦移回威縣直隸
官軍不下萬餘匪眾股一二千合之數亦踰萬東疆之

臨清館陶當賊衝而廷襄文檄調遣員弁扼此狂寇奔
走莘堂冠館間東兵之可指數者宗權保清兵各百興
瑞兵二百家春兵百五十謝炳騎兵百五十勝林兵百
夢祥礮勇四十而已十七日匪眾千餘竄館陶河西子
孫堂桃兒寨臨清馬疇橋距尖冢三十里所恃與匪馳逐者遮
營益謙官兵二千餘在河西追擊匪暫未渡衛而東回
旋曲周南宮廣宗鉅鹿連入新河棗強鷄澤平鄉等六
七縣城有 詔文煜遮克敦布孫治均褫職遣戍通
商大臣崇厚授任總督視師

山東軍興紀略

卷十四之中

降眾二

同治二年正月朔。匪由邯鄲回奔衡廣肥威。次日眾二千餘從南棗向東北。逼山東德州。分股。匪眾五千餘。南奔景州。又次日分股回奔南宮。初四日奔故城。焚剽景州。劉智廟西北分股陷武邑。崇厚督軍由武邑向東南。逼擊之。而山東臨夏武邱四州縣皆在東南。彭垣飛書告急。請分別當衝首要。次要募勇防勦。不報。次日直軍擊之。武邑匪回奔山東武城之李家莊。大隄口饒陽店松樹林十餘莊。郭尙桓率團截擊之。禽匪目白雲生。偽

軍師趙紅祥等其分股者奔直隸阜城崇厚督布特哈爾官兵追之復奔故城邇迴鄭家口西南崔木白塔姚家店又次日馬匪自崔木西行步匪自劉家灣西行其夕一股錫珠玉懷朋山韋樹張登第等馬千餘搶渡樊村廠大營口未成突奔尖冢之南孟家口衛河上流渡衛而東查尖冢南段爲館陶轄境北段爲臨清轄境一股姚太來等本河西人未渡奔西南於是匪分東西二股河西股由南辛莊向東北曲周去漫衍邱臨又回奔東南曲家莊草廠黃家營回回墓王家莊鏞耳寨全入直疆河東股奔東南王家隄入冠之水坡清水狼窩堂之許村降眾入夥者

驟增馬步三四千。廷襄檄常存出勦。稱病壁東昌。初十日。嚮晨。匪分股二千餘奔朝城之大王寨。陽夏時固莊。東西丈巴前後大場。余家集。鄭家集。富餘集。廟頭院莊。數十處。距城五六十里。皆充斥。日中漫衍。莘之燕店。東西旺莊。趙家莊。距城二十餘里。皆充斥。十一日分股圍攻朝城。張魯集。次日燕店大股移犯聊之沙鎮。鄧家莊。奶奶廟。常存與知府蔣斯疇商令由陝叛回降。日雷鳳鳴率眾逆擊。匪趨冠之小廓集。桑阿鎮去。鳳鳴頓隊弗進。夜半匪擾堂南趙家小張爐集。鳳鳴房舍資賄蕩然。始馳追已不及。深入定遠寨三奶奶廟。靳家屯。秦際隆。

引勇二百餘趨堂十三日玉懷等眾二千餘圍華令溥
萬家春登陴守禦飛書請援鳳鳴始擊之西南李莊頗
有殺獲匪奔東北分股者屯曲周之香城堦館陶之黃
金隄路頭村崇厚分軍連日擊之皆勝十四日鳳鳴與
郭齡鼇謝炳擊匪王官莊馬橋大屯莊殺獲頗眾而館
陶東北正北灘上等村匪騎連連馳驟距城僅七八里
遮營王仲姓謙禧各率親兵入城協守大股盤旋堂之
小張爐集婁家塔頭奶奶廟謝兒莊分股竄距臨清城
二十五里李官莊十五六等日河西股復由鐳耳寨游
弋尖冢上下游與河東股相犄角直軍追之匪馬步二

千餘奔馬頭河西入西南另股匪徒孫思邈眾復數百
欲攻堂城際隆董槐晝夜設守官軍惟炳齡鼇步軍四
百駐定遠寨馮勝林步軍百駐冠城而匪眾多寡分合
不可數計勢不敵莘堂冠館鄉團畏禍與匪首鼠惟柳
林團爲匪所欲甘心無日不戰朝城民團則良暴不一
與匪分合亦不可測四五縣令保孤城文檄阻絕石占
鼇率鳳鳴部曲千餘駐李家集擁兵僅而不叛斯嶠詣
臨清與垣諭勸景詩擊匪景詩觀釁不發諭之再三遣
黨薛法起朱登峰馬步各五百道柳林赴桑阿而其意
欲襲柳林有備未發遂營堂之道口鋪以逼之河西股

爲直軍追擊四散。趙走莫可偵察。河東股於十七八兩日。從桑阿分股犯朝城。邊馬距陽穀三四十里。另股從清水犯館陶城。仲牲發巨礮擊之。繞城向西南去。湯履忠率勇出擊。謙禧騎兵闖西門逐之。至楊紹小有斬馘。匪奔萬善。分數百騎從李官莊逼臨清。臨堂館民團截勦數十。其大股則深入臨清之樊潭蘇爾寨。馬虎寨汪家棗科代章堡。焚掠甚熾。十九日回奔李官莊。是午柳林團擊之。尙店荆林段屯殺獲近千。匪復奔館陶。窺河千西渡。崇厚先期檄通永鎮徐廷楷步騎三千餘駐河西馬頭村。分軍渡河東扼城南。天津鎮春霖軍扼大營。

河口。洋槍軍扼尖冢。姜國仲軍扼小灘。二十至二十二
等日。河西股楊朋山等散亂不能烏合。三三兩兩乘夜
渡河東。入堂之甘管屯。臨之樊家厰。劉家垓子。冠之賈
鎮。狼窩清水。萃之位兒莊燕店。合玉懷炳齡。釐占釐軍
擊勝之。定遠寨斬邱閔鳴等時。朝端益聞。遮克敦
布不能馭眾。奪其軍。授大順廣道。祝塏將之。辦賊

塏陝西人以進士卽用知縣歷任河南劇
邑得民心著稱能吏辦團勦捻有成績朋嶺內不自

安由遮營率三十餘騎回冠。入程順書匪中。於是河西
烽火漸熄。大股虜集冠境。錫珠姚泰來眾四十餘屯。桑
阿玉懷眾二千餘。爲萃朝民團擊敗。屯白塔。胡瞳思邈

山東通志卷之四十四
四
眾千餘屯固子頭朋山眾七八百屯北王段另股李莊
許角等眾三四百屯烏頭朋嶺順書眾千餘屯四劉兒
莊廷襄屢奉 嚴旨責勦匪無功復由充營遣騎將
副都統海羣兵赴東昌檄陳顯葵引勇三百會勦乃另
股匪眾常金櫛安犍牛孫大法僧等五六百人起莘西
南李花園鄭溥率團圍勦禽其巨魁餘匪散走其鳳鳴
景詩兩軍之駐堂邑者觀望如故匪眾往來奔突或勦
或否官司無如之何也二十六日海羣騎兵保德步軍
由東昌趨堂羣匪聞軍來皆北走二月朔匪大股由謝
家海奔尖冢之北抵范灘林盤寨石佛湯家莊弔馬橋

艾兒寨大營河口。日中。搶渡李官莊樊村廠。護大名鎮。春霖率綠旗防兵擊卻之。匪退屯狼窩清水。次日分股。一入西北。一奔西南。以誤官軍。海羣保德際隆引步騎營辛集。景詩法起登峰等眾營張保寨。直隸提督寶山軍營館陶河西。山海關副都統成保騎軍營大營河口。遏匪北犯。直隸洋槍軍營衛河東蘇爾寨。距館三。十餘里。匪曉夜攻擾徐村南館陶善樂營。欲渡西南衛河。官軍奮擊卻之。退屯王家隄。獲諜言。匪圖趨東南渡運。時賊踪表廣四布。凡館陶附城東南北三里。莘縣附城東西北二里。皆充斥。另股復從南樂。衛河東北岸。入朝城之樂家屯畢。

家村張魯集十數處。而地烽煙危。城晝閉。廷襄乃奏令
運司恩錫督兗州軍。詳另卷親引大軍北發。初四日。官軍

進桑阿。匪由莘西北入城南田家集鞠家屯。陷十八里

鋪黃樓店。

近陽穀邊境七八里

攻圍朝城之舍利寺紅廟莊張家

莊。擾范縣之十里司八里鋪白家灘。逼城北關。入觀城

之谷疇。集十王廟。初六日。陷舍利寺。屠男女數千人。初

邑人張躋堂者。與團長邵翼之深讎。至是引匪誓破之。

燔掠特酷。匪馬寢入壽張北境。四角棚果子鋪。濮州之

馬陵集。大股攻朝城。危在旦夕。知縣王培楨羽書乞援

廷襄。一日五至。不報。次日。匪陳向東南移。培楨縋敢死

二百出

關廢寺

來解圍

朋逆擊

勝之其

衛一奔

築壘寶

南樂民

鞠家屯

代家莊

山更軍

樓甯家堂周家莊黃店屯聊之沙鎮另股高玖從四老
 虎眾二三百屯莘東南緣旗楊素政復數百人朋嶺族叔屯
 莘西北朋嶺順書眾千餘繞城諄言為匪所脅請闕門
 納我良久向西北保德軍由河店迤南小楊莊馳進偵
 擊莘北屯匪令占鼇率鳳鳴降眾前驅參將定順守備
 張大富步軍守備程斗山騎軍由左炳齡鼇都司李元
 引董道平降眾守備楊西林步軍千總周鴻儀騎兵由
 右自率千總林占俊威勝勇穆萬全濟陽勇繼之戰匪
 燕店東四五里斗山懼怯不能軍騎兵反奔幾蹈藉步
 陳大富西林鄩隊力戰一日交鋒二十餘次斬匪近千

匪繞後環抄。海羣騎兵夾擊卻之。軍始克斂。初十日。玉懷馬步千餘。至莘東南蔣家莊。李抹楊莊盛家河。回旋攻抄。繞東北行。而東南十里塢屯。匪復北來。次日日中。復有大股近萬。由冠西南娘娘廟渡衛。而西冒官軍旗。燾至岔道口。與河東匪夾攻國仲軍。圍之數重。都司崔福泰馳救。拔國仲出之。匪奔曲周。其夜將半。寶山留益謙步軍四百守河西。謙禧百騎守李堦。自引步騎全出館城。渡衛西。與崇厚回軍威縣。匪乃自西南而東北。紛趨直之鷄澤平鄉甯晉。維時附近河干臨館冠三州縣報匪全股西走。其實玉懷眾未發莘朝境。尙有另股二

三千旋繞有趨莘東南林家莊者有趨莘冠之西蔣莊者有由朝竄冠趨元城之班莊者有屯堂之沙王莊逼城下令槐與典史惲世英晝夜守禦飛書乞援者各城相去數十里阻隔不相聞如此十三日匪掠費家莊及沙鎮十四日掠焦莊十五六日掠范家寨柳林團擊走之外此聚散出沒或羣或友不可指數兼以景詩恣睢於堂館來去自由先云赴直遂移入館陶至是月十四移入堂邑西北辛集十五又移西南

郭家莊鳳鳴來鳳跋扈於聊莘冒功要挾先隨保德赴莘繼赴沙鎮及張

家樓石占鰲為報殺賊請獎躋堂荼毒於朝城仇殺不已十七日冠西南復有土匪郭大蘆九槐等糾元城紅旗離卦教官

四和尚眾八九百。焚掠斜店諸村。李靖勝林督團擊斬之。而堂東南王古莊賈莊復起。土匪劉二禿孫四暴一股。馬步三百餘。時大股降眾多。深入直疆。有旨奪寶山任。除恆齡。暫授成保以待之。二十三日。恆齡軍由東昌臨清渡河入直。玉懷自朋嶺分股竄河西。徒眾漸少。勢寢衰。海羣保德合莘堂朝冠陽穀民團陸擊之。十八九等日。敗匪屯馬橋及沙鎮以南莊戶村大楊莊河店。越二日。分股奔莘西北田家海。冠之吳莊。又二日。合股全入冠。勝林率登峰等擊之。西北斬級百數十。禽蘇春等十有三。得馬七十四。匪奔元城之黃家家分股者。

至莘西段家莊疾趨館陶由徐村渡衛至邱家漕厰又
逼臨清西南而前此十一日奔由河西入直一股至是
復南奔屯曲周之河北寨距州城西祇六十里直軍所
追鷄澤平鄉一股亦奔由下堡寺而來屯於河西是日
河東西兩股均逼館陶城上連縱巨礮引去二十四日
河東股南奔河西股西南奔直軍劉景芳率景州勇恩
第率虎賁勇由孫店房兒寨追入西南崇厚及臬司王
榕吉由威出軍向西南縱擊大勝陣斬錫珠擊匪爲三
一奔趙州一奔廣平一奔邯鄲河東匪之南奔者胥入
冠境二十四日李堦回團敗之其夜保德軍至冠宵分

千餘匪趨班家莊渡河奔西北復入肥鷄河東回子營屯匪復奔莘之延家營東西丈把井路口是日寶山軍由小灘渡衛東駐馬固村聞匪西渡次曉回軍小灘河西寨房兒寨卽日追入西北越二日肥廣大股敗匪復入館之柿莊南辛莊於是匪股不下數十爭相雄長益莫知其名玉懷併有錫珠之眾與錫珠子金堂餘眾千餘亦乘夜渡衛西奔保德軍追之館陶西南沙隄分飭齡鼇西林大富等躡擊二十七日大勝之斃匪五六百禽六十餘部索村舍又禽斬四十有奇得羸馬稱是龍鳳大旗八玉懷負傷未死禽匪柳魏等所言皆同保德

察知景詩鳳鳴躋堂團眾通玉懷是役也不調令追剿
而宋雷張各發馬隊數百布守南館陶保德戰勝窮追
至南館陶敗匪寂然不見一騎而罷焞隨軍進退緣道
搜斬四十餘同日邯鄲奔回敗匪兩股由香城壩指揮
屯逼臨清城恆齡軍追匪至尖冢寶山軍由小廣平追
至徐村二十八九三十等日匪有由甘集北奔者有由
尖冢奔東北者有由樊村厥奔館陶令履忠逐之奔堂
邑者有由河西青陽城回奔欲由馬頭東渡西入曲周
者有由元城之索莊北來恆齡追擊於冠之正村者有
由臨清西南孝谷二虎寨奔甘集王曲再分兩股勢趨

臨北夏武恩德者其擾亂如此

山東軍興紀略

卷十四之下

降眾三

三月朔前竄河西兩股益奔西北復有第三股自臨清西北棗園趙村魚化擡頭村李連屯奔正北分爲二一奔南宮冀州新河一奔西北深入甯晉趙州其奔冠縣河北甘集者已竄賀釗臨清西北七十五里其由尖冢竄東北一股遇恆齡海羣騎兵由威擊回甘集敗入臨清之白炭窰無糧社距清十五里又一股由館陶南奔郭壇白家灘道溝一帶其地在朝城南二十里觀城東二十里范縣西十二里馬步不過三四百河東西均無巨股保德飭遊擊馬秉阿

步兵周鴻儀騎兵赴館陶李元馮勝林步騎赴冠分曹

部索餘匪自引全軍營冠東之辛莊北距狼窩十二里再北卽柳林日

有禽斬石占鼇率雷鳳鳴降眾營董王莊旋移延家營

東疆漸靖諸軍移入直東豫三省交界龍王廟初六日

有敗匪屯小廣平附近勢復東趨次日棗強一股奔武

城西北郭尙桓率團禦之油堦林五方頭廣平一股復

奔縣境代兒寨距南館陶河口三十餘里欲渡河而東又匪首陳占

元等馬隊千餘由蘋果店敗奔館陶西南淺口朱莊漸

稱鉤灣分股奔元城又分股走東北續有馬匪三百餘

犯徐村河干謝炳軍趨館陶出擊之折而西北抵臨館

交界黃家營桃園。新任直隸總督劉長佑與榕吉引洋槍軍由下堡寺尖冢追之。虎賁勇亦由直疆追入南館陶。初八日日過中大股有從廣平爲恆齡擊敗。分股千餘由曲周回奔鑣耳寨。河千詐稱馬學孟團練遂渡河而東。薛法起半渡擊之。宋景詩由東截勦。頗勝。另股從稱鉤灣迤南亦渡河東入冠西南。焞勝林元逆擊之。魯村亦有斬獲得馬二十餘。時羣匪略可辨識者。綠旗爲楊朋山。紅旗爲戴韭。白旗爲李單。鐮黑旗爲李絡。餘皆不知。初九日保德軍至冠南。追匪五岔口趙家莊。緣道斬級百數十。得馬二十七。令勝林回軍與焞城守保德。

馬頭渡河東營宗家莊步軍仍扼河西其河店大楊莊之匪鄭溥調西南鄉團並張魯集回團陸擊之殺獲數十匪奔東北由堂入寇欲渡衛而西朱登峰薛法起裴萬春張思玉等引眾感之戰於馬莊獲張金堂羅致之東昌剖心以祭秦聚奎匪復有從臨清高莊白炭窰渡河東走者彭垣與程斗山熊玉山岳中貴等步軍合民團擊禽馬匪趙迷惑步匪楊金桂等數十後股爲直軍追由棗強抵段家村復逼臨清垣鄒隊出周家樓截之謝炳飭千總武士林把總金魁林出徐村匪卻入西北十一二日恆齡寶山軍先後回威十四日突有千騎游

七曲周之東邱縣之西

縣西門三里卽曲周

勢攻邱西北陳村回

圍有備引去次日朋嶺馬匪千餘由小灘渡衛而東言

爲朋山復仇十七日黎明匪有從甘集南奔入臨西南

屯郝家莊龍壇上排子者垣軍逆之東北劉莊匪出拒

垣鄒隊奮擊匪奔回西南斬其步隊數十馬匪入威之

張官寨日中由尖冢西奔館陶魏僧寨

距城十里

直軍追之

湯履忠率勇役赴馬頭扼禦匪奔回張官寨焚徐村田

寨三鼓匪火藥轟發喧駭狂奔再逼陳村十八日犯城

北關繞東西兩門噓譟環攻恆齡令荊州副都統薩薩

布與海羣騎兵馳至匪解圍走肥曲維時所在東軍皆

有勝斬臨冠莘館烽火略定者數日二十二日匪千餘
由曲周懷橋爲直軍沖擊散走一奔邱北十餘里恆莊
聶樓布垵次日向東北香城垵下堡寺一由曲之七兒
寨王堡逼邱城深夜秉炬兩攻南門次日向房兒寨去
是日宵分又有大股紅白黑三旗從曲之塔子橋抵臨
之盧家莊趙家莊尙家莊圖奔樊村厰渡河二十四日
黃藍兩旗爲直軍敗之廣平夜奔臨之王家草厰林馬
寨徑趨河干垣出喬家莊遮擊薩薩布徐廷楷分引步
騎追之匪至尖冢鳧渡未渡者強半分奔西北其渡河
而東者由蘇家寨入清水桑阿越日後股千餘亦渡保

德先期檄景詩引隊布河干。景詩方攻柳林，上言爲柳林遮擊不能進。詳下卷羣匪行益疾，前隊卽日趨堂之賈。

鎮分屯冠之胡曠白塔。莘之烟店河店馬橋鄒家巷朝之大場。二十六日保軍擊匪董王莊江家莊追至百家巷李家窰斬級數十禽十餘匪東奔分股入聊之雙樓陽之草寺定水鎮鄉團略有追斬劉長佑奏言臣奉寄諭桑阿鎮爲羣匪老巢前秦聚奎帶兵勦捕時童穉婦女皆執木掀掃帚揚土助賊非痛加勦洗不足以警兇頑臣查東省莘堂冠館匪巢林立不獨桑阿爲然旬日來匪復回竄河東正宜及時分兵渡河犁庭掃穴

第東省自咸豐十一年教匪滋事。十數州縣匪首之多。以華冠爲最。百姓初被煽惑。猶未甘心。繼則安之若素。良莠幾無可分。求其能自振拔。集團禦賊者。一縣曾不數村。一村曾不數人。地方官無兵無勇。力不能制。不得不隱忍遷就。祇求不攻城劫獄。卽引以爲幸。甚至催科派役。尙有借重匪首之時。誠以民之畏賊。甚於畏官。此次回竄河東。如尙麇聚。猶可併力夾擊。若散歸各縣。民團牌甲不敢舉報。地方官從而諱飾之。率報肅清。恐大兵轉無用武之地。一經凱撤。勢必復起。臣惟聞堂邑柳林團誓不從賊。而能殺賊。應請 敕下山東撫臣。令

該團隨營進勦導引前路必能指賊所向亦免妄殺良民新任巡撫閣敬銘忠果正直臣所素知定能共圖廓清上答宵旰奏入報可景詩上言擊匪莘境獲勝斬級九得馬五十二已分賞戰士官司莫究其誠僞也時匪眾復窺渡運東二十七夜由定水鎮郭店屯趨七級鎮河千向上游郎家灣喚渡黎明渡夫見官軍裝束挈舟渡之抵東岸窺見其巾駭而走匪斫五人四百餘悉渡蓐食小馮莊署張秋通判趙惟嶧壽東至簿劉耀卿率民團鳴鼓感之匪委棄辭鉞戈旂奔東北而後股千餘亦至東阿邊境黃河之西柳河東莊二十八

日保德率景詩馬隊由周家店渡運步隊由李海務渡運而登峰道平馬隊至王官屯民團聞匪多冒官軍衣裝互鬪互傷保德馳至始解追之七級東北四十餘里柳樹張莊民團又不辨其爲官軍也復鬪良久道平追至郭家莊民團亦然保德解紛良久匪初阻水銅城驛不得前至是沿黃北去後隊渡運合股趨在平之沙頭寺距城三十里民團萬餘揚旗列隊匪退屯三十里鋪迤西韓家集東南任家樓趙家樓民團圍之數重莫敢進保德進軍在平城南二十九日五鼓飭炳齡鼇道平由王店鋪進東南自引登峰等由八里莊進西北匪先於三

鼓決圍出。民團不能禦。向東北走郝家集社郎口。及正東二十里鋪。漫衍長清西北田家海沈家莊董家集蘇家石家孟家等莊。齊河之菖鎮會城戒嚴。歷城令程繩武調團。憑守大清河。匪不得渡。保軍追至齊河。匪回奔西北游。七茌平北境。七家屯石屯莊李莊新寨莊接壤。高唐東南夜分。分股奔距禹城七十里高古屯。維時直隸烽火漸熄。諸軍俱入東疆。恆齡海羣軍二十七日抵臨。二十九日移堂邑。僧營翼長蘇克金騎兵二十八日抵臨。由尖冢渡衛赴館。成保薩薩布騎兵三十日來會之。常海軍是日至東昌。徐廷楷軍壁馬頭河。姜國仲軍

壁尖冢河西長佑榕吉軍壁臨館河西四月朔匪奔高唐小好官屯距城二十五里攻圍尹家集大固集分股至恩縣旌旗店陳恩壽率團越趙王河奮擊遂奔東北平原之大戶集趙莊飲馬集擾入長清之潘家店禹城之沈家營葛戶屯大劉店小劉店距齊河廬四十五里知縣李均率團李允煦等縱擊之追奔入西北其前月三十日在也家集一股又奔王莊孫莊庵上莊平原之高古屯許家樓侯家橋高唐之韓樓莊密子坡涸河莊李家集逼唐城其攻圍尹家集一股初二日爲郝家集民團擊走化莊東北賈家灘民團以爲易與耳大戰乃大敗傷

亡二三百人。匪分股奔房家寺。保軍馳至。匪且戰且卻。走保軍。斬匪二百許。匪奔西北恩縣二十里鋪十五里小屯。蘇克金騎兵由荏平王家莊追至平原小李家集。南城二十里。匪至曲陸店。漫衍恩之王家鋪甜水鋪。游匪百數十。猶屯平原大戶集。撲渡趙王河。恩壽聯團禦之。馬頰口戴家口新橋口。斬匪七。得馬五。保軍馳及之。勝匪平原之老官陳莊。匪奔德州之土橋左右。其由房家寺分股者。是日黎明奔平原。捉虎屯。臨邑李吉寨。陵縣許家橋。初三日。恆齡軍至高唐。蘇克金海軍常海成保分督營總瑪尼巴達喇納勒亨額等步騎勝匪於平原十八

里王灣老鴉城匪奔西北入德州之王滿窪土橋臨邑
團陳貫甲陵縣團王金甲吳龍泰等馳逐縱擊斬級百
餘獲悍匪趙泳泰等十數匪受創走蘇軍保軍會擊之
勝匪平德交界李家橋東南斬馘數百德州州判熙泰
率邊臨鎮民團分數道剿之斬級數十匪迷所向由菩
水鋪曹村奔老君堂踰淺渡河分而爲二一向故城南
宮長佑度其必由威曲回竄西北飛飭裕吉逆擊於西
南親督兵練由東南夾擊初四日軍行至曲周李家寨
北匪引眾方馳大軍連縱大礮匪裂爲三國仲春霖開
州牧楊詠春肥鄉令楊毓枏陷陣奮擊殺獲百數匪奔

北有難民數十趨趁馬前詢爲朋嶺匪單鋼張光亭遊擊潘永泰都司邱瑞祥唐建勛出陣諭令放兵繳馬數十人噉應次日收其刀械五百餘馬羸稱是朋嶺等分隸諸營効力散遣難民七百有奇玉懷一股自陣斬錫珠後雖併有其眾而屢爲直東軍擊敗降散日多又聞順書順書本宋景詩匪黨乞降事入於下卷與朋嶺等未誅引眾逡迴不去裕吉設計建勛令朋嶺夜與單騎俱來期入恩第營議撫玉懷不疑至則佯入建勛營邏者陽譟廷楷伏勇起並朋嶺縛之遂剖玉懷而釋朋嶺越數日並斬恩第其一股撲劉智廟逼景州回奔西南入夏津之于里長

屯生生店温新莊

是日戌刻蘇軍至德州大掠馬營安場等八里屯十數村殺傷男婦六十

餘哭聲盈野民團金鼓震天趨逼之蘇軍懼叫城欲入

知州張應翔登城慰諭之謂城內難民數萬巷陌充塞

謹具糧料二十萬鎰城相餉蘇軍怒罵難民憑城詢之

通夕戒備詢聲與礮聲相間蘇軍引而北後訴之僧郟

應翔眾約千餘知縣李洩率團禦之先斬二十餘級再

黜官

擊之獲匪六斬級百餘匪遁清河其分股由八里屯渡

河者回奔恩縣之四女寺馬匪四百餘步匪五六百向

棗林西南初四日回奔腰站迤西位張屯由恩城之東

張仙店神樂店往平原西北次日一入恩北閣王廟保

軍追斬四五百敗奔平原老官陳莊保軍追至平原城

北十里又敗之成保海羣營總鄂勒哲依布彥各率騎

降眾三 涇北草堂編撰

兵由腰站迤北李家集進。恆齡騎兵由高唐馳入腰站。匪眾斬散略盡。初六日清河一股向南再入臨清爲匪。目張廣德楊文玉合股馬隊四百餘。由樊村厰馮家園過河入冠東北馬莊清水胡疇桑阿李二莊。初七八等日漫衍清平之辛集莘之煙店朝之大場勝林等分曹兜擊斬散尤多。半匿入景詩隊內。時文玉欲向西南廣德欲向東走。勢日蹙。馬隊尙二百餘。回旋冠之女兒莊白佛頭。廣德繞團長郭恩多乞降於冠。令孫善述善述責令繳馬釋兵。往返開說數日。引眾南去。初十日另股靳大法旺起冠縣眾三百餘。入莘之董王莊。令溥率團。

追捕由十里十八里鋪入陽穀吳八隄口東北至殷家坡保軍由臨清追至館陶是日至堂之定遠寨景詩方與柳林構難。詳下保德頓兵排解之移營程村十一日廣德等由朝城奔莘之田家集與法旺合由殷家坡擾聊之李莊奔東北入陽穀西境七級鎮之南渡運而東屯天神廟翟家莊民團擊勝之又向東北至聊之顧官屯屯一日奔東阿之賈莊由劉家樓漫行荏平三十里鋪恆齡軍與民團圍而逐之香河沽殺獲百餘回奔西南由東阿之楊柳莊胡家樓民團截擊之奔銅城驛之東南任家集滑口民團與勝林軍分合擊之馬隊尙二

山東通志卷之四十一
百餘步隊又二百勝林自河灣逼之苦山鄭安邦玉山
元炳騎兵再接再厲斬級百餘步匪略盡馬匪向東阿
之周家集于家莊平陰之董家莊盤旋欲再渡運而西
不得分股奔銅城西南北京店紅廟草寺孟家樓勝林
督道平董全等騎兵循河追斫匪分半西奔七級迤南
魚窪由夏堂渡運西走追至安樂鎮餘馬二十餘奔散
無蹤此文王分股之眾也其周家集董家莊河東一股
道平追之向荆門開渡運西走爲廣德敗匪元軍感之
紙坊棄械道左乞命十七日引至沙鎮保德受降籍其
名上之敬銘選馬勇六十馬隊改步八十有奇敬銘奏

言未便與楊朋嶺等同罪異罰乞恩貸其一死得

旨允行五月餘匪奔散略盡蓋著名匪目錫珠已陣斃朋山金堂順書韭已誘斬朋嶺廣德等已納降絡汪張洛鈞常三老虎武敏合張奉春等不復成隊或數十騎十餘騎暝走莘堂館冠間兵團日有殺獲餘者亡

入景詩隊內

詳下卷

本草綱目卷十四之一

十一

--	--	--	--	--	--	--	--	--	--

山東軍興紀略

卷十五之上

降眾四

初勝保之督軍赴援皖北潁州也令采景詩靖東降眾

四營營太和縣

潁州府西北屬距府八十里

前敵景詩屢敗衄同治

元年二月十七日引眾潰歸豫之陳州府詔降目雷鳳

鳴等誠順三營譁然拔隊入省乞餉豫撫鄭元善令知

府朱光宇出慰諭之景詩言願歸農鳳鳴言奉令駐陳

無歸志宋營揚語撤防部勇擅退自知干典願回隊陳

州景詩二十八日五鼓引眾由太平岡

距省二十五里

繞蘭儀

東北遁元善令副都統明慶騎兵昌勝等營楚勇遣副

山真與系身 卷之五十二
將巴揚阿將之追擊奏 聞奉 旨宋景詩卽行革

去參將勝保力主撫議該勇目離營遁逃已閱兩月不
卽奏報顯係意存回護著交部議處景詩引眾西趨由
柳園黑岡覓渡不得緣河奔中牟二十九日巴揚阿追
及之東漳迤西奮擊斃數十宋眾益西奔游駛楊橋京
水鎮附近元善檄河北鎮道於黃河上游提船禁渡遣
營總圖克唐阿率騎兵由偃鞏汜水遮擊之咨直東山
陝戒備巴揚阿又及之滎澤境斬步匪四五十勝保派
弁馮廷祉彭體勤等諭招景詩回軍景詩見官兵四集
河不得渡率部曲借廷祉入省趨趨悔罪元善奏言潰

敗思歸。原不得目爲叛逆。前因夤夜潛逃。搶船拒敵。則不得不勦。今旣悔罪乞恩。正可網開一面。已飭司發銀千兩。令明慶騎兵帶降眾回營疏入。詔曰。辦理甚爲姑息。惟業經該撫允其戴罪立功。若再治其罪。恐號令不信。卽著照所請。第貸其一死。係屬法外施仁。勝保不得稍涉迴護。如故態復萌。卽予正法。勝保本能勦賊。近以招降過多。復多反復。聲威甚減。不可不誠。此景詩前事也。是年七月十九日。勝保奉命督陝西軍。征粵賊之入秦中者。降眾隨軍入關。分駐同州府潼關廳。其年冬。遣問勝保。命荊州將軍多隆阿爲

欽差大臣視師辦賊十一月蒞軍分別遣留同州潼關

諸營景詩言前在咸陽隸提督雷正綰部下願復歸其

節制多隆阿允之初三日景詩引所部行至邵陽縣露

井同州府東北改道向東北去勝保方就醫邵陽傳景詩論

責之景詩以各勇思歸為解遂引眾走多隆阿檄駐守

朝邑同州府東屬之提督成明副都統金順率步騎赴韓城

同州府東北屬遮擊咨晉撫英桂西安副都統德興阿嚴戒備

飭所過州縣民團隙而不戰景詩引眾由茶峪白馬渡

河築河縣轄境各隘防軍詰問輒稱遣撤回籍之勇多隆阿

奏言該弁馬勇祇八百三十名沿途尙不滋擾是羽翼

未豐之故。然究屬狼子野心。回東後。難免不勾結蠢動。請 敕下山東撫臣乘其喘息未定。設法翦除。初十日。詔曰。前因勝保所部降眾叛卒雜出其中。諭令多隆阿妥爲駕馭。乃派宋景詩赴三原。聲息遠隔。調遣失宜。英桂亦防範未周。本日已將多隆阿英桂交部議處矣。景詩渡河後。道稷山絳州出平陽府大路。行甚疾。多隆阿令成明金順步騎追至河干。不及。德興阿令素識景詩之副都統常海躡追。及之趙城。景詩堅不願留。引眾潛發。英桂飭知州裕彰知縣金紹先率蒲勇四百營總圖爾斌率騎兵百兜勦之。另遣都司凌安率兵馳

入平陽與太原鎮遊擊怡壽步勇搃之韓侯嶺靈石縣轄至

則景詩已邁揚言由北大路出獲鹿正定府屬縣以達山東

其實分兩路行一起馬步千餘由介休平遙山西汾州府屬縣

壽陽平定州屬至平定州出固關為入直之路一起馬步數

百什什伍伍由長子潞安府屬縣高平澤州府屬府鳳臺澤州

附郭出東陽關為入豫之路直隸總督文煜遣知府徐鏞

沈鎔赴井陘正定府屬縣諭景詩釋兵有詔曰降眾如

出山而南則由正定趙州清河棗強可達臨清與教匪

張錫珠合股若出山而東即入河間景德驛路飛飭成

保相機辦理時直隸臬司孫治統軍由鉅鹿順德府屬縣順

德向南逆擊二十三日景詩引眾趣南宮文煜方追賊

廣平再派弁出南宮諭招之景詩詭言投營効功惟部

勇傷病百餘必送回原籍請給假期十日煜乃遣千總

劉世忠伴護以行景詩遂由清河直隸廣平府屬縣棗強直隸冀州

屬縣入東疆後起降目參將雷鳳鳴鳳鳴本小馬勇三百

餘亦由山西入獲鹿二十六日宋眾馬勇千五百步勇

三百數十抵臨清鳳鳴及都司謝來鳳部眾於二十七

日亦至知州彭垣出南關外車營責以大義景詩言陝

營待勝營將弁寡恩糧賜減薄恐終難保全各勇懷歸

故冒昧遄返愿在本省効力時巡撫譚廷襄駐軍兗州

檄知府蔣斯疇詣臨察視奏言如無不法情事擬調令赴淄川軍營疏入報可署直隸總督崇厚亦遣遊擊鄧啟元赴臨察詢景詩言願行間効力崇厚奏令引隊赴直皆緣景詩部曲大半東昌莘堂冠館之人前與教匪荼毒鄉里團民切齒投誠後廬賄蕩盡勢必尋讎報復俾遠違鄉里免再肇釁景詩依違其間懷意叵測於是所部降日程順書朱登峰馬勇七百餘渡運趨冠二十七日各遣子永勝法起持景詩移文投縣詞頗侮謾知縣李焞留防遊擊謝炳守備馮勝林出城撫慰之令屯白塔集距城十八里允給資糧許其回里省視戚黨其

鳳鳴等眾之在臨清者因在秦歸景詩節制積不相能。至是不願屯一處。二十八日拔赴東昌。東昌守秦際隆。聊城令許濟清出慰諭之。屯小東關外。廷襄令戈什姜。遇清調鳳鳴赴充營隨。勦鳳鳴以勇未齊不發。宋部降眾莘人吳松峰等五十餘回里度歲乞冠令派莘人祝景孟伴之行。至則鄭溥令屯城外諭鄉團毋得尋仇生釁爲之飛報巡撫。二年正月景詩順書登峰鳳鳴來鳳等遣黨募勇。景詩揚語赴直隨勦部曲過單募足三千。方可應敵。鳳鳴亦以赴充助勦爲由。維時張錫珠股匪紛竄直東邊境。或降或叛。焚如亂絲。閭閻汹汹籍籍。謫

駭訛言腰弓髀槩者在處皆是不旬日各得七八百人
順書登峰馳白景詩景詩謂步勇不耐馳逐令留馬勇
餘在冠遣散順書不從脅李焞代散否則率赴臨清再
爲區理俗言辨理也東昌民團潘榮汝等聯名上言廷襄謂

鳳鳴文降非真心効順署曹鎮常存令屯馬橋已潛募
千人恐日久調之不行遣之不散不報景詩納登峰馬
勇二百數十共馬步千餘令降目守備劉厚德將之入
直順書步勇二千餘全數卻回垣窺其怏怏恐肇亂商
景詩再選千人作二隊乃順書引眾南行追之不及偵
有投錫珠爲匪者有隨順書屯冠東南趙爾莊者有投

都司唐建勛處者

建勛冠縣人曾在勝營統帶降眾

有赴七里韓村向

投誠楊四索銀因而格鬪剽掠者景詩亦上言順書之

勇不能調遣初八日錫珠股匪由館陶孟家口渡衛南

奔東昌太警際隆需兵迎勦因景詩所部巡撫有調赴

溜營之奏卽赴直隸亦屬爲國宣勞遂矯巡撫檄諭

留景詩赴直二起馬步由柳林逆擊景詩派把總薛法

起步勇七百餘赴敵自率後隊繼進嗣此日與堂寇民

團搆釁相殺於是際隆以權宜赴急之謀成養虎自衛

之誚至今東昌輿論醜詆際隆不置雖然是非顧有難

言者當此之時四野烽煙大吏色莊瘖懦請兵不報景

詩方羈縻可用之時際隆忝握郡符若不以大義激厲景詩則當時景詩必顯與賊合况景詩遷延未必赴直卽赴直必其不回尋釁乎簡冊俱在咎將誰歸必有能辨之者矣於是法起引眾分屯辛集王家莊截賊東北竄路鳳鳴前已 奏調充營因竄匪紛擾冠館際隆再令已革參將石占鼇率赴沙鎮迤西擊賊是晚至王官莊馬匪數百乘夜撲營鳳鳴潛隊迎擊斃匪三十餘斬呂鉅呂得勝李翹等十四日景詩馬隊二十餘縱火柳林北界牌斫傷團丁林玉俊等永清團長文生楊鳴謙率團擊之殺四人次日宋眾大至圍攻尙義團往返兩

日夜鳴謙等赴救禽斬二三十宋眾敗退相讎益深團
民出探輒截殺會錫珠匪眾勢趨堂邑際隆飭把總陳
金鑑率法起馬步營宋家小屯截竄清博之路炳引軍
應之時奉 詔曰宋景詩雷鳳鳴等均願勦賊自効

自當因勢利導惟能否實力勦賊著崇厚譚廷襄隨時
察看宋景詩欲添馬隊三千名之多崇厚于鈐制駕馭
之法尤須審慎此輩狼子野心與張錫珠等有無句合
將來賊平後宋景詩所部人數過多如何安插遣散亦
須預爲籌及以著廟謨洞燭幾先景詩續遣宋忠昭馬勇入直忠
昭景詩姪也崇厚飭鄧啟元將之屯北館陶傅家頭河

千順書因景詩不內新募步勇引眾由冠奔朝城與河西賊爭踞村莊格鬪良久殺亡步隊過半順書率馬隊合入賊中時大股教匪竄賈鎮桑阿另股土匪劉二禿子數百人滋擾王古莊並見上卷景詩引眾擊之賊遁際隆調景詩營堂北鳳鳴營堂南旬日間羣匪時撲范寨柳林景詩等遇賊不交鋒彼此吹脣唱吼而退宋部五品花翎宋景春五品軍功劉希武引眾屯東昌舊米市街日以遺賊赴鄉攻抄團民控縣莫敢究詰一日擾徐家集團長杜立標譚瀛率團截殺之景春希武赴院控告法起引數百人入元城之大名府附郭小灘鎮自稱山東官

兵民團郭廷璽呼延中等守寨不納退屯宋兒莊三日飽掠而歸鳳鳴部眾亦赴元城東館集鐵卜營諸村殺人縱火輒稱官兵其地有危樓鄉愚男婦匿者數百鳳鳴積薪蒸之哀聲動天以爲笑樂遂擾龍王廟入大名境輒稱奉令巡哨直東交界楊家營民團楊玉成等截擊之斃六人鳳鳴籲官查理否則發難大名守長啟縣令劉傑元城令黃瀛慰諭之令回軍候區處南樂等縣數十村紛報賊至皆宋雷部眾也有朝城人張躋堂以禦賊爲名糾馬步數百爲擾匪一日至是鳳鳴招之合隊又得馬勇二百八十餘勢益橫是月二十四日景詩

登峰窺柳林范寨無備截殺楊鳴謙等二十餘備極慘毒馬步大股屯侯垆留弟景春小隊屯臨清顯與民團爲難矣先是二月八日縛民團王百齡去至是變割投屍衛河三月廷襄調鳳鳴部眾赴淄至則騰出曹標高唐營官兵赴東昌鳳鳴止此餘詳淄川卷中順書自入賊中與李汶光卽李軍鏞戴韭卽戴興隆陳占元等馬步二千餘剽掠直東交界直軍敗之順書汶光臨陣乞降挑留馬勇八百編爲平定營肅清營卻回千四百有奇令遊擊張得祿王朝棟將之東歸順書等爲哨弁中途潰逃數百餘者由直入寇旋屯館陶城南寇抄如故莘令鄭溥上

言前此直隸收降之眾。挾兵策馬全數遁逃。奉檄督團捕斬。正在遵辦。而程順書李汝光梁雙玉王玉和等馬勇到境。民情喧駭。城市爲空。所賫公文。稱平定肅清營。而蓋用天津鎮標守備鈴記。真僞不可知。若爲逃眾。冒充任其屯踞。難辭防捕不力之愆。若奉官回籍。冒昧擊勦。眾勇藉口激變。又蹈辦理不善之咎。進退維谷。措置良難。此輩不法之徒。在籍殺人父母妻子。仇不共天。今乞降回里。馳馬試劍。意氣洋洋。欲截及其胸者。四野環伺。此後仇殺相尋。斷非州縣數十疲癯丁役所能制也。不報。維時直疆漸謐。總督劉長佑令參將王永勝引景

詩入直馬步歸原籍。於是景詩擁眾二千有奇。屯堂邑。隸保德。景詩上言直省不安。插勇隊。人數既眾。無術駕馭。廩假無出。必滋事端。實則擁眾挾制。叛服由之。僅未顯與官軍對壘耳。五月五日。景詩率眾焚掠臨清城南。李官莊薛店鄧家幙頭倉。上前後翟科白烟莊東鴉兒寨西燕兒寨八岔路楊家墳荆林諸處。景書厚德引馬步千數百。扼閘河之南。與直隸提督恆齡軍夾河列柵相望。分兩營駐李官新屯。隔絕堂邑柳林諸團。不令與官軍通。景詩張僞示安民。平牒州牧。新任巡撫閻敬銘方督軍淄川。檄署按察使呼震赴東昌彈治。因奏言臣

查河西股匪。經東軍擊敗。竄渡運河。又爲各軍追勦。張廣德等窮蹙乞降。東昌一帶匪踪略定。宋景詩一隊前撫臣譚廷襄留東昌歸保德調遣。現駐堂邑。劉長佑又撤回前。此赴直千人。東昌屬邑。現雖粗安。而降眾雜居。災黎甫定。恐多餘匪伏匿。搜捕撫輯事宜。誠如 聖諭。必須文武大員實心辦理。保德帶兵向無貽誤。究係武職。查署臬司濟東泰道呼震。在東日久。熟悉情形。臣令前往會同保德籌辦。以期無誤事機。疏入報 可。

山東軍興紀略

卷十五之下

降眾五

新任臬司丁寶楨督楚勇於五月十三日由湖南抵濟甯十八日詣省敬銘先奏令赴淄助剿因淄城為僧王軍合圍而景詩反跡漸著改赴東昌六月初五日駐堂邑進軍冠縣令秦際隆諭景詩遵直督示留勇千五百册報候點景詩震其軍威伏不出益思他竄

節錄陳宦山農文鈔

丁公名寶楨號穉璜貴州平遠人以翰林家居練鄉兵與兄卓選毀家紆難扞衛閭里屢禦劇寇名聞湘楚

朝廷特簡為湖南郡守旋守長沙不二載命按察山東時寇盜充斥許選所部赴官與閻公先後至同時

兩賢蒞止吏民欣欣望治二公卒平大亂間即解組丁繼為巡撫政治脩明民安吏肅有夜不閉戶之樂

涇北草堂編

天子倚之爲畿南藩屏故七年不移節景詩擁馬隊二亦見國家之知人善任也文長不備錄千餘令步勇四出布紮景書登峰等初屯館陶者均嚮東北移臨清自衛西尖冢起運東魏灣止綿亘百里餘設卡巡警又分屯臨南尙店荆林翟科李官莊十數處搜索資糧馬草厚德屯車營敲鼓教戰槍礮晝夜無停聲恆齡夾河按兵拒之初六日夜半厚德引眾搶渡頭開歇馬亭三里灣諸處沿河上下游十里喊聲瘡瘡恆齡軍合彭垣督團擊卻之匪回車營南廠拒守恆軍渡河轟擊匪南遁追之三十里禽殲數十劉長佑先管威縣移壁馬頭諭宋勇造冊聽點密飭道員劉策先丁守

存調順善汝光戴非至營數其罪斬首梟之長佑飭徐
廷楷與參將蔣希夷熱河營總協領瑞興調大營口步
騎扼劉家口恆齡飭總兵王佐臣將兵扼臨清頭二閘
是夜四鼓厚德殿乙再引眾渡河佐臣逆擊之同時鼓
樓底三里鋪匪昇屋梁燖牒於槍礮聲中編棧以渡垣
督團隱隄牆內擊之殺溺甚多禽斬袁焯等十數匪少
卻泗渡劉家口瑞興等力拒之山海關副都統成保翼
長海羣撥騎兵助擊匪不支南屯八里莊越二日諸軍
分三道進署大名鎮姜國仲廣平守余承恩進東南副
將崔福泰肥鄉令楊毓枏已革總兵吳再升進東北遊

擊湯繼揚知縣張植初參將吳永敖進正東前浙江提督鄭魁士及徐廷楷薩薩布等步騎繼之日中抵冠之清水鎮催軍逼甘官屯匪巢匪分路旅拒官軍勢卻急斂軍四野高粱穞稜伏匪盡起官軍且行且戰傷亡甚多是日恆齡由臨清出軍至柳林阻淖而返長佑奏劾植初永敖貪功輕進雖勇於殺敵而咎實難辭均摘翎頂詔曰宋景詩叛跡昭著劉長佑咨會恆齡定期進勦布置妥協乃各軍轉戰而前恆齡所部並未前來行軍之要信賞必罰尤貴特平不聽將令而輕進者雖有功必罰劉長佑之參張植初等良足示懲恆齡期會

不至。劉長佑不將恆齡參劾，殊失其平時陰雨連日，降
眾偵官軍堅壁不戰。初九日，由劉官莊甘官屯出馬步
三千圍攻柳林。自卯迄申，守者不懈，傷匪累百。匪向西
斂隊，民團出圩追擊，匪委棄軍械火器甚多。而羣匪方
分屯犄角，白旗紅邊匪眾屯楊家墳，黃旗紅邊屯張官
寨，紅旗綠邊屯塔頭等五莊，惟黑旗紅邊一股回老巢。
丁軍進賈鎮，保軍進得勝集。堂邑西二十五里堂邑令董槐親
赴匪巢，諭景詩出見，槐入死出生，不避艱苦。前後偕遊
擊黃兆紳知縣劉時霖冠令孫善述往返開說，曉以利
害者四五反。初意誘之來營，景詩知計卒不出。初十日

山東軍匪系星 卷十五之一
五鼓官軍潛襲甘官屯會甚雨霪霪一晝夜川原瀆洞
不克前次日馬步匪五六千分四路進西南北三面皆
掩旗卧鼓從高粱深處蛇行來犯丁軍副將馮翊翔都
司沈玉貴守備劉家興及兆紳時霖等逆戰之先一日
調朝城回團千二百令善述將之距大營四里而軍及
疑隊會戰匪意民團易撓出精騎馳之善述督岐山等
團屹立不動匪三驟三反被傷二三十三面伏匪亦爲
官軍擊斬騎者十數步者四十餘匪敗官軍躡擊之泥
水窪寥勇丁有溺斃者釋勿追匪抽桿馬數百突團勇
中堅又分兩翼抄之寶楨由西南引親軍橫出接應翊

翔玉貴家興殊死戰。喊殺聲。槍礮聲。水潦聲。撼動原陸。人馬騰踏泥淖。皆飛面目。都不辨。刀砍矛戳。礮轟傷匪。不勝計。匪大奔。楚勇不習徑路。卽斂軍。匪於是不敢踞守甘官屯矣。丁保兩營積水日深。全軍乏食。匪有竄梁家淺之謠。臨清轄距東昌二十五里聞東昌且有內應。十二日軍回

堂以備之。匪連日焚柳林附近五十餘村。丁軍往來馳

救。始未占踞。十三日四鼓。匪馬步二千餘。焚掠沙鎮。距城

四十里丁軍移營小屯。是夜匪喉黨急攻柳林。丁軍又移

營。運軍吳家屯。保軍營梁家莊。匪又竄柳林西南。張光寨孫爾寨正南界牌。欲誘官軍南行。分股擾東北渡閘。

河可由恩德入直疆也。恆齡軍十三日移李官莊。距匪巢二十里。侍衛益謙參將音登布守備葛開泰各率大名天津兵二千四百餘。新定營津勇五百來會。廷楷福泰承恩田館陶出軍。抵崔家莊潘兒莊。遙爲聲援。十五日。日中進至黎兒莊。距匪巢五里。令三起白旗騎兵前驅。躡伏不見。一匪高粱袖袖然俄而突起。千餘官軍兩道分擊。東股卻出數十武西路伏匪復出千餘。腹背合圍。恆齡衝突而出。成保薩薩布海羣騎兵紛退。損折甚多。新定營勇古北口天津步軍逆擊之。匪稍卻。而大股馬步匪復分路來犯。步軍喧亂。遂北。兵勇多傷亡。惟國

仲全軍而出。猶遺炸礮一丁保兩軍。因十四日恆軍函訂會剿。其日由堂鼓行而前。緣道水潦滅頂。繞行數十里。始至張家莊。次晨進距柳林三里。聞礮聲。迅由柳林。鄭隊南馳。約七里許。出賊後。民團因阻潦。引而東北行。迂遠十五六里。不及會戰。回軍張家莊。莊無居人。兵勇不得食。寶楨出橐中乾糲。劉爲數十黍。與軍士各嘗一黍。皆感泣。次日回軍堂邑。長佑奏言。恆齡軍因高粱茂。密道路積水泥。窪不克前進。山東臬司丁寶楨。總兵保德。及柳林民團。均因此失期。是賊情狡悍。官軍限於時地。仍難得手。提臣恆齡。本有應得之咎。惟平日本屬驍。

山東通志卷之五十一

五

勇每戰必先相應仰懇 天恩從寬免議至副都統

成保海羣有無策應不力應否劾議之處俟咨曾格林

沁查辦疏入 詔曰前次官軍進剿恆齡期會不至

致有挫失此次黎兒莊接仗雖積潦在途高粱蔽野未

能得手而丁寶楨保德均未趕到似此一誤再誤豈不

益張賊勢直東營務廢弛前降旨令劉長佑督辦三省

剿匪事宜務當破除積習整飭戎行毋得意存謙讓恆

齡兵既挫失著曾格林沁檄蘇克金所部騎兵迅赴臨

清與恆齡合隊恪遵劉長佑調度時長佑派丁守存駐

臨清聞東督團布河干咨山東分飭沿河臨清武城夏

津張秋通判東平汶上東阿清平博平德州牧令集團
防運歸守存督率。道景詩馬步七千餘屯劉貫莊甘官
屯小李官莊劉八寨清水狼窩及劉邵大曲村葉二莊
大近村孔村張平化村桑阿鎮而四出紛擾臨莘堂館
倏來倏往數百里間保德兵勇祇千五百寶楨楚勇僅
千人各以三成守壘七成出戰數不足二千勝則賊騎
我徒追之不及又兵單不敷設伏陸擊寶楨內度由營
招勇慮賊黨應募乃分飭附近州縣縣挑壯勇四五十
共募千五百人著民團保送有戶籍者由縣註籍送營
以楚勇二百配新勇三百爲一營合隊訓練十七日宋

眾攻柳林三時久炸礮入圩火發死傷甚多僅得勿陷。次日攻范寨略同匪踰濠薄牆團眾奮擊傷匪百餘始卻日在附近旋繞丁保二軍更迭赴救二十二日又攻圍柳林民團出戰兩時久始遁而朱登峰弟二大頭與王捌于獅馬步數百十九日焚掠桑阿鎮席莊二軍飛馳夾擊戰匪任家莊斃其數十獲器械甚夥追之趙莊餘匪奔潰二十日莘北蔣家莊突見匪馬馳騁令溥率軍功路朝海等民團兜擊之軍功張玉亭血戰追賊至河店西南曹家屯馬匪麇集朝海死之另股程四黑率眾屯燕店牙莊與朝城張魯集山家堂民團徐鎮清等

屢戰民團甚敗。僧格林沁遵旨調蘇克金等騎兵。

至臨。匪中盡宰牛驢作擋牌千餘。二十四日闖渡衛河。直軍參將邱瑞祥張九元遊擊張得祿知縣徐必驥等奮擊卻之。降人楊朋嶺復率馬勇赴河東追斬數里。禽匪二。奪馬七。次日馬匪焚掠館陶之灘上村樓子坡崔家莊諸處。廷楷率都司陳定邦等設伏掩之。斃匪數十。禽十餘。同時尖冢大營口馬匪亦爲天津鎮春霖知縣熊存翰擊退。丁保二軍進營辛集。景詩懼壁於堂西北二十五里。辛集之東乞武舉石興邦千總徐永魁陳說願降。引眾趨趙辛集道左。寶楨出軍前責令撲滅。侯垵

山東通志卷之五十一
程四黑股匪及冠境李家蔡莊白塔胡疇張玉懷餘黨
又另股李絡等之在弇山廟北王段化莊李堦屯諸處
者立功自贖景詩噉應寶楨保德遂詣館陶長佑軍中
有所商白而柳林范寨諸團聞景詩納款啟圩樵汲匪
驟馬掩殺六十九人盡焚附圩屋室越日民團追匪西
出四里所匪設伏喬莊殺民四十四又次日馬步匪千
餘圍攻柳林范寨獲熟禾二百餘畝而去長佑飭參將
劉祺引軍駐臨清防河而匪馬百十爲羣出沒州東十
里鋪南岸方家辛莊黃官屯試水深淺謀報匪計言景
詩與于孟春撲范家厰渡河法起登峰撲南水閘渡劉

家河·厚德·撲·觀音嘴·郭景暉·撲·歇馬亭·楊殿乙·卽楊二
馬·韃與楊殿甲·撲十里鋪·又有匪黨·李金聲·李光榮·王
捌·周維新·李絡·各引眾二三百·分屯杏兒莊·塔頭楊家
墳·艾兒寨·及堂西北八甲·劉家莊·距城十里·姜家胡同·蘇
家隄口·勢相翕·關丁保·二軍晝夜·防擊匪·小戰則小敗·
大戰則大奔·臨堂·獲安·匪引眾退·保侯·烟黑白·周莊·張
官寨·北至八里莊·十章屯·周家店·西北至姜家莊·朱莊·
白炭窰·擾莘之東北·潘莊·姬莊·田家海·小楊家莊·邴家
海·大呂家·小呂家·寨裏·楊二莊·安莊·雅淡·李莊·馬莊·孟
家莊·東大楊莊·小楊莊·諸處·記其焚掠·最熾·被禍尤酷

上野縣 具糸屋

卷之五十一

八

之村寨十之二而已

山東軍興紀略

卷十六之上

降眾六

七月土匪李奎元宋三瞎糾馬步三百餘應景詩初四日由莘之陳家集突入朝城之成店營山家堂新店集知縣王培楨督民團白雲龍等雕擊互有殺傷宋匪合之回奔莘之梨花園延家營宋家莊分屯清平之運河二十里鋪官窰口左家橋戴家灣張官營李家圈諸處馬匪往來如織圖闖渡知縣桂昌督團防河甚力匪卻走丁軍初意進營六官莊北距柳林十五里西距范寨十里陰雨浹旬河水泛漲不克前遂分壘而軍一營柳

林南一營范寨北保軍仍壁堂邑。閻敬銘令都司楊通廉守備郭大勝張大富等三營由淄詣堂。令劉時霖將之。寶楨親巡河防。上言清平團練整齊。又有崔世亮步勇百名協守。而堂境梁家淺地勢寬平。可直竄聊城。直齊集李海務諸處。嗣查得馬橋爲莘堂冠三縣連界。直隸諸軍俱由南向北擊。勦賊敗奔向北。我軍須向東南迎頭遮擊。擬分三路。一由范寨進。一由六官莊進。一由許務集進。則韓登泰原駐梁家淺等處。毋虞闖入。而東路之沙鎮七級李海務諸處爲賊竄熟徑。必須移營馬橋。方可遏堵。敬銘聽之。時劉長佑奉詔促戰。遂移

營臨清逼匪巢。令藩司王榕吉通永鎮徐廷楷軍馬頭。大名鎮伊綿阿軍南館陶。初十日。日中。匪出數百騎。倍道馳衛東闖渡。榕吉廷楷軍更替轟擊。共斃匪五六十。匪奔杏兒莊甘官屯楊家墳。越二日。大股夜奔調馬橋。馮家圈。鼓音嶺。聞百里。民團震駭。官軍知匪氣餒也。敬銘益調淄川范正坦曹正榜步軍赴清博河干。王安邦騎兵三百赴丁營助剿。十三夜。柳林團民刈禾入寨。景詩遣細作三十餘。負藁隨聲叫柵。時丁營知府惠慶與前營黃兆紳軍團內巡牆瞻眺。微察其異。傳呼閉柵。團民負重者。與牆勇相詰責。有數十人委重反奔。團民

謹逐之。禽其二。闖門納之。哨官吳德馨、鄴隊循牆戒備。俄大隊馬步匪，吶喊擁至。惠慶兆紳與民團楊樹猷等，縱礮力拒。匪先攻西南陬，且卻繞由東北進。營團憑禦，益力傷匪。累百兩時久，斃其三百有奇。全股引去。初，匪目張廣德於四月中旬降隸保德軍。詳上卷至是都司李

元伍中亡走。廣德等五十六守備馮勝林伍中亡走。吳

樛禁等五十七焚抄定遠寨曹家屯。與另匪武敏合。王

玉和合股。

敏合武家莊貢生贊化姪景詩在贊化家爲教練有年

十七日匪大股

再至范寨之西。殺傷收穫農民十數。王貴家興軍救之。斬匪六。拔鄉農數百。匪分爲二。馬匪由南繞西行。步匪

由南繞東行再攻范寨營團更番環擊自午迄晡斃匪七八十匪憤甚火附近民居同時柳林亦爲所攻殺婦穉數人惠慶兆紳出軍奮擊匪北走景詩又遣黨殿甲登峰屯薛店窰坡張洛鈞屯潘家莊在處虜人掠馬人數益眾另股匪目李莊與叛匪廣德焚抄溫儀集附近寶楨再分軍雕勦之莊揮眾旅拒官軍馳突如神遂斬莊匪大潰追奔三十餘里其馬匪之屯調馬橋者距堂邑三十餘里二十日寶楨督中營親軍何楚隆及通廉大勝大富三營進擊卯刻遇匪調馬橋西北通廉先陷陣斬匪二匪卻步軍追之三里許伏匪突起擊殿軍敗匪回鬪

官軍表裏受敵。亟引梁家淺騎軍來。楚隆望塵起。挺矛馳驟。寶楨麾軍奮嘯而出。什伍俱前。鑼鼓震天。致死決戰。匪不知所措。紛紜奔敗。騎軍斬匪數十。轉敗爲勝。其夕。惠慶兆紳道馬匪二百餘。掠糧東南。必道楊家莊。回巢。令樹猷引官軍伏莊側。頃匪囊垂。囊負吹唇呼嘯而前。官軍喊斫。突作火器如霆電。匪大亂。棄糧墮馬。死傷百餘。獲其刀矛旗旛糧食。稱是。次日。馬步匪三千餘。撲范寨。而匪隊反。向西北行。謂官軍不予備也。行約七八里。折而東。策馬狂馳。薄寨下。家興鄧陣迎之。驚而南走。玉貴知匪巢在西。爲家興追逐南奔。引所部伏西路松

落匪果折西回巢。玉貴夢之。匪奔北。民團范景賢、景唐、王占鼇等率團出西北橫衝之。匪惶遽亂行。斃者二三百。獲大旗十數，馬數十。匪中傷嘶喊聲遠近相應。時廣德王得平糾眾五六百，麇聚王家海。景詩遣黨許肆引三百騎入圩助之。日濬濠增壘，招納華冠伏匪爲持。計梗塞西南官軍。寶楨度宜先拔王家海。二十二日，令李元騎兵北進，謝炳騎兵南進。保德督曹標兵與通廉大富軍兩路策應。匪登圩拒守，東門先出步匪千餘，憑濠力鬪。寶楨親犯礮火爲將士先。匪分股闖門浪戰。時霖大勝，長勝下馬，鄮陣連環擊之。斃其七八十。遊擊李

芝芸衝入匪中。矛取廣德。牽其裾。中洋槍殞軍士。怒力戰。斬得平。匪勢卻而北。續出馬匪二三百。抄官軍後。保德先設伏。圩北二里許。肆引眾往來衝壓。負傷過地。匪大奔。勇目周鴻儀單騎躡之。馬蹙爲肆。回矛所害。官軍捲旂掩殺。匪不及入圩。斬散無算。守匪啟西門出。我軍前截後追。屍蔽原陸。分軍越濠。扳牆上。拋火蛋。焚之。圩中烈焰。燬駁。夜明徹數十里。匪大奔。遂克王家海。毀其廬舍。芝芸鴻儀請卹。如制。敬銘再檄道員林士琦履勘運河。分正榜一營軍魏家灣。兼備田家口戴家灣諸處。正坦一營軍土橋。兼備梁家閘。梁家淺。梭隄諸處。自

臨清二十里鋪至梭隄止。營團歸土琦督率登泰一營軍李海務兼備周家店三空橋諸處。馬春嶠一營軍陽穀七級鎮兼備阿城上下四閘。自東昌李海務至四閘止。營團歸呼震督率。令之曰：使一匪潛渡者殺無赦。檄千總張祖榮礮船入張秋運河上下巡徼。會前飭副將陳錫周參將宋延德王正起遊擊王心安劉漢秀雷顯揚等赴襄樊募楚勇東治六營三千人。先後至令趨堂邑黃家莊。隸寶楨軍擊賊。敬銘由淄移軍東昌。時齊荏高驛路黃水泛溢。又暑雨數日。二十五日達博平。遂駐軍焉。長佑方引全軍滾營以逼匪巢。先令恆齡江長貴

鄭魁士蘇克金姜國仲崔福泰諸軍進臨南舊縣築壘分步軍五成列陣以待馬匪千餘突前騎軍抄之馬匪卻走斃其五六十當日成五壘夕令國仲軍入守之令彭垣率民團盡獲附近梁秫長貴魁士總兵吳再升都司陳定邦知縣楊毓枏分率所部進舊縣之前于家樓築新壘匪眾環迭衝突蘇克金騎兵擊走之又令再升等軍入守新壘度匪將大至蘇克金令副都統常喜善三保騎兵伏叢薄中匪果三路出步軍且前且卻誘之摩壘火器齊發賊負創奔騎軍乘勝追擊轟斬百數十匪奔尖冢調馬橋圖渡河春霖軍擊之又斃二三十次

日國仲承恩軍再進江家村築新壘匪復來窺承恩率親軍突出賊反奔其夕長貴魁士軍入守新壘而匪眾大股縱火距壘里許東西南村寨烟塵四合官軍兀守不動匪進退飄忽都司高振海副將陳飛熊分曹衝擊之毓柵縱劈山大礮傷匪特多追斬五六里前路梁秫茂密始斂軍還七日間大小八戰斬級六百餘禽者五六十匪鋒大挫而廣德王三等又引馬步匪三四百焚掠堂西南三十里河店馬橋定遠寨觀音廟諸處旋奔桑阿鎮陷北潘莊民圩殺莊民六七十另股擾燕店河店鄒家巷分我兵力勢欲竄館陶知縣湯履忠上言直

軍由臨清滾營進逼漸近卑境東北邊之李官莊距匪巢尙二十里是專堵匪巢之北嚴扼衛河之西丁軍保軍因兼顧東昌專遏匪巢之東其最可慮者爲西南一路自卑境至莘冠及衛河東岸周遭百數十里僅小灘鎮大名道一軍孤懸遠扼衛河綿長且數百里在處可渡應請急撥勁旅扼守冠館適中如冠之清水鎮卑縣東南之邵村萬善正東之潘莊否則西竄必矣寶楨臆其言分兵備之直軍方與匪相持冀家莊二十八日進軍興隆寺匪冒官軍旗裝出前敵諸營後馬步二千餘穿出前營營後嘩聲訶訶與礮聲訇然相應承恩逆戰

壘側不得前。蘇克金軍來援。勢逼不能縱騎。幾大敗。長佑親率後營馳之。諸軍乘勢奮擊。匪始卻。互有傷斬。三十夜。景詩襲柳林。惠慶兆紳商令樹猷民團伏寨前。俄聞匪馬蹶聲。逼南寨。惠慶等禁聲。黑立火器。煜雪驟發。匪號呼大奔。傷者紛踣。啟寨追之二里許。敗匪波倫亂鳴。良久甫集。行入伏中。監生王景芳等密飭王成劉錦繡等二十餘人混入匪軍。昏黑中發號衝殺。與伏勇夾擊之。匪再潰。傷斃不可計。混戰七八里。黎明自柳林海子至和莊。匪骸布地。且十里。得礮槍矛旂數百。被傷人畜聲嘶未絕者。皆斬馘。次日景詩親率馬步二千餘。

平定回疆紀略 卷之六 降賊六 徑北草堂編撰

三路進。謂官軍倦劇可乘。乃將士戰勝。黽勉全軍畢出。匪愕而奔。棄其尋丈宋字紅旗。刀矛衣物無算。

山東軍興紀略

卷十六之下

降眾七

八月。僧親王移軍東昌。先飭舒通額騎兵在東阿渡黃。王由運放舟至魏灣西三里店登陸。分軍扼梁家淺。次

日出軍追逐王家廟馮家廟諸處踞匪。

堂城北四十里

劉長佑

移營臨清河南三里莊前。敵軍仍駐于家樓。

距李官莊匪巢六里

初四日日中。馬匪百數縱火館陶之南。未刻另股匪二

百餘搶渡坎兒莊河干。分股馬匪三百餘擾炸子店徐

村河干。王榕吉徐廷楷分飭參將王朝棟知縣張植初

未入于淵。率全定營奮勇冒雨雕擊。又有紅黑白三旗

身... 卷之二十一
七八百匪搶渡南羅沿河上下游同時告警廷楷調通
永鎮標兵分擊尋退酉刻遑迴羅家渡老隄頭河干火
光徹夜匪意乘雨闖渡諸軍通夕戒備黎明始罷保德
令東治步軍扼古隄騎軍遠出四五里匪勢甚盛四周
圍裹而前步騎分合會戰傷匪二三十匪奔西南官軍
遂斂連日風雨不止官軍與匪均閉壁初三日日中叢
薄中有人蒙袂趨走營勇捕之訊名馬禿子盧貴景詩
遣詞官軍動靜逮夜襲營雨勢益驟徹夜淋浪夜分西
南隱見燈火數星惠慶兆紳飭勇團戒備良久聞踐踏
泥淖聲暗影動搖不辨人物北牆突縱排槍火燄中見

數十百人匍匐雲梯洞屋蛇行以進連擊之伏不動雨
猶潏潏而洞屋將逼濠守者擲以火蛋如著猛火油得
雨沃之益熾匪驚呼守者益縱火箭噴筒惠慶兆紳乘
火率敢死翻牆度濠擊之匪大呼而奔南寨門負攻具
之匪亦爲樹猷火器所燔兩路闖壁出擊匪大亂追之
四里所後隊援匪亦迷路散亂爲官軍所乘獲其羸馬
刀械旂幟甚多詰旦見匪屍蔽道長三四里丁保兩軍
進祈家務辛集次日令鎮標官兵濟安營東治營由任
家隄口分東西進中營陳錫周尾隊爲零匪搶失文卷
關防後營劉漢秀弁勇入叢林伐木爲匪掩殺亡守備

擊斃匪百餘。斬匪目李雲龍。獲馬數十。匪奔西北。入冠
東北鄉十里鋪烟莊馬王七里佛堂。憂兒莊清水程村
白塔趨城下。孫善述率團迎擊之。斬紅旂匪目薛德勝
等。漫延聊城之寨裏村謝家海郭大家莊張店屯道口
鋪于家營。又有紅黑花三旂攻圍沙鎮。上河通判毓明
知縣鄭紀略馳援解圍走。又館陶東南之招村西南之
鋪上村陽穀西北之鄭家海殷家坡馬步匪縱橫馳騁。
僧親王進軍天齊廟。陰雨連日。泥濘際天。初九日晨霽。
令諸營進柳林。舒通額蘇克金恆齡軍三路進。所有趙
家塔頭劉家塔頭姜家塔頭馬家塔頭葉莊張官寨六

處踞匪分路出拒騎軍追之數里匪奔歸趙塔頭官軍
逼擊之匪奔西南舒通額追至崗屯迤北斂軍而炊王
佐臣春霖音登布步軍分營趙塔頭諸處次日五鼓出
軍圍攻甘官屯劉貫莊匪喧亂啟甘官屯東門出官軍
自北繞西南擊之匪奔入劉貫莊遂克甘官屯恆齡春
霖軍入守之夜三鼓匪全股奔劉貫莊西南僧王調魏
灣礮軍入守之分守崗屯小劉貫莊諸處黎明匪分兩
路蘇克金西追二十餘里至大廠伏匪千餘突起會反
風急雨官軍礮火不燃爲匪所乘傷亡百數十副都統
成保受傷落馬爲匪扶去次日昇回匪屯程村舒通額

向東南擊之。大有禽斬。於是長佑軍營龍王廟。僧親王軍營冠縣。匪於十三日奔冠之趙新屯。城東南十餘里。次日擊之。烟店之南。馬步匪二千餘列隊東南。舒通額麾軍衝擊。匪屹不動。出驍騎二百。擣營總常德軍。德佯退。協理台吉諾林丕勒引軍。麟之德復前夾擊。前匪盡殪。後隊馬匪亦爲舒通額所卻。步匪力拒。蘇克金恆齡陸擊之。匪大亂潰走。成保海羣追斬三十餘里。竟日斃匪千數百有奇。委棄槍械無算。獲車礮一。馬二百餘。餘馬匪六百。奔西南。追之朝城之張家莊。始罷。僧王移軍入觀城。呂家海。先一日。蘇克金追至莘西北白家廟。殺獲無

算又分兩股一股馬匪數百敗入朝城柿子園漫延西

北楊莊韓莊岳莊距城一里一股步匪二百餘竄觀城之遠

家廟十五日僧王軍至觀城其柿園一股由觀之谷曠

集繞出范縣之高莊濮州之道口馬陵集再由文明寨

向西南趨直隸清豐大名府南屬之夏村六塔入開州其遠

家廟一股由西陽曠至六塔蘇克金恆齡追入開州擊

匪花谷集匪奔開之清河頭又河十六日犯河南滑衛輝府

府西屬濬衛輝府東北屬 詔飭豫撫張之萬檄河北鎮李明

惠夾擊十八日犯臨漳彰德府東北屬內黃彰德府東屬渡河向西

北十九日犯直隸永年廣平府附郭 鷄澤廣平府東北屬 曲周廣平府東

北平鄉直隸順德府東屬遂入成安直隸廣平府南屬邯鄲廣平府西南屬分

殷虜脅各千餘由平鄉入鉅鹿順德府東屬奔隆平趙州南屬關

入新河冀州西屬武邑州東北屬劫餉銀二萬兩直軍追之急匪

晝夜行三百餘里二十二日回奔冀州擾景州西南河間

府東故城西北河間府南屬長佑由獻縣移軍景州二十三

日匪奔阜城河間府南屬正北東北入交河府東南屬知縣

率勇截擊之殲者頗衆二十四日竄東光河間府東南迤

北泊頭鎮迤南霞口渡河又名迎風口向南狂奔馬步尙千

餘均白布帕頭次日由東光入吳橋河間東屬逼縣城長貴

榕吉引軍分赴滄棗扼其回奔西北之路勢逼山東德

直隸宣化府已事 卷一六二六 降眾七 堡北堂堂

州敬銘調通廉大富大勝步軍塔克蘇堪騎軍赴德州

德平二十六日匪由吳橋敗奔甯津河間府東南屬向東南趨

連鎮入德州東境之士橋又分兩股馬步各七八百一

由任家鋪走恩之南津期店陳恩壽引勇扼之趙王河

西許家橋劉龍口迴旋堵擊匪不敢犯一由土橋趨邊

臨鎮犯陵縣撲城關知縣謝際亨率勇出擊弟遇亨戰

歿二十七日漫延平禹交界之崔家橋禹城宗家集平

原藍家莊由平原東北八里莊繞西至腰站知縣文熙

率勇擊之遁入高唐之彭里長屯苦水李莊皮戶李莊

曹莊回奔夏津之卞官橋距城三十五里王家集段官屯李莊

琉璃廟邢莊倉上縱火殺略百里間煙趨烽緇直軍大
順廣道祝壇參將劉祺由德州追逐而來匪由升斗張
莊出境循河南奔而西至馬頰橋勾子劉莊去敬銘調
兆紳濟安營赴臨清匪夜由卜官橋走清平之東辛集
距城二十五里金霍莊二十八日由康家莊渡戴家灣入河西
爲景詩一股未渡數百騎爲殿乙一股仍擾清平城西
老官莊康家莊皮家寨奔高唐葛固屯距恩縣津期店三十里由
趙王河西劉龍口趨恩縣恩壽督團截擊直東諸軍躡
擊之二十九日再由恩之東流店入平原城北班鳩店
老鰓陳莊文熙再擊之由平原葉家胡同入陵縣之楊

上通通集已見
卷一六下 降眾七
草堂編撰

柳寺又分三股。股數百人。一屯馮家老莊。縣西三里敗竄。

縣境神頭鎮。縣城東北二十五里一屯平原倉上一屯平原迤北。

徐莊兆紳等逆擊之。八里莊千佛堂僧王移軍恩縣。調

通廉大富大勝三軍赴清博。匪晝夜狂趨。繞竄運河東

北。出官軍後路。或數十騎爲一股。百餘騎爲一股。東擊

西逝。南截北逃。不下五六股。有由康莊東北竄夏津城。

南趙官屯者。鄉團襲擊之。有竄腰站之東。爲直軍陳濟

清劉祺追擊。折奔西北。又入恩德者。有爲直軍余承恩

及之。劉家橋遂竄高唐東北。趨趨暝。走於窰子坡河溝。

唐莊大社莊李莊尹集紅廟黃花圃賈潭者。有回旋趨。

趨於清平之雙井龐莊水城屯者通廉大勝兩軍與劉
祺同日抵高唐分道追擊而分股匪又入河西冠北賈
鎮錫周正起軍奮擊走之其戴灣西渡之匪避兵旋繞
猛撲柳林傷數十人閉砦拒守寶楨率東治濟安諸營
救之匪解圍引去通廉大勝軍追匪入恩匪由王杲鋪
分股一竄高唐北三十里劉家莊一竄高唐東南入博
平之倫家橋爲民團擊向清平循河南走入高博連界
南鎮由呂家店入禹城之楊家園其分股從平原老鰓
陳莊入陵縣者九月朔至城西南三里馮家老莊四李
家莊盤河鎮城東北神頭鎮

距城二十五里

次日分股從平原

向西北入德州之孫家窪土橋林士琦合通廉大勝大
富步軍塔克蘇堪騎軍兜擊之匪遁東北再出吳橋趨
東光甯陵民團擊之向東南再入山東德平之十八連
莊城西梅鎮余德口初三日南入陵縣之杜家廟再入
平原之李吉寨禹城之馬家廟房家寺高古峯知縣趙
慶恬督團擊卻之初四日竄荏平之丁家祠將軍廟白
官屯旋入高堂西南殷家樓李官屯王屯夾灘回奔荏
平之娘娘廟初六日仍奔高唐之董家樓正榜塔克蘇
堪軍及匪高唐小井莊騎兵失利匪渡河奔西北王家
樓直東軍晝夜躡之初七日回奔高唐之窩子坡

距城二十

里 荏平之三家廟大勝軍由腰站出擊之匪奔東北張
官店渡河追之小屯迤北略有禽斬東治軍雷顯揚等
馳擊高唐平禹之間匪奔散不可踪跡殿乙一股則由
恩竄武城之夾馬營渡運奔邱之桃寨狼寨入直疆鷄
澤三日兩夜如票禽駭鹿厯犯肥鄉任南和廣宗隆平
鉅鹿諸縣鉅令石元善擊勝之蘇克金恆齡軍追之匪
奔東北由新河入冀州南奔棗強再奔西南廣平守余
承恩躡擊之其後股續由夾馬營渡河者由高家莊入
故城境初八日奔棗強東南與南宮竄匪合東軍陳錫
周移營館陶西北喬莊扼之王心安移營臨清東北扼

之。宋延德移營臨清尖冢孟家口王家集。憑河扼之。自此河東一股益散亂不成列。兵團在處遮擊。匪不敢拒。戰緣道棄擲戈楯而遁。其河西竄。匪自柳林爲濟安等軍擊敗。奔冠之董莊昌莊。亦於月朔竄莘之烟店。逼城東。心安軍擊之。走西南。是晚回屯田家集高樓店。殺傷農民四五百。東治軍次日追及之。匪再奔西南。入朝城之梅仲村。攻圍城北李家寨。保德軍擊之。匪由北寺節村入觀城東北代莊寨岳家莊。由清豐之六塔集關爺廟黃蔡集奔開州。舒通額恆齡軍及之。開東十二里。斃匪無算。餘匪奔滑之大寨韓良村。西奔濬縣渡河。再入

直隸成安。初六日，恆齡及之邯鄲，蘇曹集追殺三十餘里。奔永年，曲周復竄鉅鹿，分兩股：一由南宮入棗強，與殿乙合；榕吉與大名守長啟擊之石槽坊。棗強西南陣禽殿乙等，斬之餘匪，降散略盡。其登峰一股，由新河北竄大名，祝塏追之，由祁州回奔，分數股入任柏鄉南和趙州。曲周境兵團殺獲過半，餘匪奔邱館西南，由安靜村渡衛而東，餘匪仍有屯朝城之馬家集沙莊者。蘇克金保德錫周時霖等軍夜襲之，斬首五百級，零匪由朝城之運糧河入觀之袁廟，攻何莊宋寨，舒通額軍及之。匪奔西南，出開之岐山，計追殺百五十餘里，遁散略盡。其一

股則景詩厚德霍進山蔣中貴王六義子宋喜等三十餘騎而登峰程敬書順書之兄郭景暉張廣德劉書紳等零騎回旋復合復得千五六百人初三四兩日竄開州兵團禽斬益眾登峰敬書等又分二股均有兵團尾追之初五日景詩厚德中貴六喜等二百數十騎至開之東武星村河崖奪小舟六棄馬放舟至小濮州柳下屯之南王村堰再掠商船五順流東南初六日至千里眼在張秋鎮之南入大清河順流而北礮船千總張祖榮鼓棹尾之禽張明高等初八日黎明匪二舟駛至黃河東岸于家莊三舟至龐家口南山下島水登陸入平陰東平叢山

巳刻至舊縣。午刻過棘程。遇僧營差官存福豐紳泰等
於馬跑泉奪馬戕之。未刻過王古店。東阿令吳樹聲追
之入山道。禽數匪。截回難民四十有奇。申刻匪過東平
新家泉。酉刻過花藍店。趨東北王家林。樹聲踵至。天已
沉黑。莫辨所向。東平牧王錫麟搜山而來。是夕勝林及
守備董富經引軍至。次日五鼓。樹聲錫麟探踪追入東
平嶺子莊。山徑益雜。賊踪散亂不可見。錫麟赴州城之
北雙塔鵬鵝嶺。遇匪數十。匪棄械奔遁。獲張跗等十四。
樹聲入平陰。東阿交界。行近螭虎山。遇匿匪十餘。迎拒。
樹聲麾軍斬級六。禽一。上言敬銘通飭東南州縣緝拿。

於是城關市隘在處盤詰。猝不可獲。敬銘因先期飭祖榮及張秋通判錫麟率礮船搯黃河隘口。三令五申。李令景詩遁走。劾祖榮遣戍。錫麟摘頂時登峰。敬書廣德等不願登舟。與景詩分股。各引馬匪七八十去。廣德登峰。又口角失和。敬書率黨另爲一股。獸跳鬼趨。倏隱忽見。東軍擊之。則入直。直軍擊之。則回東。旬日來防。軍與州縣緝獲匪黨。縣數十人。多得之。廢寺荒村。頽牆土甃。間詢以匪目所之。亦無所知。十六七日。匪有由濬滑回竄。館陶腰莊渡河者。有奔白塔胡疇諸處者。有由小灘過河竄冠東南謝家海者。僧親王騎軍分兩路由莘冠。

兇擊之。寶楨步軍由桑阿鎮出，尋踪闌擊。匪趨冠南，距

城十八里。蔚胡疇十八日奔西北沿河康家莊。

在七級西，距鎮

五里。王家樓孟家坳欲渡不得，至西李家樓，回奔西北。副

都統定安及海羣騎軍馳逐之。匪倉皇散亂，環繞河店

西南孟家胡同曹家樓及冠西南良久，向朝城閭村奔

元城。定安躡之分股者入邱境，裕吉督遊擊湯繼揚知

府楊詠春要之。二十二日登峰五十餘騎奔邱東陳寨。

遇官軍，致死旅拒。詠春令降，目楊朋嶺入匪隊諭之。

朋嶺

已先期由賊中逃回，仍在營効力。嗣登峰及弟登山等

朋嶺於十一月初十日畏罪自縊死。五十餘人繳馬伏地，稽首就縛，悉解威縣斬之。承恩追

匪目岳金聲零股至任縣東北順德府隆平正南趙州南屬

獲斬金聲等厚德及著名匪黨張蓬海等前在黃河鳧

水登陸時夜竄陽穀之劉家樓其地四面黃流人馬徑

絕寶楨追知之密遣劉家與勇目張玉林等伏行泥淖

突入掩之禽厚德蓬海及餘黨十餘皆處斬湯履忠亦

獲敬書及餘匪數十於田平村解定安營斬之於是寶

楨分督營縣搜捕伏匪飭東昌臨清守令率團長挨莊

細獻丁營捕斬許先欽曹方得戴書田等三百有奇聊

令紀略捕斬周在江宋張氏景詩馬氏景詩高氏景詩

等五十餘清平令桂昌捕斬孔二孳等二十六堂令槐

捕斬段方朝楊宋氏殿甲閻氏殿王氏殿乙等五百

四十有奇功最館陶令履忠捕斬逆首程敬書張付創

宋沅田陳臭糞等百六十有奇功多前後莘令權汝欽

溥捕斬王得安張郭氏廣德范氏廣德等二百一十有

奇功多冠令善述捕斬逆首謝來儀李來源白旂偽帥

舅劉潘氏厚德方氏厚德等四百五十有奇功最臨清

牧彭垣捕斬逆目劉書紳等百二十有奇前後朝城令

培楨汝欽捕斬逆目朱萬順等六十餘平陰令澳捕斬

匪目薛法起等東平牧錫麟捕斬匪目于得成等各三

十餘邱夏津武城觀城濮州范博平陽穀均捕斬二十

山東通志卷之四十一 降眾七 經北草堂編撰

以上其諸軍禽斬不在此數計搜斬二千餘僧王令道員明新與榕吉會捕不具載餘匪悉平景詩自入叢山晝伏夜行。徑壑臭竇莫可踪跡。遠報已投叛練苗沛霖。後又投毫。捻。迨同治九年。皖撫英翰調景詩改名許連升。往來歸徐陳毫之間。賣技授徒。爲人符水治病。輒驗。人呼爲許半仙。遣總兵牛師韓劉永清遊擊顧廷文都司刁文煥等。率巨盜黃宗孟趙克振等。自秋徂冬。映裝尾躡。宗孟與景詩有舊。先令往來款洽。告以毫壽間餘。捻不少。可糾約舉事。景詩信之。十年二月朔。偕行至亳州界溝集。永清等醉而翼之。解省具服投苗投捻。奏聞。

奉旨斬之。傳首直東臬示。師韓永清等陞賞有差。宗孟等免罪。留營効力。

附記

延家營者。莘縣教匪窟穴也。匪首延輪秀。從世明。從錫祺。從三老虎。從世欽。卽從延慶。從尙選。延書善等。於咸豐十一年春。與冠人楊朋嶺。莘人張玉懷。謀亂。會皖匪犯境。擁眾數千。建白旂。自號忠義團。地方官不能制。因而羈縻之。輪秀從三老虎等。冒朋嶺玉懷名。四出焚掠。資用大饒。其年冬。勝保督軍攻之。斬輪秀。世明。錫祺。詳邱莘教匪卷中逃殺近萬。

從三老虎尙選等數千人乞降免死餘眾保聚故
圩同治元年春勝軍南行從三尙選等怙惡如前
集亡命爲捕逃藪益深塹高壁抗欠賦稅剽劫行
旅復爲莘患二年秋八月官軍擊敗宋景詩餘匪
半入其中閻敬銘密飭保德王心安攻之二十八
日官軍距匪圩三里而營圩匪鳴鐘旅拒出五六
百人裸身被髮狀如鬼蜮官軍先縱騎軍嘗之卽
分張出步隊火攻斃其八九十匪分爲二官軍步
騎環合擊之匪大潰回竄入圩官軍縱擊之又斃
百數十傳圩下匪閉寨不及啟北寨走官軍繞圩

追斫匪整隊不散。且拒且行。心安與馮勝林軍夾擊之。擠至朝城之馬場。緣道又斃二百許。餘匪百數十。躍水泅逸。心安勝林袒裼鳧水追之。禽書善從三老虎趙小山王青闌沈四狗張廣住等斬之。焚其巢。獲世欽書闌大名。解東駢斬。

山東軍興紀略

卷十七之上

幅匪一

溯自承平以來二百餘年矣。南漕由江淮達運。連檣北上。歲踰千艘。江南徐海邳宿。山東郟蘭滕嶧之民。隨漕逐末。及游手好閒。綽舟傭食者。累數十萬。恆以匹布分幅帕頭。私相雄長。陰有部曲。卽嘉道間。四方無事。江東兩省南北孔道。山湖兩路賈旅。自徐宿出郟蘭。出滕嶧。已患剽劫。兩省疆吏。勒兵彈治。歲以爲常。禽斬已不勝紀。而當時稱謂。郟蘭境內曰幅匪。滕嶧境內曰棍匪。實則恃眾奪掠。行徑一也。顧晝伏宵動。聚散不常。未敢顯

抗官軍而著於令者。已曰山東匪類。如聚眾搶奪。結幅四十人以上。不論賊數多寡。分別首從。斬絞之。聲明數年後。此風稍息。仍復舊例。乃兇徒不知。朝廷德意。愍不畏死。咸豐元年。起幅結幅益多。邳州幅首則斬豹。宿遷則朱有谷。海州則侯應元。朱廣田。沐陽則陳玉標。劉雪得。邳城則呂科仔等。眾各數百。剽掠兩省緣邊居戶。詔下疆吏名捕之。山東巡撫李德用法嚴明。一年間。先後奏報禽斬幅匪呂科仔等百二十有奇。三年春。江南被兵。南漕改折。或海運。輓夫游民數十萬。無可仰食。豐北黃河連歲潰決。飢民亦數萬。弱者轉溝壑。壯者

淪而爲匪。剽劫益熾。六月下旬。費縣仲村集仙姑廟。有
陳更池薛得志王升閻三虎等數十人。結幅聚眾。劫寇
新泰境。旋入蒙陰沂水博山三縣魯山中。三縣勇役合
民團撲滅之。禽斬首夥十數。是年粵匪大擾山東。幅匪
出沒寇抄邳宿蘭郯視如疥癬。無暇搔抑。洎四年春。玉
標廣田雪得益引眾千餘。大入東疆。二月分擾江南贛
榆入莒州之大店梁店黑林黃花峪沂水之葛溝。二十
一日入郯莒之嵯莊十字路。屯蘭山之歡疇。臬司厲恩
官檄署臺莊營參將郝上庠。署沂州協都司姜長清。沂
州守李維醇。蘭山令陳紀勛。郯城令凌泰磐。青駝寺巡

檢吳肇元與辦團之戶部員外郎丁守存等分引兵團
馳剿之遇匪吉利埠幅匪不虞官軍之至上庠陷陣衝
擊轟斫廣田雪得等九十餘禽者七八十馬羸倍徒又
痛擊之贛榆歡墩埠斬獲尤眾幅首自稱海東王喬鳳
來者被傷自刺以死玉標負傷奔贛榆莒牧周承業先
後禽竄匪劉潮河等百餘沂水令吳樹聲禽更池等數
十巡撫崇恩叙上庠維醕承業樹聲等勞皆荷陞賞十
月邳幅斬豹潛入嶧境爲知縣倪夢麟懸金購禽置於
法亦邀殊擢幅匪斂迹年餘六年四月有棍匪魏春賈
玖梁光松劉朝中各結幅數十劫奪泰安蒙費滕嶧間

五月滋甚。先後爲沂州守黃慶同、兗州守沈定期、督飭蒙費等縣及沂州府經歷張錫綸等捕逐之。禽春及邱如俊、劉廷芳、范章、楊春、金拴、張龍、袁摻等數十餘。匪潰逃。七月，朝中復與李廷中等聚眾劫掠兩省吏兵。兜捕滅之餘，黨再散匿。是年冬，玖等百餘人爲費令程福堂等所敗。是時棍匪著稱者以李希夢、褚四了頭、翟三禿子、范僧玖等爲首。各聚眾與幅匪合勢。七年二月，邳幅馬汶擲糾伏幅數百，分布兩省交界，揚言爲朝中等復讎。初五日，合股分屯費之關陽鎮、阜陽集、鳳銜溝。眾裁三百餘，趨蘭山之洪山溝、尙巖、文峰山。沂州守成

山東通志卷之二十一
善聞報上言崇恩請兗州鎮撥兵捕勦親督錫綸紀勛
秦磐等沂州協副將苗樟督都司祿彰千總王壽椿外
委楊攀桂引臺莊營兵赴泉兒頭迎禦另股三虎宋新
詩等復與之合條已七八百人前軍抵蘭陵鎮爲匪所
卻亡失刀械成善勒全軍馳之匪南奔歡墩埠會江南
海邳贛榆牧令率勇役兜勦而前匪向西南奔遁殪其
十餘禽其三二十四日另股幅匪劉樂居何成鳳郭成
章聞大受等眾數百起沐陽札寨埠汶擲股眾合之突
入郟宿交界張家塘莊民團謝慶昇者捕匪最力匪眾
掩至焚其室廬大掠而去分擾蘭之車輞嶺新莊費之

駝邑馮莊東柳社合股退屯郊邳間磨山層山玉標引
眾南行玖三禿屯蘭之小嶺三月初三日充鎮富新遣
長清合紀勛等擊玖敗之卞莊玖負傷走禽成章謝牛
等十三初九日匪復屯境內重坊徐家礮附近營縣合
軍赴之匪分股旅拒長清率兵陷陣西南匪先潰北股
力鬪猶鏖官軍礮火猛密乘銳而進轟斬羣匪三十餘
禽其旗匪王苟孫希先等二十六獲重二百觔之礮五
拾礮線槍四十三鉛藥旗槍甚夥匪敗奔西南追至邊
境長城始斂十二日汶櫛三虎引眾潛入邳滕蘭費錯
壤高礮石井諸處成善飭紀勛長清滋陽縣丞多琳及

肇元攀桂率兵勇夜擣匪巢禽匪黨李沅等十三偵三
虎在石井疾趨掩之漏下四鼓先縱火燔之羣匪驚突
三虎躍馬持矛出長清橫刺墮之遂履以行火器縱擊
羣匪十傷五六得旂矛牲畜百餘汶櫛知三虎被禽率
黨走蒙費令福堂與蒙令鄧培英滕令黃汝楫泗水令
悟真額各率勇來會均有斬禽匪遁入梁邱及蒙山成
善合樟引兵團回扼石井富新引軍駐費匪出蒙之蘇
裏桃墟坦埠莊馬峪店沂之核桃園丁旺莊礮頭沙窩
四散分竄不能成列向莊民求索衣糧多所禽縛二十
五日竄沂之梁莊岸堤戴峪雙屋令樹聲禦之回奔費

之張柳莊鄭城代理令錫綸與兗州守備錢開泰分率
兵役截擊之匪奔石門樹聲追至胡羅夔安匪入蒙陰
西南培英與都司安喜率兵遮擊匪復入叢山四月初
二日追至費之光棍窩斬尾隊數十匪分竄黃山費令
范承祜府經歷張壽芝與充標游擊范正坦引兵團駐
梁邱由馬莊高礮進擊槍斃多匪餘匪三百餘入叢山
謀報匪首爲希夢周應臣由山中趨嶧遁入宿遷成善
樟移軍進紅花埠長清扼蘭郊之交時有陳遐矜者玉
標族姪也糾眾五百起沐陽由邳贛之楊家集潛合玉
標竄重坊初八日樟泰磐迎擊小勝匪騎衝突甚猛官

軍負傷大卻。匪忽奔而南。十七日。成善、樟、長清合江南軍徐州守趙作賓遊擊安某等夾擊之。宿遷、峒、嶧、驛、新開河斬級累百。禽于佃元等二十餘。餘者敗散南奔。正坦承祐復邏斬數十。江東兩省峒、嶧、紅花埠驛路裁通。而幅棍巨憨均潛匿海沭間。日夜嘯聚。十八日。希夢應臣匪眾二百餘潛入嶧之曹家溝。長清、壽椿、攀桂等引兵圍逆擊。頗有斬馘。會漕運總督邵燦奏請。敕山東撥兵會剿。詔下崇恩毋得區分畛域。因檄成善、樟自紅花埠進扼和尚莊。而蘭、費、滕、嶧間謠詠紛紜。日夜恐動。謂玖囚了頭。希夢、楊元之黨。不日起幅復。讎馴。

之蒙郊轉相傳播驚擾無定五月崇恩檄道員陳顯葵引兵駐費彈治顯葵令都司張遇祥與正坦承祜分引兵團趨滕費南路令知縣陳烈州同馬春原未入韓文朗趨蒙郊北路南軍遇匪東柳村禽斬王兆吉等北軍遇匪仲村口禽斬卞杉李戴等六月代理郊令陶洪昭上言合宿遷令擊匪江境南支溝獲勝而幅首梁光松楊拴馮科方分股入費之北林明光寺神風峪培英撥勇役扼之九女白馬兩關率練由紫荆關進費之上治署嶧令郭逢春上言沿邊起幅益夥多者七八十人少者三四十有陳小斌張夢矜曹殿華陳三科丁大匠李

中喜閻二棍李洛李小旦王鍋再合之希夢四了頭三
禿僧等大小不下二十餘起一二千人額設鄉勇三百
不敷迎禦請飭顯彘移軍縣境督勦七月蘭之卞莊南
礮附近復有幅匪楊芒即楊奉林張成等糾眾將起沂州營
縣馳往掩捕斬芒等八級餘匪散匿同時滕縣東鄉索
莊棗莊東徐莊幅匪蕭沅王存王孿牲等各引眾數十
出沒馳突令汝楫與把總率勇役掩擊禽之二十四日
小臧一股大擾嶧之郭里集臺莊營參將閃福丁廟汎
千總姚鴻烈與滕費蘭郊各令引兵勇千餘陸擊之斬
其七禽其十五匪奔東北而邳州新幅趙和尚張德等

於八月十三日引眾數百竄踞層山長清攀桂錫綸前
曹令姚景崇候補令程繩武府經歷李浹等引兵勇馳
抵山口匪突出迎拒官軍轟斬和尚等四十五禽德等
十二追至邳又禽丁大力等五先有費民宋德基等列
幅匪首夥姓名百餘狀訴都察院上聞會燦亦奏
言宿遷嶧縣幅匪滋擾詔責崇恩匿不奏報著按
名查拏毋粉飾釀患崇恩因劾逢春諱匿幅匪劫案視
職其時匪之伏匿邳滕蘭鄉費嶧交界小湖村方山長
城磨山層山中者不少於是新署費令林士琦募勇八
百正坦率兗州兵二百入叢山捕匪嶧令蔣慶第把總

王宗禮登中營把總呂環臺莊營外委李殿英文煥彩
委員王鵠黃咸寶等分率勇役六百有奇二十四日慶
第宗禮鵠由稅郭集東北入山殿英環煥彩咸寶由惡
石口正北入山次日會於抱犢崗綠道搜斬零匪數十
偵希夢一股五百餘伏埠陽集山內會正垣士琦繩武
景崇二十八日分引兵勇入嶧境叢山遇匪力擊匪佯
敗山溝伏匪三百餘聞礮突起正垣等奮呼力鬪繩武
連縱大礮傷匪數十匪藥轟發官軍乘勢取之匪大潰
慶第等麾軍阻其前匪奔西北繩武景崇等前後夾擊
禽光松梁成李斗希夢子等十三刀仗火器百餘餘匪散

竄不可踪跡。日暮慶第鵠咸寶等亦追匪至石子河。遇悍匪百餘。扼山隘。旅拒轟斬二十餘。禽十二。九月小賊三科二股合全壑子宋大憨王二麻滿五閻景汰等數百。伏蘭嶧之鞦韆架山。初七日鵠環等疾馳掩之。匪伏山礮。縱火器仰擊。官軍不得前。環等選軍鋒數十抄山腹。出匪後。排槍驟擊之。匪驚顧騰躍而出。大軍乘之。禽大憨三科等十七。馘賊累百。餘匪入叢山不能烏合。初崇恩奏言。如果西南邊境幅匪猖獗。臣當親往督勦。至是月十三日出省。二十一日抵沂州。奏言。幅酋李希夢賈玖等十數股。自百餘人至數十人不等。以翟三禿子

一股爲最悍。自八月間各路會剿。匪眾潰敗。散竄有回。江南藏匿者。有伏匿蘭郊者。體察情形。已不能爲大患。所恨匪情詭險。鄉民良懦居多。或貪賄窩留。或畏旣隱。忍藏身甚密。耳目甚多。故首要匪犯。一時難以悉獲。惟嚴飭在事文武。董勸紳耆。明定窩留之罪。以冀蕙事已。責成新任。兗沂道王觀澄督辦。臣可毋庸久駐沂州。拜摺後。卽赴東三府閱伍。疏入報。聞於是文檄督責。嚴切。各令搜斬。綦勤。紀勛獲匪目陳法志等。尙巖慶第。獲李禿等。東鳧山。鵠咸寶等。獲閻世俊等。石家峪。獲李東等。毛家寨。環殿英等。獲崔安等。石拉河周村下寺。應

第復獲通匪生員呂燦斗等。分別斬繫。二十一夜。有散匪五十餘。冒營勇。結束投滕縣。城東旅店。令汝楫潛夜勒兵。聞雞馳赴其處。勇目徐邦傑。外委楊忠先。大諍馳入。匪驚起格鬪。斬九級。禽張兆夢等四十。盡奪其槍械。十月。正坦士琦獲匪李武等三十餘。卞莊杜莊千總郭齡鰲陣射幅首邵三成於郟。斬之。紀勛獲三禿黨呂臭等。城子村李洛等。窰灣正坦與委員董芾獲汶樹黨任春南等二十餘。泰安之上岫村委員鹽大使周爾梅獲希夢黨徐福來等。滕之青山頭委員知州王元治獲任大麻等。銅山窮搜山谷。漸無匪踪。而著名幅首三禿子

踪跡最秘。由其輕財好施，劫奪金帛累萬，恆分半給同惡。餘悉以周蘭、鄒、滕、費、鄒、嶧六縣窮民所至窮民德之。所謂盜亦有道者。時其黨日夜奔伏深巖奧竇，惟三禿居郟境重坊馬頭民家，晏如也。觀澄飭員弁跡之，不可得。獲其黨張九城等，訊言三禿二十七日從容南去，而郟境復有陳振聲者起，幅數百人趨蘭、鄒邊境，大興鎮夏莊。觀澄檄營縣會勦，振聲南遁。十一月三禿黨羽復集屯郟之管家集、汴陽高家店，勢將北擾。郟令胡鳴泰偵知之，十六日率勇役馳抵長城之西，幅眾逆戰，鳴泰麾軍確鬪良久，斬其前列二十餘，禽禿朋狻等八，三禿

引眾奔西南。再入邳。鳴泰追之。上言匪首既有踪跡。請兩省吏兵合捕。於是檄下江南邳州牧畢培貞引兵駐四戶楊莊。宿遷令周■駐劉馬莊。紀勛駐南礮紅山。慶第合臺莊營官兵駐古冊。四面蹙之。禽劉言揚兒等數十。匪黨潛合。避兵而奔。入邳蘭兼轄之埠莊。涉沂河。畚以去。二十九日。鳴泰培貞把總趙振邦等率兵勇躡擊之。斬殿匪翟友張約先等十一。三禿仍不可踪跡。慶第偵匪中間二棍者。悍目也。更名徐景讓。郭良。更名張廷。獲之江南草間。清河縣境繩武亦掩獲解魁元等八匪。葉莊。銅山縣境泗水令王亮采獲王周連等江南仙姑廟。八年

春費令周鵬偵汶
致之希夢與李廢
東莊寺另股解道
景崇繩武錫綸縣
得二月初十日希
不使出希夢揮刀
乘勢砍斫十數禽
磔之傳首以徇汶
間離之汶槩聞希
甚方抵新泰高家

其首奔德霖。四月，委員知州湯鉉，府經歷劉淮、姚李漢

未入黃以斌，與鷓等逐匪黃山寨、長馬莊。蒙陰境獲其黨

吳江賈自成、郭三順等，培英逐匪蒙山。鳴泰與委員知

縣吳邦治、陳本立擊三禿卞莊，斬夥匪十六，禽其五。追

入邳之楊莊寺，再禽斬杜存等七。五月，代理蘭山令錫

綸等擊匪首于洛尚巖。鳴泰與把總陳萬策擊三禿朱

蘭住等重坊攸里山。在重坊之西，爲邳境爲匪所敗。鷓亮采擊匪

唐村兩泉溝，頗有禽斬。時兩巨魁就殲，方謂可日靖謐。

乃匪黨自相疑貳，益散亂。分起出擾，有郎中福建林拱

樞、主事高運乾者，行出蒙陰之大河涯，爲匪所掠。山西

山東通志卷之四十一 蒙陰縣志 卷之四十一 蒙陰縣志 卷之四十一 蒙陰縣志

人王福全被掠於滕之沙河莊。殺人而去。德霖與滕令彭斗山皆摘頂勒緝。會皖匪北犯。邊圍驛騷。玉標等與捻潛合。三禿夏四希夢等出沒隱見。重坊關陽鎮官軍不暇致詰者三閱月。迨六月。皖匪略定。而玖鍋洛春等股各數百。復合三禿眾千餘。突入嶧之吳家後村。費之南礮蘭之甘露溝。蘭陵鎮尙巖向城紅山崇恩。飭撫標遊擊劉奉祥將兵二百。調曹標兵三百。合之進剿。初九日。壽椿方巡徼蘭陵。匪眾馬步五六百。掠奪居民。與分防縣丞姚鳳長把總楊安貞率勇役三百餘迎擊。抵堰頭。匪列隊迎戰。官軍眾寡不敵。勢卻而潰。鳳長及汛兵

孫榮練勇陳太和等數十人死之。蘭山令劉錦堂入道左廢寺。匪眾焚門縛錦堂去。壽椿安貞妮陣追之不及。講解三日始釋回。上言追賊深入力戰而出。崇恩雖聞知不之咎也。奏令摘頂而奪壽椿安貞職。卹鳳長以解。十八日上庠抵沂州。協副將任集營縣兵勇出營卡莊。二十一二兩日擊匪向城尙巖。匪敗入石浦橫山附近。令閃福出橫山之南。壽椿出橫山之北。安貞段志先由中路入。自督後軍繼之。二十三日遇匪蘭郊之廟町村。壽椿佯退誘之。福安貞抄其後。上庠先馳猛進。志先嘩譟乘之。殪匪累百。禽馬匪王冬等二十有七。餘匪入

層山中。四野秋禾障目。不敢窮追。觀澄檄屬縣限民間。五日盡刈之。七月。大股匪眾分屯蘭之南礮。鄰之長城。費之仙姑廟李家莊。漫延新泰之羊家嶠官頭山。初四日。上庠奉祥等引軍南進。車輞齒乃玖洛等扼要塞路。鬪官軍上庠憤怒。揮軍轟斫甚厲。士琦等縱軍衝殺。而前轟斬四五十禽。冷詩等援匪由長城南礮分股擁出。塵壒蔽天。官軍妮陣再戰。殺傷相當。匪勢不退。成善督委員本立與鄭費嶧令引勇團馳至。士氣奮發。上庠等躡擊十里餘。匪敗而奔。先後斃百二十有奇。而另股曹同華等七八百匪。擾入滕嶧之大北莊。崇恩奏言兵勇

不敷分布。請調回前赴徐州之臨德壽張官軍三百赴
嶧滕助剿。上從之。詔曰：匪眾叛跡昭然，斷不

准狃於粉飾積習，將就含混了事。八月，敗匪復糾同華
劉墮等犯紅花埠，窺邳。上庠鳴泰要之，匪奔費。鵬合團
禦卻之，禽蘇大柝等十五。初八日，玖眾復由沐贛回竄，
與同華合屯措莊，方舉炊會食。上庠鳴泰奉祥馳掩之，
盡棄糧賄而走。屯溫家埠，驚擾達旦。黎明，上庠軍及之，
賊驚不成列，追之數里，斬三十餘級。禽墮，再及之。新莊
山匪升山梁縱礮，上庠佯與拒擊，潛抽銳士數百繞山
陰襲之。匪大駭奔遁，斬其十七，禽臧文成等八，獲大礮

十九上庠斂軍。匪奔睢甯。嘯聚三禿股眾。分道窮追。輒遇小股數百。擊之輒走。匿不二至十五日。大小三戰。三破之。斃匪百五。庫等二十。謀言同華。負傷墮谷死。其眾爲日。匪趨宿遷。審灣王家莊。上庠合江南軍。眾益散亂。玖挾其黨蕭英數騎遁。兩省邏駢斬以徇。十九日。益合江南軍擊三禿股。壁殺獲尤眾。其首匪春洛股眾。分擾新蒙。隲敗春柳泉寺。德霖敗洛劉杜。鷓合勇團。仙姑山李家莊。礮斃及墮崖以百計。禽周。

餘匪全潰。九月，首匪鍋四了頭等匿宿銅間。江南軍遊擊李恆清邏執，寘於法。傳首蘭郊。十月，鳴泰軍入沭陽，迭獲幅首呂三、穆國貞、李邦玲等三十餘於馬陵山。長龍集諸處，崇恩奏言自七月二十六日起，至九月止，東蘇兩省吏兵先後禽匪三百有奇，臨陣轟斬六百四十餘級，褚四了頭、王鍋等均著名匪魁。戕官正犯，惟翟三禿未獲。沂屬漸就肅清。得旨准保在事員弁，崇恩錄文武員弁勦匪功，上庠觀澄以次皆優叙。

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

山東軍興紀略

卷十七之下

幅匪二

咸豐九年四月，翟三禿于洛邱春，乘毫捻劉添幅北竄。

嶧蘭勢蠕動，復有新起幅匪周韭。卽周克生王誠、魏膈、魏栳。

等眾數百應之。五月，崇恩奏留甯古塔副統德楞額、黑

龍江騎兵駐韓莊，勦幅。於是嶧、滕匪眾多，避兵趨蘭、費。

窟穴蒙山，出掠不已。郡縣戒備益嚴。周鵬疊敗之，車輞

固、匡、灣、梁、邱、張得霖敗之，盤車溝、李天鵬敗之，羊流店

、泰安縣、石徠民團、吳秉安等再敗之。放城而賊勢不綢。

崇恩乃檄充鎮標兵四百，分駐蘭、費間。泰安營守備任

全吉率兵四百扼九女白馬紫荆三關隘口。匪始不得北趨。六月，匪眾三千餘分屯蘭之郭里卞莊。費之集山諸處。十一日，擾平邑集上冶村。十七日，陷平邑集。薄三里溝。逼費城。勢甚盛。儼然巨寇。鵬繕完守具。悉力禦之。十八日，充鎮兵抵費營保安寨。城得無恙。十九日，匪犯南泉堡。民團拒卻之。回竄朱田集。鵬合兵團追勦之。餽有斬獲其屯踞郭里者。二十四日，陳紀勛與都司蘇泰戰敗之。十九二十等日，德營佐領慶恩復引騎兵二百要之向城車輞崗。匪卻入莊塢河口。負創南行。糾三禿股眾焚掠邳宿。德榜額引騎兵與徐州軍協領常陞參

將高玉振步騎連營峒崕驛邳之四戶胡鳴泰亦引兵團出郊境扼之匪計欲夜襲徐州軍鳴泰偵告常陞戒備夜分匪果大至常陞開壁縱擊之匪號嘽敗走鳴泰騎甲逐之追抵橫山德營騎兵往復衝擊匪散亂紛奔成善紀助扼勦之卞莊鷓范正坦扼勦之埠陽集斬獲首虜各數十然諸軍逐日窮搜山谷不見一匪一騎始知皆匿入民舍崇恩檄郝上庠赴沂督勦各牧令追捕益力鳴泰復與徐州軍獲幅黨朱闌住等於海沐境會欽差大臣督辦安徽軍務勝保飭軍功畢汝霖與蘭山人洪佃一回沂募勇佃一者故幅首洪潮詭名遜

山東通志卷之十一
一
匿營中者也。值江東吏兵搜捕幅黨，匿匪多投身汝霖，竄名勇籍。地方牧令爲汝霖言，汝霖以奉檄募勇，原以收召匪徒，令爲國宣力，以紓地方之害，執弗聽。匪來應募，益眾橫刀仗槊者，城市皆滿。牧令以狀白崇恩，崇恩奏言：此等匪類，稔惡已久，按名搜斬，尙恐稍留餘孽。若召之充勇，何異養虎自衛，反噬之毒，實在意中。若召募而來，初無不軌，復聚而殲之，轉覺非義。臣已咨由德楞額引兵親詣蘭嶧鎮撫，勒令已集者分起南行，並密咨勝保隨時審察。如戰陣不力，或別構釁端，皆當從重懲辦，以靖後患。得旨：飭勝保嚴爲鈐束，時已集者

四百人匪首洛春岳湘林均在尺籍中。八月初三日，汝霖率勇行出韓莊，民團戒備防亂。佃一給汝霖入城，嘯嘯大掠，回趨洪山。上庠正坦聞變，引軍馳扼蘭陵，促汝霖招撫，不應。奔向城上，治及費之上泉下泉。初五日上庠合蘭費兵勇追之董莊寺。上庠呼語佃一慰安而諭教之，不應。踞莊抗官軍。上庠曰：是祈死耳。乃揮軍圍之，毀垣壤屋焚斫而前。匪奪路奔潰，斬百餘級，禽十有六。崇恩復奏言：比年山東少年不逞之徒，往往以投効爲名，千百成羣，赴營充勇，而軍營因此輩亡命敢戰，冀得其死力，往往全數錄用。試思派員僱募者如此，其自行

上·更·宜·與·系·累·卷·十·十·之·十
投·往·者·可·知·矣·甫·經·應·募·者·如·此·其·久·在·軍·營·者·可·知·
矣·此·等·勇·丁·散·之·適·以·資·敵·人·聚·之·亦·恐·爲·內·應·近·年·
軍·營·時·有·訖·潰·挫·敗·未·始·不·由·此·也·疏·入· 詔·曰·洪·
佃·一·著·名·兇·渠·于·洛·亦·爲·匪·首·俱·未·禽·殲·著·勝·保·嚴·密·
查·拏·時·匪·勢·頗·靖·先·有·沐·陽·民·以·沐·境·神·山·莊·幅·匪·句·
結·東·匪·謀·亂·投·狀·愾·郡·王·王·據·以·聞· 詔·下·崇·恩·捕·
治·已·累·數·月·至·是·中·朝·官·復·奏·幅·匪·三·禿·等·勢·盛·甚·紅·
花·埠·蒙·山·皆·不·靖·旬·日·間·言·者·三·疏· 上·疑·崇·恩·諱·
飾· 詔·責·崇·恩·德·楞·額·隨·時·勦·辦·隨·時·疏·聞·母·侯·肅·
清·後·彙·奏·而·沂·州·在·京·刑·部·郎·官·莊·耆·年·等·復·以·幅·匪·

猖獗地方被擾投狀都察院以聞上乃召崇恩
還京師授直隸布政使文煜撫山東牧令以新更大吏
緝匪益力羣賊亦憚新政伏匿潛藏官軍寢燧臥鼓者
五閱月洎十年二月復有萬甲申趙二麻股眾數百起
幅蘭費間濟東道黃良楷方駐軍蘭陵匪未得逞月十
八日良楷移軍入江南匪遂騷然二十四日匪冒官軍
結束由西南山中突入蘭山之東莊殺人祭旗四出焚
掠二十七日鷓率兵團扼之下埠村匪卻走二十九日
及匪新莊鷓妮陣將戰伏匪大噓環攻民團先退官軍
眾寡不敵爲匪所圍鷓與把總張永慶千總王壽椿外

山東通志卷之八十一
四
委段繼先縱橫馳突壽椿繼先血戰以死亡兵勇五六
十鷓永慶僅以身免匪圍縣城飛書請救匪勢甚張分
擾蘭鄒蒙陰三縣同時告警文煜咨德楞額上庠馳勦
檄良楷自宿遷回軍飭泰安守博文進扼蒙陰備匪北
犯三月朔匪攻圍車輞嶺初四日分趨青駝寺初六日
入梁莊岸堤次日折回蘭之方城鄒之徐公店回竄青
駝寺圍葛溝民圩細人索馬初八日再掠梁莊是日良
楷軍抵車輞先令遊擊李其昌守備翁吉順州同陳曾
勤引步勇由大路薄莊南潛令守備魏欽千總袁大武
等引騎兵自間道襲入匪驚走奪路奔黃應西山守隘

據險以拒將士謀於良楷曰。匪眾俯瞰得地利。我軍仰攻不易。不如縱之平陸擊之。良楷違之。僞爲馳救。他所引軍東邁。伏步騎林薄中。出羸卒疲馬百餘。隱見廬落。匪果整隊舍險號譁。而前羸卒佯遯。棄馬。匪謹呼曰。此儻來物也。釋兵繫馬。伏軍大噪乘之。匪驚愕顛踣。徒手格鬪。殪其百餘。大股五六百。猶整隊力拒。吉順排槍猛擊前隊。洞胷碎顙。後隊悍匪益匍匐進戰。大武縱騎兵蹂之。把總王德山手槍無一虛發。馬勇武生魏三樂張學冉縱橫盪決。斬級不可計。匪大敗。東奔追斬百餘。獲其礮械旗旂倍是。賜方率勇扼朱田。復截斬潰匪數十。

羣匪知同黨敗於車輞且黃勇回軍號稱五千匪大思盤旋避兵走初十日由長馬莊馬家莊入費之上峪博文引兵團追擊之匪趨紫荆關折朱田南竄兗州鎮總兵雙齡合德營騎兵遮擊之十二日正坦與姚景崇疊擊之黃尤黃營匪敗走蒙山九女關其昌等十三日出馬峪店新莊埠陽集躡其後上庠與協領明霖德楞額良楷博文分引兵團由蒙趨費陸擊之蘭費間唐棣林仲村青山湖東莊勝斬夥匪劉大成等數十滕令士琦亦於界牌村截殺尾隊十餘良楷再襲之蘭嶧間豹子谷斬匪目王蒞任年等而海沔匪目孔兆鳳等復爲三

鎮富新征軍夾擊一舉率黨南遁

以上奏詞

其佃一之逃竄

也。復與海州幅首盛宗元糾殘匪得千人。圖北犯沈沅。獲贛榆幅首趙景桂得其情。上言臺司檄緣邊各邑戒備。五月朔。匪眾千餘果由嶧渡運屯紅山。初四日。蘭山令胡叔琳與正坦引兵勇擊之。失利。鴟明霖要之。埠陽集先獲小勝。匪分股包鈔民團。駭亂爲匪所敗。鴟明霖退守九里山。黑風口事聞。文煜奏匪勢張甚。請抽調海防千兵助剿。時洛宍韭湘林孫保貞皆集眾應佃一叢山深峪。隱見出沒不可數計。官軍輒墮匪伏。相戒勿深入。待大軍再進。於是正坦明霖叔琳扼莊塢。鴟扼梁

與沅由店頭夏莊搜殺而前。駢斬三四十級。復由大興鎮追勦三禿。從十數騎。匿入蘆塘十七村。甚雨道。滿哈勒洪阿率騎兵百五十。吉順率步兵三百。馳入蘆塘。歷長城磨山莊塢。禽張士蘭等二十四。訊知三禿入江南。德楞額富爾孫副都統銜色楞泰。與沅引步勇八百馬勇百。乘雨由紅花埠分赴。邳之勞溝沐之張倉諸處。斬馘百餘而回。新署蘭山令程繩武甫下車。卽引勇入山。捕勦偵佃一伏。向城尙巖。與色楞泰引步騎掩擊之。行抵小陵。遇步匪掠食方反。繩武等麾軍衝擊。山水驟至。匪涉水淹斃。中礮死者累百。吉林官兵德成玉慶綏遠。

城官兵博棟武皆死焉。官軍訶匪目宓等三十餘。晁渡
泐河。正坦繩武明霖雨中逐之。匪入坊前民寨。團總趙
滄等斬其首以獻。六月初七日。哈勒洪阿志和率步騎
馳扼蘭陵。令愷率步勇八百。自嶧趨費。與鷓所部勇役
自北而南。德楞額繩武引步騎由車輞入山。初八至十
五日。德楞額雙齡兩敗匪高橋。正坦敗匪新莊。德軍領
隊官色布庫。愷軍志和軍敗匪水牛池。十七日。上庠繩
武敗匪上冶孟家莊。禽孟繼雲孟繼良倪振魁等累百。
殲者倍之。七月。車輞匪目宋斌詣繩武言。湘林楊元二
酋願率黨納款。捕匪自贖。繩武商上庠許之。導官軍禽

匪目周春邵利等二十六十九日繩武沅上庠等引兵團與邳牧張富年團總王恆清執佃一於高板礮邳州境並繫其黨劉城車光亮等二十四餘匪散竄略盡德楞額上庠軍因皖匪深入曹濟各引軍回防十月沐陽幅匪喬小東起宿遷有賈旅道郟城小東遣黨百餘尾之盡略其衣裝會荊州將軍都興阿引軍由北而南令營總杜嘎爾率百騎逐之不二十里及匪擁賄方行斬首數十級禽張元等七盡反其衣裝沅率勇馳入沐境掩捕小東不獲火其巢十一年二月皖匪深入東疆幅匪乘其後入滕焚城關令敏功嬰城固守另股孫葆貞率

黨擾臺兒莊。參將閃福嶧令顧鋌擊退之。而匪陷夏鎮。三月初九日。德楞額追捻回軍。滕嶧引步騎分道禽斬零匪李長安等百餘。而另股劉雙印、劉平、劉兆燦等襲踞齊村、侯孟、汴塘、蘆塘等十數村。寨相犄角。幅首韭春、宋三岡、張花、萬甲、申王、周馮、牛子等七股分踞蘭、郟、費之成全山、青山、神山、車輞、崗數十村。寨擇險築圩。額巾、蓄髮祭旗會食。四出攻鈔。迫脅良民。儼襲蒙、亳、南、捻、故態。幅匪之勢大張。爲自昔所未有。月十八九等日。韭引眾擾蘭、費之鮑、邑中村、東、埠、唐、棣、埠、陽、梁、邱、高、礮諸處。成善、正坦、繩武、明霖等分引兵團前截後追。僅未撓敗。

亦不能勝賊。時科爾沁博多勒噶台親王、僧格林沁、勒
搶回軍。沂水營縣額請王軍。王乃飭道員李麟遇率勇
二千餘赴蘭。勦幅匪大股屯向城。尙嚴莊塢。二十三日
麟遇令守備謝起法、千總馬萬齡率充標兵天津勇赴
費與知縣趙惟暉夾擊。會正坦、繩武、參將興瑞、都司蘇
泰由西南、朱陳進軍。二十六日費軍進新莊。蘭軍出仲
村。成善檄各邑令率兵團塹山柵險以拒麟遇等。謀先
擊莊塢。乃二十九日。韭平馬步千餘。麕聚石城崗。成全
山抱犢崗拒官軍。我軍進營卡莊。匪乘夜來犯。官軍寂
然無燭。火匪疑不敢逼。引眾反走。官軍開壁縱擊之。匪

大奔如狂官軍勝斬百數三十日黎明官軍分路進正
坦繩武進東北秦與州同李鷹進西南曹標守備武尙
文進中路麟遇督後隊策應日中抵成全山嚴陣張兩
翼踰伏而進破匪卡五匪出馬步近千戰中路尙文陷
陣衝擊什伍俱前礮火迭密匪傾巢來迎勢益囂亂官
軍萃銳乘之匪奔北斬其二百餘匪退東山峪四月朔
悍匪數百出鬪官軍曹標官兵突陣而前馬兵王存仁
矛刺匪目奪其白旗官軍譟譟而進匪歸併東路升阜
會戰正坦繩武麾軍仰攻外委王天柱孫玉祥馬兵尙
英魁勇目楊平王泰運等皆冒死距躍短兵接刃洞匪

胸腹匪奪路抱隊棄阜入平陸列陣圖再戰後軍已環
阜北夾攻之匪奔西南官軍遂斂初三日韭等屯曲里
誓眾刑牲圖大舉官軍前隊馳之匪不備潰棄其牲牢
官軍就地結營釃酒管酌歌呼以誘之韭不敢至費軍
惟嶧等亦破匪梁邱迤北爲伏賊所鈔先勝後挫陣亡
津勇數人匪勢復振會麟遇爲親王檄調赴鄒留沂州
兵七百有奇交正坦扼仲村兵力益單於是韭僭號九
山王踞守青山寨張僞示申嚴號令甲申踞成全山春
洛踞黎墟張蚌踞黃崖頭周踞層山一作增山牛子踞姑娘
山葆貞踞大屬山三岡踞車輞固勢如連雞首尾相瞻

官軍孤單不能進戰。成善請兵急。新任巡撫譚廷襄駐軍東昌。勦教匪。奏言兵單勢難兼顧。先由地方官兵吏自行會勦。故匪勢益橫。初十日。匪首花引眾攻費城。惟嶧與千總張永慶悉力禦之。而退。十九至二十六等日。分擾蘭郟蒙費。焚掠幾無虛日。顧鋌力擊卻之。馬頭姜家莊二十六日。江南徐州道吳棠與總兵李恆清參將王致祥引軍攻侯孟。匪脅良民近萬。棠憫之。令馬鞍圩團長張玉珂等密諭良民出圩刈麥歸山下寨者。悉貸之。散者頗眾。五月。僧王檄德楞額專討幅匪。並飭營總富和協勦。以捻警兵久不至。初六日。匪眾二千餘自運。

河北陸來援侯孟大泉汛官兵拒卻之初七日官軍攻之亟匪翻山遁伏兵斬其百數十級奪其三寨縱遣良民千餘初雙印等乞降嶧令鄒崇孟會崇孟去任事遂寢至是德楞額引軍自鄒回嶧團長王彝銘等復以爲請遂允其降雙印與牛閏女即牛際堂率黨三百餘雜髮泥首德楞額承僧王檄責縣令顧鋌廩給之鋌上言廷裏累月不報鋌暫令挖煤以羈縻之匪眾多潛避初八日幅眾陷大興鎮通判張維權率勇役格殺數十傷亡勇役李克柱等十一匪分股擾高裏集李家莊逼府城分犯莒沂漫延江南之青口正坦繩武與莒牧福格沂令

葛恩榮時出截擊之。頗有斬獲。初九日。花復糾王膺王公平等。自方城襲攻費城。回旋城下四日。惟嶧調閔家寨古城石溝曹車上冶民團來援。圍始解。匪陷距城三里立尖崗踞之。當是時。費東南民圩數百。半爲匪所脅。從西南要隘如梁邱高礮關陽鎮悉爲匪踞。以吳家善爲魁。二十六等日。屢攻平邑。集團長牛逢辰李廷蘭等率團戰之黑風口。殺傷相當。退而閉寨嚴守。匪累日始解去。有北城子民團拒匪最力。而從匪民團耿家寨廢員劉淑愈。革生李宗棠。引幅黨張太基李八回子。於二十六日環攻之。團長進士王殿麟集團力鬪。卻賊子增。

生紹鼎死之二十九日。匪攻郟之土門堡。顧楨率外委朱世祿等掩擊之。獲刀械旗旛並木質郟城縣偽印一會德軍至郟。六月朔。進營盧塘杜家圩。踞匪避兵走。合楨追抵磨山。德軍仍回臺莊去。辭曰。防揜云。二十二日。匪遣黨孫肇開。周玉香。吳雙。眾數百。伏暉之陳家埠王家樓。將伺虛襲城。知縣張振榮與德營李其昌冒雨掩之。匪方炊。委其辭鼓而遁。追斬百餘。禽雙及馮四羊等十二。其黨孫肇五。蘇驪等復自東來。援振榮率民團孫毓愔等逆擊之。斬肇五。殲羣匪數十。匪遁蘭山。而李八回子等攻北城民團益亟。殿麟憑河逆戰。匪夾河而軍。

會蒙陰令王成謙調任費縣簡帶舊部四百募費勇二百銳意辦賊殿麟乞援迫切成謙令軍功滿茂萱武生韋象源率勇團赴之擊匪勝斬累百追之二十里乘勝掩攻耿家埠淑愈等率黨棄圩而奔東南民圩始有反正者遂進攻距城十八里之方山山巖陡絕幅匪杜永頽柵而踞之二十三日成謙率永慶引勇三百以下車巡閱轄境爲名令民團王茂遠等集團運巨礮聽調成謙東行二十餘里折而南突圍之匪倉卒旅拒縱礮壞其牆裂丈餘成謙麾勇隨烟而進勇目晁文忠先登眾皆繼進永頽自壞後圩而走官軍焚擊寨匪數百禽張

開來等二十有奇。於是東路始通。匪踪稍斂。八月初九日。匪眾千餘趨沂州。成善正坦與蘭山令茅篋等登陴力禦。匪退屯高里。十二日。正坦篋率軍擊之。轉戰而前。敗匪萬村。匪分由東北正東入沂之之梁莊瑤山廟合。皖捻再深入。紛擾安邱。冒濰諸縣。詳皖匪卷九月。僧王追捻由臺莊入邳。幅匪多匿入宿遷之劉馬莊。王軍圍之。數重。二十六日。礮摧其圩牆。軍士蟻附入。遂克之。執匪首孟繼廣。殲匪眾三百有奇。遺散難民千餘。先是雙印文降蓄異志。潛引皖匪渡河。近見王軍連勝。振榮其冒等。又捕殺其黨殷七華驟。盡得其隱。乃說韭甲申等黨眾。

二百餘乞降王所王許之令隸德楞額部下十月成謙
引軍出境迎謁僧邸匪首賈三李乘風范僧裴 張蛙
等偵知之糾眾千餘突攻天保山大平安等寨初三日
成謙馳回令永慶巡檢胡石麟等分督勇隊六百合東
崗朱尹民團分道救之匪解圍走成謙等襲旺山匪巢
不下知附近之豐山磐石崗小鳳山三寨匪皆入旺山
分軍掩之同日皆下禽斬匪首珠兒等數十獲礮械甚
多自雙印之降也會匪劉前與其黨劉兆燦丁振鐸趙
克端趙天泰等於十四日率眾渡運襲踞汴塘江南銅山境
十五日有新起幅匪程四虎畢四虎等張白旂糾新蒙

幅匪二 徑北草堂編撰

幅匪趙紅進鄭士元等眾千餘。自九女關焚掠長馬莊。盤車溝。蒙令林贊圖禦之。遂走新泰龍廷堡。知縣徐用熙禦之。折回蒙境。十八日。陷張莊玉皇山。逼沂水。葛恩榮禦之。折蒙之寨子村。入博山之萊坂孟坡池。知縣樊文達扼之。繩子嶺。後匪大至。文達率團逆擊之。十八磚而敗。二十一日。匪入臨朐。二十四日。回竄沂博三岔店。盤旋山谷累數日。二十八夜。由叢山南奔蘭山。二十五日。吳棠引兵攻汴塘踞匪。十一月初三日。德楞額軍會之。軍勢甚盛。初五日。匪首平竄入嶧之澗頭集小山子。趙家礮杜安萬年。聞諸處。與汴塘匪犄角。關官軍棠攻。

益亟。乃繞生員王文鳳、王鈺等詣棠乞降。陰嗾四虎等於初五日竄東北入蒙燕，用熙與燕令受恩鑿夾擊之。又嗾蘭匪出擾城前，正坦箠敗之。又嗾費匪再攻天保山，成謙敗之。斬匪目賈二。又嗾滕匪句鄒教擾泗水，知縣王其慎禦之。犯曲阜，知縣薛嶸禦卻之。皆不得逞。二十日，韭自嶧赴蘭，自言招春來降。至則鉏鋤相鬪，爲春所殺。雙印自言爲韭復讎，率黨攻春。新撫各寨復從之。大亂。箠馳往諭勸，皆閉柵不納。二十五日，羣匪雙印、閨女茂、康葆貞、夢矜等脩怨於嶧境。文王峪民圩、圩長韓培厚力鬪之，各有死傷。官軍恐肇亂，不敢爲左右袒。責

振榮往排解之累日始罷十二月德楞額棠軍力攻泮塘踞匪斬溺數百德軍以巨礮日夜轟之雙印遁走平勢益孤官軍襲入外圩平率黨數百突圍出合入擒匪

詳皖匪卷

惟雙印走西北屯嶧之齊村官軍再陸擊之匪且

戰且走入踞雲谷山巖壑深邃險阻重煩兵力者又累年德軍分撥其昌勇營追幅入嶧餘軍專意禦擒匪目平被殲云詳皖匪卷時巨匪劉業居之黨田庚寅劉恆裕陳太平劉惟吉等眾嘯聚泮之北扯溝勢趨紅花埠郊團謝恆莊等於月十九日率練禦之爲匪所敗鄉令周士溥沐陽令宋秉中分道馳至匪敗斬惟吉太平等六十

餘級禽庚寅等二攻入北扯溝恆裕逃匿

山東軍興紀略

卷十八之上

幅匪三

同治元年正月。劉雙印遣黨井肆孫倉。率眾出雲谷山。後掠湖坡莊。圍夾谷寨。寨長董鵬翰乞援師。張振榮李其昌赴救。匪出拒。鵬翰啟寨與官軍夾擊之。匪敗遁甘露。追之。斬肆禽倉。二十二日。雙印糾蘭費匪眾擾頭林。甘露郭里黑風口。德營副都統倭和會振榮其昌逆戰於香城垵。騎兵先縱。匪奔。遂略地高村郭集。掩殺頗眾。羣匪皆入山。官軍進鄒塢。二十七日。匪目宋三岡宋斌王鷲引眾千餘。竄沂州城西沂莊。署知府奎芳與范正

坦茅篋等禦之南曲坊。匪退屯七德。另股姜三壯率眾近千。犯府東王家橋。渡河入莒之十字路。二十九日分股北走。一由蘭之白沙埠入沂水沙汀。一游弋蒙陰之桃墟。莒蘭民團賊之。股眾復合。正坦等追抵蒙山。王成謙回軍襲破山前雲臺崗匪寨。匪首劉尙志遁走。二月初二夜。雲谷匪黨孫葆珠率黨四五百。以內應陷棠陰民寨。其昌振榮潛夜勒兵馳赴之。匪橐載而行。振榮入圩慰安居民。獲通匪內應之張得瑞。房得先等斬之。其昌追匪抵夾谷寨。鵬翰董田正王慶宜等引團應官軍。千總李景孟踰溝深入。官軍薄雲谷西麓。千佛崖。斃匪

累百。匪委棄牲畜寨路。陰平團長張翼文習知山險。導官軍入侯家寨。纒匪目林傳來等十餘。禽僞軍師趙安和。即趙於二寨山。初五日。三壯股眾屯沂水之上旺莊。游弋七里寺。再入桃墟燕子崖。初七日。犯萊蕪之青泥溝里辛集。及恩鑿扼之蛇莊。復於顏莊合民團圍之。程四虎率眾來援。民團大卻。匪大掠漫子道。開諸處。勢趨臨淄博山。青郡震動。廷襄檄登萊青道崇芳。合滿營騎兵與青州守高鎮。督民團扼防南出山隘。在籍雲南提督傅振邦令都司孫占魁。亦率團赴之。淄川令麟盛博山令樊文達均扼守青石關。匪退回蘭沂之大山寺。二

十八日雙印光燦復與葆珠孫祥馬備元邱春等越山陷喜鵲嘴方山馬頭山諸處其昌振榮扼之鳧山口匪扼黃龜香山諸寨與官軍相持四日其昌等因山險糧糗不繼斂軍回城匪乃於三月初三夜出屯齊村左右逼嶧城次日德軍至自鄒初四日匪大股屯郭里十里泉官軍出亶山口騎兵分抄山徑其昌振榮陷陣搗中堅亡勇數十戰益力千總李得勝景孟皆肉袒而前火器如電霆匪致死抗拒德營騎將色爾固善分精騎橫衝之軍功劉春引民團奮呼助勢山谷皆震匪大靡振榮號有膽勇傳呼猛進全軍繼之追抵黑風峪竟日斬

匪三百有奇。禽孫祥等三十有一。匪入雲谷山不出。會

道員明新等奉檄勸辦團營。

詳另卷

僧王亦飭副都統富

和來助勦。於是飭振榮繕攻具。待糗糧。謂將大舉搗山
穴。明新等督責供頓。煩擾遷延。旬日不發。而底閣寨匪
靳光得兄弟四人。號四虎者。與幅黨滕化光

即滕四

孫承

吉等反出犯官軍。十一日。振榮始罷供頓。引軍出城趨
底閣擊匪。德軍營總富全德陞額永山烏凌阿及呂德
勳張希堯等縱礮逼之。振榮其昌與徐珍周清漢等步
勇踰濠抵圩下。匪槍石雨下。官軍不得入。會北風起。官
軍乘風燔之。火勢庵烈。寨屋皆騰燄。匪喧囂大亂。匪目

扼南圩確鬪富和等舍騎麾軍登其北圩圩民被脅者
匍匐呼號乞命聲聞數十里羣匪思棄圩東出援匪從
蘭陵紅山來爲色爾固善所敗遂拔底閣斬長髮悍匪
七十有奇禽者累數百男婦負傷者千餘牲畜刀械稱
是二十二日明新令城西團營揚旂鳴鼓示西馳德營
合其昌振榮等東襲龜山黃寨乃香山雲谷出匪力援
不得下遂斂軍二十六夜踰平匪卡五匪伏不出德楞
額令降匪牛閨女引匪下山閨女反輸款於賊截我軍
饒張范集殺傷兵團數十振榮設計誘匪至郭里痛擊
之殲其什之五繫閨女於獄斃之蘭山玳路寨幅首陳

牛子引眾攻大平安寨。寨長孫克力乞援成謙。成謙攻平泉不得前。令外委王天柱赴救。匪解圍走紫荊關。復追擊之。匪由小卡橋回玳路去。又費南十五里立尖堦。幅首張九仔負固久。屢出焚劫。二十五日。成謙飭巡檢龔繩武軍功陳玉川購募寨民侯成基陳學林等內應。是夕。令張永慶典史朱雲輝團長王肇震潛軍薄寨下。匪方拒守。寨內燉火熿發。守匪驚亂。馬兵徐興才邢長安劉長勝等諄號而上。壞牆縱礮。勢如風霆。匪不能禦。殲斬數百。肇震斫九仔之顛而出。釋難民千人以上。平其寨。廷襄彙上。正坦成謙等先後勦匪勞。加正坦副將。

山東直隸州雜時三岡之穴窟蒙山也。招引四虎
銜擢成謙直隸州。維時三岡之穴窟蒙山也。招引四虎
林秋庚魏捷三王。數秦廣阡王輝秦淑清等股眾不下
六七千。出沒新蒙秦安萊蕪。屢爲恩鑿贊圖用熙秦安
營參將愛興阿知縣楊寶賢所敗。先於十九日追出新
秦遁伏蒙陰之車盤溝。諸軍獲輝淑清等數十。而二十
六日四虎自費之牛關莊突竄紫荆關入蒙之保德莊。
廷襄檄游擊緒綸會贊圖折回茶棚邀之。追敗之。趙峪
匪由大莊入九女關。回遁魯埠。二十八日正坦成謙軍
向北行。合緒綸軍夾擊。斬級百餘。獲生畜無算。匪奔西
南入南泉。初南泉猶爲民寨。自三月十五日。滕匪馬傳

山費匪程四虎盤龍山匪岳湘林合黨夜襲之脅從良
懦近萬資裝火器盡爲賊有奎芳等軍屢攻之爲匪所
卻廷襄以匪勢甚令劉志和增募楚勇千人歸正坦統
之再檄謝炳率勇五百爲緒綸軍策應以泰安兵二百
扼蒙陰高唐兵二百扼泰安四月朔南泉匪犯平邑集
正坦成謙三路邀之匪敗回十三日緒綸炳軍次平邑
奎芳以新練礮隊三百來會南泉踞匪大憝十六日糾
水寨吳王崗由吳崗三寨羣匪來援分屯東陽南莊相
犄角奎芳等議先擊援賊是日亭午全軍趨東陽數百
匪先犯炳軍都司姜順逆戰守備曹正榜騎兵夾攻之

禽王立功等五。匪遁西南。官軍入東陽。匪由山後出。犯南泉。匪啟寨相應。官軍表裏受敵。軍功趙東江橫刀突陣。斬一旂賊。大軍乘之。匪甚敗。十七日。五鼓。官軍復繞出南莊。擊水寨。援賊乘勢斜蹶南泉。緒綸軍西。炳軍北。成謙軍東北。更番進攻。軍士多被傷。民團死者尤眾。不得拔。官軍高塹深洫。誓破之。湘林乃由盤龍山遣黨吳毓美。赴充乞撫。僧營幫辦都統西凌阿。願助勦。鄒教自贖。廷襄飭充州鎮札隆武。充州守晏方琦。責湘林退出南泉。冊報人數。選募隨軍進勦。疏聞於朝。詔曰。毋得將就了局。貽後患。於是奎芳成謙合謀破匪巢。會

龔繩武調滕之寶泉崗從匪寨長附生鞏寶亭監生周清平等有反正志先令龐居莊團長牛允登葛雲巖等潛諭之寶亭等感奮期官軍端午建白旂爲號五月允登等僞令會繼東趙玉榮等選團丁援南泉敵官軍傳山信之留守西寨初四夜繼東遣人告言四虎已回水寨湘林已回盤龍山守匪僅傳山傳法趙光寶吳邦彥李言五人羣匪八百至日毋愆期次日日中正坦奎芳緒綸分伏西南北三面王殿麟伏東北隅傳山光寶方置酒飲甚酣玉榮勸酬欸洽傳山等霑醉欹側謾罵玉榮佯醉刺殺之攜其首登圩大譁官軍望白旂逼圩下

山東軍與賊見
傳法等知爲繼東給與邦彥言遂斫繼東官軍毀牆入
與繼東團丁夾擊匪潰亂不可支正坦成謙緒綸禽傳
法邦彥言等百七十有奇奎芳殿麟炳圍圩截殺六百
六十有奇遂拔南泉慰安男婦被脅者三千餘口餘匪
遁水寨疏聞 詔擢正坦參將奎芳知府成謙孔雀
翎繩武寶亭繼東等有差 諭廷襄飭諸軍乘勝攻
水寨而水寨距平邑駐軍處三十五里其東北十三里
有張李莊幅匪夏雲賓踞守之爲水寨障先期令溫泉
團長趙光澤等購募匪黨徐弗倫內應弗倫允之初十
黎明官軍薄寨以覘其變雲賓方站牆爲守弗倫率眾

百餘啟柵出官軍擁而入巷戰斬雲賓等百餘級餘匪散走火其莊四虎糾曬書臺岐泉山匪眾數千力拒。十一日官軍薄之匪逆戰流峪莊大敗反奔官軍圍之三日會鄒縣教匪竄泗水遂回軍平邑而罷其德楞額軍之攻雲谷山也屢爲附近黃龜二山援匪所牽先於四月下旬令其昌逼黃山前峯築壘並扼龜山東北河干及龜蛇山半六泉斷其汲道而黃山距龜山一里兩山匪皆堅壁不出每乘官軍夜罷輒數千人取水黃山德軍擇黃龜二山適中築壘要之匪來爭不勝壘成令色楞泰哈勒洪阿倭和以巨礮迭擊之五月朔五鼓西寨

火發富爾孫突入斬二百餘級男婦投澗死者千計焚其廬舍二千餘椽黃山寨匪傾巢出西門北走盤山色爾固善騎兵由斗山繞擊之死傷蔽道德軍入黃山盡得其孳賄牲畜迤東之寨山從匪寨長李祖蔭大懇請縛獻首匪效功龜山羣匪之入寨者聞風奔竄夜啟東北寨門而出色爾固善其昌等縱兵擊之哭聲動山谷哈勒洪阿汾山縱火風火庵烈庹傷顛踣以千計餘匪奔費之抱犢崗勇目魏欽追斬三十餘級而還十二日進軍郭里次日抱犢崗匪遁走會皖匪竄徐州之南景山之北屯庫山德營分軍禦之尋退詳皖匪卷於是與雲谷

匪巢犄角者僅餘東南卓山與疾藜崗兩大寨矣二十
日哈勒洪阿等進軍圍卓山一夜礮弩併進不拔天
時甚暑匪中汲道絕欲乘夜突圍乃撤一隅縱之設伏
以待令曰俟盡出乃擊夜將半匪千餘呼號東奔其昌
等軍由後擊之伏始起遂拔卓山禽斬陳雨來等五十
有六是時劉兆燦合邳幅高龜引敗匪自蘭陵鎮迤東
渡河入邳句捻北犯詳皖匪卷梁愷合色楞泰軍由陶溝礮
擊卻之兆燦等入邳之高米圩踞守德楞額以先勦高
米爲詞自引步騎二千餘南去署漕運總督吳棠亦飭
副將謝■袁世功游擊龔耀倫海州牧黃金韶等將

山東通志卷一百一十五 幅匪三

山東通志卷之八十八之十一
徐州軍與通判張維權引團擊兩省交界羽山朱洲踞
匪首劉業居擊眾奔遁不知所之惟其黨歐大興劉
恒裕伏宋家澇子郊令周士溥偵知掩之再遁鹽店澇
子追殺三十里禽恒裕致之徐軍而邳幅龜乃襲踞紅
山民圩圩民奔告德楞額且言龜出掠糧守具弛備可
襲也二十五日龜果從河南橐載回巢哈勒洪阿疾趨
掩之奔散什之三四半入紅山圩閉柵嚴守其昌振榮
率步勇圍之二十七日倭和率礮隊至轟擊益密壞西
南圩牆乘勢擁入匪啟南柵走騎兵追抵大石礮斬散
略盡其時奎芳成謙等進軍攻四虎四虎招引林家洞

大田地兩寨爲援。奎芳等令溫泉團長彭春田、孫廣緯、大井團長劉鴻等夜率弗倫降眾襲入兩寨。二十八日會廷襄遣千總郭大勝率勇五百助勦。先扼正北流峪山隘。召溫泉大井平邑仲村民團合官軍得七八千人。分曹突入。軍容甚赫。鼓角震山。四虎等傾巢走。追之數十里。禽其僞軍師林獻英。四虎合入滕境。潞泉匪寨官軍括水寨大田林家洞盜糧得數百餘石。貸貧民。二十九日四虎句白蓮池教匪二千餘分路回突。正坦順擊西南。緒綸李元擊其西。大勝與馬得福把總司元魁擊其南。奎芳成謙率晁文忠扼其西北。匪不得逞。鏖戰三

時久元魁血戰以殉。斬匪級數百。匪奔潰甚。雨而罷。匪入滕之分水口。鄒崇孟姚鴻烈又敗之。六月初三夜。復合滕境頂山踞匪張夢稔劉永燦等出擾。崇孟禽斬其黨孫保和等百餘。東鄉山亭踞匪亦爲民團郭有章等所敗。惟德楞額等軍因皖匪合會。匪逼嶧。與僧營所遣蘇克金軍追勦入徐州。詳另卷罷攻雲谷者兩旬。匪勢再張。初四日。始回軍疾趨夾谷山麓。逼之。越三日。襲入蒺藜崗外圍。雲谷出白旂匪眾來援。富爾孫察隆額力擊卻之。又出花藍旂大股來援。其昌再敗之。禽尹義兒等數十。明日。匪首劉四漢率眾遁入雲谷。遂拔蒺藜崗。其

日蘇克金騎軍聞會匪王廣繼張守義引幅眾出山攻廓里集民圩將陷分軍三道援之匪走正軍追踰滄浪河西抵卓山斬級三百有奇奇軍鈔之惡石口希皇山各斬五六百級以大捷聞七月費境各匪寨同時出掠萬家莊郭山寨山亭艾湖初七日崇孟與把總周廷標合民團擊之匪匿林薄突出傷官軍七人退屯薛山匪攻山亭民圩亟崇孟鴻烈馳救之匪解去是日正坦順奎芳與署蘭山令長賡都司官錦堂率沂州步騎兵練攻武得匪圩長賡令全軍伏嶺外自率銳士誘之匪出百餘越嶺來鬪伏起盡殪之匪首劉倉侯巴傾巢出

山東通志卷之八十一
官軍分曹禦之。斬斫相埒。禽劉大劉冰等數十。附近駐
山岐山踞匪。勢欲來援。官軍暫斂。圖再舉。岐山匪首孫
化祥果分眾數百入武得倉。率以拒戰。岐匪多死傷。化
祥責倉不善戰。倉怒。化祥刺殺倉。巴并其眾。長廩度匪
等犄角固守。非出奇不能拔。惟舒家官莊地險僻。匪所
不備。十三夜半。妮軍出營。李家莊南。黎明抵蔡村。勇目
寇順獨身趨圩下。匪寂然。俄而分門出。長廩麾軍縱擊。
匪陣亂。敗回。禽舒紀中等十一。先攻其西南。不得入。攻
其東南。登者什之三四。守匪不亂。軍士傷益多。遙聞蘭
山永泉各匪寨。皆鳴鐘集匪。乃罷攻。回軍李家莊。十五

日黎明長賡再引軍三面攻之自辰迄酉入其圩匪首舒四率死黨數十泗水西遁合入吳平匪眾屯郭家莊欲趨雲谷山振榮率民團龍懋賡等截擊之下泥河斬平等十一是日德軍營總倭和夜攻雲谷焚其砦門宵旦四時久毀其西南圩牆數里雙印夢稔貞劉唐等死拒不得入而罷另股幅首褚法意褚國三百餘眾屯武學欲趨雲谷爲民團袁金岐褚慎助等奮擊斬法意追之西夾埠而回其時甲申三岡股眾二千自仲村撲神山傅家莊民圩岐旺兩山杜家堡蘆塘各匪圩皆出賊助甲申神山民圩縱礮死守長賡令西莊官莊碑柱

石梁等民團逆戰南股。鼂莊湯莊大道莊民團逆戰。北股匪多東趨。相持竟日。二十二日黎明。匪突出撲西河頭民圩。團長邵廣平馳救失利。團丁密克禮等亡者十餘。西河民圩陷。匪殺男婦百餘。盡掠畜繫資裝。回屯神山。二十三日。沂州軍出哨。遇柳莊匪圩。致糧神山。截斬三十餘級。奪其糧載。匪氣奪而掠食益亟。欲襲蘭之黃土堰民圩。朱陳民團孫士芳等急援之。匪始退走。二十四日。周士溥由郊率勇來會。駐陽官莊。距神山五里。雨後長賡士溥引軍西搗卜莊匪寨。匪迎拒。鏖鬪。長賡陷陣。衝擊正坦錦堂炳武縱橫力戰。匪騎眩亂。斬西曠匪首李

三虎等七十餘。東北官軍乘勝猛進，斬薛南匪首陳士琦等三十餘。西路匪眾不戰而奔，官軍斂神山之南。是夜復選銳卒，攜火器襲擊西山匪寨。昏黑中被燒及墜崖者累百。匪不敢啟柵關，惟聞四山噦策聲如泣。如訴。我軍嚴陣進退，出入嶺後蒼山嶺下合莊匪圩，皆不敢逼。官軍匪夜奔者聲亘十餘里。長賡令外委紀鳳皋率沂勇逐之道，傅家莊而出。自率朱陳民團截擊於黃土堰之北，斬級四十餘。禽澗頭匪首黃鳳立等二十六。日黎明，匪回竄磊石圩。而杜家堡永泉踞匪更替出擾。長賡等馳赴栗巢河口，合民團堵遏。匪竄岐旺山徑，知官

軍不可犯。遂舍神山回巢。官軍亦回軍入城。是役也。長
賡率諸軍深入匪中。謀定而動。全勝以歸。視攻取尤難。
故一時吏民服其瞻智。二十七日。神山敗匪千餘。撲東
墾。徠莊搶刈秋禾。民團禦之多死。費軍成謙引步勇五
百。令李元率騎勇百。馳擊之。匪走。渡河追之十里。抵岐
山之麓。仰攻不下。元佯退誘之。匪出百餘。回軍敗之。二
十八日。匪匿不出。成謙等翻旺山南嶺。燬單家莊。瓠子
峪匪卡數處。均有殺獲。留晁文忠駐東墾。時南來長鎗
會匪王廣繼等。游駛白彥。唐林諸處。雖仰食於幅匪。而
幅黨拒之不令入山。德軍亦先於二十五日雨後進攻。

雲谷倭和運炸礮登山轟擊其昌步軍自東西走馬嶺
夾攻幾入谷口卻回正北千佛崖出四五百匪來援勇
目景孟騎兵衝擊之始退營總烏凌阿引小槍騎兵扼
山隘振榮率勇自梁王寨西鈔擊斃匪七十禽其三而
東山頂花白旂匪眾出者益多平兆燦自出陣前死鬪
富爾孫倭和馳下走馬嶺列陣梁王寨斬匪十數級逐
之抵砦門爲火器所卻會霧雨濛密而罷二十九日德
軍進駐西曠遇王知材宋三岡甥也馬步股匪數百向東北
行富爾孫擊之小南莊其昌擊之紅山斫殺大半餘匪
悉入蘭陵東圩其昌躡擊而入斬長髮悍匪百七十餘

禽高義來等百餘甚雨連日作子河水漲溢洪山之東積潦汪洋回軍嶧縣維時秋禾成熟蔽壠畝羣匪覬覦搶穫農民日夕戒心於是議分路巡警八月初六日正坦軍自西而東長廣軍由南而北磊石匪眾二百餘掠糧而南長廣軍擊之古城寨麾軍馳之炳武擊槍指衣紅馬賊顧謂伍伯曰看槍馬賊應聲過地軍士謹譟乘之匪且走且戰正坦軍方至三岡莊聞礮聲令騎將引二首騎馳至合擊長廣炳武軍盡奮勢如山頽匪大潰初七日復掩擊之紅埠寺初八日另股三四百匪屯西石埠將東出拒戰正坦麾騎兵衝之斷匪爲二千總王

天柱縱馬斫長髮匪二騎兵孫玉樹刺旗匪一長賡率步勇號呼麟之匪敗入西山官軍焚西石埠獲匪訊言此股爲磊石匪首錢朝聘蔣溝巖匪首侯讓圖攻朱渠民圩期三岡繼進不圖遇官軍遂一敗不振云其時官錦堂率千總段志先出哨遇匪敗之東石埠初十日廣繼等復合幅眾竄下村尙巖德軍連敗之成全山黎墟十二三等日雙印等眾大擾齊村鄒塢夾谷振榮軍單失利兵民傷亡數十乞援德楞額令其昌率勇赴之又距沂郡九十里永泉莊者久爲幅首傅雙刀所踞奎芳長賡等屢圖之未得間也會成全山匪擾河東卞莊監

生邵廣平因言藍山圩匪彭殿舉青竹圩匪冷朝陽有意納款廣平請以兵行屯藍山圩東北先攻梁家莊軍功王經謨率勇越牆先入啟柵納全軍執匪首焦維劉成二十日朝陽率黨五十餘揚言赴援藍山殿舉佯令揚卜乞援永泉雙刀不知其計也率黨高元苓等三百餘助之殿舉言圩眾屢敗怯敵非君當前敵不能勝雙刀欣然殿舉與廣平扼山麓二十二日斬元苓於陣後並殺其眾高運來等百餘雙刀大恨突圍走兵勇設伏楚墩者突起邀之負傷泅水遁二十三日分軍薄永安圩藍山東南八里匪首張雲冬夜遁餘黨李清奎猶力守官軍

三面圍之。縱之東出。伏發。殪之殆盡。二十七日。五鼓進薄永泉。團長陳效忠。邵廣惠。以百餘人誘戰。雙刀忿怒出。殿舉潛布內應。舉火焚圩。雙刀大驚死。鬪梁鳳翔。援槍刺之。洞顛而死。官軍入圩。搜斬匪目。劉銀匠。毛興。農等百六十有奇。是日。岐山出匪千餘。緒綸方駐軍平邑。成謙駐徠莊。因分軍設伏。英家。疇楊家峪。匪騎方馳。把總白玉外委毛景祥。馬兵呂球。鼓勇而出。禽化祥之姪仔。玘及狄典等六。斬百餘。匪退走。次日。糾薛南武。得唐棣林羣匪來援。成謙等與遊擊石占鰲再擊卻之。二十九日。奎芳。長賡等進軍高要。匪棄圩走屯永安之東。勇

團勢甚匪黨跪道降者累千自言被脅不能自拔皆貸之一時附近從匪民圩如莊塢沙埠廖家屯赤土門石杭皆啟寨降以饌餅餉軍長賡入永泉圩搜斬長髮伏匪數十分軍平毀之會長賡以母喪將去任軍民投狀巡撫乞留長賡廷襄責令墨經治軍疏陳長賡運籌決策膽識俱優每戰身先士卒軍民悅服二朝議允行閏八月西曠踞匪知官軍之克永泉也匪首王謹益肆虐脅良民磨山民圩未從匪者曉夜無甯宇乞援哀迫十三日奎芳長賡分軍數百先馳之次日全軍繼進援匪紛至炳武負傷不能軍是夜磊石匪朝聘等合三岡股

嶽圍郡南朱陳民圩游騎逼城下代理蘭山令周士溥
與錦堂等登陴守禦長賡等度匪計待前軍回援則出
後來攻因分軍佯退令大軍爲三覆以待之匪果大出
全軍起擊大勝之傅家莊與磨山民團皆出陸擊匪大
奔十九日全軍回城朱陳圍亦解德楞額亦牒言是月
六日擊棍匪惡石口匪由吳家堠沿溝竄逸步匪已登
香山李其昌張振榮富爾孫察隆額一擁進擊斬級數
十獲馬稱是其目率騎勇二十餘追匪定花盤匪目夢
矜棄馬而遁獲其花馬匪眾奔東北費境去雙印負傷
入雲谷初十日再擊再勝遇伏小挫禽匪二十一現在

駐軍齊村云

山東軍興紀略

卷十八之中

幅匪四

初。上簡戶部郎中文彬爲沂州守。至是履郡視事。九月。滕匪程四虎。王鷲。王和尚。宋斌等。眾數千入費之古城方城。渡河北趨。梁莊。廷襄。飭任全吉扼蒙陰。正坦率都司馬春嶠。米大全等。扼新泰。月朔。匪入蒙之公家城。桃墟。盤車溝。後股撲楊家莊。東犯沂水。初五日。竄夏西寨屯張莊。蒙沂交界擾坦埠東里店。石占鰲留守平邑集。王成謙率李炳武東趨擊之。初九日。匪入沂之月莊南麻。奔博山臨朐。因淄匪劉德培求援也。詳淄匪卷蒙令謝慶

元沂令孫愷元先後出禦均有斬獲。匪擾沂水銅鈴關馬站。伏東南叢山。二十一日慶元入山遇匪亡勇六。匪旋擾高橋。越穆陵關入沂水葛溝栗園。正坦自青石關折入沂水。令姜順出梁莊扼西路。自率東勝勇千人進摩天嶺。鈔賊東愷元追匪擊之半渡而勝。匪奔銅井界湖。於是正坦軍勝匪青駝寺潘家莊。順軍勝匪苾湖山界河。文彬長賡軍勝匪東北湯頭林子。匪勢渡沂東。成謙令張永慶魏玉麟率步騎六百扼之東北胡羊莊。徠莊匪奔西南入蘭費之小湖莊。又爲王殿麟王肇震等民團所截殺。匪勢大創。先是磊石踞匪出擾湖西崖。月

之五日。文彬奎芳長賡合兵團奮擊馬勇王翰選善射。發十四矢。殪十二賊。官軍共斬匪五十有奇。匪潰奔武得圩。初九日。長賡調東墪民團助戰。肇震陷陣。受創。民團多傷亡。乃斂軍。十一日。文彬長賡潛夜勒兵攻蒼山。匪圩匪首宋方閑自上年豎旗糾眾出擾。屢爲長賡敗。斬脩守甚固。至是。文彬長賡先調韓家莊民團王朝吉等。選勁勇四百。錦堂率兵會之。夜伏朱池村。次日黎明。大軍佯攻之。相持一晝夜。十三日。訶方閑宵遁。西北圩守匪稍懈。文彬率勇由西圩緣山倚幢上。翰選張鳳來先登。拔匪黑幟。麾軍畢登。開柵縱火。斫守匪三十餘。匪

奪路走顛墜斫傷者無算禽宋方如黃振沂盧莧貴等數十火其廬舍東路匪圩多反正維時德楞額軍攻雲谷久不下振榮其昌千總劉振元扼山東麓李景孟團長張鳳崗等扼山西麓亦於月五日擊退襲營夜賊追至走馬嶺而回而前克底閣匪圩復爲雲谷匪所襲踞出擾石佛寺梁愷引兵擊之乘勢復奪底閣斬踞匪晁志倫等匪遁西北入山而費境西南有葉莊王莊爲幅匪劉煥章董廉所踞糾由吳崗羣匪東竄成謙夜擊之禽煥章廉等五六十進搗由吳崗乃岐山匪乘間夜襲東墀數十賊已入圩縱火圩長殿麟肇震巷戰良久匪

反奔追之十里。德楞額牒言。訶知費境香山斗山匪若
時餉雲谷。因於月十五日抽隊赴東北山口。詭戰令景
孟徐珍自干佛崖鈔出紅門山麓。築二營。遇匪致餉將
入東北砦門。山匪出隊逆戰。景孟等前後受敵。方危急
間。振榮率勇團赴救。擊斬香山來匪數十。禽十有七。得
其糧畜刀矛百餘。追抵山下而回。匪日夢矜再負槍傷
勇目龐玉清陣斬匪目周祥云。十月。雙印葆森與會匪
張守義率王廣繼餘黨來援雲谷。鄒縣白蓮池教匪亦
出巢響應。初三日。振榮其昌步勇力戰山北。兩晝夜不
能罷。而德軍縱兵掠物。爲匪所乘。佐領榮某騎兵先潰。

山東通志卷之三十一
三
徑奔嶧城。羅陞高步勇被圍陷沒。振榮其昌血戰突圍。僅以身免。雙印等眾紛擾臺莊。德楞額駐軍齊村。其昌等請援不應。民團呼號求救亦不應。匪氛益熾。殺略周數十里。振榮等以狀聞。民團張鳳崗等二十餘人上言。百姓非死於賊。非死於戰鬪。而死於德帥一軍之不振。請另選良將。投狀廷襄。廷襄以僨事失機。奏劾之。

上褫德楞額職。

命僧格林沁查辦。德楞額於僧軍

中有奧援。王不直廷襄。右德楞額而醜詆之。朝廷方倚王辦賊。旋移廷襄爲東河河道總督。起丁憂。湖北布政使閻敬銘撫山東。責德楞額奮勉立功自贖。於是白

蓮池教匪與幅匪合勢。滋曲鄒滕費泗大擾。德楞額益
斂兵不出。廷襄無如何。乃檄原駐平邑集定順正坦軍
回扼泗曲間。元疇營總海羣騎兵回駐兗郡。會幅匪求
索教匪失和。十九日幅首葆森等引眾北走。費成謙占
鰲冒雨敗之。賈家莊匪繞走九女關入蒙之。十二連城
二十一日至萊蕪之顏神鎮。全吉截擊之。常路莊匪走
新泰青雲山。澇坡莊知縣王宗周合團力禦之。二十三
日匪折東北奔蒙之寨子村。二十四日入萊蕪蓮花山。
二十六日分擾青泥溝纂山徐家莊。及恩鑒率團迭敗
之。二十八日入博山之窩頭夏莊。定順正坦占鰲擊匪

紅山泰安守錫惠守備錢開泰扼匪青石關奎芳錦堂
扼匪梁莊文彬長廣扼匪青駝寺愷元扼匪穆陵關淄

川統兵之道員陳顯葵令守備米大全邀匪於均

有斬獲十一月朔占鰲定順兵敗博山臥虎山詳淄初

六日匪趨龐峪崔家莊黃家寨翻山而南由燕子崖犯

益都臨朐折入蒙之新莊九女關爲民團公茲東等所

卻遂走西南入費之飯棚回巢廷襄以定順占鰲部勇

滋擾均褫職並專疏自劾其略云臣自膺重寄未能殲

除醜類俾地方早臻安定負疚實深惟東省羣盜充斥

若蘭郊費之幅匪鄒曲泗之教匪滕嶧之棍匪久已蔓

延數年來或勦而未盡。或撫而仍叛。總因擒匪迭次竄入。遂致不遑兼顧。其勢日張。又云。匪巢林立。踞寨負嵎。攻之甚難。圍更不易。議者謂勦教難而勦幅易。或又謂先勦幅而後勦教。臣以爲賊分則頭緒多。原不易制。賊合則聲勢盛。更屬難除。臣識慮短淺。力小任重。治軍無方。何敢存五日京兆之見。疏入。

詔答曰。閻敬銘未

到任以前。譚廷襄責無旁貸。各營將士及地方官。如不遵調度。據實叅奏。嚴懲不患呼應之不靈也。廷襄再奏言。東面蘭費幅匪。各自爭雄。近因官軍攻逼。轉相仇合。無如臣軍因淄川劉德培滋事。分撥三千。又因追勦赴

援幅匪分撥二千現在勦教前敵之軍僅餘六千日盼

僧格林沁遵旨派員來嶧接統德楞額一軍擬請

敕下署漕臣吳棠派兵至蘭山會勦幅匪庶可漸

次掃蕩疏入詔答曰派兵會勦已諭知吳棠酌辦

不得專待鄰省之兵致滋貽誤時費境范家固幅匪與

會匪守義及雙印等均為白蓮池教匪所招引大擾滕

之馮卯鄒之紅山直抵西南循礮分詳鄒教會匪卷中有黃魯山

匪寨地處盤龍山前四里為幅首李奎洸所踞其黨孔

琢文武一正武崢皆不悅奎洸請密圖之以自效成謙

許之令團長杜輝光等引勁團二百乘夜馳進琢文等

開門納之。遂斬奎洸、禽匪黨武玉虹、劉萬祿等數十。殲其拒敵者百餘。幅黨孫茂貞、孫承棟、賈虎率眾數百。於初八夜襲入馬蘭屯民圩。圩長黃誠一等巷戰而出。匪括其財帛牲畜入滕嶧之劉家礮。嶧軍振榮率團掩擊拔之。十九日文彬、奎芳、長廣馳襲武得磊石二圩。不卽克。拔城前北山頭莊諸處匪巢五。禽斬苗碼等百二十有七。會士溥攻磨山匪巢不下。乞援文彬。遂分軍扼藍山圩。杜匪援。二十三日冒雨進攻。三晝夜破其六卡。逼磨山。獲謀周峯。言是圩本張振祥所踞。今春爲成全山匪首傅西貴所奪。率黨五百踞之。而令振祥守北柵。振

祥恚恨不能發。請貸死。回言振祥內應。文彬等縱之歸。十二月朔。大軍攻南門。潛師伏圩北。北門果啟。肇引官軍入。先令錦堂扼弔礮。備振祥等之叵測也。文彬奎芳長賡率從。九陳乃目。把總紀鳳皋。外委崔建功等。分軍爲三而入。勇目郝祿。李長榮等。搜獲西貴於南山峯頭。壞垣下。踰圩遁走者。多爲外兵所殺。毀其圩。遷難民於山下。選振祥輩等驍勇者數十。隸軍中。於是分軍略定西北五里之耿家墩。東三里之張家楊莊。北六里之西官莊。東六里之董家墩。東八里之學田莊。凡爲西貴所脅從者。皆下之。長賡等人圩撫慰。民皆感泣。責獻餘匪。

百十訊斬之沂州南圍大靖先是十一月 詔下吳

棠派兵速進蘭郟至是棠飭總兵黃國瑞後復陳率所部

二千入東助勦捻幅並請勸辦團練以資攻勦是月初

十師次郟 上以國瑞初到東邦辦團恐難聯絡責

廷襄令地方官實力舉行知縣長賡同知奎芳均係沂

營得力之員卽吳棠亦稱長賡勇敢有爲著卽督飭勸

辦以輔兵力之不足於是國瑞駐軍重坊定策先攻江

東交界之徐圩蘆塘兩匪巢十一日令參將張從龍千

總張學聖縣丞李思謙與士溥軍先進徐圩自率參將

郭寶昌守備邵法國知縣吳炳麒攻蘆塘而徐圩匪首

徐天祥風聞國瑞治軍江淮有聲先期遁餘匪阻險堅壁學聖等躬冒礮火負土填塹乘風縱火而上軍士皆百戰之餘視幅匪如摧枯朽浴血被體而孫升不輟匪賊潰官軍壞牆大入斬二百餘級搜斬捻目李友友李友侏田催等數十其翻牆下竄者爲思謙士溥圍斬之幅首劉曾孫良塾田三虎石永楊八等冒難民改服遁爲己革知縣畢培楨己革參將姚紹脩等邏獲之河干斬首梟之蘆塘踞匪見黃軍逼圩下匪首徐友旭與癡老數十人扶服馬前放兵乞命附近徐家礮孤宅二圩亦啟寨納降一時反正者五千人以上友旭等二十五

人隸軍中效力。國瑞威聲所播，足以懾賊。如此雲谷官軍失利後，匪屢出擾。文王峪民團敗之。十七日，擾及大趙莊。振榮要擊之。茅山之麓，民團韓培正等擊傷幅首化祥，殲者累百。德楞額亦牒言擊匪兩勝於蘭境。易堂大楊樹云：十八日，文彬令成謙進軍攻武得，毀大店匪卡。十九日，自率奎芳、長賡攻磊石，焚其東圍。匪堅壁不出，而臥牛山漸溝崖距匪分道來援。官軍迎戰，斬級而還。會皖匪李成大股入犯，回軍沂州。詳皖匪卷國瑞偵長城踞匪劉兆青等招引皖匪，濬壕築塹以抗官軍。遂移軍攻之。十九日，捻目趙開元合三岡幅眾馬步二千餘分

屯西北村家堡南礮圖援兆青國瑞令寶昌等守營閉
壁法國炳麒等迎戰馬匪突陣如飛國瑞嚴陣張兩翼
匪三驟三馳馬躩踞進退漸懈國瑞旗三弊三作洋槍
如雨開元墮馬而死前隊皆靡全軍東南夾擊之匪奔
北南礮踞匪蘇克功來援先出馬匪二百炳麒一擊卽
卻之殲克功及其弟蘇二姪蘇旺於陣遁回南礮死守
國瑞度宜先拔之二十一日抽敢死三百以行會僧王
檄富和軍至守匪王蘭榮等脅眾憑守良民股栗喧亂
官軍縱火箭入圩匪廬燃發守匪大亂國瑞軍三百人
一躍而登狂斫之無拒者伏屍塞路卽日回軍攻長城

文彬率士溥等乘勝下郊之曠里蘭之房村紅山魯坊
楊莊吳曠六匪寨並遣生員王經謨監生邵廣平從九
銜徐向方等四出宣慰分撥勇隊先扼青竹楊官莊蘭
山各隘杜匪援長城先是十七日經謨等誘禽龍衣莊
匪首姜汰汰乞命效功拔西哨文彬許之二十二日軍
逼西哨內應徐敬棠等啟柵入官軍執匪首胡鐵頭胡
金德張朋午等二十六文彬長賡遂連下南哨北哨墩
頭薛家莊史家莊二郎廟趙家樓周家八寨前後殲匪
周高劇等百六十有奇惟周家莊匪首周畋揚投誠貸
之西哨匪首居廣立張麥敷元長等均投入國瑞營散

遣難民累萬。文彬長賡等之御軍也。出則當先。入則殿後。故所向有功。

山東軍興紀略

卷十八之下

幅匪五

同治二年正月初五日雲谷山匪出擾于村齊村張振榮合團力擊之初八日蘭之散金城作子圩匪眾糾李成散捻數百擾冰坊孫保珠王洋馬備元孫茂康復引眾三四百擾金家莊民團孫毓培龍士志等擊其西南黃葆壽孫承薪等擊其正南振榮敗之秋莊再勝之顏莊士志追之十里匪折趨冰坊葆壽等方與南股相持匪麇至而卻振榮馳合之壓匪陣而軍葆壽等乘之匪潰走追抵劉家橋士志亦追抵嶧城之北殺獲甚眾旂

旛馬羸以數百計。匪目姚剛、雷亮、孫羊皆授首。初，王成謙偵蘭費幅匪多，隨皖匪出巢，守匪勢弱。於上年十二月二十六日，率李炳武等毀西南由吳崗山下碌礮研匪卡，殲匪累百。岐山匪首孫化祥忿怒，糾旺山武得唐、棣匪眾千餘，襲入東北三十里南尹民寨，殺掠悍惡，橐載而行。東墾石珩徠莊民團，邀其歸路。成謙率巡檢胡石麟馳赴之，匪退踞南尹，以拒。文彬、奎芳分軍會之。營圩之東，匪脩守甚力，攻之七日不拔。正月初五日，南山出匪，分東西來援。踞匪自寨東門出，文彬、奎芳擊其西。楊通廉擊其東，成謙截擊寨賊，呼斬聲聞數十里山谷。

動搖良久。斬數百級。匪車馳卒奔。不能禁遏。遂潰。成謙
召北尹防軍三百。城陽民團二百。襲入南尹。搜斬又百
餘。羣匪浪戰累日夜。乞援寶泉。嶺踞匪程四虎。初七日
四虎合吳王嶺。由吳嶺大頂山。曬書臺。蘇家頂。五寨。匪
眾三千入費之紅子廟。龍榜崖。初八日。撲蒙之橙子莊。
任全吉逆擊之。匪敗回龍榜崖。初十日。竄寶興店。泗水
防軍郭大勝。合龔繩武。扼保泰寨。禦卻之。匪由東南入
蒙山。大勝敗之。汪家坡。追之。猪市莊。文彬駐軍南尹。先
令成謙通廉由賈莊馳至。匪方屯猪市之北。官軍秣馬
蓐食。萃銳逼之。匪不戰走。追斬百餘。十二日。匪竄温水。

河之南民團乘夜又襲之。匪怒攻溫水圩。成謙再赴救。匪解圍走。分股入南山。十九日復出溫水迤南張莊。成謙大勝軍柏林扼竄九女關之路。匪走賈莊小卞橋上。治二十一日撲紫荆關。通廉大勝合軍北追。申刻及之。匪列陣拒。炳武大勝率騎兵七八十先馳入。通廉步軍繼之。匪散而復合。殺傷過當。回軍扼紫荆關。奎芳率謝慶元馳抵距關八里之陡山。成謙軍至自九女關合擊。二十二日匪西趨蒙之南喬家莊羅家莊。伏山險分拒官軍阻雪不得入。越三日匪遁長馬莊文彬督全吉力禦之。奎芳成謙自陡山西追數十里。饒有斬獲禽匪。

王東辰等十數匪折竄西南再逼九女關官軍密召汪家坡賈莊等民團截擊匪由同石河南回巢當是時踞匪如西曠之王錦魯作之劉正邦吳曠之任恒章楊家莊之李洪吉魯坊之潘繼志房村之趙吉橫山之孫珣傳先後皆薙髮分詣黃國瑞文彬軍乞降文彬拔其精銳者爲一隊令降人杜鳳儀將之而魯作餘匪高登鵬糾大道口踞匪王鳳元圖再振文彬長賡分軍禽斬之西哨遂平之其國瑞之攻圍長城匪圩也調邳邳民夫數千掘蚰蜒壑困賊而李成捻眾糾張守義趙老蠡等眾由莒州日照奔入車輞仲村圖援長城國瑞外禦援

賊內攻。踞匪先於正月十九日。戰援匪長城之北十里。吳鳳柱張保聖把總陳化棠王樹楠斬匪百級。奪馬十九。西北援賊萬餘復來。國瑞度眾寡不敵。移軍向北。濠列仗。匪繞出長城之西。先犯騎兵。張從龍等苦戰不卻。踞匪啟西門夾攻。勢幾殆。國瑞麾軍力擊。化棠等致死。虜之始敗走。援匪亦奔。追之六里。二十五日。令從龍鳳柱等攻其西。駱得勝張學聖等攻其南。親督邵法國王正標等築壘逼之。緣牆而上。匪礮石如雨。法國與千總陳學金劉繼廣先後負創歿。軍士傷者數百。國瑞攻之七晝夜不拔。攻益力。吳棠譚廷襄以戰狀奏聞。有

旨嘉獎。

詔下僧格林沁飭德楞額迅速進兵。儻

有心延誤。卽軍法從事。並飭富和等軍會勦。二月初五日。圻民多翻牆遁。圻匪內亂。越二日。官軍乘亂攻之。因風縱火。風火翻翁鳳柱。從龍得勝。與副將鄧得勝分曹。壞牆入。斫殺百餘。劉兆青率長髮悍匪。奪門衝陣。保聖以騎兵鬪之。匪致死。兵勇負傷。憤怒莫不一以當十。從龍等揮軍大戰。殲匪十之五。禽兆青及蘇正益。蘇遠馬屎等。縱遣難民數千。斬級千人以上。以捷聞。國瑞以次賞賚有差。法國等郵如制。詔下棠酌保出力員弁。國瑞既克長城。十三日。先令從龍鳳柱移軍扼蘭之坊。

前謝殿元扼魯坊通驛路令姚紹脩率鳳儀覓內應襲破作子圩匪首孫成吉宵遁十五日入圩搜斬孫成慶孫錫兒等數十蘭陵圩長王紹虞等又縛獻匪首杜紅德劉二成等二十五皆斬之是日沂西武得磊石二圩匪眾四百餘出擾文彬長賡飭軍功郝祿彭殿舉引馬步三百伏磊石之東擊匪斃其數十禽王破王送王強王戴等岐山匪首化祥窺仲村匪首宋三岡有反正之志遣黨夜襲之盡殺其孥三岡僅以身免遂招邀車輛匪首斌尙巖匪首甲申賈莊匪首宋四詣國瑞軍中降皆撫定之國瑞移軍仲村長賡官錦堂率勇五百來會

仲村以南踞匪及距郡七十里臥牛山磊石匪圩見官軍勢盛悉乞撫饒道大通惟仲村之北朱留屯礦硜二圩犄角爲守十九日國瑞引軍略仲村朱留而行化祥眾千餘計鈔其後分軍戰卻之薛南踞匪復與礦硜合勢二十一日長賡引軍先襲朱留丙夜銜枚而馳守匪覺礮火迅密國瑞飭把總李福先登步勇繼之匪潰由山後而竄伏軍擊之殪其十之九獲器械牲畜累數十車礦硜薛南望風潰降者累萬編其驍健者爲十營有被脅之劉自新李鳳鳴詣文彬軍言願爲內應破蒼山匪圩文彬遣團長湯溶川冷朝陽等率小隊輔之夜分

南北兩路進。匪首于洛先出走。禽其父于歪嘴。子于大興。于三貞。及于福。鄭維義等數十。剷平其圩。廷襄奏言。黃國瑞銳意以滅賊。自任部將。皆猛鷲善戰。自當用其所長。惟兵力不足。尙須添募。臣已允其月給萬金。以兩三月爲約。至進剿之方。蘭境匪寨尙餘。作子圩。成全山。仲村。車輞。崗。費境尙餘。岐山。旺山。寶泉崗。似宜移軍費境。先攻寶泉。剪教匪羽翼。卽由鳳凰山東南紮營。兗軍由西北會合。教匪可望得手。詔令商之吳棠。廷襄方檄催國瑞移軍寶泉。棠奏言。譚廷襄所稱黃國瑞之軍。當令赴兗。先由費境攻克寶泉。卽營鳳凰山東南。與

西北充軍夾擊教匪。教匪破則蘭費匪徒瓦解等語。此係東軍勦匪一隅之見。殊未思黃軍所以由郟蘭進者。兩縣界連江境。既可回顧郟宿後路。並可策應海贛。洙陽不使東匪乘虛闖入。且蘭費匪圩尙多。若遽赴充。則懸軍賊中。腹背受敵。沂蘭羣匪不但伺隙復起。且恐南趨海贛。是數月苦戰之功。幾同虛擲。疏入報。聞國

瑞亦以孤軍深入。未便回軍覆廷襄。二十六日分令畢

培貞吳炳麒率降人宋世烈卽三岡改名等合長賡部勇薄

西北武得圩。出匪不意。一鼓而登。匪致死巷戰。斬匪首夏五及長髮者四十餘級。遂拔武德。長賡再合官錦堂

疾馳西南四里。襲費之尖頭。匪圩。圩匪見武得火起。方部勒站牆。長賡馳驟猛進。騎兵喊聲震數十里。麾軍畢登。匪不能拒戰而潰。執匪首劉登莪等斬之。斬餘匪累百。再拔尖頭附近之西作柳莊棠棣林南坡。匪目皆聞風遁。圩民跪道者千餘。長賡皆撫慰之。磊石匪首錢朝聘亦詣營乞撫。始斂軍還。二十九日。匪首邱春糾李成餘黨馬賊數千。道岐山。援仲村。國瑞軍自西北逆擊。匪恃眾包鈔。國瑞親督正兵擊中堅。守備趙得勝把總王樹楠等騎兵分擊其左右。匪卻而復聚。列陣甚整。國瑞引礮軍橫衝之。化祥率眾出圩鏖鬪甚力。從龍與把總

李開春憑濠轟擊之。自辰迄午，斃匪三百許。援賊斂隊出山後。國瑞飭鄧得勝率新撫王濟遠馬步三百，益以保聖騎兵殿元步兵追之。化青且行且戰。濟遠導殿元軍走間道要之。有頃，化青率三十騎先至。殿元等奮起盡殲之。後匪卻。官軍襲入岐山。山內匪圩十餘處，同日皆下。守備戴廣福等禽僞軍師廩生李宗堂、廢員劉淑愈等數十百餘。匪遁港溝崖。長賡學聖、李福炳、麒等乘勢取之。文彬軍分徇岐山、旺山。三十日，拔東山、周家寨。長賡再襲破黎墟。春遁走。成謙方收撫蘇家頂、泗延等匪寨，而曬書臺匪怒而攻之。成謙再馳救。匪退走木頭。

崖乘夜再襲敗之。郟城同日令東墾團王殿麟合國瑞所部鄧得勝軍平毀霑化莊光山頭張家塾齊家灣諸匪卡。三月朔官軍襲入旺山匪寨斬散千餘撫者五千人以上。廷襄奏言沂屬匪巢其著者爲蘭山車輞仲村黎墟費縣之岐山旺山此外多係民團祇因頻年幅匪勢甚所在逼脅良民柔懦力不能抗故一圩入賊數人莠民先從良民不得不俯首帖耳居然有眾數千閉柵拒守儼然全圩皆賊駢首何辭實則爲惡不過數十人大軍旣臨不便盡撫又未可全誅現在車輞投誠黎墟收復岐旺兩山攻克僅餘仲村匪寨其勢已孤當易辦

理疏入報。聞於是諸軍進攻仲村。分番晝夜環擊。而圩東瀕沂水。深不能涉。文彬等密遣降人世烈斌等。率降眾十餘。伏圩內。潛夜囊土。遏水爲內應。初五日。國瑞督炳麒等。攻其北。文彬長賡合培貞等。攻其南。餘軍東西密布。三鼓呼譟。突喧雲梯倚圩上。火箭勃發。守匪堅忍如前。初不知世烈等內應也。俄圩中在處火起。匪驚亂化。祥率黨自西圩突出。濠外伏起。縱擊之。傷殪累百。國瑞軍陸之火器猛密。化祥負傷。踣殞。餘黨死鬪。屍血縱橫。山谷盡赤。器械牲畜塞道。全軍入仲村。死傷三千人以上。降者五千餘。廷襄奏言。此次攻克仲村匪巢。

黃國瑞固屬奮勇無前。文彬長賡王成謙等，均能身臨前敵，爲士卒先，又能激厲民團，同仇敵愾，卽黃國瑞亦言非兩省兵力，不能成此巨功。請獎文彬以道員用，長賡王成謙以知府用。江南軍請由吳棠奏乞。天恩。

惟吳炳麒爲吳棠之姪，吳棠引嫌未保，應請以直隸州知州用。並賞花翎，得旨允行。維時曬書臺匪

首徐鳴意，勢益孤子，潛糾寶泉崗四虎、鳳凰山教匪李毳馬步二千餘，圖拒官軍。成謙先期召集老山、小蒼山、大蒼山、負崗、頂馬、脖子山、天保山、大平安寨，投誠各眾，由西南及東路進，飭吳王崗、由吳崗、岐泉山、泗延、富漢寨

降眾由南接應。自移得勝之師。進駐蘇家頂。匪恃眾出拒。炳武張永慶首先陷陣。冒犯烟火。縱橫馳突。教匪先敗。四虎引眾西奔。旗長胡正勳斫傷。鳴意餘匪潰。曬書臺守匪啟柵奔。遂拔之。是年十一月成謙搜斬鳴意於玳路搜斬邱昌蕙

等七。平毀附近之杏樹頂。真字頂。二寨。移降眾於蘇家頂。岐泉山而回。先是黎墟雖復。匪首春遁逸。至是率黨回踞故地。謁管裏村黃山兩圩。勢再振。國瑞急分軍三路攻之。令紹脩攻黃山。從龍合成謙攻管裏村。保聖等攻黎墟。初七日同時馳進。五更甚雨。世烈等嚮導而入。執春及邱兆麟等二百餘。斬以徇。其時雲谷踞匪自德

軍移勦鄒教振榮集古邵等二十餘民團圍之是月初八日匪首保珠夜襲官軍把總劉振元典史姜恩元等禦擊猛烈民團秉炬環攻之槍斃保珠等數十始退兵團屯列衝要匪糧盡水竭勢將內訌顧有距雲谷十餘里之斗山香山二寨爲雲谷羽翼綴官軍官軍不敢進也振榮度先拔之會十一日斗山踞匪陳經引眾二百餘趨雲谷振榮軍逆之轉戰良久縱礮中經墮馬餘匪潰振榮乘勝奪入斗山焚之出難民七百有奇振榮益購雲谷棍匪王崢李滿爲間令應官軍十五日國瑞亦遣鳳柱軍來遂合軍自騎馬嶺闖入西圩門崢滿焚火

狂謬匪驚亂官軍乘勢上斬匪首洋儻元等禽髮長悍
匪蘇驄等數十出難民千餘遂克雲谷山匪奔西北官
軍回趨香山匪潰亂不能守傾巢而遁同日拔之追斬
匪目滿盈等餘匪走入白蓮池教巢

詳另卷

於是費境匪

首湘林張寶貴王平等率新莊戴莊長清崗劉字崗等
十三圩匪眾八百良民數千分赴國瑞文彬軍乞撫效
功惟費之轉崗山娣娘寨廟子崖匪首崔立馮莽高闖
固守不下從龍成謙率湘林等往攻之湘林謬語守匪
從龍縱礮壞其西圩牆守匪退軍士擁而入斬斫無算
立等就禽同時長壽山巨龍山黃崖山崗口店流井廟

子巖大泉頭馬莊九匪圩皆下成謙等分軍搜斬頗眾
貸死者亦數千費境大定而蘭境之黃牛山幔溪鄧王
山楊家莊小仲村魯城諸處餘匪尙夥皆倚尙巖玳路
兩圩匪首萬甲申劉業居爲動靜國瑞令張祖雲等合
長賡錦堂率銳師突入黃牛山寨匪不備遂克之再襲
尙巖甲申等率眾狂走祖雲長賡分路躡擊之禽甲申
業居洛寶森王承雞等斬梟之斃羣匪二百有七蘭境
亦靖惟四虎擁眾五千餘據寶泉與鄒教相犄角詳教匪卷
於是廷襄檄長賡成謙分率兵團駐仲村尙巖新莊馬
莊平邑集巡緝彈治以沂匪肅清疏聞詔以撤防

之後恐降匪故智復萌。潛滋暗長，不可不加意防範。著僧格林沁譚廷襄飭員弁實力搜捕，如新撫圩寨稍萌反側，立予懲辦。五月，國瑞移軍赴充，專勦教匪。留鳳柱兵二百駐蘭，乃鳳柱增募步勇二百有奇，逋逃悍匪悉竄。名勇籍自稱吳勇，不資廩給，橫刀策馬，傳食民寨，魚肉良懦。長廣成謙有所捕治，鳳柱輒爲關說，忿爭。以此幅黨鈔暴日劇，泊乎八月，國瑞檄鳳柱軍南行。文彬、長廣等始克旌別，淑慝釐然大定。巡撫閻敬銘遂倚文彬、長廣治沂數載，用法嚴明，乞無東昌降眾覆轍。彼姑息養奸誤國而賊民者，當憬然悟已。

--	--	--	--	--	--	--	--	--	--

山東軍興紀略

卷十九之上

鄒縣教匪一

鄒·滕·曲·泗·之·間·有·叢·山·焉·其·著·者·曰·尼·山·曰·鄒·嶧·山·尼·之·東·曰·顏·母·山·鹿·山·魯·府·山·鄒·嶧·之·東·曰·牙·山·葛·山·紅·山·晉·陽·山·平·山·柯·樓·山·邵·山·連·青·山·諸·山·之·間·距·鄒·東·數·十·里·曰·點·登·山·大·山·雲·濛·山·辛·莊·山·鳳·凰·山·雨·山·名·不·詳·於·志·乘·而·互·六·七·十·里·巖·岫·杳·冥·教·匪·所·窟·穴·也·山·中·村·落·以·數·十·計·白·蓮·池·爲·大·亦·曰·白·龍·池·故·著·稱·焉·匪·首·以·數·十·計·曰·劉·承·芳·楊·作·楫·高·廣·圖·李·殿·朋·劉·建·法·范·文·欣·朱·傳·中·莊·玉·河·王·存·芳·李·奉·鈞·張·樹·德·等·

山東通志卷之九十一 匪一
以宋繼鵬馮開疆郭鳳岡李捌李玖爲稱首繼鵬故爲
鄒東田黃社社長麤識文義能誦經書符爲人治病鄉
愚多信之自號文賢教鳳岡爲教師捌玖奉鈞樹德存
芳五人爲教友捌尤黠桀鄆城季和里人其祖固習教
伏法者也咸豐三年山東初遭粵匪之亂旣而南邊歲
苦捻警通檄郡縣辦民團繼鵬等藉團市兵仗火器團
長監生孔憲標廩生孟某鄉約劉建祿等皆從之造謀
不軌有年僞元天縱設僞官嶺峪迴繚人罕知者附近
州邑從教者多入山依處誘脅寢眾泊十年八月鄒令
林士琦始發其奸上言巡撫文煜請調駐嶧防捻之甯

古塔副都統德楞額及護兗州鎮郝上庠分兵彈治會
捻警不報士琦先出示諭勸解散有十餘莊民自陳悔
罪出教繼鵬等率黨焚其廬舍縶良民數十而去十月
士琦再上言匪反狀已著非臨之以兵不可兗州鎮富
新現駐曲阜若分兵馳至與卑縣兵練會合掩擊必可
一鼓破之久不報匪勢大張十一月晦士琦率勇役二
千餘分道進擊甫至黃土崖趙家村龍泉匪出山迎拒
眾甚盛勇役卻走士琦退駐土旺飛書告急文煜檄署
兗鎮雙齡兗州守張鵬志引兵三百馳勦兵單爲匪所
卻時 欽差大臣親王僧格林沁軍至濟甯劾雙齡

山東通志卷之九十一 匪一
鵬志摘頂檄富新赴勦十二月初六日滕縣民團戰匪
挫於城前莊是日富新軍至擊匪官莊又敗守備姜長
清把總李佐清中礮陣歿於是幫辦僧王軍務之都統
西凌阿侍郎宗室國瑞分引步騎於十二日至自濟甯
擊匪土旺先斬三百餘騎兵追至官莊又殪其二百餘
匪入雲濛山國瑞步軍攻之拔匪踞魏莊等十數匪大
敗斃者累千出癘老百餘跪道左降會捻氛復警曹南
國瑞等回軍去姑允所請責富新駐土旺蒞其事匪復
張文煜奏奪富新職以參將吳應龍領其眾十一年春
正月二十二日富新率應龍及守備姚鴻烈合土琦練

勇由土旺進軍雲濛山下積雪迷路爲匪所乘襲入土
旺士琦勒兵入城守禦二十八日匪由山麓大律村南
出馮卯犯滕境知縣趙敏功率團禦之山西店二月初
三日匪二千餘北犯泗水之聖水峪毛窩村郭家峪充
中營把總王榮綬引兵團禦之敗死匪尋退匪日循雲
濛山西口脩築石砦十一日出山焚掠東南鄉老巖頭
灰埠村香城諸處諸軍因捻深入多引去鵬志亦回充
城守士琦再乞援兵並自募民勇三千圖進剿三月朔
五鼓妮軍進至大束村偵匪出掠北桑莊士琦至南辛
莊斂軍匪往西南焚掠城西之北宿村次日繼鵬率眾

三千餘由尹家溝渡橫河入濟甯東境下吳家灣陸家橋南貫集逐鳳岡入山濟甯民團逆擊之始由鄭莊渡河回鄒初四日步匪四千餘馬匪四百餘圍鄒城焚東西北附城廬舍一日始退僧營翼長副都統舒通額都司翁吉順追捻至滕頓兵距城二十里雙村不進二十六日匪攻紅山民圩復逼東城應龍士琦登陴力守紅山陷虜脅累千應龍軍餉缺引去二十八日僧王軍至調泗曲滋甯諸縣民團會剿四月初九日王進軍田黃破匪二壘斬級百餘會雨而罷十一日王親督諸軍進擊破匪三壘抵雲濛之麓匪由東北鹿山出援大股千

餘襲王後軍。民團敗亡者數百。王分飭騎兵力卻之。十四日出軍逼之。鳳凰山下。匪登山縱火器。飛墻投石。以拒不得入。十七日。王全軍進土旺。繕攻具。礮車。越七日。三路並進。礮斃百餘匪。另股繞山南出者。騎兵斬級二百。獲兵仗稱是。匪勢摧挫。王軍連戰皆捷。調署沂州。守來秀募勇隨營勦賊。二十六日。正圍攻間。復有癯老數十人。引匪首存芳。樹德。鄰行而降。時曹屬長槍會匪方熾。王慮其糾結。再許之。責來秀率代理鄒令張體健入山。察匪誠僞。來秀體健親詣白蓮池。見繼鵬。一目眇。龍鐘六十許。及諸匪目。宣述朝廷威德。諸匪爭言投

誠後出山刈麥慮民間尋釁乞王給山內八十一村免

死旗來秀回請於王如數頒之復與體健三出三入回

言繼鵬等毋慮反覆惟奉岡捌不可信王領之會長槍

匪益熾詳另卷初四日王回軍長溝於是降匪出山刈麥

復事築牆濬濠以防捻會為解王飭體健諭繼鵬挑降

眾隨營助勦稱病不出而益脩圩砦凡西自點登山東

迄雨山諸峯缺處輒築長牆穴門設樓櫓來秀體健以

狀聞王因勞師捻會巡撫譚延襄又駐軍東昌勦莘邱

教匪詳另卷不遑兼顧匪百十成羣日掠境內黃瓦口諸

處蔓延滕泗體健月入山四五次諭勸而詰責之輒言

幅匪冒名嫁既而教黨兇狡橫暴恆持免死旂馳笑良民莊寨揚言祇准殺人不准人殺一時聞者絕倒五月下旬泗水令王其慎上言降匪焚掠東南境已集團戒備應勦應撫仍候進止鄒東羅頭社民團亦上言降匪掠奪而來秀體健與前署鄒令許寶名一再入山撫慰給還前令林士琦鈔沒教匪入官房地以慰安之匪益驕八月皖匪大入東境屯齊村詳皖匪卷山匪亦於初九日出山犯鄒北玉皇山小薛白馬廠分擾泗水茅山獨角村汜九月下旬大股四五千分三路焚鈔泗之東西古菴黃家嶺龍清莊民團張永福張在興韓守福等集團

山東通志已錄 卷一百一十二 鄒縣教 徑北草堂編集

山東通志卷之九十一 匪一
堵擊遇害。十月朔，匪合幅匪近萬，擾泗之苗館諸處。教匪橐載回巢，幅匪陷踞北莊民寨。十一月初六七等日，教匪焚掠泗之南北機埠皮狐莊馬家井。其慎督團擊走之。初十日，逼距城十數里之尚書莊。其慎督團鏖戰，文生喬光錢勇往無前，斫賊多級，力竭而歿。民團潰，匪趨醴城鎮。其慎乘城固守，請兵益急。廷襄檄充鎮兵赴援，遲久不至。二十三夜，教匪數千攻圍泗西南弋山廠。團長胥來寬逆擊潰敗，遂陷。焚掠附近數十村而去。二十五六日，匪入曲阜東南北三鄉，署令薛燦告急。十二月中旬，匪屯泗之五里莊，逼縣城。其慎率團力擊一晝。

夜匪南走。是月德楞額令千總桂錫楨錫棠將騎兵三百至曲。兗州鎮札隆武飭外委孟延齡徐春堂率步兵三百會之。二十六日截擊零股於辛莊。禽高廣蟻宮化莠等十餘。時有詔命僧王進軍擣蒙亳擒巢王。奏

言鄒縣教匪之勢漸張。須分兵勦辦。不能卽時南下。初札隆武請增兵。廷襄益以千總馬凌霄楚勇千人。札隆武令都司銜勇目劉志和率步騎九百會師駐曲。同治元年二月旣望。匪眾數百逼曲城。知縣陳萬春與桂錫楨力卻之。遂焚掠尼山顏母祠。志和等逐之回巢。小股出沒曲泗。焚鈔無虛日。僧王已移軍入豫。詳皖三月遣

道員趙康侯率勇五百回東駐曲泗合札隆武軍會勦
十六日大股千餘擾泗之老寨商山寨都司馬春嶠與
劉志和劉先鳳赴救小勝之吉埠匪退阻山隘官軍不
得前遂陷商山廷襄以春嶠志和赴援不力摘頂戴十
八日匪大股六七千擾滕之谷山棠梨日夜燔掠二十
一日志和馳戰之士梁匪敗復合幅匪移攻普救山民
圩二十四日志和合其慎再馳赴之擊匪峙山匪舍圩
力鬪官軍敗之匪遁二十六日匪由泗入泰安之石徠
放城參將愛興阿遊擊石占鼇力禦之四月十四夜匪
大股逼泗城東南二里土嶺其慎出陳城外障市隘以

拒春嶠志和步騎奮擊之。斃其百餘。遂卻。五月初二日。匪陷柯樓山民圩。趨滕。札隆武引軍赴之。臺莊營參將梁愷。沙溝營都司姚鴻烈繼進。賊不戰走。十一日。越東南山口。入泗。春嶠等逆擊之。高里占鰲駐軍堯山。聞報會戰。賊復奔回。追至商山。小有斬馘。時奉詔曰。有人奏鄒曲教匪。前經僧格林沁派兵勦捕。已欲撲滅。因遽爾議撫。致餘孽復萌。今匪黨益眾。號稱十數萬。多馬隊。札隆武步隊二千。難以致勝。著德楞額就近移軍。與札隆武會勦。毋任招撫。再貽後患。六月。廷襄奏言。教匪巢穴。介乎鄒曲泗費滕濟五六州縣之間。自投誠以後。

脩立砦牆。囤聚糧食。勢非數路並進。不能搯其吭背。兵力不敷。分布南路。幅匪未平。勢難兼顧。德楞額亦不克分兵北來。又奏言。幅匪散而教匪聚。必須先清幅而後辦教。故臣於東昌旋省。先派兵勇赴沂。勦幅。其鄒滕教匪出入之處。祇能分兵扼隘。遇匪出山。卽擊。兼旬以來。頗未北出。間有爲幅匪勾引南行者。疏入報。聞二十九日。匪知札隆武諸軍移辦幅匪。詳另卷大股復出泗曲。廷襄令遊擊謝炳率勇七百赴曲扼之。七月。調札隆武回軍鄒曲。詔責廷襄駐充沂適中督戰。廷襄始由泰安進充州。奏言本月十二三日。匪復南擾鄒縣界。

河一帶掠糧刈草運入山巢。兗州距鳳凰山賊巢祇七
十里。實爲前敵。並非無賊之地。臣非有所避就而駐兗
州。且駐兗可以前顧沂州。後障北路。駐沂則轉覺北路
空虛。緩急難以繞出賊後也。十二日。匪馬步數百擾泗
之亮莊堯山。占鰲防軍截斬數十。匪沿泗河回巢。邊馬
分竄曲之黃桂安上村諸處。自岱東而回。復出大股犯
泗之聖水峪。一趨西北音義澗。一向正北故縣胡家莊。
一竄東北餘糧莊小鮑。春嶠其慎分道禦擊。賊奔界河
之東。擾土門存禮諸處。專掠糧畜。先圍劉家峪。轉入山
巢。二十二十一等日。分擾鄒滕之靈山山頭集。札隆武

山東軍興系星 卷十九之 匪一 八
軍擊退之。二十六日。志和巡徼至香城。集匪眾搶刈秋禾。鳴角旅拒志和。與選用知縣丁彥臣揮軍奮擊。斃匪數十。得糧畜甚夥。其小股數十百人。分入滕之九老莊。左右竊露積禾黍。背負馱載而行。滕令鄒崇孟率團掩捕之。禽徐棟邱登山等數十。多髮長被面。引出駢斬。猶喃喃諷經。合掌而拜。其愚惑至此。

山東軍興紀略

卷十九之中

鄒縣教匪二

八月既望。教匪大股趨柯樓山。禩山村。參將忠順與丁彥臣分路敗之。入泗水龍灣套。北走賈家峪。吉埠村。分薄縣城。王其慎馬春嶠率兵圍逆戰。相持半日。始退。一趨泗城之北。愛興阿與通判許寶箴扼之。堯山之南。匪合股回奔山麓。十六日出屯泗之孫徐村。旋退由東北。進譚廷襄令謝炳及把總黨嘉賓追擊之。抵城東三十里黃連樹口。匪奪路入山。先是長槍會匪由嶧之雲谷山入費之梁邱。合幅匪。

詳另卷

至是教匪引爲外援。饋以

芻糧眾三千餘屯白蓮池之東二十日教匪四千餘出山再至孫徐村龍灣套官軍阻雨不得前越五日見睨而進炳春嶠其慎分道疾趨逼之步匪入圩憑守馬匪出拒官軍更替進戰火器環轟弊者頗眾匪悉入圩官軍乘覺突入知縣向昀府經歷陳金釗等戰尤力盡奪匪踞殺傷過半餘匪奔賀莊香樂莊北景臺黑石分石固安諸處炳春嶠合民團復要之東郝莊二十七日東奔堯山華村石徠放城愛興阿嚴陳待之匪遁由泗之大卞橋入山閏八月朔馬匪游弋曲阜十村叢山中初四日炳春嶠其慎分軍入山炳軍及匪泗之張莊千總

熊玉山騎勇先縱山徑高下匪隊裂爲三廷襄所派戈
什馮殿元催軍馳之匪亂角聲四起奪路東奔其分竄
者由西南兩路復合諸軍波倫三邊整旅進戰兵勇僅
千餘匪數倍蓰意欲東奔蒙陰掠糧履險深入無不致
死諸軍且戰且行退保安山寺口相持至夜分官軍始
克斂次日匪偵官軍扼山隘奔回老巢初廷襄奏言匪
巢西通鄒縣東出費泗徑路較寬其南北兩面皆層嵐
疊嶂鳥道羊腸必東西兩軍同時併進並須分軍扼南
北山口防其竄突無如臣與札隆武並協領海羣等馬
步不過四千人故須幅匪略定調齊南路兵勇兩路進

逼方能制賊。

以上奏詞

既而皖匪李成胡四北犯魚臺。廷襄

於八月二十四日移軍濟甯。泊閏月初始回兗。議令海

羣姚鴻烈劉志和千總郭大勝等軍進扼匪巢迤西紅

山昌平山土旺已革道員黃良楷副將保德軍繼之守

備蘇泰千總張大富等軍扼北面于村白村聯絡西路

軍。札隆武趙康侯引軍駐曲阜爲後應。炳春嶠等軍由

泗水東進。檄原駐平邑集遊擊緒綸軍扼東北。備幅匪

來援。南面滕境空虛。函訂德楞額軍由城前進。乃德楞

額以僧親王責令專辦雲谷山幅匪爲詞。不至會淄川

劉德培肇亂。

詳另卷

復由兗營抽步騎兵四百令遊擊馬

秉阿將之而東。初教匪見官軍大集。匪首王存芳復率數十人羅拜顏行。保德良楷止軍問之。言山巢人眾乏糧。誠心納款。廷襄賜之手諭。令爲內應。疏聞於朝。有詔匪眾未受懲創。恐詭言以懈軍心。前宋繼鵬等乞降卽叛。卽是覆轍。若事機不密。爲賊所乘。惟爾是問。時賊巢南北山谿。時出婦穉。掘薯絝野蒿以食。二十六日。騎兵出哨至龍山。遇匪百餘。掠食鄒南香城集。騎兵衝擊之。斬六十餘。禽其三。獲旂旒刀械百餘。二十七日。擊回紅山竄匪。同日曲阜城南魯園。泗水城西水前莊水巖灘出賊。亦爲札隆武分軍擊走之。九月朔。數百匪

復入泗境。春嶠逆戰之。西巖沙河溝匪敗回。初二日。焚
尼山。秦大富合軍卻之。另股匪竄費之八埠。知縣王成
謙與占鼇軍自平邑進擊。斬級百二十有奇。初八日。入
賀家莊。爲仲村民團所敗。退屯歷山。成謙夜襲之。遂遁
回巢。鄒崇孟復敗匪王村口。龍陽店田黃均有斬獲。先
於八月。廷襄疏請起在籍雲南提督傅振邦幫辦軍務。
移疾不至。上年請調刑部員外郎劉錫鴻赴軍。上
不允。錫鴻廣東人。廷襄聞其在毛昶熙河南軍中有年。
至是復疏言之。乃得請。時匪糧盡援絕。冒死出掠。屢爲
官軍要擊。初十日。西南山峪出馬匪六七百。搦戰官軍。

從匪千餘奮嘯大掠郭大勝敗之楊家峪十二日黎明
前敵軍中外委賽保成勇目鄭安邦引騎百餘趨田黃
誘賊匪繞山隙出其後扼隘鬪之保成戰死傷亡騎士
過半安邦退保昌平山志和軍救之匪退走而大股四
千餘馳出西北攻曲阜元疇防營蘇泰等戰之王家莊
匪勢且前且卻泰軍以爲可縱擊勝也步騎馳而入東
南饅頭山出匪千餘攻陣後泰回軍鬪之匪前後夾擊
官軍死傷累百幾不支海羣騎兵張兩翼麟之匪少卻
志和大勝等從鄒東馳援泰軍復振匪退屯魯園山口
次日焚掠山南怒馬趨兗郡城下嘯廷襄而詢廷襄忿

怒集將校責言之而廷襄自蒞軍年餘未出城闕將校

請出觀戰廷襄默然警一咸切而罷令志和大勝軍由夏

侯圍九龍山進遊擊定順守備金榜賢軍由佛頭嶺老

龍腰進保德督忠順等軍由東灘店富村分進匪不與

官軍戰馬步二萬餘布塞山谷官軍不能縱擊嚴陳良

久匪馳騁漸疲志和大勝突起擊之定順榜賢騎兵皆

縱官軍槍礮庖密匪自相踣藉人馬顛踣海羣軍環擊

其西北大富軍從東北陸之烽火四合匪抱隊死鬪者

千餘餘匪不顧而奔屍橫二十里轉戰至魯園逼之沙

河之濱馬匪陷淖不能進退官軍火器無虛發先後斃

匪千數百有奇。禽者累百。牲畜刀械蔽地。廷襄大喜。拜疏以大捷。聞上海羣定順泰等功。皆荷陞賞。保成卹如制。匪受創離心。多薙髮出降者。於是匪酋捌玖繼鵬等。保山巔小圩。晝夜脩守。誘之不出。廷襄募新勇五千。至軍而慮山匪潛結費幅爲援。令定順回軍平邑集。署沂州協副將范正坦回軍扼集東北。十月朔。廷襄奏言。充營自上月十三日。大挫賊鋒。沂軍亦收復十數圩。較秋初似有起色。然此中艱難情狀。有不得不據實上陳者。查教匪久蓄異謀。地處萬山之中。山嵐重疊。外山諸峯低缺。處周遭數十里。皆築長牆重關。設險數萬。匪

眾更替死守山外數百民寨存糧積草皆略入寨中我軍幾無駐足之地無覓糧之所臣軍本屬無多初則分兵禦擒繼則分勦幅匪於蘭鄉分勦踞匪於淄博德楞額一軍日久不至臣固無如之何也籌餉之事連年賊擾財賦已空僧格林沁遮克敦布月餉不下四十餘萬臣營各路之軍亦月費數萬兵愈增而餉愈竭每籌一欸不知幾費經營而數日卽已告匱臣自恨無滅賊方略惟有深自刻厲凡向之供給於糧臺及州縣者除兵勇口糧外不敢稍有沾取每苦製造軍火雜費支絀臣卒不以困苦之情仰乞司農上頌

天聽者自媿無

才故耳。至用人雖無傑出之材，然如總兵保德知府孫家穀皆能力圖報國。任事任勞，同知奎芳知縣長賡王成謙皆有勇有謀，軍民悅服。然而賊不即平者，非諸臣之過，臣籌餉之無方，調度之乏術也。現臣力圖歲事，約計三冬，或可上慰聖明，伏乞鑒宥，疏入。

上意憫焉。廷襄密飭成謙正坦、姜順軍東進，保德錫鴻家穀軍西進，海羣騎兵伏西南，備截擊。保德軍潛抵西砦門，填塹薄牆，下。匪矢石交下，不得前。而德楞額攻雲谷之軍失利，東路諸軍聞變引退。雲谷幅匪三千餘，果趨屯鳳凰山。東南麓要約教匪，令納銀米。教匪無以

山東軍興紀略卷十九之中 四二

應幅匪走費

詳另卷

二十九日黎明教匪五千餘出南山

峪犯前敵軍保德錫鴻志和大勝等逐之反走追抵侯家窪大霧捲山西路馬匪千餘馳下諸軍以爲官軍也斂火器以待匪乘之官軍大亂軍功邵英奇血戰以殉志和等揮軍衝擊甲士傷亡益多丁彥臣謂志和等曰今日之役全軍爲上慎毋衝突盍嚴陳以須援軍踰時後軍聞槍聲庵密海羣大富步騎蔽鼓而出會雲專霧收彥臣聞鼓角曰此援軍來也迅起馳之嗥聲撼山表裏夾擊匪敗走十一月朔匪出東南山峪至馮卯城前遂入鄒幅匪之在滕費寶泉崗范家崗者亦出入馮卯

城前與山匪合勢犄角。初二三等日，匪另股出東砦門，趨泗水東西兩山口，奔堯山、鄒曲，防軍馳禦之。卽反。初六夜，由西砦門傾巢出，眾二萬餘，焚掠紅山附近。保德志和大富等議以步軍列東南，嶧山騎兵列西南，兩家店、海羣骸疾不赴軍前。保德將之以行步軍爲嶧山屯，匪所阻不得出。大股馬匪專攻保德軍，保德候步軍鼓音夾擊，嚴陣半日，寂然。乃先馳之三驛，三反馬傷而蹶。躍他馬以走，鳴角斂軍，已多負傷者。廷襄劾保德褫職，自請議處。云初七夜，匪逼鄒城，張體健、姚鴻烈力禦之。次日黎明，錫鴻家穀大勝都司毛貴等軍來援，錫鴻爲

偃月陣背隍而軍部勒進擊匪卻行數里東北出援匪千餘合而前錫鴻再爲圍陣出廣陌禦之匪大集眾且倍蓰錫鴻卻復背隍匪不敢逼飽掠而行初九日由鄒境分東北西北走邊馬入滋陽廷襄令駐郡軍迎擊之匪東趨曲阜分屯鄒之西北十二日掠中山店岡山頭富村數十里連連馳驅錫鴻等閉壁嚴守海羣騎兵馳之不能勝匪攻圍志和營千總沈玉發縱礮擊殺數十廷襄令漢中鎮標遊擊姚長齡守備唐文箴周汝楠等引兵來援匪萬馬躩踞勢不可遏汝楠並弟汝幹監生張蘊輝把總邢錦魁等皆死之海羣決圍出錫鴻等乃

開壁夾擊，匪退中山店。於是教匪回紅山，幅會匪循橋分股去。是役官軍甚敗，乞援僧王。王以進擣捻巢，不能分軍。檄德楞額、綏攻雲谷，調駐永城春壽騎兵守備。桂錫楨騎兵赴兗會剿。因山匪回巢而罷。廷襄奏言：臣營勇多於兵，輕進易退。已先調曹州綠營兵五百，登州兵千五百，惟待到齊，卽將不能得力。勇隊撤退。以上奏詞於是遣長齡與遊擊焦其洲赴前敵，汰遣十二月初旬。匪大擾泗境、苗館等處。元曠防軍卻之。十二日，由叢山潛入新泰之靈沙等莊，趨羊流店。知縣謝慶元敗之。同日，家鼓長齡設伏，敗匪泉林寺。匪分三股走卞橋。官軍步騎

山東軍與純畧

卷十九之中

匪二

三

四

五

六

七

八

九

分合擊之。斬殲頗眾。匪奪路奔。近巢下山峪中。出匪千餘。戰官軍敗。匪始得入。十七日掠費境。大勝軍方移平邑集。緣道破走之。馬匪怒。復馳下。大勝突發百子礮。馬傷而奔。

山東軍興紀略

卷十九之下

鄒縣教匪三

同治二年正月廷襄因直東交界降眾叛亂

詳另卷

移軍

東昌抽海羣騎兵保德步軍偕發令署鹽運司恩錫與
札隆武督充軍匪偵外軍撤動十七八等日分擾泗鄒
之龍山晉陽山夜攻民圩官軍不暇救燔殺甚熾二十
九日薄鄒城張體健嬰堞守禦一晝夜二月朔姚長齡
引軍馳援體健鼓而出斬獲數十奪其雲梯四匪始卻
越二日復出數千人疾趨東灘店圍攻焦其洲營良久
向東北由泉林寺奔堯山盤旋境內與幅匪合股焚殺

山東軍與糾舉 卷十方之丁匪三

會皖匪李成由南而北入甯曲詳另卷德楞額軍尾之而

去教匪益熾攻陷徐八嶧陽爐丹峪紅山唐口山看莊

接輿山趙村等民圩鄒城四面皆賊另股奔犯泰安西

南婁德八里莊時家莊諸處 詔責恩錫既接辦充

州之防縱不能直搗賊巢何至任令出竄即著德楞額

會同恩錫軍並飭焦其洲等夾擊十九日匪復陷踞岡

山山頭兩民圩孫家穀率勇合望雲圩民團攻之匪遁

走三月匪句合會匪張守義王廣繼及李成等馬步七

八千自梁邱入屯嶧山未幾捻會匪仍北走詳另卷初鄒

縣舉人董乾儒者與教首繼鵬等潛通聞捻會北竄乾

儒與子士紅等納教黨踞守嶧山圩及南華觀太白山
嶧陽砦小鳳山後華宮紅廟等七處脅良民甚眾體健
與守備張玉振詞良民思反正密諭南華團長王朝棟
孫長暉王統萬等應官軍十六日家鼓聲言出軍攻寶
泉崗令其洲軍由城南繞而西都司康貫均守備田常
裕毛貴等與體健軍爲後繼其洲銜枚疾行六十餘里
四鼓薄南華觀縣丞孫家篤率勇踰牆入斫守匪數人
禁不得發聲朝棟等闔門納軍畢入悉斬悍匪分貴軍
緣山疾上登太白巔守匪驚遁其洲揮軍下馳東北徑
撲後峪匪死拒官軍火器震山谷烟焰煜雪大噤良民

北趨棄械奔散什而六士氣奮發貫均等亦襲破嶧陽。若與長齡登山合其洲軍攻徐八寨寨匪槍石如雨不得上家篤軍乘釁闖入若南鳳山小寨對壘逼攻火箭噴筒如電火庵烈際空匪圩潰聲如崩山長齡貴軍分攻後華宮紅廟同時毀平之七若俱拔惟峯頂玉皇閣餘匪數百死守諸軍佯退誘之匪下嶺東走追抵紅山殲長髮百餘獲牲畜礮械舉之數日始盡出難民二萬餘熏夕斂軍山下十八日乾儒義子李獅收餘眾保徐八寨家穀長齡乘勝妮軍攻之匪奪路奔桃園追斬略盡巖洞伏匿部索無遺捷聞家穀其洲功最以次陞賞

當是時。僧親王由皖回軍。赴淄川。詳另卷遣道員趙康侯。

副將何建鰲。引步軍趨鄒。德楞額。張振榮。亦連克斗山。

雲谷山。香山。幅巢。詳幅巢卷幅首劉雙印。與寶泉。幅首程四。

虎七八千人。皆合入教匪。先犯平邑。集巡檢龔繩。武督。

團卻之。奔西北之武臺。近臺。再爲民團于廷仕等所敗。

二十三日。自鳳凰山北奔蒙陰之常馬莊。高都嶺。新泰。

之三里莊。羊流店。翟家莊。諸處。廷襄檄都司楊通廉。馳。

泰安。扼擊。嚴飭州縣。率民團布防。先是。漕運總督吳棠。

飭總兵黃國瑞。後復姓陳引軍入東。勦幅匪。時。上以廷。

襄奏。請令國瑞由寶泉一路進攻。詔下吳棠體量。

棠覆奏非之。

詳幅
匪卷

四月初七日。匪由新泰趨石徠萬家

峪。出蒙費之白馬關。費之武臺回巢。十一日。馬匪百餘。

突犯鄒城。另股犯曲阜。分股撲東灘店馬疇。嶧山界河。

均有屯匪。十三日。大股趨泗城東。陷固安民寨。恩錫飭

防軍分擊。小有斬獲。會黃國瑞以沂郡幅匪肅清。

詳另
卷

率所部步騎四千餘。由嶧至滕。分駐馮卯城頭九老莊。

遂進城前。十五日。僧王飭都統舒通額及德楞額合軍

攻固安。拔之。匪遁山巢。斬其百數十。十七日。匪出屯孤

山。次日黎明。國瑞率參將張從龍、張祖雲等進擊。匪列

隊相持。另眾數千搶刈熟麥。都司張保聖守備王樹楠

趨山後鈔之。姚紹脩冒煙直入家穀等率勇團前後夾擊。自卯迄午。斬級數百。獲牲畜百餘。匪敗走雙峯回巢。官軍布陣護民斂麥乃還。二十三四等日。黃軍自城前移陶家莊。旋進石柱莊。扼匪南門。五月初二日。攻其東門。分軍伏林麓。匪出隊近千。官軍佯走。匪逐入伏中。迅起擊之。禽劉雙印等二十餘。蓋前此雲谷與嶧山同日攻克雙印投入教巢也。初五日。國瑞遣守備李開春逼營。匪巢之東。扼匪竄路。自督全軍騎甲以待。匪眾二三千分起屯巢外。開春出營鬪之。匪不戰走。追薄圩下。乘勢仰攻。守備石萬貴千總李正標負傷殞。官軍卻。匪目

縣高莊殲斬什之六七。賊走沛縣，循微山湖行，又及之邵莊，斃百餘。餘賊奪湖船揚帆南去。六月初旬，長齡軍進香城集，其洲軍進嶧山，扼柯樓山紅山要隘，備東南。家穀率都司劉萬清及家篤、昌平元瞳防軍，扼土門，備西北。恩錫度賊勢將殄，飭家穀等奪入西砦，門立壘，副將滕自新軍守固安寨，備東北。於是與國瑞軍、寶昌軍、康侯軍、建鰲軍、舒通額軍、德楞額軍、札隆武軍、南北東西無不望炊聞櫓，翕關相應。匪飛遁，俱窮守死而已。甚雨連日，國瑞偵匪弛備，十七日夜親著兜鍪，芒屨銳士五十人從攀藤附葛，由砦北懸崖上，令參將康錦文張

山·東·官·軍·系·界·
從·龍·等·擊·鼓·縱·礮·攻·東·南·陔·匪·知·官·軍·聲·東·擊·西·北·崖·
守·匪·越·趨·猛·擊·整·暇·如·故·銳·士·傷·墮·十·餘·國·瑞·奮·不·顧·
身·騰·躍·而·上·手·斬·怯·者·四·軍·士·見·主·將·先·登·冒·死·繼·進·
官·軍·噴·筒·火·蛋·奮·擲·喊·殺·瘡·瘡·拒·匪·潰·退·東·南·陔·守·匪·
驚·亂·錦·文·從·龍·軍·亦·入·合·軍·擣·劉·莊·悍·黨·惡·鬪·斬·級·千·
餘·死·傷·塞·路·國·瑞·陷·陣·流·血·被·體·銳·進·如·前·匪·西·奔·國·
瑞·軍·追·抵·厥·裏·新·莊·匪·焚·巢·走·會·家·鼓·萬·清·家·篤·與·知·
府·晏·方·琦·等·軍·攻·入·西·砦·門·十·八·日·破·其·棗·園·匪·巢·諸·
軍·先·後·斬·匪·二·千·人·以·上·匪·遁·入·西·南·小·紅·山·楊·家·峪·
鳳·凰·山·西·底·圩·東·西·兩·軍·拔·劉·莊·棗·園·有·耄·匪·跪·道·左·

自言被虜思歸久。家篤知爲董乾儒士。紅纓致之恩。錫軍戮之。餘多散遣者。時匪無莊寨可守。驅人畜芻糧保山巔。有翻竄叢山荒峪入蒙山者。蒙陰令劉守曾千總雷聲遠率民團扼九女關長馬莊王家坡。邏斬又數百。札隆武王其慎分引兵團扼泗境老寨南。擊斬竄匪百餘。收降郭鳳春等累百。其程四虎之負嶠寶泉崗也。糾張守義及香山匪首孫祥餘黨與教首劉希賢謝玉庭擁眾五千餘死守。以白蓮池爲障蔽。當是時。王成謙先期遣教諭朱桂丹訓導趙邦典等入山。諭勸匪目王榮祥李殿友內應。至十七日。令外委張芳義等由東進外。

委晁文忠等由南進。千總李炳武等由北進。成謙督千
總張永慶及桂丹等由東南同石進。十八日薄崗下。五
鼓攻之。望西南火光徹霄漢。知白蓮池國瑞軍獲勝。榮
祥亦舉火寨中。成謙諸軍乘勢突入。守義祥率眾三百
餘啟南寨走。文忠追之。斬祥等二百餘級。守義敗眾奔
西南趨嶧。是夕芳義等軍攻入山砦。四虎率男婦二千
餘奪路東走。我軍焚寨而下。追之四十里。二十日四虎
餘眾屯水寨。諸軍圍之數重。二十一日榮祥等引藍黑
旗降眾千餘。俯伏陣前。次日四虎窮迫乞撫。成謙責令
縛獻希賢自贖。希賢方率騎八十餘奪路西奔。四虎遂

之鬪且詈良久。纒希賢、玉庭等二十七至軍，遂允其降。撫餘眾四千有奇，計斬六百餘級。國瑞遣騎將孫玉殿等繼至，燔斫竟數十里，以共其功云。張振榮、二十一、二等日引勇搜斬竄匪於夢龍橋、鄒塢，匪不復抗拒。振榮益奮，裹糧窮追，匪首王洋入馬山，幅教零匪從者得四百。振榮步騎百餘及之惡石口，迤北光光泉。距馬山三里眾寡不敵，奔中不能回軍。顧謂騎士曰：「不圖吾儕死鼠賊之手，騎士曰：「未可知也。」盍先馳之。」揮軍而前，當者披靡。振榮手斫數十賊，身被十數傷，洞脇破顙而歿。吏民哀之，事聞。

優詔褒卹，僧親王軍方拔淄城。詳另卷七

月初二日，淄城奔出會匪餘黨千餘，由叢山入白蓮池，緣道民團斬其四五百餘者，降於國瑞。時國瑞軍聲赫煜，吳棠累疏揚之。國瑞欲自歸於王，戰狀輒先達淄營。王連章上其能。朝右重其勇略，有詔山徑險僻，黃國瑞分道進攻，宜持重審慎，不可貪功輕進。國瑞聞親王將移軍南來，全功計在指顧，日夕督軍轟擊，手刃弁勇百餘，卒不卽拔。王先遣侍衛託倫布騎兵二千馳至鄒，初五日王至，徑入白蓮池山中督攻，令參領倭什引礮隊曉夜轟之。侍郎宗室國瑞者，事王甚謹，王悅之。侍郎請統軍環山築壘，令托倫布軍富山，軍營紅山南。

營總常德軍守備桂錫楨軍營西南舒通額軍營西北
德楞額軍營東北王許之黃國瑞傾身事侍郎侍郎許
黃國瑞引軍進攻惟飭東軍孫家穀等毋進家穀自悼
前功詞色悻悻侍郎意有所屬家穀固強直不應侍郎
怒以他辭感王王亦怒劾家穀冒功咨新任巡撫閻敬
銘查參家穀罷其任飭隨營知縣王朝翼守兗州於是
諸軍由雲濛山緣嶺而上守匪潰大軍乘之匪向西北
山峪奪路奔僧營舒通額德楞額建鼇常德康侯錫楨
等分軍截擊禽匪首鳳岡捌守匪壞牆自投而下者甚
眾遂克小紅山敗匪南奔靈山分踞岡山八頂二十三

四等日轟斬累萬山谷爲赤繼鵬死亂軍中戮其屍弟
繼漢孫亭兒及匪首李化亭王存芳並鳳岡捌皆寸磔
教匪悉平仍檄舒通額托倫布引兵自嶧山至界河沿
山部索檄沂州宇文彬引兵團周巡轄境斬獲甚夥訊
釋難民數千歡聲四野親王以大捷聞黃國瑞功
最德楞額以次皆陞賞惟家穀無功且待罪僧親王奏
言教匪滋亂五年鄒滕曲泗費五縣逆產及逃亡戶口
荒田甚多與其招佃認墾不若以墾代賑招曹州府屬
被水窮黎撥田耕作免租二年以示體卹詔下敬
銘核議王留侍郎國瑞德楞額兩軍駐鄒鎮撫康侯率

勇五百駐鄆鉅令黃國瑞所部三千赴皖
總蘇克金恆齡舒通額步騎赴東昌勦降
檄恩錫與充沂道盧朝安道員張文林知
山平砦辦理善後焉

山東軍興紀略

卷二十之上

淄川土匪一

劉德培者淄川縣革生也。先於咸豐九年因鬧漕捕繫論遣。道亡。匿臨淄。李金鼇私團內。年餘潛歸。十一年夏。結臨淄博興土匪。傅日庠。劉化隴等。嘯聚鳳凰山。通濱鎮。青州。守潘駿文。益都。令洪調笙。率勇團討之。不二十日。禽斬化隴等。博興令周丕澧亦率勇擊斬日庠。及于萬盛等。詳另卷餘匪解散。德培再遁。匿同治元年春。知縣麟盛權縣事。時方勞師。鄒教專意院匪。詳另卷飭郡邑辦民團。德培乃假團脅眾。自爲團長。引坡地莊蒲人。芷司

寇平等爲腹心。度無可譎。眾以催賠。捻搶永和當貨爲詞。集窮民淄川城外。城內永慶與永和一商。遂責償永慶。麟盛斷償本十備三。德培語眾抽一成爲團費。眾莫敢忤。市兵弩徒黨漸眾。入城踞般陽書院。比戶勒捐。官不能詰。麟盛乞病候代。七月。巡撫譚廷襄檄新選令李鳳韶詣任。紳民吏胥多跳亡。鳳韶募民勇百餘。然土著多德培耳目。公私文移下縣。匪先發視。官廨動息輒知。德培外示恭順。鳳韶與城汛千總李鴻圖三至匪局。曉以利害。順逆責德培。引眾出城。輒唯唯。匪黨尙有晨出而夜入者。八月。匪殺人掠斂。諄亂日熾。廷襄檄濟南守

吳載勳赴淄察究。載勳不卽發。初，匪眾集青石關長莊，立偽團。太和莊舉人王敬鑄馳白博山縣彈治。德培銜之。閏八月，遣黨翟雷、蘇慶雲等陷太和，殺貢生陳知本父子。敬鑄跳免。載勳是月初七日次長山縣周村，博山令樊文達上言匪入境剽掠。廷襄由兗營遣遊擊馬秉阿將步騎四百赴之。調省標兵二百交載勳協勦。初八日，載勳次淄城外，令隨員棲霞令鄭景福、章邱縣丞李鈞、歷城舉人林元薌、長山監生吳承典入城。德培匍匐泣言不敢爲亂。景福爲開說利害，責令出城。良久而罷。載勳乃上言匪黨已眾，有益臨鄒長土匪武定鹽梟，未

便株守。擬回省稟白藩臬兩司辦理。留隨員在淄。以勸諭爲羈縻。博山令雖請兵勦辦。卑府則意在解散也。十一日馳回會城。廷襄令知縣蔣慶旒赴淄。察載勳文達所言何以互異。時文達率勇援太和。先令團總舉人翟春田扼西河莊口。十五日引軍逼之。甫及莊外豹崖。匪槍礮雨驟。斃馬夫陳升。不能進。回軍西河。匪四面環鈔。文達奮勇衝殺。圍將合。遂入莊拒守。十七日距莊三里。紅土山隱隱聞官軍礮聲。文達妮隊鳴角。大呼陷陣。匪披靡斬首餘。決圍出。亡勇數十。匪入踞之。自坡底西平西河諸村互三十里。徧張匪幟。勢大熾。載勳再赴淄行。

五日。壁周村。時匪建五色旂。紅旂益都人周萬慶。藍旂博山人翟雷。白旂直隸鹽山人孫姓。黃旂臨淄人崔功。修黑旂陳四。不知何縣人。德培自建龍鳳旂。率黨五百。援西河。鳳韶察附城明水民團拒匪可用。夜與鴻圖潛出勸其擊賊。德培閉關不納。責問出城云。何鳳韶佯怒。馳詣周村謁載勳。二十四日。五鼓。縋城入。廷襄遣遊擊謝炳將步騎千一百赴救西河。九日不達。再遣直隸州知州林士琦繼進。秉阿先頓兵博山。旋引軍赴周村。商載勳將所部改趨淄川東南路。再進攻西河。次日。匪焚博山附城民廬。文達登陴守禦。馳書載勳。秉阿赴援。而

載勲等揣匪專意博山於二十八夜勒兵至淄城下令周村團長張安瀾討城城匪闖門出騎兵驚而反走匪呼嘯逐之官軍多負傷退至柳桁廷襄責載勲先則逗留周村既不赴博援勦又不赴淄守城畏蕙貽誤至此淄事責成速辦不得以赴博會勦爲巧脫計時匪安巨礮博山城東山上五晝夜不絕聲二十九日謝炳引軍從西北神頭鎮來守備韓登泰麾軍逼隍下文達鼓而出圍遂解匪回西河官軍小有斬禽炳再引軍詣周村見載勲匪再至勢益狂文達度非以計卻之城不可保也夜出銳士五六十伏東山峪中鼓譟縱礮山谷震響

復乘炬百數十縛林端光焰煜雪城上舉燎應之匪疑
援兵爲伏以待引眾走分趣太和淄城終夜有聲廷襄
奏劾載勳鳳韶等

詔鳳韶鴻圖褫職逮問載勳奪

職留任乘阿摘頂九月朔文達訶匪驚亂東徙乘覺由
東山兩平郭大灣擣西河士氣甚銳匪出莊欲拒眾瓦
解追至新莊斂軍亡勇十八負傷七緣道殲匪三十有
奇禽四奪頭巾旂幟甚多拔難民二百七十餘越三日
進攻坡底殲匪數相等禽二獲槍械十餘匪死拒文達
分兵夾攻殲匪數如前禽匪目司冠平之父載蟻等十
三入莊焚匪巢次日移軍太和其地當要隘又礮石爲

圍匪恃險以拒文達奮擊之殲匪六七十禽蒲巴

卽蒲人

等二十八獲大礮二拾礮四旂械百數十匪潰奔拔難民千人以上毀太和石圍軍聲大振近時山東文武視師者袴衫麾蓋輿馬雍容呵殿城闔談兵紙上文達差能橫稍策馬時人多之德培大懼由淄潛出賄結蒙沂棍匪趨青州廷襄遣副將范正坦馬春嶠等將步騎千七百餘分道蒙蘭截擊文達獲匪諜王洪來等得德培密書言將引眾南竄期棍匪由松仙嶺北來時南路樓峪望見匪燎又麻莊等處有南來匪眾鄭士興徐大元等千餘詐稱赴淄官兵文達丙夜勒兵雞鳴馳赴其陣

衝突被傷退守八陡莊。青州守高鎮率委員趙會桓鄭啟勳廣東貢生區鳴珂等引勇三百由朱崖太和進緣道搜捕太和敗匪獲德培弟德沅竹林寺餘匪麇聚迎敵禽斬花旗匪魁焦宜彬偽軍師焦建同等十餘初八日行抵鎮后遇沂匪數千由臨朐之月莊三岔店五井迎撲啟勳陣歿鎮被圍石門山青州協領倭紳軍馳救匪解圍走另股棍匪潛由蒙沂東北趨青州初九日文達由福山峪追至池上莊匪百餘負嶠旅拒麾勇前擊斬二十餘得火器牲畜稱是餘匪入蒙沂蒙山時詔責廷襄速飭載勳復淄城盡殲醜類儻督責不嚴致

匪蔓延日廣。必治該撫貽誤地方之罪。廷襄知載勳秉
阿炳恇怯。無克賊方略。檄奏留辦防道員陳顯彝往督
勦。初十夜。炳率勇攻城而潰。時蒙沂援匪北入淄境。十
一日。林士琦引兵迎擊之。譚家莊匪二千餘噓而馳。官
兵戰慄。士琦振策引勇踰溝衝匪東陣。匪乍卻。另股由
嶺陰斜出。我軍壓而西。高唐營千總馬國富袒裊援槍
馳入匪隊。推墮騎賊。躍馬出。士琦奮噓乘之。匪始敗竄。
距城十八里盤龍山巒山。昇雲梯攻羅家莊。次日官軍
赴救。戰之前莊殪匪數十。奪雲梯九。顯彝偵援匪東奔。
責炳迎擊自効。炳兵次譚莊。匪至再潰。再詣周村。廷襄

劾炳奪職仍將所部而蘭山車輞寨幅匪糾眾援淄從

叢山入益都之後峪莊牛角村山口

詳幅匪卷中

知縣梅纘

高與滿營官兵分三路縱擊殲馬匪二步匪十餘匪從

山後夜遁滴水張莊兵勇追至黃馬莊匪入臨朐境臨

朐山徑叢雜村落多隱嵐谷間鄉團金鼓震天喊聲四

遠相續火光徹霄漢援匪疑駭南遁繞朐而東折入東

北由莒州迤南去正坦引兵要之匪方渡沂我軍突起

斬馬匪三步匪十餘溺者甚眾廷襄少之責正坦追賊

不力並都司姜順奏劾摘頂時德培僞稱督招討大元

帥其眾稱曰堂王黃衣黃冠僭號漢王楊訓僞軍師高

繼沉僞軍機大臣翟三僞太師翟大僞文部尙書高午
僞農部周繼闇僞憲部呼召僞武部楚匈僞比部僞祠
部不知名翟雷僞總元帥陳四僞五旂都統兼藍旂僞
大將軍姬奎紅旂孫廣黃旂沈四花旂武生王文芬白
旂均大將軍尙有僞目張清齊洪詔侯來燕等數十日
椎牛置酒鼓吹聞城外初官軍距城遠者且六七里兵
勇鞞履腰弓遨嚶鄉曲城匪四出焚剽牧馬民田顯彝
蒞軍始圍隍而壘由安莊夏莊進逼距城近者不踰百
武日引軍鼓譟擾之匪乘城困守又日夕昇攻具黜之
匪大縱火器軍輒引退弛則復前如是旬餘士琦請顯

彝怯敵。屢愠見奮爭。顯彝謂之曰。諸軍力求敷外奸。濟賊硝藥。彼孤城斗大。我多方以誤之。硝藥盡可待也。士琦不服。動相違。盤會臺司日以玩寇督促。匪又利啖馬謝營勇。鈞金。斟藥。禁遏不止。綠營弁兵自恃撫鎮標部。不能裁以重法。顯彝不得已。於二十二日。躬犯矢石。督兵攻之。雲梯衝。百道並進。匪死拒不懈。縋城伏羊馬牆排轟。兵勇負傷而退。顯彝因文達屢有斬獲。檄率民團留營協勦。先營明水。進小楊莊。十月。匪窺李鳳韶通官軍。伺察益密。逼受僞職。鳳韶怒詈之。匪出獄囚。鳳韶冠帶坐獄門。拒之。匪怒甚。截鳳韶髮辮。斷十指。剗體無

嶠一里溝營屈曲穿隧爲暗雷。度至城下止。再令守備李鵬霄進營二里溝以應春嶠。匪偵知謀他竄。重賞募爲先鋒者。援匪在城告奮。勇得五百人。冒死突出。先犯炳營。顯彝率千總蔣玉林馬連勝等擊之。匪死鬪。炳軍大卻里許。顯彝冒礮火督千總信長貴騎勇縱橫衝擊。炳軍始定。東城出賊環攻春嶠。顯彝揮軍復前。良久匪由東北門入。顯彝親薄隙下指麾。幾爲火器所傷。察知炳部東勝楚勇臨陣退縮。改爲安東營。罷炳而令登泰將匪知新易營官。二十二夜出北門襲之。登泰奮擊卻敵。五鼓出如前時。參將定順遊擊石占鼇與正坦順等。

方探踪逆擊援匪匪潛從萊蕪新泰境入蒙陰上陳家莊東嶺距淄百五十里城匪日晚出犯以待援顯彝令諸營環城繞擊使不得與外匪合再抽登泰步騎七百大全騎兵百二十六日馳赴西河頭扼之文達虞幅匪之犯博山也率勇赴松仙嶺逆之行近鐵山匪馬由夏莊山口沿淄河行烟焰菴空數十里不斷勢不敵退而城守援匪趨淄川城匪四出轉戰以入之顯彝為地雷至是十有八日納藥四千餘觔誠諸營騎甲以待令曰雷發城裂猱升而上退者斬寅刻雷發於牛馬牆之內距城尙失尺寸烟塵歟湧而城不崩揮軍赴濠城上礮

石猛密負傷甚多。青州佐領喜昌千總李鴻均中礮。始
斂軍。顯彝憤惋甚。知穿隧不如法。而煤工不能盡律以
軍法也。二十九日。再購死士入穿之。匪由東門出。獷騎
五六百混戰。前股趨孝婦河東南。聯車實土。遏下流水。
北趨城濠。溢灌地道。兩時久。深數尺矣。十一月。援匪續
至金鷄山。官軍逆戰。匪陽敗。委棄資裝。官軍追踰西峪。
伏匪大集環鈔。官軍退守太和。亡兵勇。失甲仗。無算。獲
匪諜翟清三王結。以等六。斬之。定順占鰲。遇援匪。卧虎
山。博山恒懼不成列。匿入林薄。匪由臨胸從容南去。順
占鰲摘頂。旋奪職。城匪自十一月下旬。迄十二月上旬。

屢出犯。顯彝晝夜督軍禦之。初一二等日。官軍殲匪二百餘。獲礮械數十。時廷旨責問益嚴。廷襄乃奏言。

陳顯彝原非東省官員。與臣素不相識。因其曉暢戎務。故奏留辦防務。旋令督軍攻淄川。該員督勦傷骸。裹創力戰。其毫無畏縮。信而有徵。淄事之壞。實已革知府吳載勳帶兵不敢進城。再誤已革遊擊謝炳帶隊不能馭眾。以上奏詞疏入。言者不已。顯彝雖感奮。顧軍寡不能合圍。城堅仰攻不易。文武部曲皆撫鎮所遣。崇庫略相埒。成敗之故。良有以也。復有援匪游弋臨胸。馬鞍山西河流分股。一由龍山峪趨淄。一屯西峪入益都之聊屋。另股

入臨朐黃草關來援。有分股由朐回奔益都境。孤軍內
外警備。危亦甚矣。其另股援匪在沂水之白塔蛋塢。折
由蒙陰汶上。入新泰城東河東軍寨。繞萊蕪青泥溝蓮
花山。再入臨朐之坡口莊。徑奔益之朱崖者。距坡口
八十里梅
纘高督勇迎擊。匪由人和溜奔東南。纘高復迎擊棍匪
之分竄滴水張莊者。敗之三角地唐莊。再擊之曹上嶺。
又入臨朐。知縣吳贊令外委劉占魁率勇迎擊之。遇馬
匪於花半嶺。占魁橫冲其陣。出匪不意。匪潰向沂水南
月莊絕塵而馳。餘詳
另卷

--	--	--	--	--	--	--	--	--	--

山東軍興紀略

卷二十之下

淄川土匪二

冬十一月既望夜半顯彝悼功之無成也曰吾身殉以報國躬率攜牌軍護煤工而前薄城下鑿西北垣納藥發之向曉成巨窟城上瓦石沸湯熬油俱下死者枕藉登墮哀號聲不忍聞匪復翻城搏戰更替戰之一日二夜人馬荼瘡死傷無算顯彝誓死當矢石而立諸軍呼聲加厲勢將洞登賊酋姬奎乘堞大嘩納款將士疲甚踣請顯彝斂軍乃罷匪脩守復拒十二月城匪大股出犯勇目喬冠軍力戰匪敗回冠軍援旂奪門欲入中

礮殞。匪再出。官軍奮擊。尤力。殲匪甚眾。器械山積。禽斬
盧得成等數十人。匪守益密。官軍不能逼。於是環城諸
營各建礮臺。晝夜轟之。城央煙燄。輒起輒落。有陷賊監
生孫樹棠。思自拔。林士琦偵知之。夜縋見顯彝。設以內
應。時日密號。設字見唐書樹棠母糾同志得七八十人。

事洩。德培盡殺之。死狀甚憐。姜順愧以力戰被劾。移營
薄南城。匪畏逼。日夜攻之。順血戰歿。顯彝引軍援之。大
戰而勝。匪奔回城。巢偵知。匪目翟雷狡悍。爲德培所倚。
用反間。爲諭降覆書射入。德培疑雷圖己。殺之。時顯彝
步騎千一百。營夏莊。城西秉阿騎兵三百餘。營新莊。城西

登泰騎兵六百餘營黃店舖城青州滿營營總倭紳步

軍五百營二里溝城正北大全騎兵三百營趙莊城東北春

嶠正榜鵬霄步軍六百營小莊城北半里正坦步騎千營

東關市隘距城數十武惟西南正南無兵圍不能合日久不

下廷襄迭奉廷旨切責又檄署濟東泰武臨道吳

台朗赴淄督戰於是先後赴淄辦賊者六輩月八日北

門出匪犯滿州軍士琦令把總張希堯騎兵擊卻之官

營日逼城下自初四日始匪致死撲正坦營槍礮底烈

緣牆不輟官軍刀矛如蝟應手倒者濠幾滿斬衣紅匪

目十數晝夜更番出擾官軍守禦不懈初九日自南而

山東通志卷之二十一 淄川土 經北草堂編撰

山東通志卷二十一 匪二
東布隊五六里分股塞河壩引水再灌地雷喊聲噲噲
撲營愈猛秉阿玉林大全信長貴等分曹迎擊顯彝督
軍由西鈔之鏖戰三時久殺傷相當始敗有土人畢瀾
遠者先於十一年鬧漕圍城殺縣役袁思茂官莫敢究
其事洎官軍圍淄死家控訴瀾遠乃在鄉勸捐助餉謬
爲獻策破賊以自文是月顯彝發鄉團穿蚰蜒濠瀾遠
所管鳳雲團不至日趨城下與匪共語人言籍籍因誅
斬之廷襄猶駐兗州而在處叛匪教匪捻匪縱橫馳騁
自陳無方遏制淄川屢報殺賊亦不能克 廷旨益
嚴會登州鎮總兵曾逢年奉調至兗因奏令赴淄督戰

於是先後辦賊者七輩。城匪閉壁不出。二十日，顯彛挑疲兵由東徂西，亂行以誘之。匪果由南門出，三四百馳來。官軍廻環夾擊，禽匪目姬墜等十二，斬衣紅匪三。同時東門出二百餘，擊傷百餘，而卻官軍陣亡五，傷二十餘。二年正月，官軍進營城西。匪啟南門出，圍官軍兩路分戰。方鏖，匪復出數百助戰。官軍奮哮動地，火器環擊。短兵接，一以當百。匪大潰，競與尸奔。盡死伏溝之匪無算。追抵城南濠，毀其本柵。匪致死回拒，且戰且行。入城者什傷八九。初六日，壘成，顯彛再穿地雷。已踰月，度抵城下。初九日，發之。西南陬墳起，輒落者再。內牆半陷。官

軍蟻附登。負重傷者數百。垂克而退。城匪自正月二十一日始。輒夜出。二十五日。困鬪不退。佐領喜昌橫擊之。被傷。諸軍殊死戰。殲匪五六十。越日再戰。再勝。匪負傷奔回。會土人在京侍郎畢道遠。一再奏劾顯彝。廷襄懼。罷之。檄赴東昌辦降眾。詳另卷以淄事責逢年。台朗二月。逢年督軍攻城東南。殲匪目一。夥匪二十餘。禽匪劉化。塘孫玉葳等。台朗攻東北。火其附城鹿角柵草。圍攔木。火箭射城內。烟燄甚烈。守死如故。台朗又令曹正榜馬。福得鍾光香勇營先後穿地道。均無成。偵報轟斃匪中五旂總目陳道冬而已。時從賊叛勇周萬慶。幅匪夏仲。

仁。鹽梟沈四周等三股合之德培死黨精銳不足六百。餘二三千皆脇從。自正月上旬。迄二月十八日。無日不戰。所傷亦多。廷襄再檄前雲南提督傅振邦赴淄督戰。振邦昌邑人。上歲奏令幫辦軍務。稱病未起。至是赴淄。於是視師者先後八輩。三月。捻匪李成餘黨會匪張守義等引眾援淄。詳另卷廷襄商之副都統德楞額。飭都司楊通廉守備郭大勝。由青石關赴博山南路。關擊羣匪。由甯泰入萊蕪。十三日。知縣文恩鑒率團擊之王家莊。迤西斬馬匪三百。匪數十禽。二匪由苗山走青石關。文達縱礮轟回。又爲恩鑒繞前截擊。斃匪益夥。匪繞奔常。

莊紅山口十四日竄石馬莊文達再擊之竄天土崖分
 股一入益都之朱崖一由張莊黃崖趨淄川淄川正坦
 軍設伏龍口山邀擊匪折而北正坦調高唐官兵填紮
 原營匪偵外援至官兵抽動乘夜突圍高唐營委棄鎧
 仗不戰走逢年引軍援之始定乃移營城北匪復出入
 無禁長山鄒平章邱青州均被焚剽初雷鳳鳴與宋景
 詩等叛亂東昌侍郎勝保降其眾令隨軍征陝回上年
 冬景詩等率黨潰歸大吏慮再亂設事慰安之令景詩
 引隊赴直隸詳降眾卷鳳鳴馬步降眾千五百令占鰲將之
 赴淄時親王軍由皖回東聞淄軍失利由濟甯甯陽進

淄營城西北張家坡潛師擊援匪之在紅山者追奔三十餘里斬千三百餘餘匪二千負創入淄城四月僧王度匪將竄舊濠淺狹飭知縣張錫綸發民夫布軍護而穿之錫綸到官纔數日寓城北趙瓦莊整飭團練三日集丁夫萬人濠成深廣丈有八尺賊始不再出錫綸功多王再令錫綸別築崇臺城西北類瞰城中緼巨礮重五千觔者置臺上日夕轟擊匪大懼謀竄益急初九日新任巡撫閻敬銘抵省視事而初七日教匪入新泰十一日幅匪犯鄒曲降眾竄陽穀聊城十三日逼東阿均

另軍書旁午部署而行至則營賈村檄候補知府曹丙

輝李宗岱前青州守王繼庭通判陳兆慶知州楊濟江西知縣馬映奎知縣丁彥臣陳用賓鄭紀略張彭年陳昆蘭龔寶琛管晏縣丞陳文顯黃咸寶戴杰朱瀚庫大使陳家駿州同范重等赴營時奉 詔曰苗沛霖當

髮捻交乘之際乘機勾結蒙城新撫捻股密招李成敗黨又有串通李 以正陽懷遠易五河縣之說大有併吞長淮之意僧格林沁督軍圍攻淄匪諭令酌量進止據奏已遣施紹恆帶勇赴皖然非該大臣親督大軍斷不足制其死命著僧格林沁卽由淄南征閻敬銘昨奏由阜城前進不日到營著速往督勦俾僧格林沁及

早南征。五月十一雨夜。西門出匪千餘。火柵填濠。奪雷鳳鳴營。鳳鳴棄營走。匪入踞之。振邦引步騎馳救。侍衛托倫布夜戰良久。匪始敗退。奪回其營。僧王斬鳳鳴以徇。越日五鼓。南門出匪五六百。官軍接戰。方酣。馬匪二百餘。撒動奔東南。托倫布追至沂水釣魚臺。匪縱四散。緣道民團截殺百餘。餘匪奔曲泗去。時丁寶楨授山東按察司。由湖南募勇來東。詔曰。前因唐訓方奏皖省軍情緊急。令丁寶楨軍抵豫時。由汝潁徑趨皖北。本日丁寶楨奏已抵許州。則所帶之勇。連日將入山東境。卽當察度緩急。相機進剿。毋庸再行折回。寶楨軍是月

十三日抵濟甯敬銘檄令赴淄助勦敬銘到淄旬日奏言東省兵勇驕縱不諳紀律僧格林沁與臣力求整頓將尤不得力刻難姑容之勇隊先行遣撤疏入 上

聽之於是勒鳳鳴所部汰三百有奇釋兵繳馬飭臺司

核給從征口分曰此輩以軀命易芟芟勿以臺司空匱

欠發傷戰士心獨不思臺司所以空匱者吾儕自媿理

財無術耳兵勇聞已屢服又額外給程糧錢見唐書卽今路費也

派降目都司謝來鳳守備周登山分起引赴東昌回籍

宋景春張躋堂馬勇汰百五十有奇降眾董道平馬勇

汰二百二十有奇諭之曰令出惟行違者斬眾懾服莫

敢動。此外遣撤勇隊及綠營不下數千。無一人譁者。蓋敬銘久官楚北。廉明剛果。聞天下。又新到官。舉措一二事。公信而有威。惠所謂舉中於理。強梁禡氣矣。比年山東將懦。寇驕。軍氣爲之一振。僧王方籌攻具。一夕傳錫綸諭之曰。三日內攻城。需雲梯百數。如誤。干軍法。錫綸應曰。諾。時附郭數十里。薪木供爨。枿葉都盡。赴旁縣購運。亦非三日可致。人爲錫綸危。錫綸曰。已受命矣。王威莫敢撓也。從容飲啖畢。策馬馳羅家莊。款當商丁晉祺門曰。爾停業未久。度架應存。丁方遲回。錫綸排扉入。度木具在。得尋丈杉木三百餘。漏夜造攻具。呈王。王霽顏。

稱賞不置。其臨事多智如此。卒以雲梯克城。錫綸功也。有安邱人李■者。自陳練勇千人。願隨王剿賊。王令攻城。甫薄濠。城匪槍礮及之。委棄雲梯火器。潰皆鄉農。初未訓練也。王盛怒。斬數十人。全隊遣散之。六月。理餉委員張紹陵。檢舉千總李清順。蒙領餉銀八百兩。敬銘訊之。具服不解。鞞衫斬之。政刑大肅。一挽數十年上姑息。下苟偷之習。二十夜。匪傾巢撲濠。官軍按沃守禦。轟擊無間。大股不能度濠。惟赴援入城之捻幅。致死衝突。由東南河頭奪出千餘。振邦色爾固善等馳援不及。匪奔東南山峪。托倫布春壽等騎兵追至東南五十里田。

莊匪回鬪輒敗。斬四百餘級。禽百餘。民團截殺又二百。許尙四百餘人。荒山四散而走。二十一日。城匪日夕七八出。皆爲槍礮卻回。僧王度匪必竄。派翼長全順詣前敵督率守擊。是夜二鼓。巡撫幕僚管晏方治軍書。歛起告曹丙輝曰。賊將遁矣。丙輝曰。何以知之。晏曰。今夕巡邏槍礮聲加密。是氣餒而僞備也。丙輝聽之。相與趨敬銘帳言之。敬銘曰。王當有備。吾不欲爭功也。晏曰。雖然。盍密飭東軍諸營。集營哨官坐騎。當可得三百騎。伺賊出追之。敬銘首肯。丙輝晏爲傳牌。誠諸營騎甲以待。四鼓。匪果潛啟東門出。全順分督諸營。憑濠禦之。一面選

軍鋒及投誠勇丁倚梯城西南層累而上把總郭靖先登都司周隆廷亦由西北攻入城匪全隊東出波倫四起縱火而行先出者奔東北犯青州營防段回望城央燭炮四合知無歸路合隊犯東北濠良久死傷委積濠幾平官軍負傷稍卻匪馬步二千餘馳驟東奔東軍三百餘騎先及之傷匪以千計色爾固善引騎軍振邦引步軍大至追之三十餘里殲匪四五百德培率死黨三百餘奔太白山嶺振邦等步騎圍之火器仰擊應聲僵踣猶投石旅拒振邦等麾軍直前德培手長劍亂斫軍士皆忿攢矛刺之傳令生禽皆搏以手德培引劍自刎

不殊。遂就縛。並獲其子申兒。僞大將軍紀魁。僞軍師楊訓。王在潮。蘇宏圖。馮中慶等。分別殲。斬火器營營總倭和入城搜餘匪。王令無留遺孽。遂屠之。噫。過矣。前敗匪四百餘之竄入荒山也。復合隊狂馳。圖趨白蓮池。合教匪二十四日。至蒙陰盤車溝。知縣劉守會率團逆擊之。汝南費令王成謙方軍寶泉崗勦教匪。詳鄒縣教匪卷令守備任全吉。千總李炳武。步騎六百。逆擊之。九女白馬關。是日蒙陰武臺團戰匪。斬四十餘。獲馬十五。傷亡團民于方太等五。匪奔水溝。又爲民團張雲錦等斬級十餘。次日向仲村奪路去。民團管士道等設伏要隘。斬七十餘。

禽四得旂幟刀械稱是匪百餘南奔全吉炳武及平邑集巡檢黃嵩年等引勇追之三十里至泗境杏山殲匪五六十禽者甚多餘匪釋兵翻越山谷日暮軍斂次晨已不可踪跡墮崖顛谷者無算沂州守文彬蘭山令長賡亦率勇入蒙陰山中部索零匪百餘旋進費境七月初四日軍抵明光寺東峪復與成謙軍陸擊竄匪匪不得南夜奔龜蒙絕頂文彬等令投誠幅匪程四虎引眾二百登山誂之初六日五鼓匪潛隊下合四虎文彬等分伏峪中奮起來擊斬五十餘級禽李壽奎于中隴等七十餘竄匪略盡於是錫綸先後率民團周錫齡等禽

餘匪劉興仁等十五。李德廉等禽王當春等五。禽匪姪
劉椿稔。匪黨門來宜等。鄉民格殺者不在此數。錫綸訊
釋脇從者。全活亦多。寬猛相濟。有能稱。僧親王移軍東
昌。敬銘留春。嶠勇五百鎮淄川。

山東軍興紀略

卷二十一

黃崖教匪

張積中字石琴江南儀徵人也世揚州右族兄積功咸豐三年知臨清州合門死粵匪之難積中以子紹陵字道生者爲之嗣命名繼述張道陵識者固已鄙之矣初積中年少時頗讀書屢試不售當道光間揚州風物繁盛賈貿帶粥有術者周星垣號太谷能鍊氣辟穀明於陰陽奇竇之數賈字見淮南子符圖罡呪役鬼隱形又教人取精元牝容成秘戲敖游士商大夫間多心樂而口諱之積中師事久頗得其術太谷門徒寔盛兩江總督百齡

上真聖具錄卷之二十一
惡而收之斃於獄其教寢衰積中太谷高弟神其師謂
濁俗相黷求仙故自觸法網實則兵解不死惟堅持願
力可以證道有現身住世不廢飲食男女與天同壽之
樂積中寢饋參同契道藏大全仙靈寶錄雲霄指掌諸
書益修師術風角古候暘雨頗驗惑者寢眾雖居城市
罕與人通慕者踵門伏地斂顙流血積中堅拒之謂無
善根非造福濟世不可先令放生施食作諸善事而陰
訶其隙謂某事惜力某事恡財不足證道爲太谷所棄
其人大懼求錄臨請益誠堅執不許恐其人果去陰令
徒黨恫嚇慙息之僞輦金累千列庭中謂無道根卻不

納復盛妝女奴珠貝錦繡如天人入室膜拜引出之謂
塵障未除不能證道反令市丐檻縷穢惡婦人與之美
食一室跌坐或引虬髯僮父鍵戶促鄰俾崇信者勿有
所疑於是一時高門甲族男女師事積中錯處房闈不
復引嫌矣道光季年淮南鹺務變法天下奇詭之士均
集邗溝如陽湖周韜甫長洲馬遠林武進關恭季之屬
韜甫辯口如懸河公卿屣履到門積中慮爲所毀與游
客錢東平楊蕉隱吳雪江等懷謁相結納焉韜甫恭季
詆訶積中旁門外道積中不爭發篋陳論孟大學衍義
近思錄諸書與徒誦習講貫以媚韜甫韜甫賢而游揚

之積中乃取參同契附入聖賢緒論以文其術咸豐六年江表大亂積中徙家北行會中表吳某某官山東因依卜築博山縣既而僑居肥城縣西北六十里黃崖山山麓有莊曰南黃崖中黃崖迤北里許北黃崖界長清山形三面環拱南北峰對峙中廣百畝積中謂北方當亂此可避兵築室山上東省南迤揜寇屢警避地者稍稍就之益以其術教人吳某方宰歷城爲署巡撫清盛所昵驟躋首府吹枯噓生咳唾可怖而推崇積中不容口於是官僚緣某師事積中寔多同治元二年揜寇深入東疆積中壘石爲兩砦自築大砦山巔引河水環山

麓市弓弩甲仗設武備房兵火適不及汲引來歸者數十百家積中謂從學者深戒恡財戀色資裝妻妾毋許顧問積中以神自畜不輕覲人其自遠初來者舍之文學房令高弟吳某趙偉堂劉耀東等轉相授受授讀所刊指南箴五日一聽講鄉農不能誦習任其去留從教者袒右臂比屋毋許相過朝晡饗饋豐腆知賓執禮恭甚而終日語默以二女甥素馨蓉裳爲高足女弟子專屋列居進謁者泥首九拜如見積中女高座不答雖吳某等莫敢抗禮素馨本太谷孫婦早寡蓉裳適吳姓均依積中居事秘不具述積中爲祭祀堂以禮神歲有常

期恆以深夜參拜升降禮節繁縟素馨容裳盛裝挾劍而侍旃檀燎燭熏赫霄漢數十里外望其光鄉愚輒稱張聖人夜祭顧非其徒不能入窺也黃崖地固荒僻近且成市置田築室棟宇鱗次積中資計日溫自肥城之孝里鋪濟南會城內外東阿之滑口利津之鐵門關海豐之埕子口安邱濰縣諸處皆列市肆取名泰運通泰來泰祥泰亨千里間指麾使令奉若神明遠近稱張七先生而不名如吳某耀東數十輩并不舉其姓相語以七先生而已四年九月濰縣民王小花者治裝盡室徙黃崖知縣靳昱怪之掩捕小花上言臺司窮究其事巡

撫閭敬銘委員孫禧與肥城令鄧馨詣黃崖見積中鬚
眉翬翬言論娓娓比戶耕讀相安稟覆臺司事遂寢泊
五年九月益都令何毓福訶縣民冀宗華等糾眾謀亂
以告青州守閻廷佩相與率役掩獲宗華及冀兆棟詆
言同黨有翼雄及臨朐人郭似園濰縣人劉顯庚劉洪
鼇陳壽山同師黃崖張琪師命集人馬期九十月間舉
事顯庚洪鼇雄聞捕亡匿毓福索城內藏兵仗處得刀
矛數事及四言逆示臨朐令何維莖方謁府馳回掩捕
似園洪鼇等槍傷兵役奮格纒之及劉玉洪鼇子曾四野
鬼劉沛霖王捷三陳午侯倫等詆言同宗華復有同黨

劉名教闕益成劉元泰李希剛馬相喜江沅謝傳賢徐成倫劉國榮冀華安劉五王佩阮等均結盟師張琪期十月十九日陷濟南再陷青州令似圖洪鰲集眾至期趨省維莖復掩獲益成相喜江元國榮廷佩督知縣魏正藻鞠之皆實報聞布政使丁寶楨檄巡捕官唐文箴單騎詣長清與知縣陳恩壽入黃崖諭積中入省自白念其老且世大家無意殺之也二十夜文箴等入山吳某方治裝將發文箴等以見積中告某言七先生游五峰未回俄一人急遽入持細字書授吳某某變色促文箴行文箴等上馬絕塵而馳尾追者殺廉從黃紳鄧

蔡甫入砦。聞礮聲。馳回。而馬豎被殺。時敬銘駐軍東平。得報疑之。其子紹陵固山東待次之知縣也。馳檄諭以益都臨胸所稟情詞。責令隨藩司員奔赴肥。奉父出山。自白。並言事關叛逆。不能中止。平民犯法。尙須詳審。研訊斷無據。一面之詞。卽爲定讞。不問有無。汙枉卽行。加兵之理。不厭反復。詳示。以免誤于輕發。儻受匪欺。弄拒寨不出。大軍一至。不難入山。毀砦覆巢之下。豈有完卵。該員亦將無以自明。時紹陵先期乞假赴揚州。實已入砦矣。繕諭屬吳某付之。復出示十數通。張砦門內外。二十六日。山巔矗紅旂一。砦牆徧立尖旂。砦前純黑。砦後

黃崖設匪

純紅緣道運薪糧煤燭入山相屬夜有數百人焚掠長清之下巴貴德馬家山黃花園辛莊肥城之石岡東張莊奪鄉民羸馬又武定鹽臬載兵仗自大清河泛舟熾孝里鋪入山四垂聞礮聲黃崖南北中三砦居人均徙山巔砦隘安巨礮敬銘慮各縣上言過當檄道員潘駿文詣黃崖先駐孝里鋪再飭吳某招積中再而三不出越四日寶楨輕騎詣長清令吳某與知縣林溥入山諭積中至則不得入逆跡大著駿文移駐平陰報聞於是敬銘率參將姚紹修兩營爲前軍遊擊王正起四營次之知府王成謙八營又次之副將王心安三營爲繼駿

文率千總王萃騎兵勘入山路徑十月朔諸軍布自水裏鋪常家莊虎林坡張家莊翟家莊小紫石山傅家莊滿井峪段家店五眼井兀子山尹家莊王家莊西南繞北出正南環山進逼步騎萬二千餘騎兵擊匪水裏鋪獲勝紹修軍乘勝入山有卡一匪隊守之轟擊兩時久不得入紹修縱巨礮摧之殲匪十餘陣斬匪目劉耀東正起由東山僥道銜尾進焚其隘卡柵獲火器軍械旂幟號衣諸軍皆登山奪隘斷汲道再飭吳某作書招之越五日吳某先遣之韓姓回出積中復函詞意狂諄其函云來函責我不肯出山辯白甚合我心但近日苦衷有急欲爲吾弟告者兄平日淡於榮利肆志讀書以

世亂未平隱居求志無如輶光未久而處士虛聲動人
 聞聽相從執贄者不絕於門其間雖多善良亦有悍鷲
 兄既未能慎之於始遂欲以德化之使胥歸於正此兄
 實有交不擇人之過也然來東十載何敢一事妄為乃
 去歲以濰縣之王小花橫加牽累今年之冀宗華妄被
 誣攀然此事之來若椒園伯平以一面相告兄必挺身
 投案絕無留難乃兩君萃以兵來幸適出遊未遭毒手
 不然已陷於縲縲久矣伯平雨亭復寅夜進兵示人莫
 測以致莊眾格鬪傷損弁兵兄自知大禍臨門一身不
 免亟欲束身司敗不望雪我沉寃奈及門桀驁之士遂
 邀不逞之徒劫我至盟苟全性命兄禁之不得逆之不
 能數日以來躑躅山隅悶損無似及大兵臨境兄欲出
 而剖白無如伊等洵洵不肯束手待斃禍已至此無可
 言說本欲引劍自決無如及門在外者甚多聞子寃死
 定不甘心一旦逞彼兇頑則各處生靈俱遭塗炭兄亟
 思乘機解散但人數眾多虎豹豺狼之性者不少須寬
 我日期請暫將大兵撤出山外俾得反覆陳詞婉言解
 散若一面進攻一面招納則上憲不能示人以信因獸
 猶鬪兄又何辭能勸諭諸自此五日無一人出山椒園
 同人耶特約略陳其大概

號伯平陳恩壽號
雨亭唐文箴號

敬銘再示招撫砦內居民自行投首

概不加誅張琪始則閉匿不出繼則入圩自守並出山
焚掠抗拒官兵罪無可逭能縛獻張琪者破格給賞張
琪孤身老諄豈能禁遏眾人全在爾等無爲所惑大兵
已集勒限兩日各自謀生卽張琪自行投首亦曲施法
外之仁傳入砦內汔無一人出者砦牆火器與官軍互
及營勇時有被傷忿恚已甚敬銘慮玉石俱焚令諸軍
暫毋進攻是日紹陵出謁敬銘予限次日造送官僚居
民名冊再令吳某爲書許以不死令諸營將校路挑一
隊赴砦前建尋丈白旗朱書脅從罔治投降免死熏夕

積中又書覆吳某言人心洶洶不能舉步須從緩造冊而民間傳述匪計緩兵已遣謀密召武定鹽臬河西捻匪待外援出竄時捻氛犯曹南詳另卷各州縣並銘鼎軍來書獲捻謀亦言渡河赴救黃崖敬銘撫膺而歎傳令進攻申誠毋妄殺於是成謙軍由西山上正起軍由東山上鉤梯攬脾俱進若匪死拒槍石交下傷弁勇數十血雨流注呼聲撼山成謙軍連縱開花礮牆崩斃匪甚眾若中熇婉四合紹修軍由若西攀牆上參將曹正榜鑿懸崖爲隧而入匪猶死守正起軍稍怯手及三四人奮勇由若東鑿牆而登匪磚甌都盡槍礮不絕聲于總

萬年清張福興負傷頂踵浴血致死猱升牆匪徒手推墮十餘正起軍已入紹修正榜西路亦進匪不支持械巷鬪心安等諸軍合擊之斬悍匪七八百級奪路奔出者爲扼隘軍參將宋延德都司李元遊擊郭大勝所斬少得脫者殲千七百餘墮崖顛谷無算流血成川積中紹陵戚屬男女均焚誅合若死鬪無一生降寄居官僚及弟子等男女二百餘有一室爲灰燼者其堅頑如此存婦女幼穉四百餘婦有形色灑然笑語如平常者獲弟子韓美堂等數輩皆願從師死訊無他詞吁可異已烈焰中收得黃色帷幕違禁物及鉛塊硝磺出積中首

於灰燼梟之。奏聞奉旨嘉獎。陞賞有差。敬銘入山履勘。檄州縣查封逆產。州縣先後上言。均於大兵未發之先。九月二十六日。同時扃遁。千里相應。如是之速。敬銘奏略言。張積中素乏才名。祇以僞托詩書。高談性命。乃至縉紳爲之延譽。愚氓受其欺蒙。其家本無厚資。來東不過十載。遂能跨郡連鄉。徧列市肆。挾術誑騙。爲收集亡命之資。從其教者。傾產蕩家。挾資往赴入山依處。不下百數十家。生爲傾資。死爲盡命。實未解所操何術。所習何教。而能惑人如是之深。據武定府知府張鼎輔訪聞入山匪類。多有巨猾。如文生張洸漢。張鈴閣。尤爲

著名鹽梟之首。捕久未獲者。入山非止一年。此次聞亦
殲斃。又查得逆書一冊。悖謬乖妄。離奇怪誕。近則眾口
傳說。妖術邪法。不一而足。事無確據。弗再查究。獨怪其
悖謬如此。而臣從前再四訪問。率稱爲讀書之士。良善
之人。臣自慙聾聵。實亦人心風俗之大可憂也。逆信逆
書。送軍機處查驗。於是督諸軍回東平。防河寶楨駐黃
崖。辦善後。毀其砦屋。令登州守豫山。及陳恩壽資遣難
民。任勞任怨。全活甚眾。至今頌聲不衰。

山東軍興紀略

卷二十二之上

團匪一

有子曰其爲人也孝弟而好犯上者鮮矣不好犯上而好作亂者未之有也旨哉斯言一若逆知百世之下必有如今日團練之舉而先發其覆也間嘗綜覽始末慨古人良法美意教民守望相助今乃爲賊民之舉非惟父兄之教不先子弟之率不謹抑亦在上者馭之無其術而導之乖其本與不然何流弊若斯之甚也初咸豐三年正月粵賊由廣西犯湖南沿江數省皆震北方恐動詔令武英殿刊發嘉慶間臣工築堡禦賊疏堅

壁清野議。下封疆大吏通行照辦。疏略云。爲今之計。莫若勸民脩築土堡。或十餘村聯爲一堡。或數十村聯爲一堡。賊近則更番守禦。賊遠則出入耕作。各保身家。自必奮勇。堡派文武幹員二三人。紳耆數人。董率之。賊至之處。溝壘森嚴。難以衝突。人民不致逼虜。糧畜不爲劫奪。加以勁兵雲集。殺一賊。少一賊。滅一股。少一股。如近日紳士梁友穀等。築堡團練。賊不能犯。卽其明驗。此原任大學士德楞泰之言也。議略云。爲今之計。責成地方官。巡行鄉邑。曉諭居民。團練丁壯。建立堡砦。併小村入大村。移平處就險處。賊未至力農貿易。各安其生。賊將

至閉柵登陴。相與爲守。得精兵二三千。不必與賊爭鋒。但令尾追前截。攻若則救。退竄則追。無所得食。不過旬餘。非潰卽死。此不戰而屈人策之上者也。若奉行不善。則官吏之過。當易其人。不當廢此法。此知府龔景瀚之言也。嗟乎。今昔豈易民而治哉。何流弊若斯之甚也。是年二月。山東巡撫李德遵。朝命檄通省舉行團練。堅壁清野。有。詔令在籍前漕運總督李湘棻。前臺

灣鎮總兵呂恆安。前湖南巡撫馮德馨。禮部郎中丁守存。待衛田在田等。督辦民團。旋。命在籍禮科給事中毛鴻賓。與前南河江運同知彭以竺。山西孟縣知縣

李鴻疇分路督辦。當是時，北方未被兵革，官不知軍旅，擊刺之事，民不知烽火流亡之慘。中朝官上疏陳團練之法，聯莊之制，以山東爲畿南屏蔽，尤懇懇致意焉。疏累上，天子督促舉辦益嚴。德奏言：「辦理團練，各省情形不同，因地制宜，方不至閭閻驚擾。」山東十府二州，惟充沂曹界連江豫，地當孔道，最爲赤鬃。武定登萊青四府，歷久安謐，未便概令出丁團練。不惟廢時失業，且慮騷動不安。臣愚以爲聯莊與團練，當分別辦理。武定等府，則團而不練，僅令聯絡聲勢。充沂等府，則聯莊之外，責令練習技勇。第充沂多有著名兇悍莠民，若辦

聯莊良民不與之相聯。則身無所歸。迫而爲賊。又以召募此輩。作爲義勇。爲宜疏入。稱 旨。惟 諭召募

恐滋流弊。嗣德再奏言。專責守土之官。恐不免假手胥吏。且地方官不能門到戶說。必在籍紳士爲之董率。官民方無隔閡。因舉在籍汶上之前閩浙總督劉韻珂。聊城之前江蘇巡撫傅繩勛。廣東糧道朱崇慶。濟甯之前工部侍郎車克慎。安邱之前河南藩司王簡。前福建興泉永道劉耀春。平原之甘肅平慶涇道張璈。鄒縣之吏部郎中董作模。八人分辦民團。此外舉貢生監。或數十人分辦。或數十人。不勝指數。德復令滕令黃良楷。蘭山

令張應翔曹令姚景崇各分充沂曹一府爲總辦之員與紳民講解條教周巡衝要使皆通曉責充沂道厲恩官候補道員劉慶凱董其事而閭閻富恡出財貧慮失業從者頗鮮紳士之奉旨辦團者勢不能中止中

朝官又續奏令民間莊製信礮銅鈺並仿明臣戚繼光立牌狼筈之制以備衝擊及責成莊長團長教練等語詔錄原疏下巡撫體量照辦督促益急御史奎斌奏言辦理團練原以保衛身家第恐無業之徒事平難以散遣又私藏軍器本爲例禁現在辦團自不能不令儲備應令編號稽查嚴事卽應收繳亦詔責巡撫

先事豫籌而寇氛日惡團練已迫不待時毛鴻賓奏言
臣欽奉 恩命暫回本籍辦理團練伏查團練卽古

寓兵於農之意而事之難行一由於風氣之不齊一由
於人心之不固承平日久民不知兵無事恬嬉自安有
事倉皇失措又省會五方雜處休戚不相關人心浮動
多方勸導猶相率而畏疑若少徇從更譁然而興謗臣
等惟有身任勞怨先定章程次申文約親歷各鄉訪求
公正曉事之士民舉爲團長教以聯莊互援之法轉相
勸導築堡浚濠先於城市關廂分設八局教民技藝給
以口食擇其壯健者另爲一團以備調遣俾人知守望

之誼不以團練爲苦。查省會境地內分八約，外分七十
一里，領街巷二百三十九，村莊八百零三，屯莊十四。南
郊多山，城西四十里，大清河爲西來門戶，河東爲長清
境。臣先與代理知縣王元善、聯中店鋪五十四村爲一
團，以壯遠勢。回省復與濟南府知府陳寬、聯省東龍山
鎮百十二村爲一團，又與歷城縣知縣張積功、赴段店
聯三十六村爲一團，此外數十村，或百餘村爲一團，統
計六百餘村莊，周三百餘里，皆係扼要之區，其餘偏僻
之處，亦一律舉辦。仰賴朝廷威德，眾志成城，卽前此
曹縣虛報粵賊渡黃，臣等冒雨馳抵古城中店鋪，各團

集者萬餘敵愾同仇忠勇奮發各團長勸導有方擬懇

天恩准下署巡撫崇恩查明量與奏獎謹會同

臣彭以竺李鴻疇奏聞疏入報可於是紳士之賢

者引眾賢以相輔助不賢者引眾不賢爲爪牙地方官
之賢者輕財勞力日與紳民講求而切究之殆不數觀
其不賢者深居簡出若無所事事一以委之紳民紳民
樂其易與也捐貲教練詰姦捕盜致之於官曰撻之官
則撻之曰殺之官則殺之四野翕然頌一方之團練以
成始也刑罰殺戮出之紳民之口而北方未甚亂公道
未盡泯撻也殺也初無過舉也或有傲岸之吏則曰爾

紳也民也我雖吏也官也惡乎令我動相違齟至於齟
 齟紳民之賢者則曰苟非大無道當為國家存政體
 尊官以尊朝廷也亦不數數覲其不賢者日伺官之釁
 以要挾之其弊也紳與官心相角又有貪墨之吏夙無
 惠民之政亦無辦團禦賊之心睽瞍而詭密日與不賢
 之紳民促鄰耳語按籍以稽部民之肥瘠曰某也應納
 團費若干某也應納練費若干不納則縲綬從事矣納
 民陽請緩其獄出則曰官怒矣倍蓰而罰爾入則曰某
 也非甚富願有私於君而不著名於籍官樂其便也於
 是紳民得十之八九官得十之二三假團以濟其欲始

暱而隙末者比比焉。紳民之賢者避其事，彼不賢者昏夜於官，所其弊也。官與紳利相市，而官卒爲紳所賣，或有仁弱之吏，煦煦子子，優柔而寡斷，紳民方奔走阡陌，暴露風雨，捕逐姦宄，而致之官，官則鞠之不能盡其辭，獄成不忍置之法，朝需而夕遲之，紳民賢不賢皆惡之矣。始也紳言之，大吏而官懼，繼也達之中朝而臺諫執奏焉，大吏不敢抗矣，是非不復論矣，而官益懼其弊也。官與紳勢相角，而官恆負於，是悉聽紳民所爲，雖曰賢者多，不賢者少，其不賢之紳藉以漁利婪賄，武斷鄉閭，無論已甚，而細民里長，武生文童，職監以及吏胥鉗徒。

下賤自躋於紳。挾眾以號令一邑。肆其貪暴。而生殺由之。官與紳皆無如之。何會外寇猝來。其團僅而不散。寇亦不入。詡詡焉。驕其里黨。倚爲干城。且有遇賊奔敗。而共憚其怯。公戰勇私鬥之能。大紳引爲爪牙。長吏假之詞色。如虎而冠。則兵旤以起。是曰團匪。不重可慨。耶是年五月。詔曰。逆匪負固金陵揚鎮。分竄皖豫。當此賊氛不靖。必有忠義勇敢之士。奮跡草茅。如從前楊遇春。楊芳等。均起自鄉里。爵至通侯。比年幫辦軍務。湖北臬司江忠源。亦以居鄉團練著績。超擢監司。北地民風。素稱驍勇。安徽河南山東交界地方。不乏奇傑之材。能

爲民禦災捍患。募勇投軍。殺賊立功者。統兵大臣卽核明優獎。其在本籍辦團保衛鄉閭。則捍禦之功。亦與效力行間。同其賞賚。地方官勿擅行征調。致令遷地弗良。如此使民自衛。俾賊進無所掠。退無可據。烏合之寇。不足平也。會豫中歸德失守。德請調直隸官兵二千。

詔以畿輔重地。兵力甚單。著李德曉諭紳耆。實行團練。果有材具可用者。覈實保獎。六月。詔以大學士賈

楨奏言。黃縣民團緝拏土匪張九仔等送縣。何以縣官延宕不訊。有無吏役人等從中徇庇。著李德查參。時楨官於京師。其里人操官之短長告之耳。八月。沛甯辦團

之車克慎孫毓桂等復奏言團民緝獲粵賊奸細地方官應卽嚴辦。詔下李德敷飭遵照而帶兵之郡王僧格林沁與花沙納達洪阿等探探聊城令李肇春之言奏參辦團大紳傅繩勛於是官紳聞聲交惡是月曹州府朝城縣鄉民韓存柱等聚眾鬧漕先於上月十八九等日盛雨三日鄉間間有積潦紛紛詣縣報災知縣任騰蛟赴鄉履勘八月十二日回縣存柱與孫際美等糾北鄉小函丈十一村莊數百人突然入城入署拋磚擲瓦丁役皆傷騰蛟親出撫諭不聽爲磚石所中當時傳呼閉城始各散竄獲存柱際美等二十五人分別斬

遣查朝城民情愚悍自未經辦團之先道光二十四年夏大雨時行閭縣皆報被水知縣董坤詣鄉履勘被水者錢漕並緩餘或緩漕征錢緩舊征新而九月初十東南鄉郭家莊申來玉等鳴鐘號召五百餘人入署喧鬧揚語凡有呈報被水之處概不納糧脅坤面允而罷出城焚掠戶書趙鳳翔盧舍毆傷趙金邦等坤捕獲亂民張衫待鞠來玉等聚眾千餘圍城索之城幾陷釋衫而罷鄉民尚有運米入城納糧者皆為截奪坤上言臺司乃褫職罷任而申來玉郭家莊一百十餘村錢漕並緩矣嗣則無歲不開知縣懲坤被劾日事隱忍二十七秋七月眾至累萬圍署毆官知縣劉樹棠為長竿所擊不敢稟白臺司三十年十一月騰蛟履任咸豐元二兩年皆糾眾入城惟不如二十九年九月毛鴻賓奏請添派四七年之甚養癰非一日矣

在籍編脩李慶翹前山西平陸令余正西前直隸故城

令孟毓藻候選令張汝清兗州府教授吳步韓等幫辦

團練得旨允行時粵匪由山西入直隸詳粵匪卷十月

山東軍興已早 卷二十一 團匪 徑北草堂編撰

新任巡撫張亮基履任刊發併村結寨團練章程飭牧令董率辦理帶兵之藩司覺羅崇恩督兵團駐武定北邊爲 欽差大臣勝保檄調赴靜海亮基乃令辦團大

紳王簡接統兵團

詳粵匪卷

四年二月代辦藩司劉源灝臬

司司徒照等議飭各學生員辦團團三千人以上不及萬人者附生作增增作廩廩作貢二萬人以上廩作訓導增附訓導銜亮基檄駁之曰團練必求實能殺賊非徒以人數爲斷若人多不練各州縣何患無人有警則鳥驚獸散於事何濟若果能辦團殺賊當從優獎非僅附升增增升廩也議始寢三月粵匪由江南渡河入東

連陷鄆鉅陽莘冠諸縣。詔下直隸總督桂良山東

巡撫張亮基實力舉行團練。如果認真辦理。何至逆賊所向。如入無人之境。山東惟單縣嘉祥兩縣民勇得力。賊均未闖入。是卽團練明驗。時朝命益嚴。而文檄益亟。全省百七州縣無不興辦者。惟曹州屬縣民團鄆城季錫魯趙康侯鉅野魏篤者。以能戰賊著名。噫。僅已。當是時也。團練甫興。乃距省千二百餘里之甯海州。距州五十里之紅石頭村。有曲獅趙虯者。假辦團市兵弩。造旂幟。糾楊烏王法芝王七和尚集眾三百餘。期三月朔舉事。先掠潘家莊曲六監生。度官吏必出追捕。卽繞山

北入城踞守。定計未發。知州王錫麟聞之。令吏日雷燮琛與紳民城守。自率民勇四百馳勦之。武生鄒鳳愷入山爲匪所戕。錫麟陣禽王湖等二十四。訊斬之。焚其巢而返。五月長山東鄉宮肇楹等糾眾抗糧。初三日知縣會叙符乘夜掩獲之。宮福銀等鳴鐘奪犯。斫傷縣役五人。死其一次日。餘黨復集千人。執團練旂矛。闖然入城入署。叙符率勇役及城團鬪之。互有殺傷。城團大集。鄉團始奔逸。六月亮基奏留在籍侍衛郝明衢幫辦單縣團練。究沂曹三府團練。規制漸恢。故三月二十六日勝保克臨清粵匪南奔豐縣。所過民團邀遮截殺爲數累

三四千

詳粵匪卷

頗收團練之效。紳民登荐贖者數百人。於

是紳民歆動百七州縣。儻然辦團不煩。牧令詢言窮鄉

僻境。矛戟如林矣。私立名號曰尚義曰效忠之類。不可

勝記。紳民互相雄長。一縣中或區爲四五團。或析爲十

數團。數十團亦不可勝記。有團長焉。長其所居之村寨。

或附近三四村有團總焉。總其一鄉之數十村寨。視其

人之才力勢燄而爲之。良團則籍其名上之牧令。匪團

則官不知其孰爲長爲總也。浸假民知畏團總而忘畏

官。官亦倚團總催科緝盜而自忘其爲官。團乃橫不可

制。七月巡撫崇恩奏明由高唐入省。再赴武定樂陵察

看團練分別整齊。糧雜者立與賞黜。先給功牌頂戴。以卸任樂陵典史葉壽海統率有方。奏給六品頂戴。閏七月崇恩檄藩司劉源灝曰。省城團練聞皆由官支給口糧。緩急不分。虛糜過鉅。庫款果足。尙難乎爲繼。况當支絀之時。亟應覈實釐汰。惟緊要之處。酌留若干。其屢次滋事及濫竽充數者。分起遣散。使民團仍還舊章。要在節虛糜而歸實用。噫。此辦團之始也。而文牘所言已若此。十月平度州監生陳上錦藉團糾昌邑高密匪徒曹吉武等圖劫掠。初四日引眾百餘入城。會知州李岱霖集勇較閱教場。閉門捕逐。匪不敢發。以入城領團費爲

詞岱霖率勇禽上錦等十九餘匪釋兵而遁。五年正月
至三月高唐州馮官屯粵匪先後蕩平。四月兵團一律
遣撤。崇恩奏叙鴻賓慶翹等辦團功。鴻賓道員用。慶翹
知府用。餘各有差。惟濟陽民團陳綱王文訓等因縣令
徐順昌逮繫欠糧民戶范詡綱等率團二千餘赴城圖
劫。順昌閉關拒之。礮轟傷匪數人始退。崇恩飭知府黃
慶同譚伯筠等引勇三百遊擊王殿元等引兵二百赴
之。綱文訓皆遁。九月陽穀縣民團控其令李云鏤於都
察院。崇恩立罷之。

上頁全頁終止

十一

山東軍興紀略

卷二十二之中

團匪二

當咸豐五年之三月也。皖匪張樂刑等眾萬餘入豫之

商虞永夏。逼東疆曹單金魚。

詳粵匪卷

官兵數千。憑黃設守。

時以無恐。民團或集或不。張虛聲而已。其夏六月。甚雨

兼旬。黃河潰於豫之蘭儀縣銅瓦廂。決而北。匯於濮范

鄆鉅諸縣。故道下游。曹單金魚頓失天險。於是再議整

飭。南圍民團。八月。皖匪大股犯江豫。由蕭碭虞永涉乾

河。窺曹單金魚。以汜鄒滕嶧。長隄千里。兵力益單。檄沿

邊諸縣辦團。益亟。守令奉檄舉辦。輒上言集團數萬。或

稱萬餘。或稱數千。皖匪自夏徂冬。遭迴江豫之徐歸屬。邑兵團不能解。嚴者半歲。六年正月。樂刑等股由亳入鹿柘。宋喜元張中元等股向東北入永城。詳皖匪卷前隊涉乾河犯曹單。民團憑隄守者數雖踰萬。而勢倥然。寇退始罷。是年三四九月。皖匪三出巢。沿邊三告警。民間凡三集團。於是曹州守令選民團之壯健者。少或數百。多且二三千。以爲練軍。其時火器鮮。專以尋丈白楮爲用。號曰長槍會。由官給口糧。糜帑頗浩。詳另卷而團總季錫魯趙康侯魏篤等。益集其鄉人。教之步伐。止齊。故荷曹單鄆鉅城。定六七縣間。民團甚盛。匪亦不敢深入。四月。

崇恩奏言臣遵

旨引軍赴曹單防捻親歷充曹濟

甯察看民團大抵地當衝要爲賊窺伺之區紳民咸有
自衛之志金鄉縣爲曹兗咽喉單縣瀕黃重地民團馴
謹勇敢一聽州縣調度迥非虛應故事者比其次則鉅
鄆二縣雖不免桀驁然剛勁之材駕馭有方亦堪驅策
多能人自爲守不必重資兵力疏入奉有各處團練頗
能得力甚好實爲鎮內禦外要著之
諭五月大學
士文慶等奏言自粵逆犯順通行團練數年來不少得
力之處亦多視爲具文皆緣實心者每患權輕喜事者
有同兒戲甚至土豪劣董借名科歛幾啟亂萌一旦有

警賢者效忠。不肖者逃匿。且有奉
旨辦團之巨紳。

潛踪不出。以此見任紳之不如任官也。况河南以團練
委之於民。遂啟聯莊之患。故不如以官率紳。以紳率民
之爲愈也。考唐乾元初。置團練使。大者十州。小者三五
州。代宗時。刺史悉帶團練使。至宋。又置諸州團練使。元
置團練安撫勸農使。又置同知副使等官。前明則以按
察使兵備道分統團練諸務。古制具在。臣等意擬與其
別設一官。不如仿唐時刺史帶團練之制。令知府直隸
州兼之。按察使及各道均兼督辦團練銜。府州均協理
團練銜。其地方遼濶。或添設三四品官督辦。每省不過

一二人或由部議給廉俸等語。又章京主事王錫振奏陳十條有團保團練之分。團保者言互相保衛不應徵調者也。團練者民強戶富願應調遣者也。詔并

侍郎沈兆霖奏請行民團先清保甲奉諭所言不

爲無見均下督撫體量辦理。六月崇恩奏請賞給

鄆城團長文生季錫魯六品頂戴以縣丞用。七月崇恩奏言竊團練誠爲目前要策願行之不得實效是羣聚不逞之徒教以殺人之事鮮有不爲地方貽患者。東省自軍興以來舉行團練大抵皆紳士董率官吏未能盡操其權眾紳賢否不齊辦理致難畫一甚有倚眾要挾

不服地方官吏。幾有官弱民強之勢。故北路粵匪肅清之後。臣即分飭州縣收繳軍裝。散遣歸農。以綏其勢。惟最要之曹濟等處。暫留團勇備緩急。今蒙

聖訓擇

要舉行。自應將暫留者實力整飭。其餘州縣應請從緩。以免驚疑。文慶沈兆霖所言均已洞澈利弊。毋庸別議。條教原奏言仿唐代刺史帶團練之制。似亦同具虛銜。無裨實濟。誠如

聖諭。惟在州縣得人耳。疏入報

可。八月崇恩又奏獎團總魏篤趙康侯等數十人。於是百七州縣民團聞風歆慕。盡復三四年故轍。七年民團多。僂強官吏隱忍之。八年三月樂安武舉李金鰲廩

生劉家說集團三千餘入城抗糧焚署飽掠而出檄青
州守來秀遊擊劉奉祥與前守毛永柏率兵役捕之金
鼈遁匿聚者奔散其年秋皖匪深入曹濟圍單縣攻定
陶金鄉陷武城曹縣民團致死決戰曹縣團總守禦所
千總袁熿戰尤力其臨陣死綏者鉅野團丁蔡明堂等
四百有五人鄆城團丁康士林等百四十有七人單縣
團丁吳興利等四百九十有九人金嘉荷曹城定先後
死亡皆不可數計噫非忠義勇敢而能如是耶固未可
一概論也九年民團益跋扈官民皆苦之而事不獲已
惟是年九月皖匪五旂並出由考入曹袁熿與六品軍

功監生劉興義李真若生員倪鳳來百總李中廷等連
戰賊於桃源劉家岡死者二百數十人。朝廷褒焉。會
有 詔令巡撫文煜設備海疆。十年正月文煜奏以
山東海岸自北而南武定登萊青沂各屬計長三千八
百餘里沃地遼濶兵力防不勝防計惟酌調官兵駐於
瀕海適中之地以便策應仍以勸諭紳民團練爲先如
瀕海之煙臺裏島石島龍口等處能否團成設守或須
遷入內地容臣酌度辦理疏入奉有所籌尙屬周密著
卽認真辦理之 諭又奉 詔曰皖捻時出滋擾
徐宿及河南山東等處已派勝保等分路督辦現在捻

蹤雖遠。而出沒飄忽。北省地勢平行。恐其乘虛紛竄。宜
豫籌堵截。前經通飭實行團練。以助兵力。山東曹單民
團向稱得力。著文煜再飭地方官實心經理。不得因捻
氛已遠。稍有懈弛。至曹州民團修築黃河北隄。限賊馬
隊。因考城未築。上年九月。匪即由此竄入。計自曹境以
東。直至宿遷。若仿照曹州河隄挑築。使千里屹若長城。
亦可藉以守禦。著何桂清瑛。檄勸諭紳民急爲辦理。時
清督兩江瑛文煜奏言。東省民俗强悍。前此地方平靖。桂
檄撫河南功令森嚴。尙多逞忿尋釁。聚眾械鬪之案。今則公然團
練。以千百壯丁。羣聚一處。團長賢否不齊。勢成尾大不

山東軍興紀略卷二十二 二
掉現在曹濟一帶已一律團齊全在駕馭得宜方能有利無害至挑築河隄工費甚鉅事須借資民力動涉勒派激變現今道員明新充沂道王觀澄分往整理團練勸築河隄矣疏入報 聞二月皖匪孫葵心李大喜等眾由宿州走永夏犯曹縣另股由夏莊屯犯曹縣山東王集民團四千餘追擊出境斬級四百餘奪馬五十餘拔出難民四千餘民車千二百餘賊奔而西三月藍旗擒匪劉天祥黑旗劉大老淵等眾數萬自商永犯東邊郝上庠防軍合民團下隄感之奔考城考團阻之奔豫之蘭儀陳留鑲藍旗漢軍副都統勝保駐師鹿邑調曹

單民團助戰。縣令靳昱多瑞上言：農民各有本業，練技未必皆精，畸零湊集，心志不齊。雖有例給口糧，本境須籌津貼，兼以頻年防捻，築寨修隄，民財已殫，力難應調。事得寢，民德之。是月，上命在籍濱州之戶部右侍

郎杜翻督辦民團，翻詣會城設局，刊條教，頒符記，申嚴號令，檄飭州縣與巡撫，俾各州縣團總團長與牧令分庭抗禮。四月，齊河廩生韓指南與子晉楚假團按畝斂錢，糾眾不許納糧，良民王興邦未允，火其廬，知縣陳

上聞，檄濟南守汪承鏞引兵捕之，指南跳走。五月，文煜奏令道員沈維璫赴武定屬辦理團練。七月，翻奏陳

通籌團練大局。並擬章程十二條。有

詔曰。面生可

疑之人。盤詰立拿。儻不受盤詰。持械拒捕。許民團格殺。勿論等語。如確有拒捕證據。方准格殺。不得妄殺無辜。或挾讐報復以重人命。八月。天津海防方亟。總統旗綠各營大學士瑞麟。咨調山東民團赴北助剿。杜翻檄調季錫魯趙康侯分率團勇三千人赴京。會曹南捻警日。至。詔令折回交駐嶧防捻之副都統德楞額調遣。

九月。皖匪大擾曹州濟甯。陷鄆城。錫魯陣亡。

詳皖匪卷團民

死者千二百有奇。翻奏言。東省團練。曹州爲最。曹州團

練。鄆城之季錫魯趙康侯鉅野之魏篤爲最。而三員中

素稱忠勇。眾論交推者。又錫魯爲最。民間倚爲長城。賊中目爲虍虎。故此次捻眾併力錫魯之團。而以餘眾分路牽綴趙魏之團。俾錫魯孤軍陷覆。以快其忿。且盡焚魏篤所居村寨。賊意必先殺三人。則曹南門戶無所阻遏。可以長驅北犯。今自錫魯戰歿以來。民團大爲短氣。惟有責令康侯等益加激勸。以固邊圻。應請將康侯等團留防曹州。無再赴嶧。疏入。允行。是月。李金鰲潛回樂安。籍團製兵仗火器。糾眾集李家莊。遣黨可助臨淄民團。青州守王繼庭臨淄令洪調笙。誦知密諭臨團。詭金鰲自至。遂纒之。并獲王驢劉小仔等。斬以徇。九月。

撫標守備胡運鴻引兵由金鄉赴單擊捻行抵單東北徐家寨民團數百人鬪之殺傷馬兵王琢玉等失馬二十三日民團趙鏡秋等控言官兵冒賊殺掠知縣多瑞不敢平其獄十月平原東鄉民團王汝玉趙萬圻等引團千餘薄城下知縣韓光鼎登城問之爭言團費無出乞免徵漕米光鼎譬說千端民團喧囂滋甚環城縱礮徹夜不絕十八日有數百人散走汝玉等揚語於眾曰有敢納糧者先焚殺之囂亂益甚會游擊保德引沂州歸伍兵北歸道縣境光鼎飛報文煜截留駐城東城圍始解期再集文煜商之翻翻令隨員編脩徐昌緒赴之

昌緒

四川同時莘縣西南民團王狗焦建中等千餘合鹽匪人楊庚寅延玉會等五百餘以求減漕詣縣知縣繆玉書率勇役出城撫諭之鄉民奔散而玉會楊超羣等大呼縱槍斫傷勇役奪門欲入玉書遮擊之斬四級禽玉會超羣等八閉城鞫釋其三梟玉會超羣二十日晡狗等三四百人釋兵徒手至南城下欵門求見玉書再出乃庚寅等數百人潛縋北城入揚聲縱火掠奪塞衢亂不可遏玉書爲城南狗等牽裾不得回行則三四百人皆隨入玉書環城走三四百人嬉笑詈罵或前或後從之城匪焚署縱囚迄三鼓大掠而出屯城西張家莊東昌

同知何家駒引兵至逐之而散團民奔訴於翻言縣官率勇赴鄉催科縱槍斃四人禽八人回縣非刑榜掠立斬其三因之民變翻以告文煜王書奪職同時樂陵民團孫清沂等率眾入城入署脅知縣杜園出示減漕團民入內室取印自印之闐然鼓掌而散於是陵縣臨邑德平德州在處民團滋鬧如出一轍文煜飭德州營參將成志引兵五百先赴陵縣以次巡緝督徵錢漕行糧飭地方官捐給民團頗懼錢漕稱踴躍焉未幾翻出省校閱民團由泰安而兗州而濟甯而曹州而東昌民團旗矛蔽野沿途迎謁供帳甚盛牧令磬折道左奔走傳

舍期無忤團總團長而已。翻奏言臣周歷府州查閱團練以曹州爲最濟南東昌濟甯次之兗泰又次之間有數縣地僻民貧以及嘉祥甯陽被賊殘破團練無不減色已嚴飭重爲整理臣十一月杪可抵武定懇恩賞假回籍釋服疏入報可十一月徐州軍遊擊傅萬清遣回青州勇丁五百道出泰安大汶口民團圍殺六十三人守備趙黠涵行至宋家莊民團縛之又章邱東南鄉關六等里民團翟秀喜崔際元等眾五千餘以瞭團爲名城內不之備二十四日突入圍署脅官讓漕知縣陳來忠慰諭百端不散終夜有聲次晨始罷文煜

奏言東省現惟登州一府未報抗糧之案其餘九府二州錢漕多半抗延奉

旨各州縣中大小團長人數既眾賢愚不一藉團生事若不及早懲辦恐成巨患著杜翻曉諭各處團練毋得抗欠國課自干罪戾十二月

欽差大臣暫革科爾沁親王僧格林沁奏言東省恃團抗糧如華縣平原樂安等縣之案尙未辦結而各州縣之民效尤者日多其故皆由辦團大臣實未認真辦理偏聽團民譖訴之言地方官順團則安居逆團則罷任故雖知聚眾因以團練爲名不敢過問督辦大臣數月以來每至一處地方官供應車馬飯食不暇儼然本

身系身... 卷二十一... 二

亦免糜餉勞師。草菅人命。乃日復一日。隱忍不稟。今則
刁民愈驕。愚民愈惑。團民愈聚。勸之不聞。懲之不服。糧
差地保。所到之處。鳴鑼聚眾。緹毆差保。焚屋掠物。良民
進城納糧。輒遭截奪。或則一日之間。糾眾萬千。擔糠負
稗入城。塞署闔堂。不加耗腳。逼官收納。或則執持槍械。
名為瞭團。入城入署。日夜喧譁。意在恫嚇。各縣情形不
一。而蓄意聚眾抗糧。則無二致。若再不稟陳。日後將各
令嚴參治罪。於國計民生。毫無裨益。惟有縷晰歷陳。可
否仰懇速撥重兵。來武勦辦。督徵錢漕。抑別作良圖之
處。均候裁示。文煜飭濟東泰武道明新中軍參將玉山。

引千兵赴之。十一年正月，臨邑民團陳鳳城與王章挾嫌聚團械鬪，章夜殺鳳城，掠其資財。知縣林本鳳率勇役逐捕，禽章黨劉星斗等十餘，候鞠鳳城之子率團日與章戰不勝，引眾入城，斫殺星斗等於獄。城民擾亂，越日始定。是月，樂陵東鄉民團萬毓盛等脅眾抗糧，截奪西南北三鄉良民納糧者。縣令圍與辦團委員直隸知縣李熙載率西鄉民團掩獲毓盛，其黨鄭純等數千人奔城下，圍等閉關拒之，縱槍擊殺二人，始散走。次日再至，攻圍益急。熙載率團力拒卻之，屯距城十里鄭家廟。城團日夕戒備，圍上言請兵，前所遣明新玉山千兵久

不至。良團與匪團互鬪者累月。文煜方檄諭在籍辦團。

知府袁泳錫令其隨明新分詣各郡屬嚴捕法無可貸。

解散情有可原者。乃二月濟陽之陳綱王文訓江思哲

等潛回原籍。

事詳前卷

自充團長橫斂團費焚掠張爲清等

數家官不敢詰。又武定屬縣鹽梟煽亂團民抗糧。在處

蠶起。署巡撫清盛飭運司桂亮右營守備陳兆煊率勇

五百討之。時皖匪大入東疆。由定陶鉅野趨東平。渡安

山運河。分股擾泰安東阿平陰肥城長清。逼會城。另股

趨壽張之張秋鎮。東阿之李連橋。圖北竄。民團兵部主

事譚金詔等議由榭山橋築砦。汜齊河橋止。以禦賊。再

在五道嶺貴德鎮築砦以禦甯肥入省之路。在陰嶺關築砦以禦泰安入省之路。翻奏言查擒逆大股尙屯曹屬僧格林沁堵禦西南不能分兵援省及北路。臣思去年八九月間擒匪入東全賴民團擊退。臣受恩深重雖交卸督辦實不敢置身事外惟有勉慰各團再爲整飭並集練勇扼守長清之五道嶺新開嶺及開山諸處以衛省城並調素稱得力之泰安團張子卿東平團陸厚堪分投堵擊飛飭聊東陽壽民團嚴防河北。臣惟盡其力所能及求其心之所安不敢避越俎之嫌。惟

聖明垂察再新任巡撫譚廷襄尙無到東之信請

山東通志卷之二十一
旨飭催赴任督率民團疏入報聞有詔著清

盛先會同杜翮整飭民團嚴防黃河北岸於是翻檄沿
河州縣重整民團將轄境河岸長若干里河寬若干派
何團駐守與何縣民團相近應令協守妥議繪圖貼說
具報時捻眾前股數萬東奔章邱長山鄒平益都濰縣
濰團在籍河南歸德府知府陳介眉訓導陳威鳳武舉
譚占元等擊賊而敗團丁數百人皆死詳統
匪卷後股黃黑
花旗捻眾復自金鄉趨東平渡運再犯肥長逼會城翮
再奏言譚廷襄尙未到任署撫臣清盛帶兵出省省城
存兵祇有五百臣已飛調歷長等民團赴扼四槐樹固

山開山要隘。一面傳集紳團。乘城設守。挑留團民三千。分塚站牆。移會藩臬二司。委員會同紳士。清查內奸。以固眾志。所有前此大學士賈楨奏保交臣差委各員。並臣隨帶及奏調之員。一時未便裁撤。應俟譚廷襄到任。移交辦理。當是時。民團乘亂殺人。焚掠滋甚。章邱水寨團李繼和等。用鋤刀殺濟陽汎兵高殿元羅清泰等四人。新城民團殺長山汎官張照遠。汎兵王冠軍等三人。清盛奏言。章邱新城博山萊蕪等縣團民。遇有經過客商。差役輒敢擅殺無辜。甚至細縛臣營差弁。是團練禦賊無成效。而抗官滋事。有尾大不掉之勢。

詔錄原

疏飭譚廷襄馳赴新任嚴行懲辦三月擒眾盤旋肥城
之衛魚莊突入四槐樹民團大卻賊圍長清分股入歷
城之段店中宮距省益近翻調城西之效忠團同心團
城北之八陣團城南之集義團東鄉之濼口團環城堵
擊賊奔西南王福莊翻復調齊河濟陽民團赴省西三
十里飲馬莊扼之前調明新赴樂陵之兵亦先飭防捻
而樂陵之鄭蕪鄭煦孫清沂等復率眾二千餘入城與
李熙載械鬪圍署齊知縣上言止兵令圍不得已從之
又夏津偽團范貞祥等千餘於二十五日張紅旂由油
坊鎮謝魯莊奔屯武城縣西子游廟掠人索馬武城與

直隸清河民團擊之。奔西南。臨清協副將成志引兵會
團夾攻之。斬十餘級。禽二十八。又諸城在籍禮部主事
癸丑進士尹燿宗與弟興宗自立知方團。揚言入團者
戶給黃旗。則皖匪不敢犯。詞訟毋庸赴縣。糧賦可免完
納。愚民從者。允納雜糧一斗。制錢二百。一時集者數萬。

山東軍興紀略

卷二十二之下

團匪三

時團民之賢者相與馳書鄉人而誡之曰爾曹無行以惡名累督辦至令邸帥糾參宜及時改行爲良團毋貽鄉里恥無如各州縣民團之賢者皆遠巡避其事惟不賢者多欲而喜事恃團抗糧如故方恐一旦撤團則失勢而無以自全會杜翻有旨內召益大恐猶幸譚廷襄翻戚也乃日以辦團禦賊之利地方官督團擾民之害以聳翻聽翻恆默然聞廷襄由陝且至東當從西北入疆民團出疆迎候者旗幡金鼓聲先可怖自入疆

汜抵省數百里間曉夜列團夾道人數之眾蔽塞原野
廷襄愕然四月廷襄乃奏請由京派員分路督辦山東
團練 詔令侍讀銜翰林院編修徐昌緒再赴山東
專辦省西北路各州縣團練又 詔在籍昌邑之前
雲南提督傅振邦專辦省東路登萊青三府團練御史
任兆堅奏言臣籍隸萊州習知登萊地勢平行防守不
易青州僅有淄河店青石關爲要津可扼而南境沂州
一府賊於上年竄擾兗泰後由沂回巢本年竄擾青萊
亦由沂州而出則可出之路卽其可入之路明矣臣聞
沂州辦團之前河北道莊瑤年已踰七旬恐難勝任合

無請 旨飭傅振邦兼督沂州團務并令四府弁兵

均歸調遣 詔下廷襄體量奏 聞會振邦奏病體

未痊祇能就近辦團不能率團防剿廷襄奏寢其議五

月東昌教匪大熾廷襄調東阿民團周光璧房嘉謨清

平民團馬復菴等率團赴郡助剿飭陽穀民團布殿標

郝廣立鄭朝棟等齊團截擊而曹州則長槍會匪之勢

大張民團悉從匪入會皖匪方深入濟秦青萊

均詳另卷全

省糜爛岌岌不可終日在處民團強梁抗官不可枚舉

其尤著者六月齊河民團郭少棠遣黨武保慶詣三合

團尋贖責讓少棠殺三合團三人知縣李均馳問之不

服二十九日引團焚掠三合團村寨二十餘處會昌緒由京赴東道齊河少棠迎謁甚恭昌緒撫慰良久諭勸赴東昌巡撫軍營少棠頗喜踰月八日昌緒由省返齊河擊少棠保慶王天賜等百人赴東昌而其父念賢與黨王天祿等調鄉團五百餘屯城中分守城關接遞文報日行殺掠期二十五夜歃血舉事均先一日知之密調三合等團三千餘布紮西北城關聲言被殺家復仇念賢等閉城登陴縱槍擊殺北鄉團長王又增城外民團忿怒迨夜念賢等登陴如故均令勇役繞城喧呼僞爲鄉團已入之狀其黨棄械奔者二百餘人翻城走均

率勇役突入其巢。排牆乘屋而走者百餘。死黨揚萬三
等數十人。鬪均勇役大呼攻之。禽萬三等三十二。念賢
天祿遁走。黎明啓關逐之。遣撤鄉團而定。時少棠隨昌
緒由東昌回平原。少棠排刀擁麾。遮迺出入。昌緒悉屏
左右。同少棠臥起。少棠疑之。日商其黨殺昌緒。言頗洩。
昌緒譬說百端。遇之益厚。遲未發。二十八夜。昌緒密屬
平原令韓光鼎。典史司馬貽芳。署黎吉寨外委張太清。
民團州判張光燦。武舉楊掄才。祀茂菴貢生遲從祥等。
分率勇團六七百人圍少棠居。貽芳等率勇突入。少棠
揮刀穿牖。奔斲貽芳傷臂。勇役環格少棠。踏之縛致於

獄越日斬首梟之吏民皆慶其月樂陵鄭蕤等復焚掠附城史詞史炳箕張國昌等十數家七月蕤等入城搜索富戶李熙載復率西團千餘入城備之代理令朱鎔多方爲東西團排解不聽鎔熙載上言請兵彈治久不報又惠民民團王玖等眾且累萬一月六圍郡城官吏不得踰城關凡武定府屬縣十團民之亂甲於全省商旅不通賦稅蠲貸皆不止又諸城團尹燿宗等眾四千餘圍攻縣東北百尺河莊三日知縣鄒崇孟詣燿宗所問狀嫚應而罷崇孟上言請辦團大臣檄調燿宗詣省未發會院匪前隊犯諸愚民執知方團旗數萬迎捻而

拜捻不以爲忤也。捻至枳溝，見知方團大掠資賄，輦送耀宗所居鄧哥莊。捻無所得，怒耀宗給我，縱兵焚殺死者近萬。耀宗與宗一門無老幼皆殲焉。捻張知方團黃旗以攻膠高，又汶上西鄉民團侯希傑、王成矩等糾眾設卡抽收貨稅，商旅苦之。八月，鄒平西北孫家閘民團孫傳琇等集團二千餘，要遮僧王所派偵賊武員忠林、圖們巴爾雅等，戕二十六人，奪其乘馬衣裝，投屍澗山埠湖窪。同時博平民團胡德俊等把持錢糧，審理詞訟。從者日眾，勢將發難。知縣宋克揚設計廩生許芹芳等召德俊入城，縛訊斬之。縣民大悅。餘黨糾清平民團周

宗昌等入城焚署掠物克揚請郡兵不報民團訴克揚於翻廷襄奏劾克揚擅殺團長昏庸乖謬褫職逮問清平令桂昌掩獲宗昌解省弟宗林糾眾迫入東平不及而罷八月青城民團胡耀汶等設僞官理訟斂稅沂水民團孫子毅等脩砦置械細人勒贖其令引勇捕之格傷遁入京師控於都察院詔下廷襄平其獄累年不決九月齊河民團陳麟波等集眾陳家場德平團戚德廣等糾眾應之初濼口紳民上言於翻請設團營令縣選壯丁二三百送省訓練糧械由諸縣籌解下守令議多格不行詔促翻回京是月廷襄奏言東省爲

中原肘腋界接。京畿近年幅會教士諸匪以及僞團計十府二州幾無不亂之處。情形岌岌未有若今日之甚者。臣蒙先帝厚恩由陝調撫山東而東省爲

擒匪一再竄擾。百事艱難若不亟思變計則軍務益不可爲。臣思東省團練舉行已久頗資其力而素無訓練。勇怯差池同此耗損民財仍無救於傷殘民命。現擬抽丁訓練分路安設團營以助兵力之不足。勸捐抽釐以資經費疏入奉有所奏不爲無見。迅速辦理不得徒托空言之。諭廷襄再奏言山東自咸豐五年黃水漫溢以來民力愈困而徵漕本色折價仍循舊章。近年銀

米價皆減。而州縣所收本折。未能隨時遞減。以致民間籍口辦團。抗糧聚眾。毆官圍城。州縣曲意減價。刁徒得寸則寸。恃眾挾制不已。而團總團長之按畝攤錢。製械儲糧。團費倍蓰正賦。錢漕由此而誤。官民重困。臣通盤核計。擬定明折漕。每石收制錢六千。以四千五百文辦運。以五百文為本邑紳民團費。以一千文解省。為臣五處團營津貼。其無漕州縣。准按畝由官收制錢二十五文。給團支用。以上奏詞乃起道員黃良楷於廢籍。令與道員明新參將定順。先在滕嶧單三縣試辦。州縣辦漕遂竭蹶。團益橫。不可制。團營終無成。惟昌緒文白廷襄言團

練必須地方官辦理。方能補偏救弊。以專責成。編脩初
因臨邑團練五萬餘人。尚有紀律。團長武生某。廩生某
貢生某。尙能勇往。近則與回民互鬪。恃眾焚掠良民。苛
斂團費。自立團名。糾約鄰團。任令抗糧焚掠。不加禁約。
又與回民動輒械鬪。日久恐釀雲南之變。編脩奉諭。祇
辦齊禹平德四處團練。而目睹一武生。連合數縣民團。
動輒集眾數萬。當此民心藐法。殆非稍重州縣之權。決
不能懾伏刁民。若州縣不認真辦團。則良民皆爲強團。
脅制鄉愚。有重團輕官之勢。患將不可勝言。而所派辦
團之員。既無管轄之權。又分州縣之責。卽編脩在此。曲

意聯絡紳民曉以推重地方官之意以身率教而強團轉謂州縣傲慢時有不服之言編脩練勇無資空言勸誠既無制強團之力適以啟其輕視官長之心請卽

奏明撤退編脩歸州縣自行辦理方免後患廷襄覆文慰留之踰月昌緒言益力始奏令回京十月齊河團

民薛鼈糾眾號如意團掠富商王漢光喬桂林家製械豎旂與王汝魁等揚言天下已亂天子幸熱河毋

庸赴縣納糧立碑勒石按畝斂錢養勇有良民林相廷馬克勤等赴縣先納鼈眾掠相廷縛克勤勒贖縱火買虎站黃家屯官不敢詰相廷奔訴臨團其長率眾夜圍

鼇小屯莊縛鼇等數十而去十一月淄川民團畢瀾遠等千餘人圍城旬日殺縣役乃罷濱州民團孝德俊等率鄉團入城索其讎城團鬪之殺三人以出時欽差大臣勝保奏言直東交界莠民假團聚眾此風日熾山東臨邑縣團自去冬迄今以禦匪爲名結連直東三十餘州縣眾至十數萬惟所指揮生殺由已鋤刀所死者已數千人脅諸縣民團之不遵調者焚掠百數十村臣查其人並無苗沛霖勦賊之功亦無苗沛霖馭眾之略而欲效其跋扈若再因循不究恐兇頑先發則患不在皖捻之下疏入

詔下廷襄區處廷襄先時以防河

捐資出力獎之。朝廷致詰焉。廷襄奏言：臨團保衛鄉里，不遺餘力。不特本邑各團受其約束，卽隣畷州縣亦聽其號召。聲勢最雄。臣派員迭經查訪，茲當益加詳察。如勝保所言，尙無確據。或僅尋常劣跡，當善爲解散。若材武可取，河北地方尙可資其捍衛。臣不敢以列保在先，稍有回護。惟聖慈亮察。而一時附近之齊河平原、德平、德州等十數州縣良團，爲其所脅控訴。諸牧令者，何止數百家。臨團且移書齊河令，言章疏煌煌，漕糧內折收團費，統計貴縣應解銀三千數百兩，錢萬五千串。閣下甯得食言乎。詞意甚諄，令以聞。不報。十二月，樂

陵東團蕪等引眾焚掠前坡等莊甚熾西團熙載率眾
赴榮家莊掩擊之禽鄧爾一等蕪益怒與王成璧等日
圖報復十二月十一夜蕪等焚掠城南李在允等十餘
家令鎔赴府未返熙載於十三夜率張冠英國昌等三
千餘人掩擊之雙廟集趙家嶼崗田家劉大保家孫家
堰閻家集諸莊敗之追奔至鄭家廟獲六人及槍礮擋
牌百餘事蕪跳同治元年正月八日臨團萬人建櫛伐
鼓壓齊河境限日索團費遲則引眾薄城次日張偽示
令民赴陳家場納糧收足團費乃止又偽示畝捐制錢
二十五文解助僧王軍餉違者十倍罰之良富洶洶哭

聲盈野其牧令比去聲團以虐民者團亦不擾上亦安之
 其上言團民跋扈者皆不獲乎上故相與隱忍而已二
 月蕤清沂與劉學海李文魁等糾鹽梟脅鄉民二千餘
 縱火鄭家廟聲光雪煜捕梟委員江蘇道員童埏游擊
 桂林由武定引兵七百馳至知縣張繼武募滄州千勇
 合討之蕤分股迎拒攻縣城縣令洪調笙出禦之斬一
 人禽其四匪退走武定守張鼎輔遣人諭教累日蕤黨
 副團總閻崢崔池等悔罪降蕤弟煒煦劫蕤糾眾死守
 官軍待之二十日蕤不出十九日埏桂林軍抵鄭家廟
 不三里而陣蕤眾戮鼓建旌縱礮而出官軍嚴陣良久

蕤眾氣衰。官軍由西斜蹙之。衝匪爲二匪。奔砦拒守。官軍圍攻之。守備韓英奎、白雲彪與繼武等率勇踰牆入。斬燁等二百餘級。禽二十有六。蕤煦率黨翻牆走。獲大礮大旂七、小槍數百。奏聞。敕下直隸總督檄鹽山、慶雲等縣踪跡之。調笙旋獲燁餘匪數百。復屯東辛店、李莊、魏莊。詔令駐津通商大臣崇厚飭天津道李同文、練勇與東軍會捕。先後禽蕤黨數十。踰數月。獲蕤煦於天津。四月。前博平令宋克揚因事詣博。胡德俊餘黨趙墩本糾眾縛之。趙莊脅令具狀。列墩本所宿怨者殺之。揚言爲德俊復讎。如其指。一日始得出。踰月。率

眾掠胡玉琅數家以祈雨。謫眾人城鄉民始知墩本巨
測寶非祈雨。十散八九。墩本餘百餘人而遁。知縣張聯
奎先請發郡兵彈治。廷襄檄責曰。前令殺團已爲參革。
民團何尙不悅服。今爾張皇可恨。聯奎幾至罷任。郡守
秦際隆與前守李德增力請乃免。際隆先因墩本勢張。
請截留過境遊擊謝炳部勇三百駐博鎮。撫不許。是月。
齊河之陳麟波德平之戚德廣等倡議捐築大清河北
岸長隄以禦捻。令均諭禁之。麟波恚怒。二十二日率團
千餘薄城求減錢糧。均有備。眾多亡走。麟波等不敢入。
再傳帖。越三日必入。以嚇吏民。至日麟波等二千餘人

集晏城七里廟均報廷襄發長勝勇二百赴之二十八日黎明均率民勇三百合軍由陳古寺進擊匪踞守陳家場日過中官軍距場五里而軍匪扼徒駭河之北縱礮馳驟官軍迅擊之匪敗溺者數十斬級五麟波遁走五月獲德廣六月其黨陳麟貴甯洛北等糾眾數百期初九日舉事均偵知掩擊焚其居再散竄是月館陶縣民劉上哲宋邦璽史廷拔等立私團合直隸大名人王叔詰數千人立櫛建旗馳逐阡陌脅臨德館陶官團隨之臨牧彭垣館令湯履忠率勇諭禁僅而未亂又夏津亂民程寶珍張茂然等以減漕譎眾立團圍城三日副

都統遮克敦布引軍至始散走寶珍詭名入遮營數月
事發斬之八月濟陽之江思哲再立團傳帖四鄉毋許
自行納糧必交團總代納有良民張大福潛令徐尙信
尙義先納思哲聞知圍大福居傳呼藝火大福懼餽錢
三百貫而免復圍尙信居乃餽銀始罷閏八月十日思
哲志益驕曰尙義縣吏也吾豈能貸之率二百人入縣
解縛之出東城謹噤命酒以爲莫敢誰何縣令陸履祥
把總蔣逢春集勇役掩之眾驚散思哲酗酒蟠腹而詈
曰明日當盡殺爾曹履祥引勇纜之置於獄上言臺司
抵其牘於地縣中洵懼匝月上言者三卒不報另檄訶

責之履祥忿甚嘔血不止是月僞團劉德培糾眾入淄

川城作亂

詳前卷

九月王文訓江振南路希文趙謨等引

團五千餘圍城索思哲履祥謂逢春曰事已迫吾甯棄
此官也出思哲於獄斬之乘城呼語民團詞理甚正散
者四千餘文訓等數百人繞隍謾罵履祥令逢春引勇
啟關逐之文訓遁匿臺司卒不發兵而文檄訶責不已
遣親信奔赴團追視多所取攜回言文訓良民官激之
變履祥憤懣幾殆遂乞病臺司遴員代之莫敢往知候
補令李翼清治劇有才迫之行翼清至則單騎入其團
文訓聞新官且至排刀露侍唱吼相迎翼清不爲動開

誠譬說良久文訓不覺踣跽俯首竟日始返復巡視四郊撫慰良善民大悅亂亦止越五六日文訓網詣縣上謁從者戎裝數百直入廳事文訓被酒頰面趾高聲揚網僞恭謹皆醜詆履祥踰晷始出翼清慨然曰此亂民之魁也不除則強梁效尤弱者附和何以爲治於是以太平廉勤敏之政導其民民且悅有輸糧者朝輸而夕居毀焉民訟於庭出堂皇而問之曰不知誰何也引之入閣而問之則涕泣左右視曰團所遣也踵而訴者皆然有顯言者明日負傷死於道矣遣役往偵之皆跪泣曰往皆死自辦團以來役莫敢出距城三里有年矣越數

日翼清懷牘趨省。言之郡守曰：非臨之以兵不治也。守曰：是何言也。是欲罷職也。翼清曰：甯罷可也。遂言之。三日不報。又五日不報。回縣牘如山。皆訴團不能理。遂乞病罷。候代兩月。有欣然自請行者。至則如山之牘皆理矣。團總團長旅於閩。闖履鳥交於庭。酒食資於燔。如市焉。如博焉。輦金出入。拳者數十百。惟總長之言是從。數月間。爲團所破者數百家。號怨之聲。環境而起。令語團長曰：將奈何。團曰：易也。出語其爪牙。伺民之破家而怨歎者。繫而烙之。曰：爾以萋萋之團費。乃詈官而詬團。其人不。服。烙以死。又焚其居。曰：敢控於臺司者。視此。於是

官與團比而爲盜濟陽之民重足累息團以官爲刃官以團爲隧上言民團安堵無恙使親弁覘之回言官團相得甚歡十二月二十夜鉅野團田磻溪等率眾攻圍城武鄭家莊網人掠物殺數人而去二年二月臨邑團截殺僧營前站官兵數十人責縣令究其事累年不決三月壽張私團李鳳樓艾均回等千餘人焚掠太和團閻文機妻有秦等十餘家官不能詰外此日殺不辜橫行郡縣之團不勝枚舉牧令心有所懲不復稟白悉不具述於是新任巡撫閻敬銘臬使丁寶楨蒞東皆清直忠勇以身率教數月之間平淄川克鄒教靖東昌

各詳前卷

刑政脩明團勢日稠通檄郡縣曰有不率教者以兵討擊之一時牧令頑廉懦立吏治日上民知有官團亦馴擾八月勒令臨邑團散其練丁之有廩給者收繳其威遠大礮及他火器數百調令團總入省隸撫標爲材官帖然莫敢忤惟十二月文訓綱潛回聚眾立遣參將志昌引騎兵知縣劉時霖李翼清將步兵掩擊之文訓自焚廬舍而遁三年獲文訓直隸新城獲綱及弟鐔乃綱黨楊煥高慕林馳京師屬御史富稼劾承緝承審諸員以緩其獄敬銘專疏陳言有旨富稼奪職綱等肆市二月高密令魏慶恩擒僞團劉君弼入省論如律團

亂浸定。先是上年冬月劉君弼李長汰胡得園等數百
 罷日有訛言市肆皆罷慶恩詣郡稟白郡守意有所屬
 曰慎毋遽白臺司君且先獲咎慶恩懼輕騎馳省以
 告首令陶紹緒紹緒曰吾令高密兩年三圍城卽此輩
 車輞房林之才徒也失今不治將成大患閻公賢者必
 不以府君詰且相與入言之閻公曰須兵耶慶恩曰否
 閻曰爾能治之乎曰能聞曰然則何不早爲之所慶恩
 不敢對紹緒曰數年來地方奸民橫恣牧令意在懲一
 儆百輒脅眾圍城若稟白則先以辨理不善罷任或至
 梗化勞師入告則先生牧令爲禍首每至褫職遣戍
 相沿爲成憲矣奸民悉知之故上控之時輒自詡爲以
 父首子其悖妄至此閻曰吁甚已促慶恩卽回縣慶恩
 曰乞公一檄閻曰爾毋慮上司之反覆也卽不能以計
 致之吾遣弁以兵往遂退移晷而檄下慶恩乃輕騎回
 縣君弼等數十要於路請勘災頃已數百人呼嘯喧騰
 以官爲戲慶恩曰吾不能以空言白上台爾等可選曉
 事者數輩入城投狀吾當具言之可必允也眾曰然始
 得脫越十日來者頗眾慶恩悉納其狀慰安良久眾散
 走君弼年六十餘孿嫻不前從者數十密令吏役甘言

欵之繼以酒食日已熏君弼被酒嫚語慶恩出數其罪而執之從者散鼠城已下鍵多躍而下夜梏之赴府其黨有追至平度者郡守不見慶恩有責言慶恩以語附郭掖令蘇名顯名顯繫君弼於獄翼日吏役告慶恩曰車輞房林之人來此何多也頃東巷陌賣餅者三某甲某乙也解前負手徙倚者某甲也酒家促坐者五某某也餘者不辨誰何皆車輞房林語音也慶恩急告名顯揚言閉城大索有數十人踉蹌出再與慶恩詣府守卒不見言有急檄乃見詞色俱怒曰良民也胡措而詣我出巡撫檄示之乃云吾不知惟二君自爲之名顯拂衣出乃教慶恩梏之詣省晝夜行五日而達斃又臨邑逸於獄民始帖然是歲賦稅不煩敲扑而集

犯趙汶煥回籍立私團劫眾焚掠四月敬銘立遣劉時霖率濟安營掩擊之十九日入其巢匪鬪傷官軍猛攻破之汶煥自刎不殊遂纒之斬以徇獲其大礮斬級數十會皖匪復犯東疆御史王師曾奏請飭帶兵提臣

傳振邦總辦登萊青沂四府團練

詔下敬銘體量

敬銘奏言。斂鄉里之財。以爲餉。集耕種之民。以爲兵。於事有害無益。卽傳振邦亦言。本籍之人。不宜再辦團練。臣惟有嚴督地方官。力行堅壁清野之實。無再附會團練禦賊之名。以挽頽風。而弭後患。疏入得旨而罷。

自茲以往。閭丁爲政。嚴而不煩。不多教條。止除害本。先事候情。壞其機牙。姦不得發。發乃立鋤。不著聲色。不爲重輕。問法如何。王誅以成。民安其生。吏得其職。散團力。稽蘇民。軋敵盡。齊環魯。棄惡從德。稚耄嬰遊。無復匪跡。

語多本
昌黎文

書山東軍興紀略後

讀山東軍興紀略而竊有感焉。憶予自辛酉秋七月。權篆臨淄。八月至十月杪。張賴任等捻股東西奔突。遶城而過數十次。入城避難男婦不下數萬人。城小無壕守禦無備。而秋雨獨多。部署丁壯站堞。瞋矐之夕。周巡至明。無敢懈。賊馬數至城下。度鎗得及。賊始發。多折腰勒馬遁。間夜遴精銳。縋城擾襲之。於其奔也。時亦尾截之。計雨夜巡城。達旦彌月。賊始退。督開城壕。壕甫成。陰溼積勞。卧病逾月。始瘳。同治改元三月。又奉檄赴諸城任。緣諸於咸豐之季。被知方僞團害。四境傷亡不計千萬。

人兵劫後復大旱。又劉逆踞淄川。任賴等捻盤踞肆出。充沂間。時逼諸境。圖東指北。值私團改官。旋奉立團營。截賊東遁。汹汹沸騰。朝不及夕。猶憶下車三日。循東坡守密州。城即諸禱雨常山故事。越三日不應。午倦仰卧。默禱上蒼。以奉職無狀。求罷黜黑甜鄉裏。迅雷風烈。一雨三日。大有年。而捻警或日至。日數至。匹馬登陴。幾成書生故知。兩年中禦侮於境上者。不幾數十百次。與飛蝗蔽天。同一不入境。不爲災。中間金陵復髮。逆平。而淄川劉逆亦就滅。任賴等股亦漸蹙。漸遠。軍書旁午。一變而偃武修文。月課士超然臺上。踰年兵銷事舉。士庶改觀。

復舊。溯莅諸之初，羣以從逆，控僞團餘黨者，概置勿究。安反側，靖囂凌也。厥後僞團總長詭邀郵典當具事寔顛末，以褫奪之士論翕然正人心，維風化也。乙丑夏，忽奉調任長清之檄。甫莅長，值捻猶復燃，兢兢城守。城堞爲驛身計，長城堞及腰，增修如式。甫竣，賊剽沿運壕隄，趨戴廟，距長不數十里。圖東下，比賈莊侯林隄成，以後黃迂曲穿運奪濟。下游數十莊，眾於西北境上，剽築攔黃大隄。上游亦聚眾掘挖成巨案，瘡痍無可補救。猶及輕徭薄斂，爲民請命。除有警治軍旅外，無片晷餘閒。兩腿觸溼患癩十數計，卧治逾半月。閩撫軍一再飭

驗始子退閒。此同治丙寅中秋也。計自辛酉起訖五年。與捻患相終始。軍報幾半公牘。戊辰里旋。甲戌東返。山東軍輿紀略書成。光緒己卯。權充沂兵備篆。後檄總書局。翻閱一過。脫漏假借。不獲免。詳繹成書。多具匡略。自陳。卽據而編輯之。後來志乘信史。諒多採擇。爰撮牧令始末軍事於篇末。以識之。聊以例其餘云爾。

光緒乙酉百葶生日總辦書局善化張 曜海藩甫跋

